


মাসিক  
**আত-তাহরীক**

Web: [www.at-tahreek.com](http://www.at-tahreek.com)

৮ম বর্ষ ৪র্থ সংখ্যা  
জানুয়ারী-২০০৫

ধর্ম, সমাজ ও সাহিত্য বিষয়ক গবেষণা পত্রিকা





৮ম বর্ষঃ	৪র্থ সংখ্যা
যুলক্বা'দাহ-যুলহিজ্জাহ	১৪২৫ হিঃ
পৌষ-মাঘ	১৪১১ বাং
জানুয়ারী	২০০৫ ইং

সম্পাদক মণ্ডলীর সভাপতি
ডঃ মুহাম্মাদ আসাদুল্লাহ আল-গালিব
সম্পাদক
মুহাম্মাদ সাখাওয়াত হোসাইন
সহকারী সম্পাদক
মুহাম্মাদ কাবীরুল ইসলাম
সার্কুলেশন ম্যানেজার
আবুল কালাম মুহাম্মাদ সাইফুর রহমান
বিজ্ঞাপন ম্যানেজার
শামসুল আলম

কম্পোজঃ হাদীছ ফাউন্ডেশন কম্পিউটার্স

যোগাযোগঃ

সম্পাদক, মাসিক আত-তাহরীক  
নওদাপাড়া মাদরাসা (বিমান বন্দর রোড),  
পোঃ সপুরা, রাজশাহী। মোবাইলঃ ০১৭৫০০২৩৮০  
মাদরাসা ও 'আত-তাহরীক' অফিস ফোনঃ (০৭২) ৭৬১৩৭৮  
সার্কুলেশন ম্যানেজার মোবাইলঃ ০১৭১-৯৪৪৯১১  
কেন্দ্রীয় 'যুবসংঘ' অফিস ফোনঃ '৭৬১'৭৪১।  
সম্পাদক মণ্ডলীর সভাপতিঃ  
ফোন ও ফ্যাক্সঃ (বাসা) ৭৬০৫২৫।

ই-মেইলঃ [tahreek@lit.rabd.net](mailto:tahreek@lit.rabd.net)  
ওয়েবসাইটঃ [www.at-tahreek.com](http://www.at-tahreek.com)

টাকাঃ

তাওহীদ ট্রাস্ট অফিস ফোন ও ফ্যাক্সঃ ৮৯১৬৭৯২।  
'আন্দোলন' ও 'যুবসংঘ' অফিস ফোনঃ ৯৫৬৮২৮৯।

প্রচ্ছদ পরিচিতিঃ টোমাই মসজিদ, ক্রেনেই।

হাদিয়াঃ ১২ টাকা মাত্র।

হাদীছ ফাউন্ডেশন বাংলাদেশ

কাজলা, রাজশাহী টি কর্তৃক প্রকাশিত এবং  
দি বেঙ্গল প্রেস, রাণীবাজার, রাজশাহী হতে মুদ্রিত।

❖ সম্পাদকীয়	০২
❖ প্রবন্ধঃ	
❑ আহলেহাদীছ আন্দোলন (৩য় কিত্তি) -মুহাম্মাদ আসাদুল্লাহ আল-গালিব	০৩
❑ তাফসীরুল কুরআনঃ কিছু কথা (২য় কিত্তি) -মুহাম্মাদ আসাদুল্লাহ আল-গালিব	০৭
❑ ইসলামী আন্দোলনে বিজয়ের স্বরূপ (২য় কিত্তি) -মুহাম্মাদ আব্দুল মালেক	১৩
❑ ইলমে নাহঃ উৎপত্তি ও বিকাশ (২য় কিত্তি) -নুরুল ইসলাম	১৬
❑ কুরবানীর ফাযায়েল ও মাসায়েল -আত-তাহরীক ডেস্ক	১৯
❖ সাময়িক প্রসঙ্গঃ	
❑ হত্যা, হত্যা, হতবাক -মুহাম্মাদ আব্দুর রহমান	২২
❖ দিশারীঃ	২৪
❑ হে হক্ব পিয়াসী মুমিন! প্রতারণা হতে সাবধান (শেষ কিত্তি) - মুহাম্মাদ বিন মুহসিন	
❖ গল্পের মাধ্যমে জ্ঞানঃ	৩২
❑ একজন দায়িত্বশীল অফিস প্রধান -মুহাম্মাদ আতাউর রহমান	
❖ চিকিৎসা জগৎঃ	
❑ দুর্ঘটনায় দাঁত হারালে করণীয়	৩৩
❖ ক্ষেত-খামারঃ	
❑ খেজুরের পুষ্টিগুণ	৩৪
❖ কবিতাঃ	৩৫
❖ সোনামণিদের পাতাঃ	৩৬
❖ স্বদেশ-বিদেশ	৩৭
❖ মুসলিম জাহান	৪২
❖ বিজ্ঞান ও বিশ্বয়	৪৩
❖ সংগঠন সংবাদ	৪৪
❖ জনমত কলাম	৪৬
❖ ধর্মোত্তর	৪৭

## সম্পাদকীয়

## ভারতীয় চেতনা বনাম মুক্তিযুদ্ধের চেতনা

বিগত ১১ই ডিসেম্বরের 'গণ অনাহার' প্রাচীরকে সামনে রেখে দেশের খ্যাতিমানা ট্রান্সপারেন্ট ব্যক্তিত্ব হঠাৎ গোপনে গত ৩০শে নভেম্বর মঙ্গলবার নয়াদিল্লী সফরে গিয়ে সেদেশের প্রতিরক্ষা মন্ত্রী ও পোল্যান্ড প্রধান সহ অন্যান্য নেতৃবৃন্দের সঙ্গে সাক্ষাত শেষে ৪ঠা ডিসেম্বর শনিবার দেশে ফিরলেন। অতঃপর বিজয় দিবস উপলক্ষে ১৫ই ডিসেম্বর বুধবার ঢাকায় 'বাংলাদেশ-ভারত সৈন্যী সমিতি' আয়োজিত আলোচনা সভায় প্রধান অতিথির ভাষণে বললেন, ১৯৭১-এ আমরা পাকিস্তানের সাম্প্রদায়িকতার বিরুদ্ধে যুদ্ধ করেছিলাম। বাংলাদেশকে একটি উদার মুসলিম রাষ্ট্রে পরিণত করার জন্য স্বাধীনতাযুদ্ধ করিনি। অথচ বাংলাদেশকে এখন একটি মুসলিম রাষ্ট্রে পরিণত করার মাধ্যমে মুক্তিযুদ্ধের সেই চেতনাকে চ্যালেঞ্জ করা হচ্ছে। আর এর ফলে বাংলাদেশের স্বাধীনতা-সার্বভৌমত্ব বর্তমানে ভয়াবহ বিপদের সন্মুখীন হয়ে পড়েছে'। তিনি বলেন, মুক্তিযুদ্ধের চেতনার শরীক ভারতও। কারণ ভারতের রাষ্ট্রীয় মূলনীতি ও আদর্শিক চেতনা এবং বাংলাদেশের স্বাধীনতার মূলনীতি ও মুক্তিযুদ্ধের চেতনা এক ও অভিন্ন। একারণেই বাংলাদেশের মুক্তিযুদ্ধে ভারত সহায়তা দেয়। তাই মুক্তিযুদ্ধের এ চেতনাকে রক্ষা করতে এখন ভারতকে অবশ্যই এগিয়ে আসতে হবে'। তিনি বর্তমান ছোট সরকারের সাথে নীতিগত কোন সম্পর্ক না রাখার জন্য ভারতের প্রতি আহ্বান জানান। অনুষ্ঠানের বিশেষ অতিথি ঢাকায় ভারতীয় ডেপুটি হাই কমিশনার সর্বাঙ্গী চক্রবর্তী বলেন, বাংলাদেশের ভিতর দিয়ে ট্রান্সজিটের জন্য আমরা আর বেশীদিন অপেক্ষা করতে পারি না'। বিরাজমান পানি সমস্যা সম্পর্কে তিনি বলেন, বাংলাদেশকে ভারত প্রয়োজনের তুলনায় অনেক বেশী পানি দিচ্ছে। বাণিজ্য বৈষম্য সম্পর্কে তিনি বলেন, দুটি দেশের বাণিজ্য ভারসাম্যহীনতা ভবিষ্যতে খুব একটা কমার সম্ভাবনা নেই'।

উপরোক্ত বক্তব্যগুলি একটি স্বাধীন দেশের রাজধানীতে বসে কোন বিদেশী কর্মকর্তা বলতে পারেন, ইতিপূর্বে আমাদের জানা ছিল না। তার চেয়ে বিশ্বাসের ব্যাপার হ'ল এই যে, তাকে এসব কথা বলার সাহস যুগিয়েছেন এদেশেরই কিছু দলনেতা। যারা বাংলাদেশের স্বাধীনতা টিকে থাকার মূল চেতনার আঘাত করেছেন। যে চেতনা ধ্বংস করা ব্যতীত এপার বাংলা-ওপার বাংলা মিলে গিয়ে ভারতের মধ্যে একীভূত হওয়া কিংবা নিদেন পক্ষে তার আশ্রিত রাষ্ট্রে পরিণত হওয়া সম্ভব নয়। সে চেতনার নাম হ'ল 'ইসলাম'। ইসলামী চেতনাই পূর্ববঙ্গকে পশ্চিমবঙ্গ থেকে পৃথক রাজনৈতিক মর্যাদা দিয়েছে এবং আজকের পৃথিবীর অন্যতম ঈর্ষনীয় স্বাধীন রাষ্ট্রে পরিণত হওয়ার সুযোগ দান করেছে। আজ আমরা ভারতের একটি প্রদেশ থাকলে যেসকল ব্যক্তি এখন জাতীয় নেতা বনেছেন, তারা তখন পাতি নেতা হবারও সুযোগ পেতেন না। যারা এখন একটি জাতীয় সেনাবাহিনীর সর্বোচ্চ পদে এসেছেন, বা মন্ত্রী-প্রতিমন্ত্রী ও বড় আমলা হয়েছেন, তারা তখন কত দর্জা নীচে থাকতেন, তার হিসাব থাকতো না। যে চেতনাকে বাঁচাতে গিয়েই নবাব সলিমুল্লাহ, ফয়লুল হক, সোহরাওয়ার্দী ও সনুর খানের মত নেতৃগণ সেদিন জ্ঞান ব্যক্তি রেখে গৌড়া সাম্প্রদায়িক হিন্দু নেতাদের বিরুদ্ধে লড়েছিলেন। ১৯৪৬ সালে কলিকাতা রায়টের রক্তাক্ত দিনগুলিতে হোসেন শহীদ সোহরাওয়ার্দী সামনে বুক পেতে না দিলে আরও হাজার হাজার মুসলমান সেদিন শহীদ হয়ে যেত। মুহাম্মাদ আলী জিন্নাহর রাজনৈতিক প্রজ্ঞার কারণেই আমরা পূর্ব পাক্সবের বিনিময়ে পার্বত্য চট্টগ্রাম পেয়েছিলাম। খান এ, সনুর, না থাকলে আমরা বৃহত্তর খুলনা-যশোরকে হারাতাম। তবুও গান্ধী-নেহরু-প্যাটেলের ষড়যন্ত্রে মুসলিম সংখ্যাগরিষ্ঠ কার্যকর পাকিস্তানের হাতছাড়া হয়েছে। হাতছাড়া হয়েছে মুর্শিদাবাদ-মালদহ এবং সিলেটের করিমগঞ্জ সহ বহু মুসলিম সংখ্যাগরিষ্ঠ এলাকা, যা ছিল পূর্ব পাকিস্তানের প্রাণ্য। বাংলাদেশ আজ সেই মানচিত্রের উপরেই দাঁড়িয়ে আছে। সেদিন শেরে বাংলা ফয়লুল হকের পেশকৃত লাহোর প্রস্তাবের আলোকে 'পূর্ব পাকিস্তান' স্বাধীন রাষ্ট্রের মর্যাদা পেলে আমাদেরকে ১৯৭১-এর রক্তাক্ত ইতিহাসের সন্মুখীন হ'তে হতো না। সেই প্রস্তাবেই অবশেষে বাস্তবায়িত হয়েছে। তবে তাদের মৃত্যুর পরে অনেক ত্যাগের বিনিময়ে। পশ্চিম পাকিস্তানের অদূরদর্শী ও হঠকারী নেতারা ছিল পাকিস্তান ভাঙ্গার জন্য দায়ী। তাদের যুলুম ও অত্যাচারে অতিষ্ঠ এদেশের মানুষের পুঞ্জীভূত ক্ষোভ ও অন্তর্জ্বালকে সুযোগমত ব্যবহার করেই ভারত তার জনশত্রু পাকিস্তানকে ভেঙ্গে ফেলতে চেয়েছিল। তারা ত্রাণকর্তা সেজে অর্থ ও অস্ত্র দিয়ে অবশেষে নিজ দেশের সেনাবাহিনী দিয়ে সরাসরি যুদ্ধে অবতীর্ণ হয়েছিল এবং অপ্রতুত 'সহায়' আমাদের নেতাদেরকে লক্ষ্যকর গোলামী চুক্তিতে বাধ্য করেছিল। পাকিস্তানীদের সকল অস্ত্রশস্ত্র এবং এদেশের বড় বড় শিল্প প্রতিষ্ঠানের কয়েক হাজার বেগুটি টাকার কল-কজা যন্ত্রপাতি সব তারা লুটে নিয়েছিল। প্রতিবাদ করার মেজর জলিল খেফতার হলেন। মাওলানা ভাসানী মুক্তিযুদ্ধের নয় মাস কার্যতঃ গৃহবন্দী থাকলেন। প্রেসিডেন্ট শেখ মুজিব ১৯৭৪ সালে ভারতের আকাশ দিয়ে উড়ে গিয়ে তাদের সত্কক্ষুকে জোয়ান্দা না করেই লাহোরে অনুষ্ঠিত 'ইসলামী সম্মেলন সংস্থা'র বৈঠকে যোগদান করলেন। তাঁকে বাণে ফেরানো মুশকিল বুললে ষড়যন্ত্রকারীরা। অতএব তখনকার টালমাটাল রাজনৈতিক অবস্থার সুযোগে সেনাবাহিনীর কিছু ক্ষুদ্র ব্যক্তিকে কাজে লাগালো তারা। প্রতিফল তিনি পেলেন মর্মান্তিকভাবে। সেদিন তাকে কোন 'রাযাকার' (রেযাকার) মারেনি। মেরেছিল তাঁরই বিশ্বাসী লোকেরা। সেদিন এর প্রতিবাদে বর্তমান নেতারা টু শব্দটি পর্যন্ত করেননি, বরং নেতার লাশ সিঁড়িতে ফেলে রেখে দৌড়ে গিয়ে মন্ত্রীত্বের 'শপথ' নিয়েছিলেন। ভারাই এখন নেতাপ্রেমের গদগদ হয়ে অথবা দেশটাকে রাখাকার ও মুক্তিযোদ্ধা, স্বাধীনতার পক্ষ ও বিপক্ষ শক্তিতে ভাগাভাগি করে 'বিভক্ত কর ও রাজনীতি কর' এই নোরা ও পিচ্ছিল পথ ধরে এগিয়ে চলেছেন। অথচ বিশাল হৃদয় শেখ মুজিব ও জিয়াউর রহমান এসব বিভক্তি শেষ করে দিয়ে গেছেন।

এসব নেতারা মুক্তিযুদ্ধ করেছেন হয়তবা কলিকাতার হোটেল বসে। আর আমরা তা প্রত্যক্ষ করেছি গ্রামে-গঞ্জে নির্ধারিত মানুষের মধ্যে থেকে। এদেশের মানুষ পশ্চিম পাকিস্তানীদের যুলুমের বিরুদ্ধে ছিল। কিন্তু ইসলামী আদর্শের বিরুদ্ধে ছিল না। আমরা কখনোই করাচীর গোলামী ছিন্ত করে দিল্লীর দাসত্বের শৃংখলে বর্ণনা হ'তে চাইনি। একটা সাধারণ কুলি-মজুর পর্যন্ত এতে বিশ্বাসী ছিল না। 'জয় বাংলা'-র বদলে 'লা ইলাহা ইল্লাল্লাহ' বলায় অসংখ্য তরুণকে সেদিন পাখির মত গুলি হয়ে মরতে দেখেছি। অথচ ট্রান্সপারেন্ট নেতারা এখন ভারতীয় চেতনা ও মুক্তিযুদ্ধের চেতনাকে এক করে দেখছেন। যার সহজ-সরল অর্থ হ'ল ভারতীয় চেতনা ও রাষ্ট্র সত্তার মধ্যে বিলীন হয়ে যাওয়া।

তারা বলেছেন, বাংলাদেশকে একটি উদার মুসলিম রাষ্ট্রে পরিণত করার জন্য স্বাধীনতা যুদ্ধ করিনি, তাহ'লে কি নেতারা এদেশটিকে গোড়া হিন্দুরাই বানাতে চাচ্ছেন? যারা প্রতিদিন ভারতে মুসলমানদের রক্ত বরাচ্ছে। যাদের ভয়ে সেখানকার মুসলমানেরা মসজিদে মাইকে আযান দিতে পারে না, কুরবানীতে গরু বাবেই করতে পারে না। যাদের কথিত ধর্মনিরপেক্ষতা ও গণতন্ত্রের আত্মসানে সেদেশের শিক্ষা-নীক্ষা, চাকুরী-বাকুরী, ব্যবসা-বাণিজ্য সকল ক্ষেত্রে মুসলমানদেরকে অধিকার বঞ্চিত করা হচ্ছে। যে 'বৃহত্তম' রদ করে দুই বাংলাকে এক করার অভিলাষে রবীন্দ্রনাথ ঠাকুর 'বাংলা' মায়ের বন্দনা গেয়ে কবিতা লিখে হিন্দুনেতাদের উত্তেজিত করলেন, সেই গানটিকে সেদিন নেতারা বাংলাদেশের জাতীয় সঙ্গীত বানালেন। যে গান এদেশের সংখ্যাগরিষ্ঠ মুসলিম জনগণের তাওহীদী চেতনার সম্পূর্ণ বিরোধী এবং বাংলাদেশের স্বাধীনতা ও অখণ্ডতার বিরোধী। নেতারা এখন তাই ভারতকে ডেকে আনতে চাচ্ছেন 'চেতনা' উদ্ধার করার জন্য। ভারত এখনে এলে এবার চেতনা উদ্ধার করবে না, দেশের স্বাধীনতা উদ্ধার করে ছাড়বে। ঠিক যেভাবে আফগানিস্তান ও ইরাকে আমেরিকা 'গণতন্ত্র' উদ্ধার করতে এসেছে। যেভাবে লেন্দুপ দর্জির আহ্বানে ভারত সিকিমকে ধাস করে নিয়েছে। নেতারা যদি সেটা করতে চান, তবে মারাত্মক তুল করবেন। যেমন তুল করেছিল মীরজাফর ক্রাইভকে ডেকে এনে নিজেদের নবাবির স্বার্থে।

বাংলাদেশকে যারা প্রতিবছর শুকিয়ে ও ডুবিয়ে মারছে এবং পর্বত প্রমাণ বাণিজ্য বৈষম্য ও চোরাতালানীর মাধ্যমে দেশের অর্থনীতি তকে পশু করে দিচ্ছে, সেই চিহ্নিত প্রতিবেশীর একজন ডেপুটি হাই কমিশনার আমাদের নেতাদের সামনে আমাদের রাজধানীতে বসে হুকমি দিচ্ছে ট্রান্সজিটের জন্য আমরা আর বেশীদিন অপেক্ষা করতে পারি না'। বাংলাদেশকে ভারত প্রয়োজনের তুলনায় অনেক বেশী পানি দিয়েছে'। তাহ'লে তাঁরা কি যরদস্তি ট্রান্সজিট আদায় করবেন? তারা কি তাহ'লে পানি একেবারেই বন্ধ করে দিবেন? এভাবে বাণিজ্য শোষণ চলিয়েই যাবেন? এগুলো শুনেও যেসকল নেতা হুগ করে থাকেন, তাদের দেশপ্রেমকে আমরা সন্দেহ করি। যদি বলি, ১৯৭৪-এর মুজিব-ইন্দিরা চুক্তির ফলে তারা বেহুসড়াই নিয়ে নিল। কিন্তু বিনিময়ে তিন বিঘা করিডোর কেন আজও পুরোপুরি দেয়নি? কেন তারা বাংলাদেশের সীমানায় জেমে ওঠা বিশাল চর দক্ষিণ তালপাটী দ্বীপ দখল করে রেখেছে? আমাদের নেতারা কি কখনো তাহলে কাছে এসব বিষয়ে কৈফিয়ত চেয়েছেন? তাই বলি, ভারতের নেতাদের আদর্শিক চেতনা হ'ল নিজ দেশের অহিন্দুদের নির্ধাতন ও বঞ্চিত করা এবং প্রতিবেশী দেশগুলোকে শোষণ, লুণ্ঠন ও দখল থাকা। আর আমাদের জনগণের আদর্শিক চেতনা হ'ল আত্মাহুতর গোলামীর অধীনে হিন্দু-মুসলিম সকল নাগরিকের সমানাধিকার নিশ্চিত করা ও নিজেদের স্বাধীন অস্তিত্ব নিয়ে মাথা উঁচু করে দাঁড়িয়ে থাকা। ভারতীয় নেতাদের আদর্শিক চেতনা হ'ল 'বদে মাতরম' 'জয় হিন্দ' ও 'জয় বাংলা'। পক্ষান্তরে বাংলাদেশের সংখ্যাগরিষ্ঠ মানুষের আদর্শিক চেতনা হ'ল 'লা ইলাহা ইল্লাল্লাহ'। এই চেতনাকে বোমা মেরে হত্যা করা যাবে না। নিরপেক্ষে মুক্তিযোদ্ধা মেজর জলিলের চেতনা ও নেতা আব্দুল জলিলের চেতনা এক নয়। যেমন এক ছিল না মুক্তিযোদ্ধা মেজর জিয়ার চেতনা ও খালেদ মোশাররফের চেতনা। এক ছিল না মাওলানা ভাসানীর চেতনা ও চিহ্নিত রাজনৈতিক নেতা ও বুদ্ধিজীবীদের চেতনা। আমরা উভয় দেশের নেতাদেরকে উভয় দেশের স্বাধীনতা ও সংখ্যাগরিষ্ঠ জনগণের আদর্শিক চেতনার প্রতি সম্মান প্রদর্শনের আহ্বান জানাই। আল্লাহ আমাদের সহায় হোন- আমীন! (স.স.)।

## প্রবন্ধ

### হাদীছ আন্দোলন

মুহাম্মাদ আসাদুল্লাহ আল-গালিব

(৩য় কিস্তি)

#### আহলুল হাদীছ ও আহলুর রায়ঃ

‘আহলুল হাদীছ’ অর্থ হাদীছের অনুসারী। ‘আহলুর রায়’ অর্থ রায়-এর অনুসারী। পবিত্র কুরআন ও ছহীহ হাদীছের ভিত্তিতে যারা জীবন সমস্যার সমাধান তাল্লাশ করেন, তাঁদেরকে ‘আহলুল হাদীছ’ বলা হয়। পক্ষান্তরে... পূর্বসূরী কোন বিদ্বানের রচিত কোন ফিক্‌হী উছুল বা ব্যবহারিক আইন সূত্রের ভিত্তিতে যারা জীবন সমস্যার সমাধান নেন, শাহ অলিউল্লাহর ভাষায় তাদেরকে ‘আহলুর রায়’ বলা হয়। আহলুর রায়গণ উদ্ধৃত কোন সমস্যার সমাধান রাসূলের হাদীছ ও ছাহাবায়ে কেরামের আছারের মধ্যে তাল্লাশ না করে পূর্ব যুগে কোন মুজতাহিদ ফক্‌হীহের গৃহীত কোন ফিক্‌হী সিদ্ধান্ত বা ফিক্‌হী মূলনীতির সঙ্গে সাদৃশ্য বিধানের চেষ্টা করে থাকেন এবং তার উপরে ক্বিয়াস বা উপমান পদ্ধতির মাধ্যমে বিভিন্ন শাখা-প্রশাখা বের করে থাকেন। ২৮ এভাবে প্রায় সকল বিষয়ে তিনি তাঁর অনুসরণীয় ইমাম বা ফক্‌হীহ-এর পরিকল্পিত ‘উছুলে ফিক্‌হ’ বা ব্যবহারিক আইনসূত্র সমূহের দিকে প্রত্যাবর্তন করেন। ফলে অনেক ক্ষেত্রে তাঁরা ছহীহ হাদীছের উর্ধ্বে ব্যক্তির রায়কে অগ্রাধিকার দিয়ে থাকেন।

পক্ষান্তরে আহলুল হাদীছগণ সর্বাবস্থায় পবিত্র কুরআন ও ছহীহ হাদীছের সিদ্ধান্তকে সবার উর্ধ্বে স্থান দেন এবং যে কোন ব্যক্তির হাদীছ বিরোধী রায়কে প্রত্যাখ্যান করেন। তাঁরা রায়-এর ভিত্তিতে কুরআন-হাদীছ যাচাই করেন না। বরং কুরআন ও হাদীছের ভিত্তিতে রায়কে যাচাই করেন। তাঁরা ‘অহি’-কে ‘রায়’ বা মানবিক জ্ঞান-এর উপরে অগ্রাধিকার দেন এবং ‘রায়’-কে ‘অহি’-র ব্যাখ্যাকারী বলে মনে করেন। কুরআন বা ছহীহ হাদীছের সিদ্ধান্ত নিজের বা নিজের অনুসরণীয় কোন ব্যক্তির রায় বা আইনসূত্রের পরিপন্থী হলে তাঁরা বিভিন্ন অজুহাতে হাদীছ প্রত্যাখ্যান করেন না; বরং হাদীছের সিদ্ধান্তকে মাথা পেতে গ্রহণ করেন। আহলেহাদীছগণ ‘ইজতিহাদে’ বিশ্বাসী এবং তা সকল যুগের সকল যোগ্য আলেমের জন্য উন্মুক্ত বলে মনে করেন। তাঁরা ঐ ধরনের ইজতিহাদ বা রায় ও ক্বিয়াসে বিশ্বাসী, যা কুরআন, ছহীহ হাদীছ ও ইজমায়ে ছাহাবার উপরে ভিত্তিশীল।

এ কারণে ইমাম মালেক, শাফেঈ, আহমাদ, ইসহাক, ইমাম বুখারী প্রমুখ উম্মতের সেরা ফক্‌হীহ ও মুজতাহিদগণকে

২৮. শাহ অলিউল্লাহ, ‘হুজ্জাতুল্লাহিল বালিগাহ’ (কায়রোঃ ১৩২২ হিঃ) ১/১২৯ পৃঃ; বিস্তারিত জানার জন্য ‘আহলুল হাদীছ ও আহলুর রায়-এর পার্থক্য’ শীর্ষক আলোচনা দ্রষ্টব্যঃ এ, পৃঃ ১১৮-১২২।

‘আহলুর রায়’ না বলে বরং ‘আহলুল হাদীছ’ বলা হয়। পক্ষান্তরে হাদীছের সংগ্রহ কম থাকার কারণে নিজের রায় ও ক্বিয়াসের উপরে অধিক নির্ভরশীল হওয়ার ফলে ইমাম আবু হানীফা (রহঃ)-কে ‘আহলুর রায়দের ইমাম’ বলা হয়ে থাকে। যেমন মরক্কোর জগদ্বিখ্যাত ঐতিহাসিক ও সমাজবিজ্ঞানী আব্দুর রহমান ইবনু খলদুন (৭০২-৮০২ হিঃ) বলেন,

وَأَنْقَسَمَ الْفَقْهُ فِيهِمْ إِلَى طَرِيقَتَيْنِ، طَرِيقَةُ أَهْلِ الرَّأْيِ وَالْقِيَاسِ وَهُمْ أَهْلُ الْعِرَاقِ وَطَرِيقَةُ أَهْلِ الْحَدِيثِ وَهُمْ أَهْلُ الْحِجَازِ وَكَانَ الْحَدِيثُ قَلِيلًا فِي أَهْلِ الْعِرَاقِ... فَاسْتَكْتَرُوا مِنَ الْقِيَاسِ وَهَرَوُوا فِيهِ، فَلِذَاكَ قِيلَ أَهْلُ الرَّأْيِ وَمُقَدِّمُ جَمَاعَتِهِمُ الَّذِي اسْتَقَرَّ الْمَذْهَبُ فِيهِ وَفِي أَصْحَابِهِ أَبُو حَنِيفَةَ -

‘(আহলেসুন্নাত বিদ্বানগণের মধ্যেও যুক্তিবাদের চেউ লাগে) ফলে তাদের মধ্যে ফিক্‌হ শাস্ত্র ‘আহলুল হাদীছ’ ও ‘আহলুর রায়’ নামে দু’টি প্রধান ধারায় বিভক্ত হয়ে যায়। একটি হ’লঃ রায় ও ক্বিয়াসপন্থীদের তরীকা। তারা হ’লেন ইরাকের অধিবাসী। দ্বিতীয়টি হ’লঃ হাদীছপন্থীদের বা আহলুল হাদীছদের তরীকা। তারা হ’লেন হেজাজের (মক্কা-মদীনার) অধিবাসী। ইরাকীদের মধ্যে হাদীছ খুবই কম ছিল... ফলে তারা ক্বিয়াস বেশী করেন ও এতে দক্ষতা অর্জন করেন। আর একারণেই তারা ‘আহলুর রায়’ বা রায়পন্থী নামে অভিহিত হয়েছেন। এই দলের নেতা ছিলেন আবু হানীফা, যার নামে একটি মাযহাব প্রতিষ্ঠা লাভ করেছে’। ২৯ উল্লেখ্য যে, ইরাকেই সর্বপ্রথম হাদীছ জাল করা শুরু হয়। এদিকে ইঙ্গিত করেই ইমাম ইবনু শিহাব যুহরী (৫০-১২৪ হিঃ) বলেন, ‘আমাদের এখান থেকে এক বিঘত পরিমাণ একটি হাদীছ বের হয়ে ইরাক থেকে এক হাত পরিমাণ লম্বা হয়ে ফিরে আসে’। ইমাম মালেক (৯৩-১৭৯ হিঃ) ইরাককে ‘হাদীছ ভাঙ্গানোর কারখানা’ (دَارُ الضَّرْبِ) নামে আখ্যায়িত করেছেন। অর্থাৎ একটি ছহীহ হাদীছের মধ্যে অসংখ্য যোগ-বিয়োগ করে তাকে ভাঙ্গিয়ে প্রচার করা হয়। ৩০ ইমাম আবু হানীফা (রহঃ) ছিলেন ইরাকের কুফা নগরীর অধিবাসী এবং তাঁর প্রধান শিষ্যগণ ছিলেন সেখানকার। এজন্য তাঁর অনুসারীদেরকে হানাফী, কুফী, আহলুর রায়, আহলুল কুফা, আহলুল ইরাক ইত্যাদি নামে অভিহিত করা হয়ে থাকে।

২৯. আব্দুর রহমান ইবনু খলদুন, তারীখ (বৈরুতঃ মুওয়াসসাআতুল আলমামী, তাবি) মুকাদ্দামা ১/৪৪৬।

৩০. ডঃ মুহতশা সাব্বি, আস-সুন্নাহ (বৈরুতঃ আল-মাকতাবুল ইসলামী, ৪র্থ সংস্করণ ১৪০৫/১৯৮৫) পৃঃ ৭৯।



তাক্বলীদে শাখ্বহীঃ তার তাক্বলীদ 'ক্বালাদাহ' হ'তে গৃহীত। যার অর্থ 'গলাবন্ধ'। তাক্বলীদ-এর আভিধানিক অর্থঃ গলায় রশি বাঁধা। পারিভাষিক অর্থঃ قَبُولُ قَوْلِ الْغَيْرِ مِنْ غَيْرِ 'শারঈ বিষয় কারু কোন কথা বিনা দলীলে মেনে নেওয়া'। পক্ষান্তরে 'ইত্তেবা'র আভিধানিক অর্থঃ পদাংক অনুসরণ করা। পারিভাষিক অর্থঃ قَبُولُ قَوْلِ الْغَيْرِ مَعَ دَلِيلٍ 'শারঈ বিষয়ে কারু কোন কথা দলীল সহ মেনে নেওয়া'। তাক্বলীদ হ'ল রায়-এর অনুসরণ এবং ইত্তেবা হ'ল দলীলের অনুসরণ। উল্লেখ্য যে, কোন আলেমের ছহীহ দলীল ভিত্তিক কোন কথাকে মেনে নেওয়ার নাম 'তাক্বলীদ' নয়, বরং তা হ'ল 'ইত্তেবা'। অনুরূপভাবে কোন আলেমের দেওয়া ফৎওয়ার বিপরীতে কোন ছহীহ দলীল পাওয়া গেলে উক্ত ফৎওয়া পরিত্যাগ করে ছহীহ দলীলের অনুসরণ করাকে বলা হয় 'ইত্তেবা'। ছাহাবায়ে কেলাম ও তাবেঈনে এযামের যুগে তাক্বলীদের কোনরূপ নামগন্ধ ছিল না। বরং তাঁদের দলীলভিত্তিক কথার অনুসরণকে অনেকে 'তাক্বলীদ' বলে ভুল বুঝিয়ে থাকেন।

আহলেহাদীছ আন্দোলন ও অন্যান্য ইসলামী আন্দোলনের মধ্যে মৌলিক পার্থক্য হ'ল 'তাক্বলীদে শাখ্বহী' বা অন্ধ ব্যক্তিগণা। ২য় শতাব্দী হিজরীর পরে প্রচলিত তাক্বলীদের আবির্ভাব ঘটে। অতঃপর ৪র্থ শতাব্দী হিজরীতে বিভিন্ন ইমামের নামে বিভিন্ন তাক্বলীদী মাযহাবের প্রচলন হয়।

শাহ অলিউল্লাহ দেহলভী (রহঃ) বলেন,

اعْلَمُ أَنَّ النَّاسَ كَانُوا قَبْلَ الْمِائَةِ الرَّابِعَةِ غَيْرَ مُجْتَمِعِينَ عَلَى التَّقْلِيدِ الْخَالِصِ لِمَذْهَبٍ وَاحِدٍ بَعِيْنِهِ

'জেনে রাখ হে পাঠক! ৪র্থ শতাব্দী হিজরীর পূর্বে কোন মুসলমান নির্দিষ্টভাবে কোন একজন বিদ্বানের মাযহাবের তাক্বলীদের উপরে সংঘবদ্ধ ছিল না'। ... কোন সমস্যা সৃষ্টি হ'লে লোকেরা যেকোন আলেমের নিকট থেকে ফৎওয়া জেনে নিত। এ ব্যাপারে কারু মাযহাব যাচাই করা হ'ত না'।<sup>৩১</sup>

হাফেয শামসুদ্দীন যাহাবী (৬৭৩-৭৪৮ হিঃ) তৃতীয় শতাব্দী হিজরীর শেষদিকের অবস্থা বর্ণনা করতে গিয়ে বলেন, 'এই সময় 'আহলুর রায়' (হানাফী) ফক্বীহদের নেতৃস্থানীয় অনেক আলেম, মু'তাযিলা, শী'আ ও কালাম শাস্ত্রবিদ (দার্শনিক) গণের স্তম্ভ বিশেষ বহু পণ্ডিত বর্তমান ছিলেন, যারা যুক্তিবাদের উপরে ভিত্তি করে চলতেন এবং নবীর হাদীছকে কঠিনভাবে আঁকড়ে থাকার সালাফে ছালেহীনের তরীকা

এড়িয়ে চলতেন। এই সময় ফক্বীহদের মধ্যে তাক্বলীদ আত্মপ্রকাশ করে ও ইজতিহাদের অবক্ষয় শুরু হয়'।<sup>৩২</sup>

ইমাম গায্বালী (৪৫০-৫০৫ হিঃ) বলেন, খুলাফায়ে রাশেদীনের যুগ শেষ হবার পরে ইসলামী খেলাফত এমন সব লোকদের কৃষ্ণিগত হয়ে পড়ে, যারা শারঈ বিধানে ছিলেন অনভিজ্ঞ। ফলে তারা সকল বিষয়ে ফক্বীহদের উপরে নির্ভরশীল হয়ে পড়েন এবং তাদেরকে বিভিন্ন সরকারী পদে তলব করা হ'তে থাকে। ফলে তখন লোকেরা ইলম শিখতে লাগল সম্মান ও প্রতিপত্তি হাছিলের মাধ্যম হিসাবে। মুসলিম পণ্ডিতগণের কেউ কেউ কালাম শাস্ত্রের উপরে গ্রন্থ রচনা শুরু করেন। সেখানে বহু কুটতর্কের অবতারণা করা হ'ল। এই সময় শাসকগণ হানাফী ও শাফেঈ ফিক্বহের পারস্পরিক শ্রেষ্ঠত্ব প্রমাণের উদ্দেশ্যে বিতর্ক অনুষ্ঠানের প্রতি আগ্রহী হ'লেন। ফলে বিদ্বানগণ উক্ত দুই মাযহাবের মধ্যকার বিতর্কিত বিষয় সমূহের পক্ষে ও বিপক্ষে যুক্তি সমূহের শ্রেষ্ঠত্ব প্রমাণের প্রতিযোগিতায় নেমে পড়েন এবং বহু ঝগড়া ও অসংখ্য বই-পুস্তকাদি প্রণয়ন করেন। এইভাবে স্ব স্ব মাযহাবের পক্ষে সুস্বাস্থ্যবিশিষ্ট তাৎপর্য সমূহ উদ্ধার করাকেই তারা তাদের মৌল উদ্দেশ্য হিসাবে গণ্য করেন। এই অবস্থা এখনও চলছে। আমরা জানি না ভবিষ্যতের লিখন কি আছে? (সংক্ষেপায়িত)।<sup>৩৩</sup>

অতঃপর শাহ অলিউল্লাহ দেহলভী বলেন, '(হে পাঠক!) বর্তমান সময়ে বিশ্বের প্রায় সকল অঞ্চলে তুমি মুসলমানদের দেখবে যে, তারা বিগত কোন একজন মুজতাহিদ বিদ্বানের মাযহাবের অনুসরণ করে থাকে। তারা মনে করে যে, একটি মাসআলাতেও যদি ঐ বিদ্বানের তাক্বলীদ হ'তে সে বেরিয়ে আসে, তাহলে হয়তবা সে মুসলিম মিল্লাত থেকেই খারিজ হয়ে যাবে। ঐ বিদ্বান যেন একজন নবী, যাকে তার কাছে প্রেরণ করা হয়েছে (كَانَ) এবং যার অনুসরণ তার উপরে ফরয

করা হয়েছে। অথচ ৪র্থ শতাব্দী হিজরীর পূর্বে কোন মুসলমান কোন একটি নির্দিষ্ট মাযহাবের অনুসারী ছিলেন না।<sup>৩৪</sup>

আহলেহাদীছের ইস্তিদলালী পদ্ধতিঃ শাহ অলিউল্লাহ দেহলভী (রহঃ) ইসলামী বিধান প্রণয়নে আহলেহাদীছ বিদ্বানদের অনুসৃত 'ইস্তিদলালী পদ্ধতি' বা দলীল গ্রহণের নীতিমালা বর্ণনা করতে গিয়ে বলেন, '(১) কোন বিষয়ে কুরআনের স্পষ্ট নির্দেশ পেলে তাঁরা তাই গ্রহণ করেন। অন্যদিকে মুখ ফিরানোকে তাঁরা জায়েয মনে করেন না (২) কোন বিষয়ে কুরআনের কোন নির্দেশ অস্পষ্ট হ'লে সেক্ষেত্রে 'সুন্নাহ' ফায়ছালাকারী হবে। উক্ত হাদীছ সর্বত্র

৩২. যাহাবী, তাযকেরাতুল হুফফায় (দ্বিতীয় ছাপা, জাবি) ২/২৬৭ পৃঃ।

৩৩. শাহ অলিউল্লাহ, হুজ্বাতুল্লাহিল বালিগাহ ১/১৫৩ পৃঃ।

৩৪. শাহ অলিউল্লাহ, তাফহীমাতে ইলাহিয়াহ (ইউ.পি.বিজ্ঞানীর ১৩৫৫/১৯৩৬) ১/১৫১ পৃঃ।

৩১. শাহ অলিউল্লাহ, হুজ্বাতুল্লাহিল বালিগাহ ১/১৫২-৫৩ চতুর্থ শতাব্দী ও তার পরের লোকদের অবস্থা বর্ণনা অনুচ্ছেদ।

প্রচারিত থাকুক বা না থাকুক, তার উপরে ছাহাবীগণ বা ফক্বীহগণ আমল করুন বা না করুন। কোন বিষয়ে 'হাদীছ' পাওয়া গেলে তার বিপরীতে কোন ছাহাবীর 'আছার' কিংবা কোন মুজতাহিদের 'ইজতিহাদ' গ্রহণযোগ্য হবে না (৩) সার্বিক প্রচেষ্টার পরেও কোন বিষয়ে হাদীছ না পাওয়া গেলে আহলেহাদীছগণ ছাহাবী ও তাবৈঈগণের যেকোন একটি জামা'আতের সিদ্ধান্ত অনুসরণ করেন। এক্ষেত্রে তাঁরা কোন একটি দল, শহর বা এলাকার অধিবাসীকে নির্দিষ্টভাবে অগ্রগণ্য করেন না (৪) যদি কোন বিষয়ে খুলাফায়ে রাশেদীন ও ফক্বীহগণ একমত হন, তবে তাকেই তাঁরা যথেষ্ট মনে করেন (৫) কিন্তু যদি সেখানে মতভেদ থাকে, তবে তাঁদের মধ্যে যিনি সর্বাধিক বিদ্বান, পরহেয়গার ও স্মৃতিধর তাঁর কথা অথবা তাঁদের মধ্যকার সর্বাধিক প্রসিদ্ধ কথাটি গ্রহণ করেন (৬) যখন কোন বিষয়ে সমশ্রেণীভুক্ত দু'টি বক্তব্য পাওয়া যায়, তখন সেক্ষেত্রে তাঁরা দু'টিকেই গ্রহণযোগ্য মনে করেন (৭) কিন্তু যখন সেটিতেও ব্যর্থ হন, তখন তাঁরা কিতাব ও সুন্নাহের সাধারণ নির্দেশ ও ইঙ্গিত সমূহ এবং উদ্দেশ্যাবলী অনুধাবন করেন। অতঃপর উক্ত বিষয়ের অনুরূপ বিগত কোন অভিনূনযীর বা কাছাকাছি দৃষ্টান্ত তালিশ করেন। এ বিষয়ে তাঁরা প্রচলিত কোন উছুল বা ব্যবহারিক আইন সূত্রের অনুসরণ করেন না। বরং যে কথাটি তাঁরা উত্তমরূপে বুঝতে পারেন ও যা তাঁদের হৃদয়কে সুশীতল করে, তারই অনুসরণ করেন'।<sup>৩৫</sup>

হানাফী মাযহাবের বিস্তৃতির কারণঃ হানাফী মাযহাব সর্বত্র দ্রুত ছড়িয়ে পড়ার মূল কারণ ছিল রাজনৈতিক। খলীফা মাহ্দী, হাদী ও হারুনুর রশীদের আমলে (১৫৮-১৯৩ হিঃ) ইমাম আবু হানীফার প্রধান শিষ্য আবু ইউসুফ (১১৩-১৮২ হিঃ) দেশের প্রধান বিচারপতি থাকার সুবাদে ইরাক, ইরান ও মধ্য তুর্কিস্তান সহ খেলাফতের সর্বত্র হানাফী মাযহাবের ফাভাওয়া ও সিদ্ধান্ত সমূহ প্রচার ও প্রতিষ্ঠা লাভ করে। শাহ আলিউল্লাহ দেহলভী (রহঃ) এদিকে ইঙ্গিত করে বলেন,

إِنَّهُ لَوْ عَاشَ حَتَّى دُونَتْ أَحَادِيثُ الشَّرِيعَةِ...  
لَأَخَذَ بِهَا وَتَرَكَ كُلَّ قِيَاسٍ كَانَ قَاسَهُ وَكَانَ  
الْقِيَاسُ قُلٌّ فِي مَذْهَبِهِ كَمَا قُلٌّ فِي مَذْهَبِ غَيْرِهِ...

‘যদি (তৃতীয় শতাব্দী হিজরীতে) হাদীছ সংগ্রহ ও সংকলনের স্বর্ণযুগে ইমাম আবু হানীফা বেঁচে থাকতেন, তাহ'লে তিনি সেগুলি গ্রহণ করতেন ও যত ক্বিয়াসী ফৎওয়া দিয়েছেন সবই বাদ দিতেন এবং তাঁর মাযহাবেও ক্বিয়াস কম হ'ত, যেমন অন্যদের মাযহাবে কম হয়েছে। ... যে কথা বলা হয়ে থাকে যে, ইমাম আবু হানীফা ক্বিয়াসকে দলীলের উপরে স্থান দিতেন, এটা তাঁর মুক্বাল্লিদগণের কথা মাত্র। যারা ইমামের ক্বিয়াসের উপরে আমল করাকে অপরিহার্য গণ্য করেছেন এবং হাদীছকে পরিত্যাগ করেছেন যা ইমামের মৃত্যুর পরে ছহীহ প্রমাণিত হয়েছে। এ ব্যাপারে ইমাম দারী

৩৫. শাহ আলিউল্লাহ, 'হুজ্জাতুল্লাহিল বালিগাহ' (কায়রোঃ দারুত তুরাছ, ১ম সংস্করণ ১৩৫৫/১৯৩৬) ১/১৪৯পৃ, 'আহনুল হাদীছ ও আহনুল রায়-এর পার্থক্য' অনুচ্ছেদ।

৩৬. শাহ আলিউল্লাহ, 'হুজ্জাতুল্লাহিল বালিগাহ' ১/১৪৬ 'ফক্বীহদের মাযহাবী পার্থক্যের কারণ সমূহ' অনুচ্ছেদ।

৩৭. মুক্বাদ্দামা শারহ বেক্বায়াহ (দেউবন্দ ছাপাঃ তাবি) পৃঃ ৩৮।

দক্ষিণ এশিয়ার বিভিন্ন দেশের ন্যায় বাংলাদেশেও ইসলাম এসেছিল রাসূলুল্লাহ (ছাল্লাল্লাহু আলাইহে ওয়া সাল্লাম) ও খলীফাদের আমলেই আরব বণিক ও মুহাদ্দিছ ওলামায়ে কেরামের মাধ্যমে। বিভিন্ন মাযহাব সৃষ্টির পূর্বে আগত সেই ইসলাম ছিল হাদীছ ভিত্তিক নিভেজাল ইসলাম। নিঃসন্দেহে তাঁরা ছিলেন 'আহলেহাদীছ'। পরবর্তীতে হানাফী মতাবলম্বী সেনাপতি ইখতিয়ারুদ্দীন মুহাম্মাদ বিন বখতিয়ার খিলজী কর্তৃক ৬০২ হিজরী মোতাবেক ১২০১ খৃষ্টাব্দের সামরিক বিজয় ও তাঁর সাথে ও পরে আগত তুর্কী হানাফী আলেম ও মা'রেফতী ফক্বীরদের মাধ্যমে প্রচারিত হানাফী ও মা'রেফতী ইসলাম প্রধানতঃ রাজনৈতিক পৃষ্ঠপোষকতায় এদেশে প্রসার লাভ করে। যার অধিকাংশ আমল ছিল শিরক ও বিদ'আতে ভরা। যদিও সোনারগাঁওয়ের মুহাদ্দিছ শারফুদ্দীন আবু তাওয়ামা (মৃঃ ৭০০ হিঃ/১৩০০ খৃঃ) ও তার শিষ্যদের প্রচেষ্টায় আহলেহাদীছ আন্দোলন চালু থাকে। উল্লেখ্য যে, বোখারা (রাশিয়া) থেকে আগত এই স্বনামধন্য মুহাদ্দিছ-এর মাধ্যমেই উপমহাদেশের মধ্যে বাংলাদেশেই সর্বপ্রথম বুখারী ও মুসলিমের দরস চালু হয়। তিনি সোনারগাঁয়ে দীর্ঘ ২২ বছর যাবৎ ছহীহায়েন-এর দরস দিয়েছিলেন। বলা চলে যে, প্রধানতঃ তাঁরই প্রচেষ্টায় এদেশে 'আহলেহাদীছ আন্দোলন' সর্বাধিক প্রসার লাভ করে। পরবর্তীতে তুর্কী, মোগল, শী'আ, পাঠান, আফগান প্রভৃতি দলের হাত বদল হয়ে যে ইসলাম এদেশে স্থিতি লাভ করে, তা হয়ে পড়ে শিরক, বিদ'আত ও বিভিন্ন কুসংস্কারে ভরা জগাখিচুড়ী ইসলাম। বলা বাছুল যে, আজও সে অবস্থার তেমন কোন পরিবর্তন হয়নি।

ইমাম আবু হানীফা (রহঃ)-এর নীতিঃ ইমাম আবু হানীফা (রহঃ) তাঁর রায়-এর তাক্বলীদ বা অন্ধ অনুসরণ করার বিরুদ্ধে তীব্রভাবে নিষেধ করে গিয়েছেন এবং 'যখন ছহীহ হাদীছ পাওয়া যাবে তখন সেটাই আমার মাযহাব' বলে দ্ব্যর্থহীনভাবে ঘোষণা দিয়ে গিয়েছেন (দ্রঃ টীকা ৩)। সেকারণ আব্দুল ওয়াহ্‌হাব শা'রানী হানাফী (৮৯৮-৯৭৩ হিঃ) বলেন,

إِنَّهُ لَوْ عَاشَ حَتَّى دُونَتْ أَحَادِيثُ الشَّرِيعَةِ...  
لَأَخَذَ بِهَا وَتَرَكَ كُلَّ قِيَاسٍ كَانَ قَاسَهُ وَكَانَ  
الْقِيَاسُ قُلٌّ فِي مَذْهَبِهِ كَمَا قُلٌّ فِي مَذْهَبِ غَيْرِهِ...

‘যদি (তৃতীয় শতাব্দী হিজরীতে) হাদীছ সংগ্রহ ও সংকলনের স্বর্ণযুগে ইমাম আবু হানীফা বেঁচে থাকতেন, তাহ'লে তিনি সেগুলি গ্রহণ করতেন ও যত ক্বিয়াসী ফৎওয়া দিয়েছেন সবই বাদ দিতেন এবং তাঁর মাযহাবেও ক্বিয়াস কম হ'ত, যেমন অন্যদের মাযহাবে কম হয়েছে। ... যে কথা বলা হয়ে থাকে যে, ইমাম আবু হানীফা ক্বিয়াসকে দলীলের উপরে স্থান দিতেন, এটা তাঁর মুক্বাল্লিদগণের কথা মাত্র। যারা ইমামের ক্বিয়াসের উপরে আমল করাকে অপরিহার্য গণ্য করেছেন এবং হাদীছকে পরিত্যাগ করেছেন যা ইমামের মৃত্যুর পরে ছহীহ প্রমাণিত হয়েছে। এ ব্যাপারে ইমাম দারী



নন, বরং দায়ী তার অঙ্গ অনুসারীবৃন্দ'।<sup>৩৮</sup>

ফলকথা আহলুল হাদীছগণের বিপরীতে আহলুল রায়গণের ক্বিয়াস স্ব স্ব মাযহাবী বিদ্বানদের রচিত ব্যবহারিক আইনসূত্র সমূহ বা উছুলে ফিক্বহের উপরে ভিত্তিশীল, হাদীছের উপরে নয়।

### মুজতাহিদগণের বিভক্তির:

হিজরী ষষ্ঠ শতকের খ্যাতনামা বিদ্বান আবুল ফাৎহ মুহাম্মাদ বিন আবদুল করীম শহরস্তানী (৪৭৯-৫৪৮ হিঃ) বলেন,

ثُمَّ الْمُجْتَهِدُونَ مِنْ أئِمَّةِ الْأُمَّةِ مَحْصُورُونَ فِي صِنْفَيْنِ لَا يَعْذُونَ إِلَى ثَالِثٍ: أَصْحَابُ الْحَدِيثِ وَأَصْحَابُ الرَّأْيِ، أَصْحَابُ الْحَدِيثِ وَهُمْ أَهْلُ الْحِجَازِ... وَإِثْمَاسُ أَصْحَابِ الْحَدِيثِ لَأَنَّ عِنَايَتَهُمْ بِتَحْصِيلِ الْأَحَادِيثِ وَنَقْلِ الْأَخْبَارِ وَبِنَاءِ الْأَحْكَامِ عَلَى التَّصَوُّصِ وَ لَا يَرْجِعُونَ إِلَى الْقِيَاسِ الْجَلِيِّ وَالْخَفِيِّ مَا وَجَدُوا خَبِيرًا أَوْ أَثْرًا- وَأَصْحَابُ الرَّأْيِ وَهُمْ أَهْلُ الْعِرَاقِ هُمْ أَصْحَابُ أَبِي حَنِيفَةَ النُّعْمَانَ بْنِ الثَّابِتِ... وَإِثْمَاسُ أَصْحَابِ الرَّأْيِ لَأَنَّ أَكْثَرَ عِنَايَتِهِمْ بِتَحْصِيلِ وَجْهِ الْقِيَاسِ وَالْمَعْنَى الْمُسْتَنْبَطِ مِنَ الْأَحْكَامِ وَبِنَاءِ الْحَوَادِثِ عَلَيْهَا وَرُبَّمَا يُقَدِّمُونَ الْقِيَاسَ الْجَلِيَّ عَلَى أَحَادِ الْأَخْبَارِ-

উম্মতের মুজতাহিদ ইমামগণ দু'ভাগে বিভক্ত, তৃতীয় কোন ভাগে নয়। আছহাবুল হাদীছ ও আছহাবুর রায় (আহলুল হাদীছ ও আহলুর রায়)। আহলুল হাদীছগণ হেজাজ (মক্কা-মদীনা)-এর অধিবাসী। তাঁদেরকে 'আহলুল হাদীছ' এ জন্য বলা হয় যে, তাঁদের সার্বিক লক্ষ্য নিয়োজিত থাকে হাদীছ সংগ্রহের প্রতি এবং তাঁরা সমস্ত আদেশ-নিষেধের ভিত্তি রাখেন (কুরআন-হাদীছের) দলীল সমূহের উপরে। হাদীছ বা আছহাব পোলে তাঁরা কোন প্রকাশ্য বা অপ্রকাশ্য ক্বিয়াসের দিকে ফিরে তাকান না...। পক্ষান্তরে আহলুর রায়গণ হলেন ইরাকের অধিবাসী। তাঁরা আবু হানীফা নু'মান ইবনু ছাবিত (৮০-১৫০ হিঃ)-এর অনুসারী। তাঁদেরকে 'আহলুর রায়' এ জন্য বলা হয়ে থাকে যে, তাঁদের অধিকতর লক্ষ্য থাকে ক্বিয়াসের কারণ অনুসন্ধানের প্রতি ও কুরআন-হাদীছের আহকাম হতে সৃষ্ট মর্মার্থের প্রতি এবং তার উপরেই তাঁরা উদ্ভূত ঘটনাসমূহের ভিত্তি স্থাপন করেন। কখনো কখনো তাঁরা 'খবরে ওয়াহেদ' পর্যায়ের হাদীছের উপরে প্রকাশ্য ক্বিয়াসকে অগ্রাধিকার দিয়ে থাকেন'।<sup>৩৯</sup>

আহলুল হাদীছের নীতির সপক্ষে মত প্রকাশ করতে গিয়ে হিজরী পঞ্চম শতকের ইউরোপীয় বিদ্বান স্পেনের আবু মুহাম্মাদ আলী ইবনু হাযম আন্দালুসী (মৃঃ ৪৫৬ হিঃ) দ্ব্যর্থহীনভাবে বলেন- 'ছাহাবা, তাবেঈন ও তাবে-তাবেঈন-এর প্রথম হ'তে শেষ পর্যন্ত সকলের সম্মিলিত সিদ্ধান্ত বা ইজমা এই যে, তাঁদের কোন একজন ব্যক্তির সকল কথার প্রতি কর্পাপাত করা চলবে না। অতএব ঐ ব্যক্তি জেনে রাখুক, যে ব্যক্তি আবু হানীফার সকল কথা গ্রহণ করেছে, কিংবা মালেক, শাফেঈ বা আহমাদের সকল কথাকে গ্রহণ করেছে। তাঁদের কোন কথা ছাড়েনি বা অন্যের কথার প্রতি দৃকপাত করেনি, কুরআন ও সুন্নাহর আদেশ-নিষেধের প্রতিও ক্রক্ষেপ করেনি, ঐ ব্যক্তি নিঃসন্দেহে ইজমায়ে উম্মতের বিরোধিতা করেছে। এ নীতির অনুসারী কোন লোক ছাহাবা, তাবেঈন ও তাবে-তাবেঈনের তিনটি প্রশংসিত যুগে ছিল না। ঐ ব্যক্তি মুমিনদের গৃহীত পথের বাইরে গিয়েছে। আল্লাহ পাক আমাদেরকে ঐ অবস্থা হতে পানাহ দিন'।<sup>৪০</sup>

এক্ষণে আমাদেরকে ভেবে দেখতে হবে আমরা আল্লাহ-প্রেরিত 'অহি' পবিত্র কুরআন ও ছহীহ হাদীছের ভিত্তিতে জীবন সমস্যার সমাধান নেব? না মানব রচিত ফিক্বহের ভিত্তিতে সমাধান নেব? আমরা বুখারী, মুসলিম, আবুদাউদ, নাসাঈকে অগ্রাধিকার দেব? নাকি পরবর্তীতে সৃষ্ট একটি নির্দিষ্ট মাযহাবী ফিক্বহগ্রন্থ কুদুরী, শরহে বেকায়া, হেদায়াহ, আলমগীরীকে অগ্রাধিকার দেব? আমরা কি হাদীছপন্থী হব, নাকি রায়পন্থী হব? জানা আবশ্যিক যে, নবীদের আগমন শেষ হয়ে গেছে, অহি-র অবতরণ বন্ধ হয়ে গেছে। কুরআন ও ছহীহ হাদীছের কোন পরিবর্তন নেই। কিন্তু যুগে যুগে 'রায়'-এর পরিবর্তন ঘটেছে, আজও ঘটছে, ভবিষ্যতেও ঘটবে। বর্তমানে মুসলিম তরুণ সমাজ ক্রমেই বিজাতীয়দের রায়ের অনুসারী হয়ে পড়ছে। ফলে নানা মূণীর নানা মতে মুসলিম সমাজ আজ শতধা বিভক্ত। বিশৃঙ্খল' এই বিরাট উম্মতকে ঐক্যবদ্ধ ও কল্যাণমুখী করার একটাই মাত্র পথ। সেটা হ'লঃ সবদিক থেকে মুখ ফিরিয়ে কুরআন ও ছহীহ সুন্নাহর দিকে ফিরে চলা। পবিত্র কুরআন ও ছহীহ হাদীছের ফয়ছালার সম্মুখে নিঃশর্তভাবে আত্মসমর্পণ করা। যুগ যুগ ধরে আহলেহাদীছ আন্দোলন এই কল্যাণ লক্ষ্যই পরিচালিত হয়ে এসেছে, আজও হচ্ছে এবং ভবিষ্যতেও হবে ইনশাআল্লাহ।

[চলবে]

৪০. শাহ অলিউল্লাহ, মক্কাভূম্মাহিল বালিগাহ (মিসরী ছাপা ১৩২২ হিঃ) ১/১২৩-১২৪ পৃঃ।

নির্ভেজাল তাওহীদের প্রচার ও প্রতিষ্ঠা এবং জীবনের সর্বক্ষেত্রে কিতাব ও সুন্নাহের যথাযথ অনুসরণের মাধ্যমে আল্লাহর সন্তুষ্টি অর্জন করা। আক্বীদা ও আমলের সংশোধনের মাধ্যমে সমাজের সার্বিক সংস্কার সাধন আহলেহাদীছ আন্দোলনের সামাজিক ও রাজনৈতিক লক্ষ্য।

৩৮. আবুল ওয়াহাব শারানী, মীথানুল কুবরা (দিল্লী ছাপাঃ ১২৮৬ হিঃ) ১/৭৩ পৃঃ।

৩৯. মুহাম্মাদ বিন আবদুল করীম শহরস্তানী, কিতাবুল মিলাল ওয়ান নিহাল (বৈরুতঃ দারুল মা'রিফাহ, তাবি) ২০৬-২০৭ পৃঃ।

## তাকসীরুল কুরআনঃ কিছু কথা

ডঃ মুহাম্মাদ আসাদুল্লাহ আল-গালিব

(২য় কিস্তি)

### ১০. কুরআন আল্লাহর কালাম (القرآن كلام الله) গুণঃ

যুখরুফ ৩ (إِنَّا جَعَلْنَاهُ قُرْآنًا عَرَبِيًّا) 'আমরা উহা অবতীর্ণ করেছি আরবী ভাষায় কুরআন রূপে'।

মাননীয় তাকসীরকার উক্ত আয়াতের তাকসীর করেছেন (أوجدنا الكتاب بلغة العرب) 'আমরা আরবদের ভাষায় কুরআনকে অস্তিত্বশীল করেছি'।

এই তাকসীর সম্পূর্ণ বাতিল। মাননীয় তাকসীরকার এখানে (তাকসীরে কাশশাফ-এর রচয়িতা) আল্লামা যামাখ্‌শারী (৪৬৭-৫৩৮হিঃ) দ্বারা প্রভাবিত হয়েছেন। যামাখ্‌শারী একজন জাহ্মী মু'তামিলী। তিনি অত্র আয়াতের তাকসীর করেছেন (أى خلقناه) 'আমরা উহাকে সৃষ্টি করেছি'।

['নাউয়বিলাহ'। কুরআন আল্লাহর কালাম, যা আল্লাহর ন্যায় আদি ও সনাতন। উহা সৃষ্টি নহে। কেননা প্রত্যেক সৃষ্টিরই ধ্বংস রয়েছে। শুরু ও শেষ রয়েছে। কিন্তু 'আল্লাহর কালাম' ধ্বংসশীল নয়। জাহ্মী, মু'তামিলী প্রভৃতি নির্গুণবাদীগণ কুরআনকে 'মাখলুক' বা সৃষ্টি বলে থাকেন- যা আহলে সুন্নাত-এর আক্বীদার সম্পূর্ণ বিপরীত একটি বাতিল মতবাদ মাত্র।]

অথচ উক্ত আয়াতের যথার্থ অর্থ হবে তাই-ই যা ইমাম ইবনু জারীর ও হাফেয ইবনু কাছীর (রহঃ) প্রমুখ বিদ্বানগণ করেছেন। অর্থাৎ (أى أنزلناه...) 'আমরা উহাকে অবতীর্ণ করেছি...'।

### ১১. আল্লাহর নাম (اسم الله)ঃ

ওয়াক্বি 'আহ-৭৪ (فَسَبِّحْ بِاسْمِ رَبِّكَ الْعَظِيمِ) 'সুতরাং তুমি তোমার মহান প্রতিপালকের নামের মহত্ত্ব ঘোষণা কর'। মাননীয় তাকসীরকার এর ব্যাখ্যায় বলেন, (وقيل: 'اسم' বা 'নাম' কথাটি অতিরিক্ত'।

আমরা বলি যে, اسم শব্দটি 'অতিরিক্ত' না হওয়াটাই সঠিক। ইবনু জারীর (রহঃ) এই আয়াতের তাকসীরে বলেন, (فسبح بتسمية ربك العظيم بأسمائه) 'সুতরাং তুমি তোমার মহান প্রতিপালকের

নামের মহত্ত্ব তাঁর সুন্দরতম নাম সমূহ দ্বারা ঘোষণা কর'।

### ১২. আল্লাহর বাণী সমূহ (كلمات الله) গুণঃ

লুক্‌মান-২৭ (مَنْفَذَتْ كَلِمَاتُ اللَّهِ) 'পৃথিবীর সমস্ত বৃক্ষ যদি কলম হয় এবং বর্তমানের সমুদ্রের সাথে আরও সাতটি সমুদ্র যুক্ত হয়ে কালি হয়, তথাপি আল্লাহর বাণীসমূহ নিঃশেষিত হবে না'...। মাননীয় তাকসীরকার উক্ত আয়াতাংশের নিম্নোক্ত তাকসীর করেছেন (الْمُعْتَبِرُ بِهَا) (عَنْ مَعْلُومَاتِهِ) 'তাঁর জ্ঞাত বিষয় সমূহ হ'তে যা প্রকাশিত হয়েছে' (তা নিঃশেষিত হবে না)।

এখানে (كَلِمَاتُ اللَّهِ) অর্থাৎ 'আল্লাহর বাণী সমূহের' তাকসীর 'তাঁর জ্ঞাত বিষয়সমূহ' দ্বারা করা পূর্ববর্তী বিদ্বানগণের বুকের সম্পূর্ণ বরখেলাফ। সেই সাথে এটা প্রকাশ্য অর্থ হ'তে বেরিয়ে যাবার শামিল। অথচ (كَلِمَاتُ اللَّهِ) অর্থ আল্লাহর বাণীসমূহ- যার কোন শেষ নেই।

কারণ তিনি আদি সত্তা যার কোন শুরু নেই। তিনিই চূড়ান্ত সত্তা যার কোন শেষ নেই। তিনি সর্বদা আছেন ও সর্বদা থাকবেন। যখন ইচ্ছা যা খুশী কথা বলবেন। বিগত দিনেও তাঁর কথা বলার কোন শেষ ছিল না, আগামী দিনেও থাকবে না। তাঁর সকল বাণী লিপিবদ্ধ করার সাধ্য বৃক্ষ ও সমুদ্রের নেই। এক্ষেপে (كَلِمَاتُ اللَّهِ)-এর তাকসীর (مَقْدُورَاتُهُ) অর্থাৎ তাঁর 'কুদরত সমূহ' কিংবা (مَعْلُومَاتُهُ) অর্থাৎ 'জ্ঞাত বিষয়সমূহ' দ্বারা করলে তা কেবল বাস্তব ও জ্ঞাত বিষয় সমূহকে শামিল করে। অথচ আল্লাহর বাণীসমূহ বিগত ও অনাগত সকল সময়ের জন্য এবং সমাপ্তিহীন'।

অতএব মাননীয় তাকসীরকারের অত্র ব্যাখ্যা 'আল্লাহর কালাম' সম্পর্কে আশ'আরী মাযহাব ও হানাফী মাতুরীদী মাযহাবের দিকে ফিরে যায়। কেননা তাঁদের দৃষ্টিতে আল্লাহর কালাম (مَعْنَى وَاحِدٍ نَفْسِي قَدِيمٌ فَلَا يُوَصَفُ بِالْتَعَدُّدِ) 'একটি একক আত্মিক ও সনাতন বিষয়- যা বারবার ঘটর গুণযুক্ত নয়'।

বলা বাহুল্য তাঁদের এই মতবাদ আহলে সুন্নাত ওয়াল জামা'আতের গৃহীত মাযহাবের বিরোধী। কেননা তাঁরা বলেন যে, আল্লাহ পাক যখন যা খুশী যেভাবে খুশী কথা বলবেন, তার কোন সীমা নির্দেশ নেই। তিনি বলেছেন ও বলবেন, তিনি আহ্বান করেছেন ও করবেন, যেমন আল্লাহ নিজেই সে কথা বলেছেন। আর তাঁর সম্পর্কে তিনি নিজেই অন্যের চেয়ে ভাল জানেন। তিনিই সত্যবাদী ও তাঁর সৃষ্টির



চেয়ে সুন্দর বক্তব্য দানকারী।

### ১৩. আল্লাহর ভালবাসা (صفة الحب) গুণঃ

(১) বাক্বারাহ ১৯৫ (إِنَّ اللَّهَ يُحِبُّ الْمُحْسِنِينَ)

‘নিশ্চয়ই আল্লাহ সৎকর্মশীলদের ভালবাসেন’। মাননীয় তাফসীরকার এর ব্যাখ্যা করেছেন (أَيُّ يُثِيبُ وَيُكْرِمُ) ‘তাকে ছওয়াব দিবেন’। এখানে মাননীয় তাফসীরকার আল্লাহর ‘ভালবাসা’ গুণকে বাতিল করে তার আবশ্যিক ফল ‘ছওয়াব’-কে উল্লেখ করেছেন। অথচ আল্লাহর ‘ভালবাসা’-ই হ’ল মূল বিষয়। তিনি কাউকে ভালবাসলে তার প্রতিদান তিনি কিভাবে দিবেন, সেটা তাঁর ইচ্ছা। তিনি ছওয়াব ও সম্মান প্রদানের মাধ্যমে ভালবাসবেন, না তাকে কষ্ট দিয়ে পরীক্ষার মাধ্যমে ভালবাসবেন, সে বিষয়ে বান্দার কোন এখতিয়ার নেই। অতএব তাঁর ভালোবাসাকে ‘ছওয়াব’ বা ‘সম্মানে’র সাথে নির্দিষ্ট করা আয়াতের প্রকাশ্য অর্থ পরিবর্তনের শামিল। যা আহলেসুন্নাত ওয়াল জামা’আতের আক্বীদার বিরোধী এবং নির্গুণবাদীদের অনুকরণ মাত্র।

মাননীয় তাফসীরকার কুরআনের সর্বত্র আল্লাহর ‘ভালবাসা’ গুণকে বিভিন্ন রূপক অর্থে ব্যাখ্যা করেছেন। যেমন বাক্বারাহ ২২২; আলে ইমরান ৩১, ৭৬, ১৩৪, ১৪৬; মায়দাহ ৪২, ৯৪; তাওবাহ ১০৮; হুফ ৪ প্রভৃতি।

(২) হুফ-৪: (إِنَّ اللَّهَ يُحِبُّ الَّذِينَ يُقَاتِلُونَ فِي سَبِيلِهِ)

‘নিশ্চয়ই আল্লাহ ভালবাসেন ঐসব লোকদেরকে যারা তাঁর রাস্তায় লড়াই করে..।

এখানে মাননীয় তাফসীরকার ‘ভালবাসার’ অর্থ করেছেন

‘সাহায্য করা ও সম্মান করা’ (يَنْصُرُ) (إِنَّ اللَّهَ يُحِبُّ، يَنْصُرُ)

‘দিয়ে। আমরা বলি যদি এটাকে তিনি

‘মহব্বত’-এর তাফসীর গণ্য করে থাকেন, তবে তা

নিঃসন্দেহে (تعطيل) বা নির্গুণবাদীতার পরিচায়ক।

পক্ষান্তরে যদি তিনি আল্লাহর ‘ভালোবাসা’ গুণ-এর স্বীকৃতি

দিয়ে এগুলিকে তাঁর মহব্বত-এর নিদর্শন ও আবশ্যিক ফল

(ملزوم) বলে মনে করেন তাহ’লে ঠিক আছে। কেননা

আল্লাহ যখন কোন বান্দাকে ভালবাসেন, তখন তাকে

সম্মানিত করেন, সাহায্য করেন ও উত্তম বদলা দান করেন।

### ১৪. আল্লাহর ক্রোধ (صفة الغضب) গুণঃ

বাক্বারাহ ২৭৬ (وَاللَّهُ لَا يُحِبُّ كُلَّ كَفَّارٍ أَثِيمٍ)

‘আল্লাহ কোন কাফের ও পাপীকে ভালবাসেন না’। এখানে মাননীয় তাফসীরকার ‘আল্লাহ ভালবাসেন না’ অর্থ

করেছেন (أَيُّ يَغَابُهُ) ‘তাকে শাস্তি দিবেন’। অথচ এর প্রকৃত অর্থ হ’ল, আল্লাহর ভালোবাসা না থাকার পরিণাম স্বরূপ তিনি তাকে বদলা বা শাস্তি দিবেন। এখানে আল্লাহর صفة الغضب বা ‘ক্রোধ’ গুণকে তার প্রকাশ্য অর্থ থেকে সরিয়ে তার আবশ্যিক ফল হিসাবে ‘বদলা’ বা ‘শাস্তি’ করা হয়েছে। যা মূল অর্থ পরিবর্তন করার শামিল। কেননা আল্লাহর রহমত তাঁর ক্রোধের উপরে বিজয়ী। অতএব তিনি কাউকে শাস্তি দিতে বাধ্য নন। এটি যুক্তিবাদী মু’আযিলাদের ভ্রান্ত আক্বীদা মাত্র।

এভাবে কুরআনের সর্বত্র আল্লাহর ‘ক্রোধ’ গুণকে রূপক অর্থে ব্যাখ্যা করা হয়েছে। যেমন আলে ইমরান ৩২, ৫৮, ১৪০; নিসা ১০৭, ১৪৮; মায়দাহ ৬৪; নাহুল ২৩; হুজ ৩৮; কাছাছ ৭৭; রুম ৪৫; শূরা ৪০ প্রভৃতি।

### ১৫. আল্লাহর কৌশল (صفة المكر) গুণঃ

ইউনুস ২১ (قُلِ اللَّهُ أَسْرَعُ مَكْرًا) ‘বলে দিন যে, আল্লাহ সর্বাপেক্ষা দ্রুত কুশলী’। মাননীয় তাফসীরকার এখানে অর্থ করেছেন (مَجَازَاةً) ‘বদলা দানকারী’।

ই,ফা,বা, এখানে কাছাকাছি একই অর্থ করেছে ‘শাস্তিদানে দ্রুততর’ (পৃঃ ৩১৪)। অথচ مكر অর্থ ‘শাস্তি’ নয় বরং

‘কৌশল’। আল্লাহ কোন কৌশল বান্দার প্রতি অবলম্বন করবেন, সেটা তিনিই ভাল জানেন। বান্দাকে শাস্তির বদলে অন্য কৌশলে তিনি হেদায়াত করতে পারেন কিংবা বদলা দিতে পারেন। এখানে ‘কৌশল’ মুখ্য, শাস্তি কিংবা ‘বদলা দান’ মুখ্য নয়।

বস্তুতঃ এখানে কৌশলের অন্তর্নিহিত তাৎপর্য হ’ল পাপীর উপরে শাস্তি নাযিল করার এমন এক সুষ্ঠু পদ্ধতি, যাতে সে বুঝতে না পারে। কেননা উক্ত বদলা দান একটি নির্দিষ্ট পদ্ধতিতে হয়ে থাকে। আল্লাহর পক্ষ থেকে কৌশল হয়ে থাকে প্রতারকের বুকের উপরে তার প্রতারণাকে ফিরিয়ে দেবার জন্য এবং তার সাথে প্রতিশোধ নাযিল করার জন্য এমনভাবে, যে সে বুঝতে না পারে। তার বদলা হয়ে থাকে তার কর্ম ও নিয়ত অনুযায়ী। এটাও জেনে রাখা ওয়াজিব যে, উক্ত আয়াতের মর্মার্থ অনুযায়ী আল্লাহর নাম হিসাবে مَكْرٌ বা প্রতারণাকারী (নাউযুবিল্লাহ) বলা চলে না। বরং তাঁকে خَيْرُ الْمَاكِرِينَ বা ‘কৌশলকারীদের সেরা’ বলা হবে। অতএব ব্যাখ্যাকারীকে কুরআনে উল্লেখিত সীমারেখায় দাঁড়িয়ে যেতে হবে, যাতে আল্লাহ যা বলেননি সে রূপ কোন বিষয় তাঁর দিকে সম্পর্কিত হয়ে যাবার ধারণা সৃষ্টি না হয়।

## ১৬. আল্লাহর উপহাস (صفة الاستهزاء) ৩৭ঃ

বাক্বারাহ ১৫ (اللَّهُ يَسْتَهْزِئُ بِهِمْ) 'আল্লাহ তাদের সাথে উপহাস করেন'। মাননীয় তাফসীরকার এর ব্যাখ্যা করেছেন, (يجازيهم بإستهزائهم) 'তাদের बदলা দিবেন তাদের সাথে উপহাসের মাধ্যমে'। এখানে মূল অর্থ ঠাট্টা বা উপহাস বাদ দিয়ে 'বদলা দান' অর্থ করা প্রকাশ্য অর্থ থেকে সরে যাবার শামিল। কেননা মূল অর্থ ঠিক রাখার মাধ্যমে একথাই বুঝানো হবে যে, আল্লাহ তাঁর উপহাসকারীর সাথে অনুরূপ আচরণ করতে পারেন অথবা তার চাইতে কঠোর আচরণ করতে পারেন বা অন্যভাবেও উপহাসের জবাব দিতে পারেন। কিভাবে তিনি সেটা করবেন, তা সম্পূর্ণরূপে তাঁর এখতিয়ারাধীন। এখানে 'বদলা দান' অর্থ করার মাধ্যমে আল্লাহর 'উপহাস' গুণকে বাতিল গণ্য করা হয়েছে।

## ১৭. আল্লাহর প্রতারণা (صفة الخداع) ৩৭ঃ

নিসা ১৪২ (إِنَّ الْمُنْفِقِينَ يُخَدَعُونَ اللَّهَ وَهُوَ خَادِعُهُمْ) 'নিশ্চয়ই মুনাফিকরা আল্লাহকে ধোঁকা দিতে চায়। অথচ তিনিই তাদেরকে প্রতারিত করে থাকেন'। মাননীয় তাফসীরকার এর ব্যাখ্যা করেছেন, (مجازيهم على) 'তাদের প্রতারণার বিনিময়ে শাস্তি দিবেন'। এখানে মূল অর্থ থেকে সরে গিয়ে 'শাস্তি দান' অর্থ করা হয়েছে। অথচ আল্লাহর প্রতারণার ধরণ কেমন হবে, তা কারু জানা নেই। এখানে আল্লাহর 'প্রতারণা' গুণকে বাতিল করা হয়েছে।

## ১৮. নূরে মুহাম্মাদী (نور محمدى) ৩ঃ

মায়দাহ ১৫ (قَدْ جَاءَكُمْ مِنَ اللَّهِ نُورٌ وَكِتَابٌ مُبِينٌ) 'আল্লাহর নিকট থেকে একটি জ্যোতি ও স্পষ্ট কিতাব তোমাদের নিকটে এসেছে'। এখানে 'জ্যোতি' অর্থ হ'ল نور فى الهداية বা 'হেদায়াতের জ্যোতি'। কিন্তু মাননীয় তাফসীরকার আল্লামা জালালুদ্দীন সুয়ুত্বী এখানে ব্যাখ্যা করেছেন, هو النبى ص 'জ্যোতি হ'ল মুহাম্মাদ ছালাল্লাহু আলাইহে ওয়া সাল্লাম'। এটা চরমপন্থী শী'আ ও ভণ্ড ছুফীদের ভ্রান্ত আক্বীদা বৈ কিছুই নয়। যারা মুহাম্মাদ (ছাঃ)-কে 'আল্লাহর নূর' বলে থাকে। যারা বলে, আল্লাহ স্বীয় নূর থেকে মুহাম্মাদকে সৃষ্টি করেছেন। অতঃপর মুহাম্মাদের নূর থেকে সকল বস্তু সৃষ্টি করেছেন'। এখান থেকে এদেশে কথা চালু হয়ে গেছে যে, 'আল্লাহর নূরে মুহাম্মাদ পয়দা। মুহাম্মাদের নূরে সারা জাহান পয়দা'।

## ১৯. আরশ ও কুরসী (العرش و الكرسي) ৪ঃ

তাওবাহ ১২৯ (وَهُوَ رَبُّ الْعَرْشِ الْعَظِيمِ) 'তিনি মহান আরশের অধিপতি'। মাননীয় তাফসীরকার এখানে অর্থ করেছেন (اى الكرسي) 'কুরসী' বা আসন। আল্লাহ এটিকে খাছ করে বলেছেন এজন্য যে, এটিই হ'ল সৃষ্টিকুলের সেরা'। অথচ এটি হাসান বাছুরী (রহঃ)-এর নিজস্ব 'রায়' মাত্র। হাফেয ইবনু কাছীর (৭০১-৭৭৪হিঃ) বলেন, الصحيح أن الكرسي غير العرش والعرش أكبر منه كما دلت عليه الآثار والأخبار - 'আরশ' কুরসীর চাইতে বড়। যা বিভিন্ন হাদীছ ও আছার দ্বারা প্রমাণিত' (ঐ, তাফসীর বাক্বারাহ ২৫৫, ১/৩১৭)। একই ভাবে 'কুরসী' অর্থ করা হয়েছে 'মু'মিনুল' ১১৬ আয়াতে।

## ২০. আল্লাহর চেহারা (صفة الوجه) ৩৭ঃ

(১) বাক্বারাহ ১১৫ (فَأَيْنَمَا تُوَافِقُمْ وَجْهَ اللَّهِ) 'অতঃপর যেদিকেই তোমরা মুখ ফিরাও না কেন, সেদিকেই রয়েছে আল্লাহর চেহারা'। মাননীয় তাফসীরকার এখানে অর্থ করেছেন (اى قبلة) 'তার ক্বিবলা'। এর ফলে তিনি 'আল্লাহর চেহারা' গুণকে অস্বীকার করেছেন। যা ছাড়াবায়ের কেরাম ও সালাফে ছালাহীদের ব্যাখ্যার সম্পূর্ণ বিপরীত। এটি নির্গুণবাদী ভ্রান্ত ফিক্বী মু'আভ্বিলাহদের অনুকরণ মাত্র। আর এখান থেকেই এদেশে 'আল্লাহ নিরাকার' মতবাদের সৃষ্টি হয়েছে। এমনিভাবে কুরআনে যেখানেই وجه الله বা 'আল্লাহর চেহারা' মর্মের আয়াত এসেছে, সেখানে উক্ত গুণকে অস্বীকার করে বিভিন্ন রূপক অর্থ করা হয়েছে, যা নির্গুণবাদী মু'আভ্বিলাদের অনুকরণ মাত্র। যেমন বাক্বারাহ ২৭২; রুম ৩৮, ৩৯; রহমান ২৭; দাহর ৯; লায়ল ২০ প্রভৃতি।

[ই,ফা,বা, এখানে অর্থ করেছেন, 'যেদিকেই তোমরা মুখ ফিরাও না কেন, সেদিকই আল্লাহর দিক' (ঐ, পৃঃ ২৯)। এটি হয় অনুকরণ নতুবা ভ্রান্ত আক্বীদার বহিঃপ্রকাশ মাত্র।]

(২) কাছাছ ৮৮ (كُلُّ شَيْءٍ هَالِكٌ إِلَّا وَجْهَهُ) অর্থঃ 'সবকিছু ধ্বংস হবে তাঁর চেহারা ব্যতীত'। মাননীয় তাফসীরকার এর অর্থ করেছেন (إِلَّا إِيَّاهُ) 'তিনি ব্যতীত'। আল্লাহ পাক সম্মানিত তাফসীরকারকে ক্ষমা করুন, তিনি আল্লাহর 'চেহারা' গুণ-এর অর্থ 'সত্তা' দ্বারা পরিবর্তন করেছেন। এটা (تعطيل واضح) বা পরিষ্কারভাবে নির্গুণবাদিতার শামিল। নিঃসন্দেহে 'চেহারা' আল্লাহ পাকের



অন্যতম যথাযোগ্য গুণ যা সত্তার আবশ্যিকতাকে নির্দেশ করে।

অতএব 'সত্তা' (لازم)-কে মেনে নেওয়া ও 'চেহারা' (ملزوم)-কে অস্বীকার করা সিদ্ধ নয়। বরং সত্তা ও চেহারা দু'টিকেই প্রমাণিত করা ওয়াজিব।

ই.ফা.বা, এখানে তরজমা করেছে 'আল্লাহর সত্তা ব্যতীত সমস্ত কিছুই ধ্বংসশীল' (পৃঃ ৬৪০)। এখানে মু'তামিলীদের অনুকরণে আল্লাহর 'চেহারা' গুণকে অস্বীকার করা হয়েছে, যা মারাত্মক ভ্রান্তি। অথচ 'চেহারা' অর্থ করলে 'সত্তা' আপনা থেকেই এসে যায়।

## ২১. আল্লাহর চক্ষু (صفة العين) গুণঃ

ত্বা-হা ৩৯ (وَلَتُصْنَعَنَّ عَلَى عَيْنِي) 'এবং যাতে তুমি আমার চোখের সম্মুখে প্রতিপালিত হও'। এখানে মাননীয় তাফসীরকার আল্লামা জালালুদ্দীন মাহাল্লী (عَلَى عَيْنِي) 'আমার আল্লাহর চক্ষু' ও দর্শন গুণকে তত্ত্বাবধানে'। এর দ্বারা তিনি 'আল্লাহর চক্ষু' ও দর্শন গুণকে তাবীল করেছেন। 'আল্লাহর দু'টি চক্ষু' সম্পর্কিত আক্বীদা কিতাব ও সুন্নাহ দ্বারা প্রমাণিত এবং সালাফে ছালেহীন দ্বারা ব্যাপকভাবে সমাদৃত।

ই.ফা.বা, এখানে তরজমা করেছে (পৃঃ ৪৯৪) 'যাহাতে তুমি আমার তত্ত্বাবধানে প্রতিপালিত হও'। এ অনুবাদ আহলেসুন্নাহ ওয়াল জামা'আতের আক্বীদা বিরোধী।

## ২২. আল্লাহর শ্রবণ ও দর্শন (السميع والبصير) গুণঃ

ইসরা ১ (إِنَّهُ هُوَ السَّمِيعُ الْبَصِيرُ) 'নিশ্চয়ই তিনি সর্বশ্রোতা ও সর্বদ্রষ্টা'। এখানে মাননীয় তাফসীরকার আল্লামা সুয়ূত্বী ব্যাখ্যা করেছেন, العالم بأقوال النبي 'তিনি রাসূলুল্লাহ (ছাঃ)-এর কথা ও কর্মসমূহ সম্পর্কে অবগত'। অথচ আল্লাহর 'শ্রবণ ও দর্শন' গুণ দু'টিকে কেবল 'ইল্ম'-এর দ্বারা তাবীল করার বিষয়টি অস্পষ্ট। এর দ্বারা মাননীয় তাফসীরকার আল্লাহর উক্ত গুণ দু'টিকে প্রকারান্তরে অস্বীকার করতে চেয়েছেন, যা নির্গুণবাদী মু'আত্তিলাহদের আক্বীদার অনুরূপ।

## ২৩. আল্লাহর হাত (صفة اليد) গুণঃ

(১) আলে ইমরান ২৬ (بِيَدِكَ الْخَيْرُ) 'আপনার হাতেই যাবতীয় কল্যাণ'। মাননীয় তাফসীরকার এখানে بِيَدِكَ 'আপনার হাতে' অর্থ করেছেন بِقُدْرَتِكَ 'আপনার

কুদরতে'। যা আল্লাহর 'হাত' গুণকে অস্বীকার করার শামিল। অথচ এটি পবিত্র কুরআন ও অসংখ্য ছহীহ হাদীছ দ্বারা প্রমাণিত। 'হাত' গুণটিকে আল্লাহর সত্তার সাথে যুক্ত করলে তাঁর সত্তা ও কুদরত সবকিছুকে শামিল করে। কিন্তু মাননীয় তাফসীরকার এখানে স্রেফ কুদরত বা ক্ষমতা গুণকে নির্দিষ্ট করে আল্লাহকে পরোক্ষভাবে শূন্য সত্তা প্রমাণ করতে চেয়েছেন, যা নাস্তিকদের আক্বীদাকে সমর্থন করে। অনুরূপভাবে কুরআনে সর্বত্র 'আল্লাহর হাত' গুণের বিভিন্ন রূপক অর্থ করা হয়েছে। যেমন মায়েরদাহ ৬৪; ফাৎহ ১০; ইয়াসীন ৮৩; ছোয়াদ ৭৫; যুমার ৬৭; মূলক ১ প্রভৃতি।

(২) মূলক-১ (تَبَارَكَ الَّذِي بِيَدِهِ الْمُلْكُ) 'মহিমাম্বিত তিনি যাঁর হাতেই সকল রাজত্ব'।

মাননীয় তাফসীরকার (بِيَدِهِ) অর্থাৎ 'তাঁর হাত'-এর তাফসীর করেছেন (بِيَدِهِ فِي تَصْرِفِهِ) 'তাঁর পরিচালনায়'। এর দ্বারা তিনি আল্লাহর 'হাত' থাকার গুণকে অস্বীকার করেছেন ও প্রকাশ্য অর্থ হ'তে সরে এসেছেন। সাথে সাথে পূর্ববর্তী বিদ্বানগণের ব্যাখ্যার বিরোধিতা করেছেন। ইবনু জারীর বলেন, 'তাঁর হাতেই দুনিয়া ও আখেরাতের সর্বময় ক্ষমতা ও রাজত্ব যার মধ্যে তাঁর হুকুম ও ফায়ছালা কার্যকরী হয়'।

অতএব 'হাত'-এর ব্যাখ্যা অন্য কিছু দিয়ে করা উচিত নয়। কেননা আল্লাহর নাম ও গুণাবলীর উপরে ইমান আনার ব্যাপারে উম্মতের প্রথম যুগের সকলের এবং তাঁদের বিদ্বানগণের সম্মিলিত ঐক্যমত রয়েছে।

(৩) মায়েরদাহ ৬৪ (بَلْ يَدَاهُ مَبْسُوطَتَانِ) 'বরং তাঁর দু'টি হাত প্রসারিত'। মাননীয় তাফসীরকার বলেন, (مبالغة في الوصف بالجوهر) 'এখানে দানশীলতা গুণের আধিক্য বুঝানো হয়েছে এবং অধিক দানশীলতা বুঝানোর জন্য 'দুই হাত' কথাটি উল্লেখ করা হয়েছে। কারণ কোন দানশীল ব্যক্তির চূড়ান্ত দানশীলতা তখনই বুঝানো হয়, যখন তিনি নিজ হাতে দান করেন'।

ই.ফা.বা, এখানে ১৭৩ পৃষ্ঠা ৩৭৬নং টীকায় বলেছে, আল্লাহর 'হাত' রুদ্দ দ্বারা কৃপণতা বুঝানো হয়েছে'। এর দ্বারা যদি আল্লাহর 'হাত' গুণকে অস্বীকার করা হয়ে থাকে, তাহলে সেটা হবে মারাত্মক ভ্রান্তি। বরং 'হাত' এর অস্তিত্ব لازم হিসাবে প্রথমে থাকতে হবে। অতঃপর তার দানশীলতা ও কৃপণতার বিষয়টি ملزوم হিসাবে পরে আসবে।

এতে কোন সন্দেহ নেই যে আল্লাহ তা'আলা স্বীয় বান্দার উপরে তাঁর করুণা, দানশীলতা এবং দ্বীনী ও দুনিয়াবী কল্যাণ প্রসারিত করে দিয়েছেন। কিন্তু মাননীয় তাফসীরকার আল্লাহর 'দু'টি হাত'-এর গুণ বর্ণনা থেকে বিরত হয়েছেন বরং তার আসল অর্থ ফিরিয়ে দিয়েছেন। অথচ আহলে সুন্নাহত বিদ্বানগণ এ বিষয়ে 'ইজমা' করেছেন এবং কুরআন ও সুন্নাহ থেকে বিপুলভাবে প্রমাণিত যে, প্রকৃত অর্থেই আল্লাহর দু'খানা হাত রয়েছে তাঁর উচ্চ মর্যাদার যোগ্য রূপে। দু'খানা হাত প্রমাণ করার জন্যই এখানে দ্বিভাষ্য ব্যবহার করা হয়েছে। একখানা হাত নয়।

যেমন হাদীছে বর্ণিত হয়েছে (وَكَلَّمَا يَدَى رَبَّنَا يَمِينًا)

'আমাদের প্রভুর দু'খানা হাতই ডান হাত'।<sup>৪</sup> অতএব উক্ত আয়াতের তাফসীর উক্ত হাদীছ অনুযায়ী হওয়া ওয়াজিব। হাঁ হাতের আবশ্যিক গুণের অন্যতম হ'ল দানশীলতা। কিন্তু 'মালযুম' বা হাত-এর অর্থ বাদ দিয়ে 'লাযিম' বা দানশীলতার অর্থ গ্রহণ করা সিদ্ধ নয়। 'হাত'-এর গুণ ও তার আবশ্যিক ফল (দানশীলতা) প্রমাণ করা ওয়াজিব। কেননা আহলে সুন্নাহত-এর গৃহীত নীতি হ'ল 'আল্লাহর নাম ও গুণাবলী এবং গুণাবলীর হুকুম সমূহের উপরে ঈমান রাখা অপরিহার্য'। এভাবে মাননীয় তাফসীরকার আল্লাহর 'হাত' গুণকে সর্বত্র 'রূপক' অর্থে ব্যবহার করেছেন।

(৪) ছোয়াদ ৭৫ঃ (قَالَ يَا إِبْلِيسُ مَا مَنَعَكَ أَنْ تَسْجُدَ لِمَا خَلَقْتُ بِيَدَيَّ)

ইবলীস কোন্ বস্তু তোমাকে বিরত রাখল (আদমকে) সিজদা করতে, যাকে আমি আমার দু'হাত দ্বারা সৃষ্টি করেছি? মাননীয় তাফসীরকার আল্লামা জালালুদ্দীন মাহাল্লী এই আয়াতের ব্যাখ্যায় বলেন, وهذا (أَي تَوَلَّيْتُ خَلْقَهُ وَهَذَا تَشْرِيفٌ لِأَدَمَ فَإِنَّ كُلَّ مَخْلُوقٍ تَوَلَّى اللَّهَ خَلْقَهُ)

অর্থাৎ 'আমি তাকে সৃষ্টির জন্য দায়িত্বশীল নিয়োগ করলাম। এটি আদমের জন্য উচ্চ মর্যাদার কারণ। কেননা কোন সৃষ্টির জন্য আল্লাহ প্রত্যেক দায়িত্বশীল নিয়োগ করে থাকেন'। অর্থাৎ আল্লাহ পিতা-মাতা ছাড়াই আদমকে সরাসরি দায়িত্বশীলের মাধ্যমে সৃষ্টি করেছেন।

আমরা বলি, দুই হাত দ্বারা আদমকে সৃষ্টি করাকে দায়িত্বশীলের মাধ্যমে সৃষ্টির অর্থ করা আল্লাহর 'দুই হাত' থাকার গুণকে বাতিল করার শামিল। এটি প্রকাশ্য অর্থের বরখোলাফ এবং সালাফে ছালেহীন বিদ্বানগণের ব্যাখ্যার পরিপন্থী। তাছাড়া অন্যান্য সৃষ্টির ন্যায় সৃষ্টিসেরা আদমকেও দায়িত্বশীলের মাধ্যমে সৃষ্টি করার মধ্যে

আদমের জন্য কোন গৌরব নেই। যদিও মাননীয় তাফসীরকার জালালুদ্দীন মাহাল্লী এটাকেই 'আদমের জন্য মর্যাদাকর' বলতে চেয়েছেন। অথচ অন্যান্য সৃষ্টির বিপরীতে আল্লাহর নিজ দু'হাতে তাকে সৃষ্টি করার মধ্যেই যে তার জন্য সর্বোচ্চ মর্যাদা নিহিত রয়েছে, সে কথা তিনি এড়িয়ে গেছেন। কারণ তিনি আল্লাহর 'দু'হাত' গুণের উপর বিশ্বাসী নহেন। অথচ প্রথম যুগের বিশ্বস্ত মুফাসসির ইমাম ইবনু জারীর ভাবারী (রহঃ) বলেন, এই আয়াতের মাধ্যমে আল্লাহ পাক খবর দিচ্ছেন যে, তিনি আদমকে নিজের দু'হাত দ্বারা সৃষ্টি করেছেন। যেমন এই মর্মে হযরত আবদুল্লাহ বিন ওমর (রাঃ) হ'তে তাবেঈ মুফাসসির হযরত মুজাহিদ (রাঃ) বর্ণনা করেন যে, 'আল্লাহ পাক চারটি বস্তু নিজ হাতে সৃষ্টি করেছেনঃ (১) আরশ (২) জান্নাতু আদন (৩) কলম ও (৪) আদম। অতঃপর অন্য সকল সৃষ্টিকে বলেন হও, ব্যস হয়ে যায়'।<sup>৫</sup>

যদি এখানে দুই হাত দ্বারা আদমকে সৃষ্টি না করা হ'ত, তাহ'লে সাধারণ সৃষ্টির মধ্যে তাঁর জন্য কোনরূপ বিশেষ সম্মান ও মর্যাদা প্রমাণিত হ'ত না। প্রত্যেক সৃষ্টির জন্যই আল্লাহ দায়িত্বশীল নিয়োগ করেন এবং নিজ কুদরতের মাধ্যমে তাকে সৃষ্টি করেন। আর একারণেই ঐ ব্যক্তির তাফসীর বাতিল গণ্য হচ্ছে, যিনি আদমকে দুই হাত দ্বারা সৃষ্টির তাফসীর 'কুদরত' দ্বারা কিংবা 'দায়িত্বশীল' দ্বারা বা অন্য কিছু দ্বারা তাবিল করেছেন।

ই,ফা,বা, এখানে (পৃঃ ৭৪৮) অনুবাদ করেছে 'নিজ হাতে'। অথচ প্রকৃত অর্থ হবে 'আমার দু'হাত দ্বারা'।

(৫) যুমার ৬৭ (وَالسَّمَاوَاتُ مَطْوِيَّاتٌ بِيَمِينِهِ)

'ক্বিয়ামতের দিন সমস্ত পৃথিবী থাকবে তাঁর হাতের মুষ্টিতে এবং আকাশ মণ্ডলী থাকবে তাঁর দক্ষিণ হস্তে ভাঁজ করা অবস্থায়'।

মাননীয় তাফসীরকার (وَالسَّمَاوَاتُ مَطْوِيَّاتٌ بِيَمِينِهِ)

-এর অর্থ করেছেন (والسَّمَاوَاتُ مَجْمُوعَاتٌ بِقَدْرَتِهِ)

'আকাশ মণ্ডলী তাঁর কুদরতের দ্বারা একত্রে সংযুক্ত থাকবে'।

অথচ 'ডান হাত' অর্থ কখনোই 'কুদরত' নয়। এটি প্রকাশ্য অর্থের পরিবর্তন এবং সালাফে ছালেহীন মুফাসসিরগণের বুঝের বরখোলাফ। ইবনু জারীর ভাবারী (রহঃ) এ আয়াতের তাফসীরে বলেন, 'সমস্ত যমীনকে আমি ক্বিয়ামতের দিন আপন মুষ্টিতে নিয়ে নেব' অর্থাৎ পৃথিবীকে উপরে উঠিয়ে নেওয়া হবে। এখানে পৃথিবী সম্পর্কিত খবর 'ক্বিয়ামতের দিন' বাক্যাংশের মাধ্যমে শেষ করা হয়েছে।



অতঃপর আকাশ মণ্ডলী সম্পর্কে নতুন বক্তব্য শুরু হয়েছে এভাবে, (وَالسَّمَاوَاتُ مَطْوِيَّاتٌ بِيَمِينِهِ) অর্থাৎ এটিকেও ভাঁজ করা অবস্থায় উপরে উঠিয়ে নেওয়া হবে। ছাহাবী আব্দুল্লাহ ইবনে আব্বাস (রাঃ) ও একদল ছাহাবী হ'তে বর্ণিত আছে, তাঁরা বলেন যে, 'যমীন ও আসমান সবকিছুই কিয়ামতের দিন আল্লাহর ডান হাতে থাকবে'। অন্যেরা বলেন, 'বরং আকাশ মণ্ডলী থাকবে ডান হাতে ও যমীন সমূহ থাকবে বাম হাতে'।

ছহীহ বুখারীতে (হা/৭৪১২) 'ঈমান' অধ্যায়ে আবদুল্লাহ ইবনে ওমর (রাঃ) থেকে মারফু হাদীছ বর্ণিত হয়েছে যে, 'নিশ্চয়ই আল্লাহ পাক কিয়ামতের দিন যমীনকে আপন মুষ্টিতে নিবেন। আকাশ মণ্ডলী থাকবে তাঁর ডান হাতে। অতঃপর তিনি বলবেন, আমিই মালিক'। এই হাদীছই উক্ত আয়াতের তাফসীরের জন্য বড় দলীল। আকাশ মণ্ডলীকে ঐ দিন আল্লাহ পাক ভাঁজ করা অবস্থায় নিজ ডান হাতে নিবেন এবং যমীনকেও তিনি মুষ্টিতে নেবেন ও হাতে দুলিয়ে বলবেন আমিই মালিক'। দলীল যেহেতু প্রমাণিত, সেহেতু এখানে তাবীলের কোন উপায় নেই।

ই,ফা,বা, এখানে অনুবাদ করেছে 'আকাশ মণ্ডলী থাকিবে তাঁহার করায়ত্ত'। অথচ প্রকৃত অনুবাদ হবে 'তাঁর ডান হাতে ভাঁজ করা অবস্থায়'। অতঃপর টীকা দিয়েছে 'মুষ্টি' রূপক অর্থে অধিকার; 'ইয়ামীন' দক্ষিণ' রূপক অর্থে শক্তি, ক্ষমতা (পৃঃ ৭৬১, টীকা ১৭০)। এটি নিঃসন্দেহে ভ্রান্ত অনুবাদ ও ভ্রান্ত ব্যাখ্যা।

## ২৪. আল্লাহর পায়ের নলা (صفة الساق) গুণঃ

ক্বলম-৪২ঃ (يَوْمَ يُكْشَفُ عَنْ سَاقٍ وَيُدْعَوْنَ إِلَى السُّجُودِ فَلَا يَسْتَطِيعُونَ) 'যেদিন হাঁটুর নীচের অংশ (পায়ের নলা) উন্মুক্ত করা হবে এবং তাদেরকে সিজদার জন্য আহ্বান করা হবে, কিন্তু তারা তাতে সক্ষম হবে না'। মাননীয় তাফসীরকার অত্র আয়াতাংশের ব্যাখ্যায় বলেন, (يوم يكشف عن ساق: هو عبارة عن شدة الأمر يوم القيامة للحساب والجزاء) 'যেদিন হাঁটুর নীচের অংশ উন্মুক্ত করা হবে'ঃ এর দ্বারা কিয়ামতের দিনের হিসাব ও বদলা দানের কঠিন অবস্থার কথা বুঝানো হয়েছে।

ই,ফা,বা, উক্ত আয়াতের অনুবাদ করেছে, 'স্মরণ কর সেই চরম সংকটের দিনের কথা সেই দিন উহাদিগকে আহ্বান করা হইবে সিজদা করিবার জন্য কিন্তু উহারা তাহা করিতে সক্ষম হইবে না' (পৃঃ ৯৪৫)। এখানে আল্লাহর 'পা' থাকার গুণকে অস্বীকার করা হয়েছে, যাতে তাঁকে 'নিরাকার' প্রমাণ করা যায়।

আমরা বলি, উপরোক্ত তাফসীর উক্ত আয়াতের অন্যতম ব্যাখ্যা হ'তে পারে, যার দ্বারা কিয়ামতের ভয়ংকর অবস্থার কথা বুঝানো যায়। তবে এই আয়াতের দ্বিতীয় তাফসীর হ'ল- 'আল্লাহ পাক কিয়ামতের দিন তাঁর পায়ের নলা উন্মুক্ত করে দিবেন'। এই তাফসীরের প্রমাণ হ'ল আবু সাঈদ খুদরী (রাঃ) হ'তে বর্ণিত নিম্নোক্ত ছহীহ হাদীছ-

يكشف ربنا عن ساقه فيسجد له كل مؤمن ومؤمنة ويبقى من كان يسجد في الدنيا رياءً وسمعةً فيذهب ليسجد فيعود ظهره طبقاً واحداً-

'আমাদের প্রভু স্বীয় পায়ের নলা উন্মুক্ত করে দিবেন। অতঃপর সকল মুমিন পুরুষ ও নারী সেখানে সিজদা করবে। বাকী থাকবে এসব লোক যারা দুনিয়াতে সিজদা করত লোক দেখানে ও নাম কেনার জন্য। তারা সিজদা করার জন্য যাবে। কিন্তু তাদের পৃষ্ঠদেশ একক তক্তার মত শক্ত হয়ে যাবে'।<sup>৬</sup>

এটা জানা কর্তব্য যে, যারা উক্ত আয়াতের প্রথমোক্ত তাফসীর করে থাকেন তাঁরা হাদীছে প্রমাণিত আল্লাহর

(صفة الساق) বা 'পায়ের নলা' গুণকে অস্বীকার করেন না। কিন্তু তাঁরা একথাও বলেন না যে, অত্র আয়াতটি আল্লাহর উক্ত গুণ-এর উপরে প্রমাণশীল এবং অত্র আয়াতটিকে তাঁরা আল্লাহর গুণাবলী সংক্রান্ত আয়াতের মধ্যেও গণ্য করেন না। তারা এই গুণটিকে 'সুন্নাহ' দ্বারা প্রমাণ করেন। অতএব ঐ দুই ব্যাখ্যার মধ্যে কোন বিরোধ নেই। অর্থাৎ আল্লাহ কিয়ামতের ভয়ংকর দিনে স্বীয় 'পায়ের নলা' উন্মুক্ত করে দিবেন।

এই ব্যাখ্যা নির্গুণবাদী মু'আত্তিলাহদের বিরোধী। যারা আল্লাহর উক্ত (ساق) বা 'পায়ের নলা' গুণকে অস্বীকার করে। তারা এ ব্যাপারে কুরআন ও হাদীছের কোন বক্তব্যকে গ্রহণ করে না বরং এসবের অর্থ করে (شدة)

(الامر) বা 'কঠিন অবস্থা' বলে। কুরআনের আয়াতের ব্যাখ্যায় উক্ত অর্থ গ্রহণ করা গেলেও হাদীছে কোন দ্ব্যর্থতা নেই। সেখানে 'পায়ের নলা'-কে সরাসরি আল্লাহর দিকে সন্থক্যুক্ত করা হয়েছে।

[চলবে]

৬. বুখারী 'তাফসীর' অধ্যায় 'হাঁটুর নিম্নদেশ উন্মুক্ত হওয়া' অনুচ্ছেদ, হা/৪৯১৯।

আহলেহাদীছ আন্দোলন আল্লাহর সর্বশেষ  
অহি ভিত্তিক সমাজ ও রাষ্ট্র গঠনের  
এক বৈপ্লবিক আন্দোলন।

## ইসলামী আন্দোলনে বিজয়ের স্বরূপ

মূলঃ ডঃ নাছের বিন সুলাইমান আল-ওমর

অনুবাদঃ মুহাম্মাদ আব্দুল মালেক\*

(২য় কিস্তি)

### সাহায্য ও বিজয়ের স্বরূপ বিশ্লেষণঃ

মহান আল্লাহ বলেন,

إِنَّا لَنَنْصُرُ رُسُلَنَا وَالَّذِينَ آمَنُوا فِي الْحَيَاةِ الدُّنْيَا  
وَيَوْمَ يَقُومُ الشَّهَادُ-

‘নিশ্চয়ই আমি আমার রাসূলগণকে ও বিশ্বাসীদেরকে পার্থিব জীবনে এবং যেদিন সাক্ষীর দায়মান হবে সেদিন সাহায্য করব’ (মুমিন ৫১)।

‘মুমিনদেরকে সাহায্য করা আমাদের দায়িত্ব’ (ক্বম ৪৭)।  
إِن تَنْصُرُوا اللَّهَ يَنْصُرْكُمْ- ‘যদি তোমরা আল্লাহকে সাহায্য কর, তবে আল্লাহ তা’আলাও তোমাদেরকে সাহায্য করবেন’ (মুহাম্মাদ ৭)।  
وَلَيَنْصُرَنَّ اللَّهُ مَن يَنْصُرُهُ

‘অবশ্যই আল্লাহ ঐ ব্যক্তিকে সাহায্য করবেন, যে তাঁকে সাহায্য করবে’ (হজ্ব ৪০)।

وَلَقَدْ سَبَقَتْ كَلِمَتُنَا لِعِبَادِنَا الْمُرْسَلِينَ- إِنَّهُمْ لَهُمُ  
الْمَنْصُورُونَ وَإِن جُنَدُنَا لَهُمُ الْغَالِبُونَ-

‘নিশ্চয়ই আমার কথা আমার রাসূলগণের ক্ষেত্রে পূর্বে সাব্যস্ত হয়েছে যে, তারা অবশ্যই সাহায্যপ্রাপ্ত হবেন এবং আমার বাহিনী অবশ্যই বিজয়ী হবে’ (ছাফফাত ১৭১-৭৩)।

এই আয়াতগুলি ছাড়াও এরূপ আরও অনেক আয়াত রয়েছে, যা একজন প্রচারকের পক্ষে এলাহী সাহায্যের প্রমাণ বহন করে। চাই সে প্রচারক রাসূল হউন, কিংবা মুমিন হউন। আল্লাহ প্রদত্ত এ সাহায্য আসবে আখেরাতের আগে দুনিয়াবী জীবনেই।

কুরআন-হাদীছ থেকে যা জানা যায়, তাতে অনেক নবীকে তাদের শত্রুরা হত্যা করে লাশ পর্যন্ত বিকৃত করে দিয়েছে। ইয়াহইয়া ও শু’আইব (আঃ)-এর ক্ষেত্রে এরূপ ঘটেছিল। আবার অনেক নবীকে তাঁদের গোত্র হত্যা করতে উদ্যত হয়েছিল। তাঁরা তাদের ছোবল থেকে নিষ্কৃতি পেয়েছিলেন বটে, কিন্তু তাঁদের দেশ ছাড়তে হয়েছে। যেমন ইবরাহীম (আঃ) স্বজাতি ও স্বদেশ ছেড়ে শাম দেশে হিজরত করেন। ইসা (আঃ)-কে তাঁর জাতি যখন হত্যা করতে উদ্যত

হয়েছিল, তখন তাঁকে আল্লাহ উর্ধ্বলোকে তুলে নিয়েছিলেন।

মুমিনদেরকেও অনুরূপ বর্বরতম শাস্তি দেওয়া হয়েছে। কাউকে অগ্নিকুণ্ডে নিক্ষেপ করা হয়েছে, কাউকে শহীদ করা হয়েছে, কেউ দুঃখ-কষ্ট ও নির্যাতন-নিপীড়নের মধ্য দিয়ে কালাতিপাত করেছে। তবে এভাবে বাড়ি থেকে বিতাড়িত হওয়া, হত্যার শিকার ও শাস্তি ভোগের পরও পার্থিব জীবনে আল্লাহর সাহায্যের প্রতিশ্রুতি বাস্তবায়িত হওয়ার কথা কিভাবে বিশ্বাস করা যায়? (ভাফসীয়ে জ্বাবরী ২৪/৭৪ পৃঃ; ফী যিলালিল কুরআন ৫/৩০৮৫ পৃঃ)।

আমরা দৃঢ়ভাবে বিশ্বাস করি যে, আল্লাহর প্রতিশ্রুতি কখনই বিলম্বিত হয় না। কিন্তু বিভিন্ন প্রকার সাহায্যের কথা বাদ দিয়ে আল্লাহর প্রকাশ্য সাহায্য ও দ্বীনের বিজয় লাভের মত একটি মাত্র সাহায্যের দিকে দৃষ্টি নিবদ্ধ করাতেই এরূপ প্রশ্ন উত্থাপিত হয়েছে। তাছাড়া আল্লাহ তা’আলা নবী-রাসূল ও মুমিনদেরকে যে সাহায্যের প্রতিশ্রুতি দিয়েছেন, তা যে কেবল এই শ্রেণীর সাহায্যই হতে হবে, এমন কোন বাধ্যবাধকতা নেই।

আল্লাহ তাদেরকে যে সাহায্য প্রদানের প্রতিশ্রুতি দিয়েছেন তা অবশ্যই অতীতে বাস্তবায়িত হয়েছে, বর্তমানে হচ্ছে এবং ভবিষ্যতেও বাস্তবায়িত হবে ইনশাআল্লাহ। এতে কোন সন্দেহ নেই। আর তা আখেরাতের পূর্বে দুনিয়ার জীবনেই হবে।

এ বিষয়টি সম্পর্কে পরিষ্কার ধারণা রাখার জন্য বিভিন্ন আয়াতে, বর্ণিত ‘نَصْرُ’ বা ‘সাহায্য’ শব্দের মর্মার্থ ব্যাখ্যা করা প্রয়োজন। আমাদের স্মৃতিতে এ কথা আগেই ধরে রাখা দরকার যে, সাহায্যের নানা দিক ও প্রকৃতি রয়েছে। তার যেকোন একটি বাস্তবায়িত হ’লে আল্লাহর প্রতিশ্রুতি বাস্তবায়িত হয়েছে বলে গণ্য হবে। নানা প্রকৃতির এই সাহায্যের মধ্যে গুরুত্বপূর্ণ কয়েকটি নিম্নে উপস্থাপন করা হ’লঃ

### (১) প্রত্যক্ষ বিজয় ও শত্রুর পরাজয়ঃ

আল্লাহ তা’আলা কখনও প্রচারকবৃন্দকে তাঁর শত্রুদের বিরুদ্ধে প্রকাশ্য বিজয় দান করেন। শত্রু তখন তাঁদের পদানত হয়ে যায়। বহু নবী-রাসূল এভাবে শত্রুদের বিরুদ্ধে সরাসরি বিজয় অর্জন করেছেন। দাউদ ও সুলায়মান (আঃ) এরূপ বিজয় অর্জন করেছিলেন। আল্লাহ তা’আলা এরশাদ করেন,

وَقَتَلَ دَاوُدُ جَالُوتَ وَآتَاهُ اللَّهُ الْمُلْكَ وَالْحِكْمَةَ-

‘দাউদ জালূতকে হত্যা করেন এবং আল্লাহ তাকে রষ্ট্র ক্ষমতা ও প্রজ্ঞা দান করেন’ (বাক্বারাহ ২৫১)।

وَكَلَّا أَتَيْنَا حُكْمًا وَعِلْمًا-

‘উভয়কেই (দাউদ ও সুলায়মানকে) আমি শাসন ক্ষমতা ও জ্ঞান দান করেছি’ (আখিয়া ৭৯)।

\* সহকারী শিক্ষক, সিনাইদহ সরকারী উচ্চ বিদ্যালয়, সিনাইদহ।

قَالَ رَبِّ اغْفِرْ لِي وَهَبْ لِي مُلْكًا لَّأَيُّبِنِي لِأَحَدٍ مِّنْ بَعْدِي-

‘তিনি বললেন, রব আমার, আমাকে আপনি মার্জনা করুন এবং আমাকে এমন রাষ্ট্র দান করুন, যা আমার পর আর কারও জন্য সম্ভব হবে না’ (ছোয়াদ ৩৫)।

মূসা (আঃ)-কে আল্লাহ তা’আলা ফির‘আউন ও তার বাহিনীর বিরুদ্ধে সাহায্য করেছিলেন এবং তাঁর জীবদ্দশায় দ্বীনকে বিজয়ী করেছিলেন। আল্লাহ বলেন,

وَدَمَّرْنَا مَا كَانَ يَصْنَعُ فِرْعَوْنُ وَقَوْمُهُ وَمَا كَانُوا يَعْرِشُونَ-

‘ফির‘আউন ও তার সম্প্রদায়ের শিল্প এবং তাদের নির্মিত প্রাসাদরাজি আমি ধ্বংস করে দিয়েছি’ (আ’রাফ ১৩৭)।

فَأَنْجَيْنَاكُمْ وَآغْرَقْنَا آلَ فِرْعَوْنَ وَأَنْتُمْ تَنْظُرُونَ-

‘অতঃপর আমি তোমাদেরকে মুক্তি দিয়েছিলাম এবং ফির‘আউন সম্প্রদায়কে এমন করে ডুবিয়ে দিয়েছিলাম, যা তোমরা তাকিয়ে দেখছিলে’ (বাক্বারাহ ৫০)।

আমাদের নবী মুহাম্মাদ (ছাঃ)-কেও আল্লাহ তা’আলা খুব বড় আকারে সাহায্য করেছেন। বদর ও পরবর্তী যুদ্ধগুলিতে আল্লাহ তা’আলা তাঁর শত্রুদেরকে পদানত করেছেন। শেষ পর্যন্ত আল্লাহর দ্বীন বিজয়ী হয়েছে এবং ইসলামী রাষ্ট্র প্রতিষ্ঠিত হয়েছে।

আল্লাহ তা’আলা বলেন,

إِنَّا فَتَحْنَا لَكَ فَتْحًا مُّبِينًا-

‘নিশ্চয়ই আমি আপনাকে দিয়েছি সুস্পষ্ট বিজয়’ (ফাতহ ১)।

إِذَا جَاءَ نَصْرُ اللَّهِ وَالْفَتْحُ، وَرَأَيْتَ النَّاسَ يَدْخُلُونَ فِي دِينِ اللَّهِ أَفْوَاجًا-

‘যখন আল্লাহর সাহায্য ও বিজয় আসবে, আর আপনি লোকদের দেখতে পাবেন, তারা দলে দলে আল্লাহর দ্বীনে প্রবেশ করছে’ (নাছর ১-২)।

এ জাতীয় সাহায্য তো খুবই স্পষ্ট। ‘সাহায্য’ শব্দ উচ্চারণ করা মাত্রই এ দিকে দৃষ্টি নিবদ্ধ হয়। কারণ (ক) প্রকাশ্য সাহায্য মানুষ চোখে দেখতে পায় এবং হৃদয় দিয়ে অনুভব করতে পারে।

(খ) এ ধরনের সাহায্য একাধারে দ্বীন ও তার প্রচারক উভয়েরই বিজয়ের স্বাক্ষর বহন করে।

(গ) মানব মনের কাঙ্ক্ষিত ও প্রিয় বিষয়ই হ’ল এরূপ সাহায্য। এ সাহায্য দ্রুত ফলদায়ক। আর যা দ্রুত ফলদায়ক তার প্রতি মনের আকর্ষণ আপনা আপনি তৈরী হয়। এজন্যই মহান আল্লাহ বলেছেন,

وَأُخْرَى تُحِبُّونَهَا نَصْرٌ مِّنَ اللَّهِ وَفَتْحٌ قَرِيبٌ-

‘তিনি দান করবেন তোমাদের বাঞ্ছিত আরও একটি অনুগ্রহ; আল্লাহর সাহায্য ও আসন্ন বিজয়’ (হুফফ ১৩)।

(২) মিথ্যারোপকারীদের ধ্বংসের মাধ্যমে সাহায্যঃ  
কখনও মিথ্যারোপকারী কাফিরদের ধ্বংস সাধন এবং নবী-রাসূল ও তাঁদের সঙ্গী মুমিনদের নাজাত প্রদানের মাধ্যমে সাহায্য করা হয়। নূহ (আঃ)-কে আল্লাহ তা’আলা এভাবে সাহায্য করেছিলেন। তিনি মুক্তি পেয়েছিলেন কিন্তু তাঁর কাফির জাতিতে ধ্বংস করে দেওয়া হয়েছিল। যেমন পবিত্র কুরআনে বর্ণিত হয়েছে,

فَدَعَا رَبَّهُ أَنِّي مَغْلُوبٌ فَانْتَصِرْ، فَفَتَحْنَا أَبْوَابَ السَّمَاءِ بِمَاءٍ مُّنْهَمِرٍ، وَفَجَّرْنَا الْأَرْضَ عُيُونًا فَالْتَقَى الْمَاءُ عَلَى أَمْرٍ قَدْ قُدِرَ وَحَمَلْنَا عَلَى ذَاتِ الْأَوَّاحِ وَدُسْرٍ- تَجْرِي بِأَعْيُنِنَا جَزَاءَ لِمَنْ كَانَ كُفْرًا-

‘তিনি (নূহ) তাঁর রবকে আহ্বান করে বললেন, আমি তো অসহায়, অতএব আপনি প্রতিবিধান করুন। ফলে আমি উন্মুক্ত করে দিলাম আকাশের দ্বার প্রবল বারি বর্ষণে এবং মুক্তিকা হ’তে উৎসারিত করলাম প্রস্রবণ। অতঃপর সকল পানি মিলিত হ’ল এক পরিকল্পনা অনুসারে। তখন নূহকে আরোহন করলাম কাষ্ঠ ও কীলক নির্মিত এক নৌযানে। যা চলত আমার প্রত্যক্ষ তত্ত্বাবধানে। এটা তার জন্য প্রতিদান যাকে প্রত্যাখ্যান করা হয়েছিল’ (হুমার ১০-১৪)।

একই পরিণতি ঘটেছিল হুদ (আঃ)-এর ক্বওমের। আল্লাহ বলেন,

فَأَنْجَيْنَاهُ وَالَّذِينَ مَعَهُ بِرَحْمَةٍ مِنَّا وَقَطَّعْنَا دَابِرَ الَّذِينَ كَذَّبُوا بِآيَاتِنَا وَمَا كَانُوا مُؤْمِنِينَ-

‘অনন্তর আমি তাঁকে ও তাঁর সাথে যারা ঈমান এনেছিল তাদেরকে মুক্তি দিয়েছিলাম এবং যারা আমার বিধানাবলীকে মিথ্যা সাব্যস্ত করেছিল তাদের মূলচ্ছেদ করেছিলাম। বস্তুতঃ তারা মুমিন ছিল না’ (আ’রাফ ৭২)।

হালেহ (আঃ)-এর জাতির পরিণতি প্রসঙ্গে আল্লাহ বলেন,

فَأَخَذَتْهُمُ الرَّجْفَةُ فَأَصْبَحُوا فِي دَارِهِمْ جَاثِمِينَ-

‘তাদেরকে ভূমিকম্প আঘাত হেনেছিল, ফলে তারা তাদের লোকালয়ে অধঃমুখী হয়ে পড়েছিল’ (আ’রাফ ৭৮)।

লূত (আঃ)-এর জাতির পরিণাম সম্পর্কে আল্লাহ বলেন,

وَأَمْطَرْنَا عَلَيْهِمْ مَطَرًا، فَانظُرْ كَيْفَ كَانَ عَاقِبَةُ الْمُجْرِمِينَ-

‘আমি তাদের উপর প্রবল বারিপাত করেছিলাম। সুতরাং পাপীষ্ঠদের পরিণতি কিরূপ দাঁড়িয়েছিল তা আপনি লক্ষ্য করুন’ (আ’রাফ ৮৪)।

ও‘আইব (আঃ)-এর জাতি প্রসঙ্গে আল্লাহ বলেন,

فَكَذَّبُوهُ فَأَخَذَهُمْ عَذَابُ يَوْمِ الظُّلَّةِ إِنَّهُ كَانَ عَذَابَ  
يَوْمٍ عَظِيمٍ-

‘অতঃপর ওরা তাঁকে মিথ্যাবাদী সাব্যস্ত করল। ফলে ওদের মেঘাচ্ছন্ন দিবসে শাস্তি গ্রাস করল। এত ছিল এক ভীষণ দিবসের শাস্তি’ (৩/আরা ১৮৯)।

পাপীষ্ঠদের এভাবে কঠিন শাস্তিতে জর্জরিত করা নিশ্চয়ই প্রচারকদের প্রতি বিরাট সাহায্য এবং মিথ্যারোপকারী, দুমুখ নাস্তিক ও সত্য প্রত্যাখ্যানকারীদের প্রতি লাঞ্ছনা ও নির্মম কষাঘাত।

আল্লাহ অবশ্য পাপীদের অবকাশ দেন, তাই বলে চিরতরের জন্য অবকাশ দেন না। তিনি বলেন,

فَكَلَّا أَخَذْنَا بِذَنبِهِ فَمِنْهُمْ مَنْ أَرْسَلْنَا عَلَيْهِ حَاصِبًا وَمِنْهُمْ مَنْ أَخَذَتْهُ الصَّيْحَةُ وَمِنْهُمْ مَنْ خَسَفْنَا بِهِ الْأَرْضَ وَمِنْهُمْ مَنْ أَغْرَقْنَا وَمَا كَانَ اللَّهُ لِيظْلِمَهُمْ وَلَكِنْ كَانُوا أَنْفُسَهُمْ يَظْلِمُونَ-

‘ওদের প্রত্যেককেই আমি তার অপরাধের জন্য শাস্তি দিয়েছিলাম। ওদের কারও প্রতি ধ্রুং প্রেরণ করেছিলাম প্রস্তরসহ প্রচণ্ড ঝটিকা, কাউকে আঘাত করেছিল মহানাদ, কাউকে আমি প্রোধিত করেছিলাম ভূগর্ভে এবং কাউকে করেছিলাম নিমজ্জিত। আল্লাহ তাদের প্রতি কোন যুলুম করেননি; বরং তারা নিজেরাই নিজেরদের প্রতি যুলুম করেছিল’ (আনকাবূত ৪০)।

(৩) নবী-রাসূলগণের তিরোধানের পর শত্রুদের বিরুদ্ধে আল্লাহর প্রতিশোধ গ্রহণের মাধ্যমে সাহায্যঃ যারা নবী-রাসূল ও দ্বীন প্রচারকদের প্রচারিত সত্যকে প্রত্যাখ্যান করে, অনেক সময় নবী-রাসূলগণের ইনতিকালের পর আল্লাহ তাদের থেকে প্রতিশোধ নিয়ে থাকেন। ইয়াহইয়া (আঃ), শুয়াইব (আঃ)-এর হত্যাকারীদের ক্ষেত্রে এবং ঈসা (আঃ)-এর হত্যার প্রচেষ্টাকারীদের বিরুদ্ধে একপ্রতিশোধ নেয়া হয়েছিল। আল্লাহ বলেন, ‘নিশ্চয়ই আমি আমার রাসূলগণ ও ঈমানদারগণকে পৃথিবীর জীবনেই সাহায্য করব’ (মুমিন ৫১)। এ আয়াতের অর্থ প্রসঙ্গে ইমাম তাবারী (রহঃ) বলেছেন, ‘আমি এই সাহায্য হয় যারা আমাকে মিথ্যক গণ্য করতে চায়, তাদের বিরুদ্ধে রাসূলগণকে বিজয়ী করে করব, নয়তো রাসূলগণকে যারা প্রত্যাখ্যান করেছে, রাসূলদের ধ্বংস ও ওফাতের পর ঐ প্রত্যাখ্যানকারীদের থেকে এই পার্থিব জীবনে প্রতিশোধ গ্রহণের মাধ্যমে করব। যেমন নবী শু‘আইব (আঃ)-কে হত্যা করার পর আমি তাঁকে সাহায্য করেছিলাম। তাঁর হত্যাকারীদের উপর আমি ক্ষমতাশালী কিছু লোক নিযুক্ত করেছিলাম এবং তাদের হাতে হত্যাকারীদের নাস্তানাবুদ করে দিয়েছিলাম। ঈসা (আঃ)-এর হত্যা প্রচেষ্টাকারীদের থেকে রোমকদের মাধ্যমে প্রতিশোধ নিয়েছিলাম। তারা ওদের ধ্বংস করে দিয়েছিল। ইয়াহইয়া (আঃ)-কে যারা

হত্যা করেছিল তাদের উপর আমি ব্যাবিলনের বাদশাহ বখতে নছর (নেবুচাদ নেজার)-কে চাপিয়ে দিয়েছিলাম। এভাবে ইয়াহইয়া (আঃ)-এর হত্যাকারীদের থেকে তার মাধ্যমে আমি প্রতিশোধ নিয়েছিলাম (তাফসীরে ত্বাবারী ২৪/৭৪ পৃঃ)। আল্লাহর বাণী, وَلَوْ يَشَاءُ اللَّهُ لَانْتَصَرْتُمْ-

‘আল্লাহ ইচ্ছে করলে তাদের থেকে প্রতিশোধ নিতে পারতেন’ (যুহাফাদ ৪)। এসবই আল্লাহর উক্তির মর্ম।

(৪) জেল, হত্যা, বাস্তুভিটা হ’তে উৎখাত, যুলুম-নির্ধাতন ইত্যাদি যা বাহ্যদৃষ্টিতে পরাজয়, কিন্তু ক্ষেত্রে বিশেষে তা-ই বিজয়ঃ

মানুষের বাহ্যদৃষ্টিতে উপরোক্ত বিষয়গুলি পরাজয় গণ্য হ’লেও অনেক সময় তা প্রকৃতপক্ষে জয়রূপেই প্রতিপন্ন হয়। একজন প্রচারকের নিহত হওয়া কি আল্লাহর রাস্তায় শহীদ হওয়া নয়? আল্লাহ বলেন,

وَلَا تَحْسَبَنَّ الَّذِينَ قُتِلُوا فِي سَبِيلِ اللَّهِ أَمْواتًا بَلْ أحياءٌ عِنْدَ رَبِّهِمْ يُرزقُونَ-

‘যারা আল্লাহর রাস্তায় নিহত হয় তাদেরকে তুমি কখনও মৃত মনে করো না; বরং তারা জীবিত। তাদের প্রতিপালকের নিকট থেকে তারা রিযিক প্রাপ্ত হয়’ (আলে ইমরান ১৬৯)।

قِيلَ ادْخُلِي الْجَنَّةَ قَالَ يَا لَيْتَ قَوْمِي يَعْلَمُونَ، بِمَا غَفَرَ لِي رَبِّي وَجَعَلَنِي مِنَ الْمُكْرَمِينَ-

‘বলা হ’ল, ‘যাও, জান্নাতে যাও’। সে তখন বলল, ‘হায় আফসোস! আমার জাতি যদি জানত যে, কেন আমার প্রতিপালক আমাকে ক্ষমা করলেন এবং আমাকে সম্মানিতজনদের অন্তর্ভুক্ত করলেন’ (ইয়াসীন ২৬-২৭)।

قُلْ هَلْ تَرَبَّصُونَ بِنَا إِلَّا إِحْدَى الْحُسَيْنَيْنِ-

‘আপনি বলুন, তোমরা তো আমাদের জন্য দু’টি কল্যাণকর দিকের যেকোন একটির অপেক্ষা বৈ অন্য কিছু করছ না’ (তওবা ৫২)।

অতএব ইসলাম প্রচার করতে গিয়ে প্রচারক নিহত হ’লেও নানাদিক দিয়েই তা বিজয় বলে গণ্য হবে। যেমন-

(ক) শাহাদাতের অমিয় সুধা পানঃ

শাহাদাত মানব জীবনের জন্য চরম ও পরম বিজয়। আল্লাহ তা‘আলা এজন্যই এরশাদ করেছেন, ‘যারা আল্লাহর রাস্তায় নিহত হয় তাদেরকে তুমি কখনও মৃত মনে করো না; বরং তারা জীবিত। তাদের প্রতিপালকের নিকট থেকে তারা রিযিক প্রাপ্ত হয়। আল্লাহ স্বীয় অনুগ্রহে তাদের যা দেন তাতে তারা আনন্দিত’ (আলে ইমরান ১৬৯-১৭০)।

[চলবে]



## ইলমে নাহঃ উৎপত্তি

নূরুল ইসলাম\*

(২য় কিস্তি)

## বিকাশঃ

আবুল আসওয়াদ আদ-দুওয়ালীর হাতে 'ইলমে নাহ'র গোড়াপত্তনের পর আব্বাসীয় যুগে বছরী ও কুফী নাহবীগণের হাতে এ শাস্ত্র পরিপূর্ণতা লাভ করে এবং একটি পৃথক শাস্ত্রের মর্যাদা লাভ করে। এক্ষেত্রে বছরার বৈয়াকরণগণ অগ্রণী ভূমিকা পালন করেন।<sup>১৯</sup> বছরী বৈয়াকরণগণের মধ্যে ইবনু ইসহাক প্রথম স্বরচিহ্নের (إِعْرَابٍ) কারণ উল্লেখ করেন,<sup>২০</sup> ঈসা ইবনু ওমর

আছ-ছাক্বাফী প্রথম নাহ'র গ্রন্থ প্রণয়ন করেন<sup>২১</sup>, হারূণ ইবনু মুসা প্রথম ইহা সংরক্ষণ করেন এবং সীবাওয়াইহু নাহ'র গ্রন্থ রচনায় প্রথম দক্ষতার পরিচয় দেন।<sup>২২</sup>

বছরায় 'ইলমে নাহ' চর্চা প্রসার লাভ করলে কুফীগণ বছরী নাহবীগণের কাছ থেকে নাহ শিক্ষা লাভ করেন। কালক্রমে বছরী ও কুফী নাহবীগণ নাহর খুঁটিনাটি বিষয় নিয়ে তুমুল বিতর্কে জড়িয়ে পড়েন। ফলে নাহ শাস্ত্রে কুফী ও বছরী মতবাদ নামে দু'টি স্বতন্ত্র মতবাদের সৃষ্টি হয়। প্রত্যেকেই স্বীয় মতবাদের পক্ষে বলিষ্ঠ যুক্তি পেশ করতেন।<sup>২৩</sup>

উভয় মতবাদের মধ্যে ছন্দের প্রধান কারণ ছিল এই যে, বছরীগণ শ্রবণকে প্রাধান্য দিতেন। তারা একান্ত বাধ্যগত অবস্থা ছাড়া কিয়াসের তোয়াক্বা করতেন না এবং বর্ণনার ক্ষেত্রে অত্যন্ত কড়াকড়ি আরোপ করতেন। ফলে তারা বিশুদ্ধভাষী খাঁটি আরবীয় বেদুঈন ছাড়া অন্যের কাছ থেকে বর্ণনা গ্রহণ করতেন না। কিন্তু কুফী বৈয়াকরণগণ অধিকাংশ নাহবী বিধি-বিধানের কিয়াসের উপর নির্ভর করতেন। ফলে বছরী নাহবীগণের কাছে যে বেদুঈন বিশ্বস্ত সাব্যস্ত হ'ত না, তার কাছ থেকেও কুফীগণ বর্ণনা গ্রহণ করতে দ্বিধা করতেন না।<sup>২৪</sup>

বছরী নাহবীগণ ছিলেন জ্ঞানে ও বিচার-বিশ্লেষণে অত্যন্ত দক্ষ এবং বর্ণনায় অত্যধিক নির্ভরযোগ্য। কিন্তু কুফা বাগদাদের নিকটবর্তী হওয়ায় এবং কুফী নাহবীগণ আব্বাসীয় খলীফাগণের সমর্থক হওয়ায় আব্বাসীয়

খলীফাগণ কুফীগণকে বছরীগণের উপর প্রাধান্য দিতেন। তাঁরা কুফী নাহবীগণকে তাদের সন্তান-সন্ততির শিক্ষক নিয়োগ করতেন। ফলে আব্বাসীয় খলীফাগণের রাজনৈতিক পৃষ্ঠপোষকতায় কুফী মতবাদ রাজধানী বাগদাদে বিস্তার লাভ করে।<sup>২৫</sup>

## 'ইলমে নাহ'র বিকাশে প্রখ্যাত বছরী নাহবীগণের অবদান

## আছ-ছাক্বাফী (মৃত ১৪৯ হিঃ/৭৬৬ খৃঃ)

আবু আমর ঈসা ইবনু ওমর আছ-ছাক্বাফী ভাষাতত্ত্ব, নাহ ও ইলমে কিরাআতের এক অনন্য পণ্ডিত ছিলেন।<sup>২৬</sup> 'ইলমে নাহ'র বিকাশে তিনি অগ্রণী ভূমিকা পালন করেন। তিনি নাহ শাস্ত্রে সত্তরের অধিক গ্রন্থ প্রণয়ন করেছিলেন। কিন্তু الْجَامِعُ وَ الْإِكْمَالُ ছাড়া সবগুলি ভস্মীভূত হয়ে যায়।<sup>২৭</sup> এ গ্রন্থ দু'টির প্রশংসায় বৈয়াকরণ খলীল ইবনু আহমাদ আল-ফারাহীদী বলেন-

بَطَلَ النَّحْوُ جَمِيعًا كُلُّهُ × غَيْرَمَا أُحْدِثَ عَيْسَى بْنُ عُمَرَ  
ذَلِكَ (إِكْمَالًا) وَ هَذَا جَامِعٌ × فَهَذَا لِلنَّاسِ شَمْسٌ وَ كَمَرٌ

অর্থাৎ 'ঈসা ইবনু ওমর প্রণীত গ্রন্থ ব্যতীত নাহর সব গ্রন্থ বাতিল হয়ে গেছে। 'ইকমাল' ও 'জামে' গ্রন্থ দু'টি মানুষদের জন্য চন্দ্র ও সূর্য সদৃশ'।<sup>২৮</sup>

তবে উল্লেখিত গ্রন্থ দু'টিও কালের গর্ভে হারিয়ে গেছে এবং পরবর্তীতে এগুলি কারো দৃষ্টিগোচর হয়নি।<sup>২৯</sup> কেউ কেউ মনে করেন যে, সীবাওয়াইহু 'জামে' গ্রন্থটির ভাষ্য রচনা করে নিজের নামে চালিয়ে দেন।<sup>৩০</sup> সঠিক তথ্য আল্লাহই সর্বাধিক জ্ঞাত।

## খলীল ইবনু আহমাদ আল-ফারাহীদী (মৃত ১৭৪ হিঃ/৭৮৯ খৃঃ)

খলীল ইবনু আহমাদ ভাষাতত্ত্ব, ছন্দ বিজ্ঞান ও 'ইলমে নাহ'র এক অনন্য পণ্ডিত ছিলেন।<sup>৩১</sup> আল-ওয়াহিদী স্বীয় তাফসীরে বলেন,

أَلْجَامِعُ مُتَعَقِدٌ عَلَى أَنَّهُ لَمْ يَكُنْ أَحَدًا أَعْلَمَ بِالنَّحْوِ  
مِنَ الْخَلِيلِ-

অর্থাৎ 'খলীলের চেয়ে 'ইলমে নাহ' কেউ বেশী জানত না-

\* আরবী বিভাগ, রাজশাহী বিশ্ববিদ্যালয়।

১৯. জুরজী যায়দান, প্রাণ্ডক্ত, ২/১৩০ পৃঃ।
২০. আহমাদ হাসান আয-যাইয়াত, তারীখুল আদাবিল আরাবী (বৈরুতঃ দারুল মা'রেকাহ, ৪র্থ প্রকাশঃ ১৪১৮ হিঃ/১৯৯৭ খৃঃ), পৃঃ ২৬৭।
২১. বুতরুসুল বুসতানী, উদাবাউল আরব ফিল আ'ছুরিল আব্বাসিয়াহ (বৈরুতঃ দারুল নাযীর আব্বুদ, তাবি), পৃঃ ১৬০।
২২. জুরজী যায়দান, প্রাণ্ডক্ত, ২/১৩০।
২৩. উদাবাউল আরব, পৃঃ ১৬২; যাইয়াত, প্রাণ্ডক্ত, পৃঃ ২৬৭; জুরজী যায়দান, প্রাণ্ডক্ত, ২/১৩০ পৃঃ।
২৪. যাইয়াত, প্রাণ্ডক্ত, পৃঃ ২৬৭।

২৫. এঃ উদাবাউল আরব, পৃঃ ১৬২-১৬৩; জুরজী যায়দান, প্রাণ্ডক্ত, ২/১৩০ পৃঃ।
২৬. আল-বেদায়াহ ওয়ান নেহায়াহ ১০/১০৮ পৃঃ।
২৭. শাযারাতুয যাহাব ১/২২৫ পৃঃ।
২৮. আল-ফিহরিস্ত, পৃঃ ৪২।
২৯. মিফতাহুস সা'আদাহ ১/১৪৫ পৃঃ; আল-ফিহরিস্ত, পৃঃ ৪২।
৩০. ওফয়াতুল আযান ৩/৪৮৬ পৃঃ।
৩১. ডঃ ওমর ফররুখ, তারীখুল আদাবিল আরাবী (বৈরুতঃ দারুল ইলম লিল-মালারীন, ৬ষ্ঠ সংস্করণঃ ১৯৯৭), ২য় খণ্ড, পৃঃ ১১২; শাযারাতুয যাহাব ১/২৭৫ পৃঃ; ইমবাহুর রুওয়াত ১/৩৪২ পৃঃ।

হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা, হাসিক আত-তাহরীক ১ম খণ্ড ৪৪ পৃষ্ঠা

এ বিষয়ে ঐকমত্য প্রতিষ্ঠিত হয়েছে'।<sup>৩২</sup> তাঁর প্রচেষ্টায় 'ইলমে নাহ্' এক সুদৃঢ় ভিত্তির উপর প্রতিষ্ঠিত হয় এবং অনেক নাহবী পরিভাষা ও বিধি-বিধান প্রকাশিত হয়।<sup>৩৩</sup> নাহবী-বিধান উদ্ভাবন, স্বরচিহ্নের কারণ উল্লেখ এবং বিশুদ্ধ নিয়ম-নীতি প্রণয়নে তিনি ছিলেন সিদ্ধহস্ত।<sup>৩৪</sup> যুবায়দী বলেন,

فَهُوَ الَّذِي بَسَطَ النُّحُوَّ وَمَدَّ أَطْنَانَهُ وَسَبَّبَ عَلَيْهِ وَفَتَقَ مَعَانِيَهُ،  
وَأَوْضَحَ الْحُجَجَ فِيهِ حَتَّى بَلَغَ أَقْصَى حُدُودِهِ-

অর্থাৎ 'তিনিই নাহুর পরিধিকে বিস্তৃত করেন, উহার স্বরচিহ্নের কারণ উল্লেখ করেন, উহার অর্থসমূহ আবিষ্কার করেন এবং এ বিষয়ে দলীল-প্রমাণাদি এমনভাবে ব্যাখ্যা করেন যে, 'ইলমে নাহ্' তার সর্বোচ্চ সীমায় পৌঁছে যায়'।<sup>৩৫</sup> এজন্য তাঁকে 'ইলমে নাহুর প্রকৃত প্রতিষ্ঠাতা' (المؤسس الحقيقي لعلم النحوى العربى) বলা হয়ে থাকে।<sup>৩৬</sup>

আরবী ভাষা ও নাহ্ সংক্রান্ত তাঁর 'কিতাবুল আয়ন' (كتاب العَيْن) অভিধানটি অত্যন্ত বিখ্যাত। এ অভিধানে তিনি শব্দ সংকলনের সাথে সাথে আরবী ব্যাকরণের নিয়ম-নীতিও সংকলন করেছেন।<sup>৩৭</sup>

### সীবাওয়াইহ্ (মৃত ১৮০ হিঃ/৭৯৬খঃ)ঃ

আবু বিশর আমর ইবনু ওছমান ইবনু কানবার আরবী ভাষা ও সাহিত্য জগতে 'সীবাওয়াইহ্' রূপেই সর্বাধিক খ্যাত।<sup>৩৮</sup> বৈয়াকরণ খলীল ইবনু আহমাদ, সীসা ইবনু ওমর, ইউনুস ইবনু হাবীব প্রমুখের নিকট থেকে তিনি 'নাহ্'র শিক্ষা অর্জন করেন।<sup>৩৯</sup> 'নাহ্' শাস্ত্রে তিনি অগাধ পাণ্ডিত্যের অধিকারী ছিলেন। তিনি 'বহরী মতবাদের ইমাম বা নেতা' (إمام البصريين) 'নাহবীগণের শিক্ষক শَيْخُ النُّحَاةِ/شَيْخُ (إمام البصريين) 'নাহবীগণের নেতা' (إمام النُّحَاةِ) রূপে বরিত হন।<sup>৪০</sup>

সংস্কৃত ভাষার ব্যাকরণ প্রণয়নে পানীনী এবং আধুনিক ব্যাকরণ প্রণয়নে De Saussure-এর যে স্থান, আরবী ব্যাকরণ প্রণয়নে সীবাওয়াইহ্ এর সে স্থান।<sup>৪১</sup> আরবী

ব্যাকরণে তাঁর অন্যতম কীর্তি হচ্ছে 'আল-কিতাব' (الكتاب) নামক গ্রন্থটি। এ গ্রন্থে তিনি স্বীয় উস্তাদ খলীল ইবনু আহমাদ, ইউনুস ইবনু হাবীব, আমর ইবনু 'আলা প্রমুখের মতামত একত্রিত করেছেন।<sup>৪২</sup> তবে এ গ্রন্থের অধিকাংশ নিয়ম-নীতি খলীল ইবনু আহমাদের আবিষ্কার বলে গবেষকগণ মত ব্যক্ত করেছেন। ডঃ শাওকী যাইয়িফ বলেন, এ গ্রন্থের প্রায় ৩৭০ স্থানে তিনি খলীলের মতামত উল্লেখ করেছেন।<sup>৪৩</sup>

আস-সীরাফী বলেন, كُلُّ مَا قَالَ سَيَبُونَهُ: سَأَلْتُهُ أَوْ قَالَ مِنْ، অর্থাৎ 'যে সব স্থানে সিবাওয়াইহ্ বলেছেন যে, 'আমি তাকে জিজ্ঞাসা করেছি' অথবা যেখানে প্রবক্তার কথা উল্লেখ না করেই বক্তব্য পেশ করেছেন, সেখানে খলীল উদ্দেশ্য'।<sup>৪৪</sup> এ গ্রন্থে তিনি শুধু উস্তাদগণের কথাই নকল করেননি; বরং নিজেও বেদুঈনদের মুখ থেকে শুনে অনেক নিয়ম-নীতি আবিষ্কার করেছেন। যেমন তিনি বলেছেন-

سَمِعْتُ عَرَبِيًّا مَثُوقًا بِعَرَبِيَّتِهِ يَقُولُ، سَمِعْتُ أَعْرَابِيًّا، لَمْ تَسْمَعْ عَرَبِيًّا يَقُولُ، سَمِعْتُ رَجُلًا مِّنَ الْعَرَبِ يُنْشِدُ هَذَا الْبَيْتَ  
ইত্যাদি।<sup>৪৫</sup> এ গ্রন্থে ১০৫০টি কবিতার চরণ রয়েছে।<sup>৪৬</sup>

'الكتاب' গ্রন্থটি ৮২০টি পরিচ্ছেদ সম্বলিত দু'টি বৃহৎ খণ্ডে বিভক্ত।<sup>৪৭</sup> গ্রন্থটি একাধিকবার মুদ্রিত হয়েছে। অনূদিত হয়েছে জার্মান ভাষায়।<sup>৪৮</sup> এ গ্রন্থের ১ম খণ্ডে বাক্য ও এর শ্রেণী-বিভাগ, কর্তা, কর্ম, ক্রিয়া, কারক, ক্রিয়ামূলের বিধান, হাল, অধিকরণ, হরফে জার, বদল, নির্দিষ্ট ও অনির্দিষ্ট, বিশেষণ, উদ্দেশ্য, বিধেয়, ক্রিয়াবাচক বিশেষ্য, ক্রিয়াবাচক অব্যয়, সম্বোধন, তারখীম, ʾ অব্যয় দ্বারা না বাচক বাক্য এবং ইস্তেছনা আলোচিত হয়েছে। আর ২য় খণ্ডে আলোচিত হয়েছে মুনছারিফ, গায়র মুনছারিফ, সম্বন্ধ, ইয়াফাত, দ্বি-বচন, তাছগীর, মাকছুর, মামদূদ, বহুবচন, ওয়াকফ ও তার শর্তসমূহ ইত্যাদি।<sup>৪৯</sup>

আলোচ্য গ্রন্থটি তদানীন্তন সময়ে এক অভূতপূর্ব প্রভাব বিস্তার করেছিল। সে সময় যদি বহুরায় বলা হ'ত فَرًّا

৩২. শাযরাউয যাহাব ১/২৭৭ পৃঃ।

৩৩. আল-মুহত্বালাহ আন-নাহবী, পৃঃ ১৯২।

৩৪. আল-খেলাফু বায়নান নাইবিইয়ীন, পৃঃ ৪২; আল-ফিহরিত্ত, পৃঃ ৪২; উদাবাউল আরব, পৃঃ ১৬৪।

৩৫. মুহাল ইসলাম ২/২৯০ পৃঃ।

৩৬. ফাল ব্রুকম্যান, তারীখুল আদাবিল আরাবী, ডঃ আব্দুল হালীম আন-নাছর অনূদিত (কারোঃ দারুল মা'আরিক, মে একাশ, তাবি), ২য় খণ্ড, পৃঃ ১৩১।

৩৭. উদাবাউল আরব, পৃঃ ১৬৫।

৩৮. ইবনুল জাওযী, আল-মুত্তায়াম ফী তারীখিল মুলুক ওয়াল উমাম (বেকতঃ দারুল কুতুব আল-ইসলামিয়াহ, তাবি), ৯ম খণ্ড, পৃঃ ৫৩।

৩৯. ডঃ ওমর ফররুখ, প্রাণ্ডক্ত, ২য় খণ্ড, পৃঃ ১২০; ওফয়াতুল আয়ান ৩/৪৬৩ পৃঃ; আল-ফিহরিত্ত, পৃঃ ৫; ইমবাহির রুওয়াত ২/৩৪৬ পৃঃ।

৪০. আল-বেদায়াহ ওয়ান নেওয়াহ ১০/১৮২, ১১/৭৪; যাইয়াত, প্রাণ্ডক্ত, পৃঃ ২৬৮।

৪১. আল-মুহত্বালাহ আন-নাহবী, পৃঃ ৮০।

৪২. মুহাল ইসলাম ২/২৯১ পৃঃ; ব্রুকম্যান, প্রাণ্ডক্ত ২/১৩৪ পৃঃ।

৪৩. ডঃ শাওকী যাইয়িফ, তারীখুল আদাবিল আরাবী, আল-আছরুল আক্বাসী আল-আউয়াল (কারোঃ দারুল মা'আরিক, তাবি), পৃঃ ১২২।

৪৪. আল-আছরুল আক্বাসী আল-আউয়াল, পৃঃ ১২২।

৪৫. আল-মুহত্বালাহ আন-নাহবী, পৃঃ ৮৩।

৪৬. মুহাল ইসলাম ২/২৯১ পৃঃ।

৪৭. উদাবাউল আরব, পৃঃ ১৬০; হান্না আল-ফাখ্বরী, তারীখুল আদাবিল আরাবী (আল-মাতব'আফুল বুলগিয়াহ, তাবি), পৃঃ ৭৬৫।

৪৮. উদাবাউল আরব, পৃঃ ১৬০; জুরজী যায়দান, প্রাণ্ডক্ত, ২/১৩২ পৃঃ।

৪৯. জুরজী যায়দান, প্রাণ্ডক্ত, ২/১৩৩ পৃঃ।

‘الْكِتَابُ’ ‘অমুক আল-কিতাব পাঠ করেছে’। তখন নিশ্চিতভাবে তারা বুঝে নিত যে, এটা সিবাওয়াইহ্-এর ‘আল-কিতাব’।<sup>৫০</sup> এভাবে গ্রন্থটির নামই হয়ে যায় ‘আল-কিতাব’।<sup>৫১</sup> শুধু সে যুগে নয় বর্তমান যুগেও তা আরবী ব্যাকরণের এক অনন্য ভাণ্ডার বলে বিবেচিত হয়।

গ্রন্থটি সম্পর্কে কে কি বলেনঃ

১. ভাষাবিদ পণ্ডিত আল-মুবাররিদ বলেন, لَمْ يُعْمَلْ كِتَابٌ فِي عِلْمٍ مِّنَ الْعُلُومِ مِثْلَهُ অর্থাৎ ‘উক্ত গ্রন্থের ন্যায় কোন বিদ্যার গ্রন্থই প্রণীত হয়নি’।<sup>৫২</sup>

২. হাফেয ইবনু কাছীর (রহঃ) বলেন, النَّاسُ عِيَالٌ عَلَى كِتَابِهِ الْمَشْهُورِ فِي هَذَا الْفَنِّ অর্থাৎ ‘আরবী ব্যাকরণের প্রত্যেক সমস্যায় তার গ্রন্থের দ্বারা মানুষেরা সাহায্য গ্রহণ করে ও উপকৃত হয়’।<sup>৫৩</sup>

৩. ডঃ শাওকী যাইয়ফ বলেন, وَالْكِتَابُ يُعَدُّ أَيْ خَارِفَةً مِّنْ أَيْاتِ الْعَقْلِ الْعَرَبِيِّ حَتَّى سَمَاهُ بَعْضُهُمْ قُرْآنَ النَّحْوِ- অর্থাৎ ‘আল-কিতাব’-কে আরবীয় জ্ঞান-ভাণ্ডারের অলৌকিক নির্দশনরূপে গণ্য করা হয়। এমনকি কেউ কেউ উহাকে ‘নাহর কুরআন’ বা সংবিধান রূপে আখ্যায়িত করেছেন।<sup>৫৪</sup>

৪. ডঃ আহমাদ আমীন বলেন,

وَالْحَقُّ أَنَّ كِتَابَ سَبْيُوهِ فِي النَّحْوِ وَالصَّرْفِ كَانَ مِنَ الْقُوَّةِ بَحِيثٌ كَانَ الرَّجْعُ فِي الْعَالَمِ الْأِسْلَامِيِّ مِنْ تَارِيخِ تَأْلِيْفِهِ إِلَى الْيَوْمِ- وَكُلُّ مَا فَعَلَهُ النَّاسُ إِنَّهُمْ شَرَحُوا غَامِضًا أَوْ اخْتَصَرُوا مُطَوَّلًا، أَوْ بَسَطُوا مُعْضَلًا- أَمَا الْأَسْسُ الَّتِي بَنَى عَلَيْهَا الْكِتَابَ فَبَيَّنَتْ كَمَا هِيَ فِي النَّحْوِ وَالصَّرْفِ إِلَى الْيَوْمِ، مِنْ عَهْدِ شَرْحِ الصَّيْرَانِيِّ لِكِتَابِ سَبْيُوهِ، إِلَى النَّحْوِ الرَّاضِحِ لِلْمَرْخُومِ الْجَارِمِ بِك-

অর্থাৎ প্রকৃতপক্ষে নাহ ও ছরফ সম্পর্কিত সিবাওয়াইহ্-এর কিতাব অভ্যন্তর শক্তিশালী কিতাব, যা রচনার দিন থেকে অদ্যাবধি ইসলামী জগতে এক অনন্য সূত্র গ্রন্থ রূপে বিবেচিত হয়ে আসছে। পরবর্তীতে মানুষেরা উহার অস্পষ্ট অংশ স্পষ্ট করেছেন অথবা সংক্ষিপ্ত করেছেন অথবা দুর্বোধ্য অংশ ব্যাখ্যা করেছেন। আর যে ভিত্তির উপর গ্রন্থটি রচনা করা হয়েছিল তা ছীরাফী কর্তৃক সিবাওয়াইহ্-এর কিতাবের ভাষ্য রচনা থেকে জারিম বেক-এর ‘আন-নাহবুল ওয়াযেহ’

৫০. উদাবউল আরব, পৃঃ ১৬০-১৬১।

৫১. আল-খেলাফু বায়নান নাইবিইয়ীন, পৃঃ ৪৪।

৫২. হাজী খলীফা, কাশফু যুনূন (বৈরুতঃ দারুল কুতুব আল-ইলমিয়াহ, ১৪১৩ হিজ/ ১৯৯২ খৃঃ), ২য় খণ্ড, পৃঃ ১৪২৭।

৫৩. আল-বেদায়াহ ওয়ান নেহায়াহ ১১/৭৪ পৃঃ।

৫৪. আল-আছরুল আব্বাসী আল-আউয়াল, পৃঃ ১২৩।

প্রণয়ন পর্যন্ত অবশিষ্ট রয়েছে।<sup>৫৫</sup>

৫. ইওয়ায হামদ আল-ক্বী বলেন, وَالْكِتَابُ يُعْتَبَرُ أَوْلُ مَوْسُوعَةٍ عَرَبِيَّةٍ تَجْمَعُ الْمَعَارِفَ اللَّغَوِيَّةَ فِي شَتَّى نَوَاحِيهَا- অর্থাৎ ‘আল-কিতাব’কে প্রথম আরবী

বিশ্বকোষ রূপে গণ্য করা হয়। যা ভাষাতাত্ত্বিক জ্ঞানের বিভিন্ন দিককে একত্রিত করেছে।<sup>৫৬</sup>

৬. S.M. Yusuf বলেন, "His kitab has throughout the ages been regarded as the final work on Arabic grammar and has become proverbial for its unique position in the field".<sup>৫৭</sup>

আল-হাররা (মৃত ১৮৭ হিজঃ)

আবু মুসলিম মা’আয ইবনু মুসলিম আল-হাররা বিশিষ্ট নাহবী ছিলেন।<sup>৫৮</sup> তাঁর জ্ঞানের পরিধি সম্পর্কে জনৈক কবি বলেন,

إِنَّ مَعَاذَ بَنِ مُسْلِمٍ رَجُلٌ × لَيْسَ لِمِيقَاتِ عِلْمِهِ أَمَدٌ

অর্থাৎ ‘মা’আয ইবনু মুসলিম এমন ব্যক্তি যার জ্ঞানের পরিধি ব্যাপক’।<sup>৫৯</sup> তাঁর শিষ্যদের মধ্যে আল-কিসাসি-এর নাম সবিশেষ উল্লেখযোগ্য।<sup>৬০</sup> তিনি নাহ শাস্ত্রে অনেকগুলি গ্রন্থ রচনা করলেও সেগুলি সম্পর্কে কোন তথ্য জানা যায় না।<sup>৬১</sup> তাঁকে الصَّرْفُ বা ‘শব্দ প্রকরণ বিদ্যা’র প্রবর্তনকারী বলে গণ্য করা হয়।<sup>৬২</sup>

৫৫. ডঃ আহমাদ আমীন, মুহরুল ইসলাম (কারবোঃ মাকতাবাতুন নাহযাহ আল-মিছরিইয়াহ, ৩য় প্রকাশ, ১৯৬২), ২য় খণ্ড, পৃঃ ৯৪।

৫৬. আল-মুহত্বালাহ আন-নাহবী, পৃঃ ৮০।

৫৭. M.M. Sharif, A History of Muslim Philosophy (Germany: Wies Bader, 1966), Vol. 2, P. 1020.

৫৮. শাযারাতুল আ’যান ৫/২১৮ পৃঃ।

৫৯. শাযারাতুয যাহাব ১/৩১৬ পৃঃ।

৬০. মিফতাহু সা’আদাহ ১/১৪৩ পৃঃ।

৬১. ওফয়াতুল আ’যান ৫/২১৮; আল-খেলাফু বায়নান নাইবিইয়ীন, পৃঃ ৫২।

৬২. শায়খ আহমাদ আল-হামলাবী, শাযাল উরফ কি সান্নিহু ছরফ (মিসরঃ শারিকাতু মাকতাবাহ ওয়া মাতবা’আহ মোত্তফা বাবী হালাবী ওয়া আওলাদুহ, ২১তম সংস্করণঃ ১৩৯৯ হিজ/১৯৭৯ খৃঃ), পৃঃ ১৯; আল-খেলাফু বায়নান নাইবিইয়ীন, পৃঃ ৫২; ব্রুকল্যান্ড, প্রাণ্ড, ২/১৯৭ পৃঃ।

সংশোধনীঃ ডিসেম্বর’০৪ সংখ্যার ১৬ পৃষ্ঠার

১০নং টীকার বর্ণিত হাদীছ اُرْشِدُوا اَحَاكِمُ ‘তোমাদের ভাইকে শুধরিয়ে দাও’ এ পর্যন্তই মুস্তাদরাকে হাকেম-এ বর্ণিত হয়েছে। হাকেম এটিকে ছহীহ বলেছেন এবং যাহাবী তাকে সমর্থন করেছেন। তবে আলবানী এটিকে ‘যঈফ’ বলেছেন (ঐ, সিলসিলা যঈফাহ হা/১১৪)।

১৭ পৃষ্ঠায় ‘مَا أَحْسَنَ السَّمَاءَ’ ‘আহ কতই না সুন্দর আকাশ’ এখানে সঠিক উচ্চারণ হবে مَا أَحْسَنَ السَّمَاءَ

## কুরবানীর ফাযায়েলঃ

আত-তাহরীক ডেক্স

### কুরবানীর গুরুত্বঃ

রাসূলুল্লাহ (ছাঃ) এরশাদ করেন- **مَنْ كَانَ لَهُ سَعَةٌ وَلَمْ يَصْحَ فَلَا يَقْرَبَنَّ مُصَلَّنًا** 'সামর্থ্য থাকা সত্ত্বেও যে ব্যক্তি কুরবানী করল না, সে যেন আমাদের ঈদগাহের নিকটবর্তী না হয়' (আলবানী, হহীহ ইবনু মাজাহ হা/২৫৩২)।

### ফাযায়েলঃ

(ক) আয়েশা (রাঃ) প্রমুখাৎ বর্ণিত রাসূলুল্লাহ (ছাঃ) এরশাদ করেন, 'কুরবানীর দিনে রক্ত প্রবাহিত করার চেয়ে প্রিয় আমল আল্লাহর নিকটে আর কিছু নেই। ঐ ব্যক্তি কিয়ামতের দিন কুরবানীর পশুর শিং, ক্ষুর ও লোম সমূহ নিয়ে হাযির হবে। কুরবানীর রক্ত যমীনে পতিত হওয়ার আগেই তা আল্লাহর নিকটে বিশেষ মর্যাদার স্থানে পৌঁছে যায়। অতএব তোমরা কুরবানী দ্বারা নিজেদের নফসকে পবিত্র কর' (তিরমিযী, ইবনু মাজাহ, মিশকাত হা/১৪৭০)। হাযেবে মির'আত বলেন, হাদীছটির সূত্র যঈফ। তবে অন্যান্য 'শাওয়াহেদ'-এর কারণে সত্ত্বেও তিরমিযী একে 'হাসান' বলেছেন। তিরমিযীর অন্যতম ভাষ্যকার ইবনুল আরাবী বলেন যে, কুরবানীর ফযীলত বর্ণনায় কোন ছহীহ হাদীছ পাওয়া যায় না (মির'আত ৫/১০৩-১০৪)।

(খ) যিলহাজ্জ মাসের ১ম দশকের ফযীলতঃ রাসূলুল্লাহ (ছাঃ) এরশাদ করেন যে, 'যিলহাজ্জ মাসের ১ম দশকের নেক আমলের চেয়ে প্রিয়তর কোন আমল আল্লাহর কাছে নেই। ছাহাবায়ে কেলাম বললেন, হে রাসূলুল্লাহ (ছাঃ)! আল্লাহর রাস্তায় জিহাদও নয়? রাসূলুল্লাহ (ছাঃ) এরশাদ করলেন, জিহাদও নয়। তবে ঐ ব্যক্তি যে নিজের জান ও মাল নিয়ে বেরিয়েছে। আর ফিরে আসেনি (অর্থাৎ শাহাদাত লাভ করেছেন) (বুখারী, মিশকাত হা/১৪৬০)।

(গ) রাসূলুল্লাহ (ছাঃ) এরশাদ করেন, 'আরাফার দিনের নফল ছিয়াম (যারা আরাফাতের বাইরে থাকেন তাদের জন্য) বিগত ও পরবর্তী এক বছরের শুনাহের কাফফারা হয়' (মুসলিম, মিশকাত হা/২০৪৪ নফল ছিয়াম' অধ্যায়)।

### মাসায়েলঃ

(১) চুল, নখ না কাটাঃ রাসূলুল্লাহ (ছাঃ) এরশাদ করেন, 'তোমাদের মধ্যে যারা কুরবানী দেওয়ার ইচ্ছা পোষণ করে, তারা যেন যিলহাজ্জ মাসের চাঁদ ওঠার পর হ'তে কুরবানী সম্পন্ন করা পর্যন্ত স্ব স্ব চুল ও নখ কর্তন করা হ'তে বিরত থাকে' (মুসলিম, মিশকাত হা/১৪৫৯)। কুরবানী দিতে অক্ষম ব্যক্তিগণ কুরবানীর নিয়তে এটি করলে আল্লাহর নিকটে তা পূর্ণাঙ্গ কুরবানী হিসাবে গৃহীত

হবে' (আবুদাউদ, নাসাঈ, মিশকাত হা/১৪৭৯; হাকেম একে ছহীহ বলেছেন এবং যাহাবী তাকে সমর্থক করেছেন)। অর্থাৎ পূর্ণাঙ্গ কুরবানীর ন্যায় ছওয়াব পাবে (মির'আত ৫/১১৭)।

(২) কুরবানীর পশুঃ কুরবানীর পশু আট প্রকার (১) ভেড়া বা দুধা (২) ছাগল (৩) গরু (৪) উট, প্রত্যেকটির নর ও মাদি (আন'আম ১৪৪-৪৫)। গরুর ন্যায় মহিষের যাকাতের উপরে কিয়ামত করে অনেকে মহিষ দ্বারা কুরবানী জায়েয বলেছেন। এগুলি ব্যতীত অন্য কোন পশু দ্বারা কুরবানী জায়েয নয় (কিতাবুল উম্ম ২/২২৩ পৃঃ)।

ছাগল কুরবানী করাই উত্তম। রাসূলুল্লাহ (ছাঃ) মদীনায থাকাকালীন সময়ে উট, গরু পাওয়া সত্ত্বেও সর্বদা দুধা কুরবানী দিতেন। ইসমাঈলের বিনিময়ে জান্নাতী পশুর যে কুরবানী দেওয়া হয়, সেটাও তাই ছিল। তাছাড়া মানুষের ব্যবহারিক জীবনে উট-গরুর চেয়ে ছাগল-দুধা-ভেড়ার প্রয়োজনীয়তা অনেক কম এবং তা অধিকাংশের ক্রয় ক্ষমতার মধ্যে পড়ে। তবে রক্ত প্রবাহিত করার বিবেচনায় জমহুর বিদ্বানগণের নিকটে উত্তম হ'ল উট। অতঃপর গরু অতঃপর ভেড়া বা দুধা অতঃপর ছাগল।

'খাসী' কুরবানী নিঃসন্দেহে জায়েয বরং উত্তম। কেননা অন্য এক বর্ণনায় পাওয়া যায় রাসূল (ছাঃ) নিজে মদীনায মুক্বীম এমনকি মুসাফির অবস্থায়ও সর্বদা 'খাসী' কুরবানী দিতেন। ইবনু হাজার আসক্বালানী বলেন, 'খাসী কুরবানী জায়েয। যদিও অভ্যর্থনা বিচ্ছিন্ন করার কারণে কেউ কেউ এটাকে খুঁৎওয়ালা পশু বলে অপসন্দ করেন। কিন্তু মূলতঃ এটি কোন খুঁৎ নয়। বরং এর ফলে গোষ্ঠ রুচিকর হয়, দুর্গন্ধ দূরীভূত হয় ও সুস্বাদু হয় (ফাৎহুল বারী ১০/১২ পৃঃ)।

কুরবানীর পশু সুঠাম, সুন্দর ও নিখুঁত হওয়া চাই। স্পষ্ট খোঁড়া, স্পষ্ট কানা, স্পষ্ট রোগী ও জীর্ণশীর্ণ পশু এবং অর্ধেক কান কাটা বা ছিদ্র করা ও অর্ধেক শিং ভাঙ্গা জন্তুর দ্বারা কুরবানী সিদ্ধ নয়। এসবের চাইতে নিমন্তরের কোন দোষ যেমন অর্ধেক লেজ কাটা ইত্যাদি থাকলে তার দ্বারাও কুরবানী হবে না। তবে নিখুঁত পশু ক্রয়ের পর যদি নতুন করে খুঁৎ হয় বা পুরানো কোন দোষ বেরিয়ে আসে, তাহ'লে ঐ পশু দ্বারাই কুরবানী বৈধ হবে (মির'আত ৫/৯৯)।

(৩) 'মুসিন্নাহ' পশু দ্বারা কুরবানী করাঃ রাসূলুল্লাহ (ছাঃ) এরশাদ করেন-

لَا تَذْبَحُوا إِلَّا مُسِنَّةً إِلَّا أَنْ يَعْسُرَ عَلَيْكُمْ فَتَذْبَحُوا جُذَعَةً مِنَ الضَّأْنِ رَوَاهُ مُسْلِمٌ

অর্থঃ 'তোমরা দুধে দাঁত ভেঙ্গে নতুন দাঁত ওঠা (মুসিন্নাহ) পশু ব্যতীত যবহ করো না। তবে কষ্টকর হ'লে এক বছর পূর্ণকারী ভেড়া (দুধা বা ছাগল) কুরবানী করতে পার'। জমহুর বিদ্বানগণ অন্যান্য হাদীছের আলোকে এই হাদীছে নির্দেশিত 'মুসিন্নাহ' পশুকে কুরবানীর জন্য উত্তম হিসাবে গণ্য করেছেন। 'মুসিন্নাহ' পশু ষষ্ঠ বছরে পদার্পণকারী উট



এবং তৃতীয় বছরে পদার্পণকারী গরু বা ছাগল-ভেড়া দুধকে বলা হয়। কেননা এই বয়সে সাধারণতঃ এই সব পশুর নতুন দাঁত উঠে থাকে। তবে অনেক পশুর বয়স বেশী ও হুটপুট হওয়া সত্ত্বেও সঠিক সময়ে দাঁত উঠেনা। এসব পশু দ্বারা কুরবানী করা ইনশাআল্লাহ কোন দোষের নয়।

(৪) পরিবারের সকলের পক্ষ হ'তে একটি কুরবানীই যথেষ্টঃ

(ক) আয়েশা (রাঃ) বলেন, রাসূলুল্লাহ (ছাঃ) একটি শিং ওয়ালা সুন্দর সাদা কালো দুধা আনতে বললেন.... অতঃপর নিম্নোক্ত দো'আ পড়লেন-

بِسْمِ اللَّهِ اللَّهُمَّ تَقَبَّلْ مِنْ مُحَمَّدٍ وَآلِ مُحَمَّدٍ وَمِنْ أُمَّةٍ مُحَمَّدٍ

'বিসমিল্লাহ; হে আল্লাহ! তুমি কবুল কর মুহাম্মাদের পক্ষ হ'তে, তার পরিবারের পক্ষ হ'তে ও উম্মতের পক্ষ হ'তে। এরপর উক্ত দুধা দ্বারা কুরবানী করলেন' (মুসলিম, মিশকাত হা/১৪৫৪)।

(খ) বিদায় হজ্জে আরাফার দিনে সমবেত জন মণ্ডলীকে উদ্দেশ্য করে তিনি এরশাদ করেন-

يَا أَيُّهَا النَّاسُ إِنَّ عَلَى كُلِّ أَهْلِ بَيْتٍ فِي كُلِّ عَامٍ أَهْمًا مَحْمُودًا... هَذِهِ جَنَاحُهَا وَأُضْحِيَّةٌ وَعَتِيرَةٌ...

পরিবারের উপরে প্রতি বছর একটি করে কুরবানী ও আতীরাহ'। আবুদাউদ বলেন, 'আতীরাহ' প্রদানের হুকুম পরে রহিত করা হয়েছে (হযীহ নাসাঈ হা/৩৯৪০; হযীহ আবুদাউদ হা/২৪২১)।

(গ) রাসূলুল্লাহ (ছাঃ)-এর মৃত্যুর পরেও ছাহাবায়ে কেলামের মধ্যে পরিবার পিছু একটা করে বকরী কুরবানীর রেওয়াজ ছিল। যেমন ছাহাবী আবু আইয়ুব আনছারী (রাঃ) বলেন,

كَانَ الرَّجُلُ يُضْحِي بِالشَّاةِ عَنْهُ وَعَنْ أَهْلِ بَيْتِهِ فَيَأْكُلُونَ وَيَطْعَمُونَ حَتَّى تَبَاهِيَ النَّاسُ فَصَارَتْ كَمَا تَرَى-

অর্থঃ একজন লোক একটি বকরী দ্বারা নিজের ও নিজের পরিবারের পক্ষ হ'তে কুরবানী দিতেন। অতঃপর তা খেতেন ও অন্যকে খাওয়াতেন এবং এভাবে লোকেরা বড়াই করত। এই নিয়ম নবীর যুগ হ'তে চলে আসছে যেমন তুমি দেখছ' (হযীহ তিরমিযী হা/১২১৬; হযীহ ইবনু মাজাহ হা/২৫৪৬; মির'আত ৫/১১৪ পৃঃ)।

(ঘ) মিশকাতের ভাষ্যকার ওবায়দুল্লাহ মুবারকপুরী বলেন, যারা একটি ছাগল একজনের জন্য নির্দিষ্ট বলেন এবং উক্ত হাদীছগুলিকে একক ব্যক্তির কুরবানীতে পরিবারের সকলের ছওয়াবে অংশীদার হওয়ার 'তাবীল' করেন বা খাছ হুকুম

মনে করেন কিংবা হাদীছগুলিকে 'মানসূখ' বলতে চান, তাদের এই সব দাবী প্রকাশ্য হযীহ হাদীছের বিরোধী এবং তা প্রত্যাখ্যাত ও নিছক দাবী মাত্র।

(ঙ) রাসূলুল্লাহ (ছাঃ) নিজ পরিবার ও নিজ উম্মতের পক্ষ হ'তে এক ও একাধিক দুধা, খাসী, বকরী (ছাগল), গরু ও উট কুরবানী করেছেন।

উল্লেখিত হাদীছ থেকে প্রতীয়মান হয় যে, যেহেতু একজন ব্যক্তি তাঁর পরিবারের পক্ষ থেকে একটি কুরবানী দিলে পরিবারের সকলের জন্যই কুরবানী হয়ে যাবে তাই কুরবানী করার সময় পরিবারের সকলের কথাই নিয়ত করা উচিত।

(৫) কুরবানীতে শরীক হওয়াঃ

(ক) হযরত ইবনু আব্বাস (রাঃ) বলেন,

كُنَّا مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ فِي سَفَرٍ فَحَضَرَ الْأَضْحَى فَاشْتَرَكْنَا فِي الْبَقْرَةِ سَبْعَةً وَفِي الْبَعِيرِ عَشْرَةً-

'আমরা আল্লাহর রাসূলের সাথে এক সফরে ছিলাম। এমতাবস্থায় কুরবানীর ঈদ উপস্থিত হ'ল। তখন আমরা সাত জনে একটি গরু ও দশজনে একটি উটে শরীক হলাম' (নাসাঈ, তিরমিযী প্রভৃতি, মিশকাত হা/১৪৬৯)।

(খ) হযরত জাবির (রাঃ) বলেন, আমরা আল্লাহর রাসূলের সাথে হজ্জ ও ওমরাহর সফরে শরীক ছিলাম।... তখন আমরা একটি গরু ও উটে সাতজন করে শরীক হয়েছিলাম' (মুসলিম হা/১৩১৮)। জমহুর বিদ্বানগণের মতে হজ্জের হাদঈর ন্যায় কুরবানীতেও শরীক হওয়া চলবে (মির'আত ৫/১০২)।

(গ) হযরত আনাস (রাঃ) বলেন যে, রাসূলুল্লাহ (ছাঃ) মক্কায় (হজ্জের সফরে) ৭টি উট (অন্য বর্ণনায় এর অধিক) নহর করেছেন এবং মদীনায় (মুকীম অবস্থায়) দু'টি দুধা (একটি নিজের ও একটি উম্মতের পক্ষে) কুরবানী দিয়েছেন' (বুখারী ১/২৩১ পৃঃ)। অবশ্য মক্কায় নহরকৃত উটগুলি ছাহাবীদের পক্ষ থেকেও হ'তে পারে।

আলোচনাঃ ইবনু আব্বাস (রাঃ)-এর হাদীছটি নাসাঈ, তিরমিযী ও ইবনু মাজাহতে, জাবির (রাঃ) বর্ণিত হাদীছটি মুসলিম ও আবুদাউদে এবং আনাস (রাঃ) বর্ণিত হাদীছটি বুখারীতে সংকলিত হয়েছে। মুসলিম ও বুখারীতে যথাক্রমে 'হজ্জ' ও 'মানাসিক' অধ্যায়ে এবং সুনানে 'উযহিয়াহ' অধ্যায়ে হাদীছগুলি এসেছে। যেমন (১) তিরমিযী 'কুরবানীতে শরীক হওয়া' অধ্যায়ে ইবনু আব্বাস, জাবির ও আলী থেকে মোট তিনটি হাদীছ এনেছেন। যার মধ্যে প্রথম দু'টি সফরের কুরবানী ও শেষেরটিতে কোন ব্যাখ্যা নেই। (২) ইবনু মাজাহ উক্ত মর্মের শিরোনামে ইবনু আব্বাস, জাবির, আবু হুরায়রা ও আয়েশা হ'তে যে পাঁচটি হাদীছ (৩১৩১-৩৪ নং) এনেছেন, তার সবগুলিই মুসাফিরের কুরবানী সংক্রান্ত। (৩) নাসাঈ কেবলমাত্র ইবনু আব্বাস ও জাবির থেকে পূর্বের দু'টি হাদীছ (২৩৯৭-৯৮ নং)

এনেছেন। (৪) আবুদাউদ শুধুমাত্র জাবির-এর পূর্ব বর্ণিত সফরে কুরবানীর হাদীছটি এনেছেন তিনটি ছহীহ সনদে (২৮০৭-৯ নং), যার মধ্যে ২৮০৮নং হাদীছটিতে (الْبَقْرَةُ) عَنْ كَوْنِ بَيِّنَاتٍ فِيهَا

ভাগা কুরবানীঃ মিশকাত শরীফে ইবনু আব্বাস-এর হাদীছটি (নং-১৪৬৯) এবং জাবির বর্ণিত ব্যাখ্যাশূন্য হাদীছটি (নং ১৪৫৮) সংকলিত হয়েছে। সম্ভবতঃ জাবির বর্ণিত ব্যাখ্যাশূন্য হাদীছটিকে ভিত্তি করে এদেশে মুক্কীম অবস্থায় গুরুত্রে সাত ভাগা কুরবানীর প্রথা চালু হয়েছে। অথচ ভাগের বিষয়টি সফরের সঙ্গে সম্পৃক্ত, যা ইবনু আব্বাস ও জাবির বর্ণিত বিস্তারিত হাদীছে উল্লেখিত হয়েছে। আর একই রাবীর বর্ণিত সংক্ষিপ্ত হাদীছের স্থলে বিস্তারিত ও ব্যাখ্যা সম্বলিত হাদীছ দলীলের ক্ষেত্রে গ্রহণ করাই মুহাম্মদিহগণের সর্ববাদীসম্মত রীতি।

তাছাড়া মুক্কীম অবস্থায় মদীনায় আল্লাহর নবী (ছাঃ) বা ছাহাবায়ে কেলাম ভাগে কুরবানী করেছেন বলেও জানা যায় না। দুঃখের বিষয়, বর্তমানে এদেশে কেবল সাত ব্যক্তির পক্ষ থেকে নয় বরং সাত পরিবারের পক্ষ থেকে একটি গরু কুরবানী দেওয়া হচ্ছে। উল্লেখ্য যে, মৃত ব্যক্তির পক্ষ থেকে কুরবানী দেওয়ার কোন ছহীহ দলীল নেই।

(ঘ) 'কুরবানী ও আক্বীক্বা দু'টিরই উদ্দেশ্য আল্লাহর নৈকট্য হাছিল করা'- এই (ইস্‌তিহাসানের) যুক্তি দেখিয়ে কিছু কিছু হানাফী বিদ্বান কুরবানীর গরু বা উটে এক বা একাধিক সন্তানের আক্বীক্বা সিদ্ধ বলে মত প্রকাশ করেছেন (যা এ দেশে অনেকের মধ্যে চালু আছে) (হেদায়া ৪/৪৩৩; বেহেশতী জেওর (বঙ্গনুবাদ ঢাকাঃ ১৯৯০) ১/৩০০)। ইমাম আবু ইউসুফ এই মতের বিরোধিতা করেন। ইমাম শাওকানী এর যৌরপ্রতিবাদ করে বলেন, এটি শরী'আত। এখানে সুনির্দিষ্ট দলীল ব্যতীত কিছুই প্রমাণ করা সম্ভব নয়। বলা আবশ্যিক যে, কুরবানীর পশুতে আক্বীক্বার ভাগ নেওয়ার কোন প্রমাণ রাসূলুল্লাহ (ছাঃ) বা ছাহাবায়ে কেলামের কথা ও কর্মে পাওয়া যায় না। এটি সম্পূর্ণ কল্পনা প্রসূত।

(৬) কুরবানী করার নিয়মঃ (ক) উট বাদে গরু বা ছাগলের মাথা দক্ষিণ দিকে রেখে বাম কাতে ফেলতে হবে। অতঃপর কুরবানী দাতা ধারালো ছুরি নিয়ে ক্বিবলামুখী হয়ে দো'আ পড়ে নিজ হাতে খুব জ্বলদি যবহের কাজ সমাধা করবেন যেন পশুর কষ্ট কম হয়। এ সময় আল্লাহর রাসূল (ছাঃ) নিজ ডান পা দিয়ে পশুর ঘাড় চেপে ধরতেন। যবহকারী বাম হাত দ্বারা পশুর চোয়াল চেপে ধরতে পারেন। (খ) অন্যের দ্বারা যবহ করানো জায়েয আছে। তবে এই গুরুত্বপূর্ণ ইবাদতটি নিজ হাতে করা অথবা যবহের সময় প্রত্যক্ষ করা উত্তম। (গ) ঈদের ছালাত ও খুত্বা শেষ হওয়ার পূর্বে কুরবানী করা নিষেধ। করলে তাকে আরেকটি কুরবানী দিতে হবে।

(৭) যবহকারী দো'আ : (১) বিসমিল্লা-হি আল্লাহু আক্বাবর। (২) বিসমিল্লা-হি আল্লা-হুমা তাক্বাব্বাল মিন্নী ওয়া মিন আহলে বায়তী (অর্থঃ আল্লাহর নামে। হে আল্লাহ! তুমি কবুল কর আমার ও আমার পরিবারের পক্ষ হ'তে)। এখানে কুরবানী অন্যের হ'লে তার নাম মুখে বলবেন অথবা মনে মনে নিয়ত করে বলবেন .... মিন ফুলান ওয়া মিন আহলে বায়তিহী' (আমুকের ও তার পরিবারের পক্ষ হ'তে)। এই সময় নবীর

উপরে দরুদ পাঠ করা মাকরুহ। (৩) 'বিসমিল্লা-হি আল্লাহু আক্বাবর, আল্লা-হুমা তাক্বাব্বাল মিন্নী কামা তাক্বাব্বালতা মিন ইবরাহীমা খালীলিকা' (...হে আল্লাহ তুমি আমার পক্ষ হ'তে কবুল কর যেমন কবুল করেছ তোমার দোস্ত ইব্রাহীমের পক্ষ থেকে)। (৪) যদি দো'আ ভুলে যান বা ভুল হবার ভয় থাকে, তবে শুধু 'বিসমিল্লাহ' বলে মনে মনে কুরবানীর নিয়ত করলেই যথেষ্ট হবে।

(৮) কুরবানীর গোস্ত বন্টনের নিয়মঃ কুরবানীর গোস্ত এক ভাগ নিজ পরিবারের খাওয়ার জন্য, এক ভাগ পাড়া-প্রতিবেশী যারা কুরবানী করতে পারেনি, তাদের জন্য ও এক ভাগ ফক্বীর-মিসকীনের মধ্যে ছাদাকা করার জন্য মোট তিন ভাগ করা উত্তম। তবে কমবেশী করায় কোন দোষ নেই। কুরবানীর গোস্ত যতদিন খুশী রেখে খাওয়া যায়।

(৯) কুরবানীর পশু যবহ করা কিংবা কুটা-বাছা বাবদ কুরবানীর গোস্ত বা চামড়ার পয়সা হ'তে কোনরূপ মজুরী দেওয়া যাবে না। ছাহাবীগণ নিজ নিজ পকেট থেকে এই মজুরী দিতেন। অবশ্য ঐ ব্যক্তি দরিদ্র হ'লে হাদিয়া স্বরূপ তাকে কিছু দেওয়ায় দোষ নেই।

(১০) কুরবানীদাতার আমলঃ কুরবানীদাতা সকাল হ'তে কুরবানীর আগ পর্যন্ত কিছুই খাবেন না। বরং কুরবানীর পশুর কলিজা দ্বারা ইফতার করবেন (বায়হাক্বী)।

(১১) ১০, ১১, ১২ যিলহজ্জ তিনদিন যাবৎ কুরবানী দেওয়া যাবে (মুওয়াত্তা, মিশকাত হা/১৪৭৩)।

(১২) ৯ই যিলহজ্জ ফজরের পর থেকে ১৩ই যিলহজ্জ দিনের শেষ পর্যন্ত ২৩ ওয়াস্ত ছালাত শেষে এবং অন্য সময়ে সরবে তাক্বীর ধ্বনি করা সুন্নাত। তাক্বীরঃ আল্লাহু আক্বাবর আল্লাহু আক্বাবর লা-ইলাহা ইল্লাল্লাহু আল্লাহু আক্বাবর আল্লাহু আক্বাবর ওয়া লিল্লাহিল হামদ। আল্লাহু আক্বাবর কাবীরা, ওয়ালা হামদুলিল্লাহি কাছীরা, ওয়া সুবহানািল্লাহি বুকরা'তাও ওয়া আছীলা।

(১৩) ঈদায়নের অতিরিক্ত তাক্বীর প্রথম রাক'আতে ক্বিরা'আতের পূর্বে সাত ও দ্বিতীয় রাক'আতে ক্বিরা'আতের পূর্বে পাঁচ মোট ১২ তাক্বীর দিতে হয় (তিরমিযী, ইবনু মাজাহ, মিশকাত হা/১৪৪১)। ছাহেবে মির'আত বলেন, এটাই সর্বাধিক স্পষ্ট ও নির্দিষ্ট যে, ওটা তাক্বীরে তাহরীমা ব্যতীত। ইমাম শাফেঈ, আওয়ান্দি, ইবনু হায়ম তাঁরাও একথা বলেন। তবে ইমাম মালেক ও আহমাদ এটিকে তাক্বীরে তাহরীমা সহ বলেন (মির'আত ৫/৪৬ পৃঃ)। ইমাম তিরমিযী বলেন, ১২ তাক্বীরের হাদীছটির সনদ 'হাসান' এবং এটিই ঈদায়নের অতিরিক্ত তাক্বীর সম্পর্কে বর্ণিত সর্বাধিক সুন্দর বর্ণনা। ইমাম বুখারী বলেন, 'ঈদায়নের ছালাতের অতিরিক্ত তাক্বীর সম্পর্কে এর চাইতে অধিক আর কোন ছহীহ রেওয়াজ নেই এবং আমিও এটি বলি'। ইমাম বায়হাক্বী বলেন, রাসূলুল্লাহ (ছাঃ) হ'তে ১২ তাক্বীরের উপরে মুসলমানদের আমল চালু আছে। অতএব তার উপরেই আমল করা উত্তম (বায়হাক্বী ৩/২৯১)।

চার খলীফা ও মদীনার শ্রেষ্ঠ সাত জন তাবেঈ ফক্বীহ সহ প্রায় সকল ছাহাবী, তাবেঈ, তিন ইমাম ও অন্যান্য শ্রেষ্ঠ ইমামগণ এবং ইমাম আবু হানীফার দুই প্রধান শিষ্য ইমাম আবু ইউসুফ ও মুহাম্মদ (রহঃ) বারো তাক্বীরের উপরে আমল করতেন। ভারতের দু'জন খ্যাতনামা হানাফী বিদ্বান আবদুল হাই লাক্কৌবী ও আনোয়ার শাহ কাশ্মীরী বারো তাক্বীরকে সমর্থন করেছেন (মির'আত ৫/৪৬ পৃঃ)।

## সাময়িক প্রসঙ্গ

### হত্যা, হস্তা, হতবাক

মুহাম্মাদ আব্দুর রহমান\*

হত্যা মাত্র দু'টি অক্ষরের সমন্বয়। কিন্তু এর প্রভাব ও কার্যকারিতা ব্যাপক। ইতিহাস সাক্ষ্য দেয় যে, আদম (আঃ)-এর দুই পুত্র হাবিল এবং কাবিল-এর বিবাহ সংক্রান্ত বিষয় নিয়ে উভয়ের মাঝে মতবিরোধ দেখা দিলে তাদের প্রতি আল্লাহর পক্ষ থেকে কুরবানী করার নির্দেশ আসে। তাদেরকে বলা হয়, তোমরা কুরবানী কর, যার কুরবানী আল্লাহ কবুল করবেন সে তার অভিপ্রায় অনুযায়ী বিবাহ করবে। উভয়ে কুরবানী করলে হাবিলের কুরবানী আল্লাহ কবুল করেন। এতে কাবিল ক্ষুব্ধ হয়ে হাবিলকে হত্যা করে।

সর্বপ্রথম সেই হত্যাকাণ্ডের চেয়ে পৃথিবীর মানুষ আজ আরো বিক্ষুব্ধ, দিশেহারা, হতবাক। যেকোন দিনের খবরের কাগজ খুলুন, দেখবেন সমগ্র পৃথিবীব্যাপী অশান্তি, রক্তাক্তি। হস্তার খড়গ আজ উদ্ধত। সর্বত্র অন্যায়ে-অবিচার আর হাহাকার। রাষ্ট্রীয়ভাবে কোথাওনা কোথাও যুদ্ধ চলছে তো চলছেই। দলগত হানাহানি, ব্যক্তিগত সংঘাত আর রক্তাক্তের হৃদয়বিদারক বর্ণনা। পৃথিবীর প্রায় প্রতিটি দেশেই প্রতিনিয়ত খুন, যখম, ডাকাতি, ধর্ষণ, বোমাবাজি আর অপহরণের সংখ্যা দ্রুতগতিতে বেড়েই চলেছে।

একদিকে মানুষ যেমন জ্ঞান-বিজ্ঞানের উচ্চ শিখরে আরোহণ করছে, অন্যদিকে তেমনি সব রকম অন্যায়ে চূড়ান্ত পর্যায়ে পৌঁছাচ্ছে। মানুষের আত্মা আজ ত্রাহি ত্রাহি রবে চিৎকার করছে শান্তির জন্য। পৃথিবীর অন্যান্য দেশের কথা বাদই দিলাম, আমার নিজের দেশের চিত্রটির দিকেই লক্ষ্য করি। হত্যা, অপহরণ ও হানাহানিতে দেশ কোন পর্যায়ে দাঁড়িয়েছে।

১৯৭১ সালে হত্যার মধ্য দিয়ে বাংলাদেশের যাত্রা শুরু হয়েছিল। রক্তের বিনিময়ে স্বাধীন সত্তা নিয়ে পৃথিবীর মানচিত্রে সাবশৌম রাষ্ট্র হিসাবে আত্মপ্রকাশ করেছে। সেই দেশকে গড়ার জন্য সবাই কাঁধে কাঁধ মিলিয়ে অন্তর্হীন জনতা আওয়াজ তুলেছিল, আসুন আমরা সোনার দেশ গড়ি। একি সোনার দেশ গড়ার চিহ্ন? মুসলমানের জাতীয় ও ব্যক্তিগত উভয় জীবনের একমাত্র উদ্দেশ্য ইবলীসের চ্যালেঞ্জে আল্লাহ তা'আলাকে জয়ী করানো এবং পৃথিবীতে ন্যায় বিচার ও শান্তি প্রতিষ্ঠা করা। আজ তেরিশ বছর হ'তে চলেছে শান্তি প্রতিষ্ঠা হয়নি। পক্ষান্তরে এই দেশ অনুন্নত ও দুর্নীতিপরায়ণ দেশ সমূহের শীর্ষ তালিকায়। সন্ত্রাসীরা দেশটিকে কুরে কুরে খাচ্ছে। আল্লাহ তা'আলা বলেন, 'ফেতনা-ফাসাদ হত্যার চেয়েও জঘন্য' (বাক্বারাহ ২১৭)। অথচ সন্ত্রাসীরা সে কাজটিই প্রতিনিয়ত করে যাচ্ছে, যেন সন্ত্রাসী কর্মকাণ্ডের জন্যই তারা সদা প্রস্তুত।

\* সাধুর মোড়, রামচন্দ্রপুর, ঘোড়ামারা, রাজশাহী।

আমরা এমন এক যুগসন্ধিক্ষণের মুখোমুখি হয়েছি, মৃত্যু, অপহরণ, ধর্ষণ কখন কোন দিক হ'তে এসে আমাদের আক্রমণ করবে তা বলা যাবে না। জনৈক কবির ভাষায়, 'মরিতে চাহিনা আমি সুন্দর ভুবনে'। অন্য আরেক কবি বলেন, 'জন্মিলে মরিতে হবে, অমর কে কোথা কবে'। মানুষ যে মরণশীল পবিত্র কুরআনেও আল্লাহ তা'আলা বলেছেন। অসুখে-বিসুখে, দৈব দুর্ঘটনা, মহামারি, যুদ্ধ-বিগ্রহে মানুষ মারা যাচ্ছে। এগুলি স্বাভাবিক মৃত্যু তাতে সন্দেহ নেই। কিন্তু হস্তার হাতে প্রতিদিন যে পরিমাণ লোকের প্রাণ বিনাশ হচ্ছে, তা আমাদেরকে হতবাক করে দিচ্ছে। আমাদের বেশী দূরে যেতে হবে না, আমরা যদি বিগত ১৫/২০ বছরের পরিসংখ্যান করে দেখি, তাহলে দেখতে পাব যে, এ সময়ের মধ্যে হস্তারা যত মানুষকে হত্যা করেছে, তা বিগত দশ শতাব্দীরও দ্বিগুণ। শুধু হত্যা নয়, অন্যায়ে ক্ষেত্রে অপহরণ, ধর্ষণ, ডাকাতি, বোমাবাজি; হরতালের নামে সরকারী-বেসরকারী যানবাহন ভাংচুর, ইউনিভার্সিটি, অফিস-আদালত রেলপথ ইত্যাদির সম্পদ তহনছ ও অগ্নিসংযোগ পূর্বের যাবতীয় রেকর্ড ছাড়িয়ে গেছে।

দেশ ও জাতিকে রক্ষা করতে গিয়ে অন্যায়ে, অত্যাচার ও শোষণের বিরুদ্ধে সংগ্রাম করতে গিয়ে রাজপথে যে মৃত্যু হয় তা গৌরবের মৃত্যু। কিন্তু এখন আমাদের দেশে যে মৃত্যু হচ্ছে তা কিসের মৃত্যু? এ মৃত্যু যেন চরম মহামারিকেও ছাড়িয়ে গেছে। হস্তা নির্বিচারে হত্যার কাজ সম্পন্ন করছে। কখনো প্রকাশ্যে, কখনো গোপনে, কখনোবা অন্ধকারে আঘাত হেনে গা ঢাকা দিচ্ছে। একজন আরেকজনকে হত্যা করার ক্ষেত্রে হস্তার অভিসন্ধি বা প্রেরণাকে মোটিভ (মুদখশণ) বলা হয়। যে কারণে একজন হস্তা হত্যার জন্য উদ্যত হয় তাকে ইংরেজীতে মোটিভেশন বলে। এগুলি নিম্নে তুলে ধরা হ'ল:

সম্পত্তির জন্য হত্যাঃ সমাজে হত্যার অন্যতম কারণের একটি সম্পত্তির অধিকার ভোগ দখলকে কেন্দ্র করে হত্যা। এতে মারামারি, হানাহানি ও রক্তাক্তের সূচনা হয়। অর্থনৈতিক কারণঃ রক্ত পিপাসুরা রাতারাতি কোটিপতি হওয়ার একান্ত বাসনায় মানুষকে দিন-দুপুরে হত্যা করে। আবার কেউ দারিদ্র্যের কারণে অন্য কোন উপায় অনুসন্ধান না করে হত্যার পথ বেছে নেই।

প্রেম ষটিত হত্যাঃ এ হত্যা সর্বময় ও সর্বকালের। একে অপরকে কথিত ভালবাসার অবৈধ সূচনাই এ হত্যার পথ প্রশস্ত করে। বিবাহের শাস্বত রীতি নারী-পুরুষকে বেঁধে দেয় এক অদৃশ্য প্রতিশ্রুতির বন্ধনে। স্বামী হবেন শুধুমাত্র স্ত্রীর, অনুরূপ স্ত্রীও হবেন কেবলমাত্র স্বামীর। কিন্তু পরকীয়া প্রেমের কারণে কখনো এ নিয়মের ব্যতিক্রম হয়ে দাম্পত্য জীবনের বাঁধ ভেঙে যায়। তখন খুলে যায় হত্যার দ্বার।

রাজনৈতিক হত্যাঃ রাজনৈতিক দলের লেজুড়বৃত্তিতে দেশে সৃষ্টি হয় অস্থিরতা; অস্থিরতা হ'তে সৃষ্টি হয় সংঘর্ষ, সংঘাত, হত্যা। এ হ'ল দেশপ্রেমের সোল এজেসীর রাজনীতি। আমাদের দেশের অনেক রাজনীতিবিদ আছেন যারা

পরস্পরকে স্বাধীনতা বিরোধী, মুক্তিযুদ্ধ বিরোধী বলে গালমন্দ হ'তে শুরু করে শেষ পর্যন্ত মারণাজ্ঞ প্রয়োগ করে। বিশেষভাবে লক্ষণীয় হ'ল, শিক্ষাঙ্গনে সেই রাজনৈতিক নেতারা সরলমনা ছাত্র-ছাত্রীদেরকে প্রভাবিত করে এবং অতি সুন্দর আঙ্গিনা ও পরিবেশকে করে তুলে উত্তেজনাপূর্ণ ও আতংকের রাজ্য। ফলে রাজনৈতিক হানাহানি অনিবার্য হয়ে উঠে। ফলে ছাত্র-ছাত্রীরা পড়তে এসে, আদর্শ শিখতে এসে অবশেষে লাশ হয়ে ফিরে যায়।

এরূপভাবে রাজনীতিবিদরা সরকার ও বিরোধী দলের মধ্যে সর্বদা পারস্পরিক সংঘাত ও হত্যার মত অতি জঘন্য কাজে লিপ্ত থাকে। এভাবে হত্যার ভাইরাস এক প্রান্ত হ'তে অন্য প্রান্তে ছড়িয়ে পড়ে। মানুষের মনগড়া মতবাদ ও জীবন পদ্ধতি মানুষের সমস্যার সমাধান তো দূরের কথা সমাজে পাহাড়সম অশান্তি, অরাজকতা, হানাহানির সৃষ্টি করে। দেশে বর্তমানে পারিবারিক, সামাজিক মূল্যবোধ হীনতার পর্যায়ে পৌঁছেছে। ধর্মীয় ও নৈতিকতার অবক্ষয়ের কারণে পশুত্বের পর্যায়ে চলে গেছে। ভোগবাদিতার যে ঘূর্ণাবর্তে আবর্তিত হচ্ছে তা বন্যার পানির মতই বিপদসীমার উপর দিয়ে প্রবাহিত হচ্ছে। যা শীঘ্রই সমগ্র দেশকে প্রাবিত করবে। উদ্যোগ পিণ্ডি বুদ্যোগ ষাড়েঃ দেশে যতসব হত্যাকাণ্ড সংঘটিত হচ্ছে একশ্রেণীর তথাকথিত বুদ্ধিজীবীরা সব দোষ ইসলামপন্থীদের উপর চাপিয়ে দিয়ে নিজেরা মুক্তি পেতে চায়। অথচ ইসলাম এরূপ জঘন্য কাজকে আদৌ অনুমোদন করে কি? ইসলাম তো পৃথিবীতে ন্যায় প্রতিষ্ঠা করতে, যালেমের হাত হ'তে ময়লুমকে রক্ষা করতে শিক্ষা দেয়। অথচ দুর্নীতিবাজ ও সুযোগ সন্ধানীরা আজ ইসলাম সম্পর্কে না জেনে তার বিরুদ্ধে প্রচারণা চালাচ্ছে।

আল্লাহ তা'আলা পৃথিবীতে বেঁচে থাকার অধিকার সবাইকে দিয়েছেন। এটা হচ্ছে বান্দার অধিকার বা হক্কুল ইবাদ। তাই কেউ কাউকে হত্যা করলে তার অধিকারের উপরে হস্তক্ষেপ করা হয়। যে অপরাধ আল্লাহ তা'আলাও ক্ষমা করতে পারেন না। ইসলাম ধর্মীয় যুদ্ধের ক্ষেত্রেও অহেতুক কাউকে হত্যা করতে নিষেধ করেছে। এমনকি কোন ফলবান বৃক্ষও যেন ক্ষতিগ্রস্ত না হয় সেদিকেও সতর্ক দৃষ্টি রাখতে বলা হয়েছে। যেকোন প্রকার অন্যায়, অত্যাচার থেকে সর্বদা বিরত থাকার নির্দেশ দিয়েছে ইসলাম। কারণ ময়লুমদের বুকফাটা আর্তনাদ আল্লাহ তা'আলা শীঘ্রই কবুল করে থাকেন। প্রাক ইসলামী যুগেও আরব দেশে হত্যা, খুন, রাহাজানি চলত যুগ যুগ ধরে। কিন্তু তারও একটা সীমা ছিল। রজব, যুলক্বাদাহ, যুলহিজ্জাহ ও মহররম এই চারটি মাসে তারা কখনো যুদ্ধ-বিগ্রহে লিপ্ত হ'ত না। এছাড়া তারা কখনো অতিথিকে হত্যা করত না। হোকনা সে অতিথি চরম শত্রু। তবে এক হত্যার প্রতিশোধ নিতে বছরের পর বছর যুদ্ধ লেগেই থাকত। ইসলাম এসে তা চিরতরে রহিত করেছে এবং বিনিময়ে শান্তির রাজ্য প্রতিষ্ঠা করেছে। আজকে সেই শান্তির বাণীবাহক ইসলামকে সন্ত্রাসী বলে অপবাদ দেয়া হচ্ছে। সন্ত্রাসী কে, কাদের ছত্রছায়ায় সন্ত্রাসী কর্মকাণ্ড সংঘটিত হচ্ছে, কিভাবে সন্ত্রাসী দল গড়ে উঠছে,

তা খুঁজে বের করার জন্য পরিশ্রম করতে হবে না। দেশের রাজনীতিকদের নিজ দলীয় কার্যক্রমকে ঠিক রাখতে কিছু গডফাদারদেরকে লালন করতে হয়। আর এসব গডফাদাররা সাধারণত এসে থাকে অতি গরীব, সহায়-সম্বলহীন কিশোর-তরুণ ও উঠতি বয়সের যুবকদের মধ্যে হ'তে। যে সময় তারা নিজেদেরকে আদর্শবান ও সুশিক্ষিত করে গড়ে তুলবে, সে সময় তাদের হাতে তুলে দেয়া হচ্ছে লাঠি-সোটা, বোমা, পিস্তল, কাটা রাইফেল ইত্যাদি মারণাজ্ঞ। ধূর্ত রাজনীতিকরা এ সমস্ত ক্ষুদে ক্যাডারদের হরতালে, অবরোধে, ধর্মঘটে পিকেটার হিসাবে রাজপথে নামিয়ে দিচ্ছে। শিখাচ্ছে ভাংচুর ও বিশৃঙ্খলার জঘন্য অপকর্ম। অতঃপর তারাই একদিন কুখ্যাত সন্ত্রাসী, মাস্তান, চাঁদাবাজ ও হস্তা হয়ে গড়ে উঠছে। ফলে সমাজে মনুষ্যত্ব চাপা পড়ে জন্ম নিচ্ছে পাশবিকতা, হিংস্রতা।

হত্যা এবং সন্ত্রাস বৃদ্ধিতে ইলেকট্রিক মিডিয়া যে বিশেষ ভূমিকা রাখে তা অনস্বীকার্য। হত্যা-সন্ত্রাসের উৎস প্রচার মাধ্যমগুলিতে যে অশালীন চিত্রপ্রদর্শনী চলছে, তাতে কোন জাতি সভ্য থাকতে পারে না। প্রশ্ন হ'ল, হত্যা, সন্ত্রাস করতে ব্যয়বহুল যে অস্ত্রের প্রয়োজন তা যোগান দিচ্ছে কে? এর সহজ জবাব হ'ল, একমাত্র দেশী-বিদেশী ইসলাম বিরোধী চক্র। কারণ তারা অবলোকন করেছে যে, আগামীতে ইসলামই হবে একমাত্র জীবন ব্যবস্থা। যেখানে থাকবে না কোনরূপ হানাহানি, রক্তারক্তি। বিশ্ব মানবতাকে এই শ্রেষ্ঠ সভ্যতা উপহার দিবে এই ইসলাম যা সব ধরনের অসভ্য, অনাচার এবং পঙ্কিলতা হ'তে মুক্ত, পবিত্র। সুতরাং ইসলামের শনৈঃশনৈ অগ্রযাত্রাকে রুখতেই হবে তা যেকোন দেশেই হোক না কেন। তাই ইসলামের নামে সন্ত্রাসী, মৌলবাদী বলে আখ্যা দিচ্ছে। ইসরাইল সহ ব্রাহ্মণ্যবাদী ভারত দেশীয় এজেন্টদের মাধ্যমে আমাদের দেশে অসংখ্য মারণাজ্ঞের যোগান দিচ্ছে।

ইসরাইলের সঙ্গে ভারতের সামরিক সহযোগিতা চুক্তি স্বাক্ষরের পর থেকে অব্যাহতভাবে বাংলাদেশে বোমা হামলা চলছে, হত্যা করা হচ্ছে নির্দোষ, নিরীহ লক্ষ লক্ষ জনসাধারণকে। শাহজালাল মাযারে কয়েকবার বোমা হামলা, ২১ আগস্টের বোমা হামলা ইত্যাদির জন্য সেই সমস্ত মারণাজ্ঞই দায়ী। দেশী-বিদেশী চক্রান্তের কারণে এই সমস্ত ঘটনা সংঘটিত হচ্ছে তাতে সন্দেহ নেই।

প্রশ্ন হচ্ছে, এ বিষয়ক অভিলাপ থেকে মুক্তির কি কোন পথ নেই? অবশ্যই আছে। মানবতার মুক্তির জন্য প্রায় সাড়ে ১৪০০ বছর পূর্বে সেই পথের সন্ধান দিয়েছে ইসলাম। ইসলাম কখনও সন্ত্রাসকে প্রশ্রয় দেয় না। তাই মুহাম্মাদ (ছাঃ) আজীবন সন্ত্রাসের বিরুদ্ধে সংগ্রাম করে গেছেন। সন্ত্রাস নিরসনে সন্ত্রাসীর দৃষ্টান্তমূলক শাস্তির বিধানই ইসলামের ভূমিকা অগ্রগণ্য। কিন্তু হায়! আমাদের দেশের প্রায় ৯০% মানুষ মুসলমান হ'লেও এদেশে ঘোষিত আইন ইসলামী নয়। শান্তির পক্ষে যা কিছু ইসলাম তাই প্রতিষ্ঠা করতে চায়। অতএব জাতীয় ব্যাধি সন্ত্রাস থেকে মুক্তি পেতে হ'লে ইসলামী আইন প্রতিষ্ঠা অনস্বীকার্য।



## দিশারী

### হে হকু পিয়াসী মুমিন! প্রতারণা হ'তে সাবধান

মুখাফফর বিন মুহসিন

(শেষ কিস্তি)

**তিনঃ** তারাবীহ ও তাহাজ্জুদ পৃথক ছালাত। তাহাজ্জুদ ৮ রাক'আত যা শেষ রাতে পড়তে হয়। আর তারাবীহ ২০ রাক'আত যা রাত্রির প্রথম অংশে পড়তে হয়। বুখারী মুসলিমে বর্ণিত মা আয়েশা (রাঃ)-এর হাদীছ দ্বারা তাহাজ্জুদ ছালাত বুঝানো হয়েছে।

**পর্যালোচনাঃ** ২০ রাক'আত প্রমাণ করার জন্যই তাদের এই কুট মন্তব্য। ছহীহ বুখারীর অনুবাদের নামে প্রতিবাদকারী শায়খুল হাদীছ মাওলানা আজিজুল হকও আয়েশা (রাঃ) বর্ণিত ১১ রাক'আতের ছহীহ হাদীছের ব্যাখ্যায় দু'টি পৃথক ছালাত বলে আলোচনা করেছেন।<sup>৩৯</sup> মূলতঃ যারাই এরূপ যুক্তি পেশ করেছেন তারাই অজ্ঞতার পরিচয় দিয়েছেন। বরং তারাবীহ ও তাহাজ্জুদ দু'টি এক কথায় রাত্রির ছালাত। তাহাজ্জুদ শেষ রাত্রির ছালাত এবং সেই ছালাতই রামাযান মাসে এশার পর থেকে পড়াকে 'তারাবীহ' বলে।

**চ্যালেঞ্জ দাতাগণ** ভালভাবেই জানেন যে, প্রশ্নকারী আয়েশা (রাঃ)-কে রামাযানে রাসূলের রাত্রির ছালাত কেমন ছিল বলেই প্রশ্ন করেছিল। তার উত্তরেই আয়েশা (রাঃ) ১১ রাক'আতের কথা বলেন।

**দ্বিতীয়তঃ** রাসূল (ছাঃ) যে তিন দিন তারাবীহ পড়েছিলেন, সে দিনগুলিতে তাহাজ্জুদ পড়েননি। যেমন- অন্য হাদীছে বর্ণিত হয়েছে, রাসূলুল্লাহ (ছাঃ) সাহারীর সময় পর্যন্ত তারাবীহর ছালাত দীর্ঘ করতেন তাতে ছাহাবায়ে কেবলম সাহারী খাওয়া ছুটে যাওয়ার আশংকা করতেন। যেমন- 'আমাদের নিয়ে এত দীর্ঘ সময় ধরে ছালাত পড়লেন, যাতে আমরা সাহারী খাওয়া ছুটে যাওয়ার আশংকা করছিলাম'।<sup>৪০</sup> তাহলে সেই রাতগুলিতে রাসূলুল্লাহ (ছাঃ) তাহাজ্জুদ ছালাত কখন পড়লেন?

**তৃতীয়তঃ** অনুরূপ ওমর (রাঃ) উবাই ও তামীম দারীকে যে ১১ রাক'আত তারাবীহ পড়ার নির্দেশ দিয়েছিলেন, সেই

ছহীহ হাদীছের শেষাংশেও বলা হয়েছে যে, 'কিরাআত লম্বা হওয়ার কারণে অবশেষে আমরা লাঠির উপর ভর দিতাম এবং ফজরের ছালাতের সময় হওয়ার উপক্রম হ'লে ছালাত শেষ করে চলে আসতাম' **فَمَا كُنَّا نَتَصَرَّفُ إِلَّا فِيهِ** (৪১) অতএব ছাহাবীদের যুগেও যে একই নিয়ম চালু ছিল তা দিবালোকের ন্যায় স্পষ্ট।

**চতুর্থতঃ** অন্য আরেকটি হাদীছে বর্ণিত হয়েছে, মা আয়েশা (রাঃ) বলেন, **كَانَ النَّبِيُّ صَلَّى اللَّهُ عَلَيْهِ وَسَلَّمَ يُصَلِّي مَا بَيْنَ أَنْ يَفْرُغَ مِنْ صَلَاةِ الْعِشَاءِ إِلَى الْفَجْرِ إِحْدَى عَشْرَةَ رُكْعَةً** নবী করীম (ছাঃ) এশার ছালাত শেষ করার পর হ'তে ফজর পর্যন্ত মাত্র ১১ রাক'আত ছালাত আদায় করতেন'।<sup>৪২</sup>

**পঞ্চমতঃ** ইমাম বুখারী (রহঃ) মা আয়েশার হাদীছটি যেমন 'তাহাজ্জুদ' অধ্যায়ে বর্ণনা করেছেন, তেমনি **كتاب صلاة التراويح** বলে 'তারাবীহ' অধ্যায়েও বর্ণনা করেছেন। ফলে তিনি যেমন তারাবীহ ও তাহাজ্জুদ একই ছালাত বলে প্রমাণ করেছেন, তেমনি তারাবীহর ছালাত যে আট রাক'আত তাও প্রমাণ করেছেন। ফালিল্লাহিল হাম্দ।

উল্লেখ্য যে, ইমাম বুখারী উক্ত শিরোনামে অধ্যায় রচনা করলেও ভারত উপমহাদেশে ছাপা বুখারী শরীফ থেকে উক্ত শিরোনাম উৎখাত করা হয়েছে। কারণ হ'ল, উপমহাদেশের ছহীহ বুখারীর পাঠদান ও পাঠ্যগ্রহণকারী লক্ষ লক্ষ শিক্ষক-ছাত্র যদি দেখেন যে, ইমাম বুখারী (রহঃ) 'তারাবীহর ছালাত' শিরোনামে অধ্যায় রচনা করে সেখানে ৮ রাক'আত তারাবীহর হাদীছকে স্থান দিয়েছেন, তাহলে তাদের মনে বিশ্বাস বন্ধমূল হয়ে যাবে যে, তারাবীহর ছালাত ৮ রাক'আত; এর অধিক ২০ বা ততোধিক নয়। কিন্তু প্রশ্ন হ'ল, বুখারী শরীফ কি শুধু উপমহাদেশেই ছাপানো হয়? সিরিয়া, মিসর, কুয়েত, সউদী আরবসহ অন্যান্য দেশে যত বার ছাপানো হয়েছে, সেখানেই উক্ত শিরোনাম বহাল রয়েছে, তা পুরাতন হোক আর নতুন হোক। হকু গোপন করার এ ধরণের মর্মান্তিক প্রচেষ্টা আর কত দিন চলবে!

আল্লামা ওবায়দুল্লাহ মুবারকপুরী (রহঃ) বলেন, তারাবীহ, কিয়ামে রামাযান, ছালাতুল লায়ল, তাহাজ্জুদ সব একই বিষয় এবং একই ছালাতের নাম।

৩৯. এ, বঙ্গানুবাদ বুখারী শরীফ (ঢাকাঃ হামিদিয়া লাইব্রেরী, এপ্রিলঃ ২০০২), ১/৩০৫ পৃঃ, হা/৬০৮-এর ব্যাখ্যা দ্রঃ।

৪০. আবুদাউদ, তিরমিযী, নাসাই, ইবনু মাজাহ, সনদ ছহীহ, মিশকাত হা/১২৯৮; বঙ্গানুবাদ মিশকাত ৩য় খণ্ড, হা/১২২৪ 'রামাযান মাসে রাত্রির ছালাত' অনুচ্ছেদ।

৪১. ছহীহ ইবনু খুযায়মাহ ৪/১৮৬ পৃঃ; মুওয়াত্তা মালেক ১/১১৫ পৃঃ 'রামাযান মাসে রাত্রির ছালাত' অনুচ্ছেদ; মিশকাত হা/১৩০২; বঙ্গানুবাদ ৩য় খণ্ড, হা/১২২৮।

৪২. বুখারী, মুসলিম, মিশকাত হা/১১৮৮; ছহীহ আবুদাউদ হা/১২০৭; ছহীহ ইবনু মাজাহ হা/১১২৫ 'রাত্রির ছালাত কত রাক'আত' অনুচ্ছেদ।

لأنه لم تثبت من رواية صحيحة ولا ضعيفة أن  
البنى صلى الله عليه وسلم صلى في ليالى  
رمضان صلاتين إحداهما التراويح والأخرى  
التهجد فالتهد في غير رمضان هو التراويح  
في رمضان-

‘কারণ ছহীহ কিংবা যঈফ কোন বর্ণনার মাধ্যমে প্রমাণিত হয়নি যে, রাসূল (ছাঃ) রামাযানের রাত্রিতে দুই ধরনের ছালাত আদায় করেছেন, যার একটি তারাবীহ অন্যটি তাহাজ্জুদ। সুতরাং রামাযান ব্যতীত অন্য মাসে যেটি তাহাজ্জুদ, রামাযান মাসে সেটিই তারাবীহ’।<sup>৪০</sup>

আল্লামা আনওয়ার শাহ কাশ্মীরী হানাফী (রহঃ) বলেন,  
ولم يثبت في رواية من الروايات أنه عليه  
السلام صلى التراويح والتهجد عليحدة في  
رمضان بل طول التراويح وبين التراويح  
والتهجد في عهده عليه السلام لم يكن فرق في  
الركعات بل في الوقت والصفة-

‘বর্ণনা সমূহের মধ্য হ’তে কোন একটি বর্ণনা দ্বারাও প্রমাণিত হয়নি যে, রাসূলুল্লাহ (ছাঃ) রামাযান মাসে তারাবীহ ও তাহাজ্জুদ পৃথকভাবে আদায় করেছেন, বরং তারাবীহর ছালাতই দীর্ঘ হ’ত। আর তাঁর যুগে তারাবীহ ও তাহাজ্জুদের রাক‘আতগত কোন পার্থক্য ছিল না, বরং পার্থক্য ছিল কেবল সময়ে এবং গুণে’। অতঃপর তিনি বলেন, تلك صلاة واحدة إذا تقدمت سميت باسم،  
‘এটি’ التراويح إذا تأخرت سميت باسم التهج  
একই ছালাত; যখন রাতের প্রথমাংশে পড়া হবে তখন তাকে তারাবীহ বলা হবে, আর যখন শেষাংশে পড়া হবে তখন তাকে তাহাজ্জুদ বলা হবে’।<sup>৪৪</sup> মূলতঃ অজ্ঞতা অথবা আত্ম-অহংকার বলে তারাবীহ ও তাহাজ্জুদকে পৃথক বলে জনগণকে ধোকা দেওয়া হয়েছে।

\* মা আয়েশা (রাঃ) বর্ণিত হাদীছটি যে তারাবীহ সংক্রান্ত তাতে সকল মুহাদ্দিসই একমত। দলীয় স্বার্থে আঘাত লাগার কারণে তারা কেবল তাহাজ্জুদের কথা বলছেন। যেমন- ইবনু হাজার আসক্বালানী (রহঃ) আয়েশার হাদীছের আলোচনায় ইবনু আক্বাস কর্তৃক বর্ণিত বিশ রাক‘আতের হাদীছটি বর্ণনা করে বলেন, فإسناده ضعيف وقد

عارضه حديث عائشة هذا الذي في الصحيحين مع

৪০. মির‘আতুল মাফতীহ, ৪/৩১১ পৃঃ হা/১৩০৩-এর আলোচনা দ্রঃ।

৪৪. ফায়য়ুল বারী ২/৪২০ পৃঃ।

كونها أعلم بحال النبي صلى الله عليه وسلم ليلا  
من غيرها- ‘তবে এর সনদ যঈফ। এছাড়া আয়েশা  
(রাঃ)-এর এই হাদীছের বিরোধী যা বুখারী মুসলিমে বর্ণিত  
হয়েছে। সাথে সাথে রাসূল (ছাঃ)-এর রাত্রিকালীন অবস্থা  
সম্পর্কে অন্যান্যদের চেয়ে আয়েশা (রাঃ)-ই সর্বাধিক  
অবগত’।<sup>৪৫</sup> এমনকি হানাফী আলেমগণও এমনটি  
বলেছেন। যেমন-

আল্লামা ইবনুল হমাম (মৃঃ ৬৮১ হিঃ) হানাফী ২০  
রাক‘আতের বর্ণনাকে যঈফ বলার সাথে সাথে বলেন,  
‘এছাড়া ছহীহ হাদীছের বিরোধী’।<sup>৪৬</sup> অর্থাৎ মা আয়েশা  
বর্ণিত হাদীছের বিরোধী।

প্রখ্যাত হানাফী আলেম আল্লামা যায়লাঈ (মৃঃ ৭৬২ হিঃ)  
২০ রাক‘আতের হাদীছকে যঈফ সাব্যস্ত করার পর বলেন,

ثم إنه مخالف للحديث الصحيح عن أبي سلمة  
عبد الرحمن أنه سأل عائشة...

‘এতদসত্ত্বেও আবু সালামাহ জিজ্ঞাসিত আয়েশা (রাঃ)  
বর্ণিত ছহীহ হাদীছের সরাসরি বিরোধী’।<sup>৪৭</sup> অতএব তাদের  
বক্তব্যেও প্রমাণিত হ’ল যে, মা আয়েশার হাদীছ দ্বারা  
তারাবীহকেই বুঝানো হয়েছে।

চারঃ মসজিদে হারাম ও নববীতে আজ পর্যন্ত ২০  
রাক‘আতই পড়া হয়। তাই এ থেকে প্রমাণিত হয় যে,  
ছাহাবাদের যুগ থেকে এই ধারা চলে আসছে।

পর্যালোচনাঃ মসজিদে হারাম ও নববীর আমলই যদি  
দলীল হয়, তাহ’লে শুধু তারাবীহর ক্ষেত্রে কেন? অন্যান্য  
আমল সমূহের ক্ষেত্রেও তা হওয়া আবশ্যিক। অথচ এই  
রামাযানেই সেখানে শেষ দশকের পাঁচটি বেজোড় রাতেই  
লায়লাতুল কুদর অনুসন্ধান করা হয়, কিন্তু এদেশে তারা  
কেন শুধু ২৭ তারিখ পালন করেন? সেখানে এক ছা’  
সমপরিমাণ খাদ্য শস্য দ্বারা ফিত্রা দেওয়া হয়, কিন্তু তারা  
কেন অর্ধ ছা’ গমের হিসাবে টাকা দ্বারা ফিত্রা দেন?  
সেখানে ১২ তাকবীরে ঈদের ছালাত পড়া হয়, কিন্তু তারা  
কেন ৬ তাকবীরে পড়েন? এরূপভাবে দেখতে গেলে প্রায়  
সকল আমলই সেখানকার বিপরীত হবে। কেবল স্বার্থের  
ক্ষেত্রে সেখানকার উদ্ধৃতি পেশ করা কি কপটতা নয়?

তাছাড়া সউদী আরবের উক্ত দুই মসজিদ ছাড়া অন্যান্য  
সকল মসজিদেই ৮ রাক‘আত তারাবীহ পড়া হয়। এক্ষেত্রে  
তাদের কোন বক্তব্য আছে কি? মোট কথা হ’ল আমরা  
মক্কা-মদীনার অনুসরণ করি না, বরং পবিত্র কুরআন ও  
ছহীহ হাদীছের অনুসরণ করি। তবে সঠিক কথা এই যে,

৪৫. ফাৎহুল বারী ৪/৩১৯, পৃঃ হা/২০১৩-এর আলোচনা দ্রঃ।

৪৬. ইবনুল হমাম, ফাৎহুল ক্বাদীর শারহে হেদায়াহ (পাকিস্তানঃ  
আল-মাকতাবাতুল হাবীবিয়াহ, তাবি), ১/৪০৭ পৃঃ।

৪৭. আল্লামা হাফেয যায়লাঈ, নাছবুর রায়াহ (রিয়াযঃ  
আল-মাকতাবাতুল ইসলামিয়াহ, ১৯৭৩ খৃঃ/১৩৯৩ হিঃ), ২/১৫৩ পৃঃ।

উক্ত দুই মসজিদে ১০ রাক'আত পড়িয়ে একজন ইমাম চলে যান। পরে অন্যজন এসে ১০ রাক'আত পড়ান। অতঃপর বিতর পড়েন। ফলে সেখানে দু'টি জামা'আত হয়, যাতে ব্যস্ত লোকেরা শেষের জামা'আত ধরতে পারে। এরূপভাবে বর্তমানে ঢাকাতেও অনেক মসজিদে হচ্ছে। এর দ্বারা একজন ইমামের একটানা ২০ রাক'আত বুঝানো হয় না।

ছাহাবায়ে কেরামের যুগ থেকে উক্ত দুই মসজিদে ২০ রাক'আতের আমল চলে আসছে একথা যে ভ্রান্তিপূর্ণ, তা পূর্বেই উল্লিখিত হয়েছে। কারণ ছাহাবীগণের যুগে যে ২০ রাক'আত ছিল না, তা প্রমাণিত হয়েছে। বরং সম্ভবতঃ এই জামা'আতের ধারা চালু হয়েছে ছাহাবীদের যুগ শেষ হওয়ার অনেক পরে, দীর্ঘ কিয়ামের আশায় রাক'আত সংখ্যা বৃদ্ধি করার মাধ্যমে। যেমনটি ইবনু তায়মিয়াহ (রহঃ) ইঙ্গিত দিয়েছেন।<sup>৪৮</sup>

পাঁচঃ দুই সালাম বা চার রাক'আত পড়ার পর বিশ্রাম নেয়াকে 'তারাবীহ' বলে। উক্ত তারাবীহ শব্দটি বহু বচন। সেজন্য কমপক্ষে ১২ রাক'আত না হওয়া পর্যন্ত ৮ রাক'আতে তারাবীহ হয় না। সুতরাং 'তারাবীহ' শব্দটি বিশ্লেষণ করলেও ২০ রাক'আতই প্রমাণিত হয়।

পর্যালোচনাঃ তাদের এ যুক্তিও চিরন্তন সত্যকে নস্যাত করার ব্যর্থ ও মিথ্যা কৌশল মাত্র। কারণ মা আয়েশা (রাঃ)-এর বর্ণনাতেই তিনটি বৈঠকের উল্লেখ রয়েছে। তাছাড়া শরী'আতে দুইকেও বহুবচন গণ্য করা হয়। এক্ষণে তাদের কথা মেনে নিলেও তা কেবল ২০ হবে কেন, তার কমবেশীও হ'তে পারে। পক্ষান্তরে পাঁচ তারাবীহর ছহীহ কোন ভিত্তি নেই। অতএব যুক্তি নয়, বরং রাসূলের হাদীছের প্রতি আত্মসমর্পণ করুন।

ছয়ঃ সর্ব বিবেচনায় তারাবীহর ছালাত ২০ রাক'আত ৮ রাক'আত নয়। কোন একজন ছাহাবী, তাবেঈ, তাবে-তাবেঈও ৮ রাক'আতের কথা বলেননি। এমনকি পরবর্তী যুগেও কোন মুহাদ্দিস, ফক্বীহ, মুফাসসিরও বলেননি। ১২৮৪ হিজরীতে আকবরবাদে সর্বপ্রথম একজন গাইর মুক্বাল্লিদ আলেম ৮ রাক'আতের মত পোষণ করেন।

পর্যালোচনাঃ তাদের উপরোক্ত দাবী সমূহ যে সম্পূর্ণ ভ্রান্ত ও শরী'আত বিরোধী তা আমরা প্রমাণ করেছি। এক্ষণে তারাবীহর ছালাত যে আট রাক'আত, তা নিম্নে অকাট্য দলীল সমূহের আলোকে পেশ করা হ'লঃ

(১) عَنْ أَبِي سَلَمَةَ بْنِ عَبْدِ الرَّحْمَنِ أَنَّهُ سَأَلَ عَائِشَةَ رَضِيَ اللَّهُ عَنْهَا كَيْفَ كَانَتْ صَلَاةَ رَسُولِ اللَّهِ صَلَّى اللَّهُ عَلَيْهِ وَسَلَّمَ (بِالْأَيْلِ) فِي رَمَضَانَ؟ فَقَالَتْ مَا كَانَ يَزِيدُ فِي رَمَضَانَ وَلَا فِي غَيْرِهَا عَلَى إِحْدَى

عَشْرَةَ رُكْعَةً يُصَلِّي أَرْبَعًا فَلَا تَسْأَلُ عَنْ حُسْنِهِنَّ وَطَوْلِهِنَّ ثُمَّ يُصَلِّي أَرْبَعًا فَلَا تَسْأَلُ عَنْ حُسْنِهِنَّ وَطَوْلِهِنَّ ثُمَّ يُصَلِّي ثَلَاثًا-

(১) 'আবু সালামাহ ইবনু আবদুর রহমান (রাঃ) একদা মা আয়েশা (রাঃ)-কে রাসূলুল্লাহ (ছাঃ)-এর রামাযানের রাতের<sup>৪৯</sup> ছালাত কেমন ছিল বলে জিজ্ঞেস করেন। আয়েশা (রাঃ) উত্তরে বলেন, রাসূল (ছাঃ) রামাযান মাসে এবং রামাযানের বাইরে অন্য মাসে রাতের ছালাত এগার (১১) রাক'আতের বেশী আদায় করতেন না। তিনি প্রথমে (২+২) চার রাক'আত পড়েন। তুমি (আবু সালামাহ) তার সৌন্দর্য ও দীর্ঘতা সম্পর্কে জিজ্ঞেস কর না। অতঃপর তিনি (২+২) চার রাক'আত পড়েন। তুমি তার সৌন্দর্য ও দীর্ঘতা সম্পর্কে জিজ্ঞেস কর না। অতঃপর তিনি তিন রাক'আত (বিতর) পড়েন'।

বর্ণিত হাদীছটি সর্বাধিক বিশুদ্ধ গ্রন্থ বুখারী ও মুসলিম সহ ১১-টির অধিক হাদীছগ্রন্থে বর্ণিত হয়েছে। বিশেষ করে ইমাম বুখারী (রহঃ) 'তারাবীহর

ছালাত' অধ্যায়ে এটি বর্ণনা করেছেন।<sup>৫০</sup> তাছাড়া তিনি আরো দু'টি অধ্যায়ে হাদীছটি নিয়ে এসেছেন।<sup>৫১</sup> ইমাম মুসলিম একই অধ্যায়ে ভিন্ন ভিন্ন সনদে দু'টি হাদীছ বর্ণনা করেছেন।<sup>৫২</sup> সুতরাং এ হাদীছের বিশুদ্ধতা সম্পর্কে আলোচনার প্রশ্নই উঠে না।

উক্ত হাদীছ থেকে সুস্পষ্টভাবে প্রমাণিত হয় যে, রামাযান মাসে হোক আর অন্য মাসে হোক, রাসূল (ছাঃ) রাত্রির ছালাত ১১ রাক'আতই পড়তেন, এর বেশী নয়। যার আট রাক'আত 'তারাবীহ' বা 'তাহাজ্জুদ' আর তিন রাক'আত বিতর। আরো প্রমাণিত হ'ল যে, তারাবীহ ও তাহাজ্জুদ একই ছালাত, ভিন্ন কোন ছালাত নয়। তাই ইমাম বুখারী হাদীছটি 'তাহাজ্জুদ' ছালাতের অধ্যায়েও বর্ণনা করেছেন। সাথে সাথে উক্ত হাদীছের সনদ সম্পর্কে দ্ব্যর্থহীন কণ্ঠে বলা যায় যে, রাসূল (ছাঃ)-এর রাত্রির ছালাত অর্থাৎ তারাবীহ ও তাহাজ্জুদের রাক'আত সংখ্যার ব্যাপারে এর চেয়ে অধিক বিশুদ্ধ বর্ণনা আর নেই।

৪৯. ছহীহ মুসলিম হা/১৭২৩, এ হাদীছে 'রাত' শব্দটির উল্লেখ রয়েছে।

৫০. ছহীহ বুখারী হা/২০১৩, ১/২৬৯ পৃঃ; মুসলিম হা/১৭২০ ও ১৭২৩, ১/২৫৯ পৃঃ; ছহীহ আবুদাউদ হা/১৩৪১; ছহীহ তিরমিযী হা/৪৪০; ছহীহ নাসাঈ হা/১৬৯৬; ছহীহ ইবনু খুযায়মাহ হা/১১৬৬; মুওয়াত্তা মালেক (বৈরুত ছাপা), ১/১২০ পৃঃ; আহমাদ হা/৩৬-৩৭ ও ১০৪ পৃঃ; বায়হাক্বী; সুনানুল কুবরা হা/৪৬১৪, ২/৬৯৮ পৃঃ; ছহীহ আবু আওয়ানাহ ২/৩২৭ পৃঃ; নাসাঈ, সুনানুল কুবরা ২/৬০৯ পৃঃ; ঐ, আল-মুজতবা ২/৭২১ পৃঃ প্রভৃতি।

৫১. বুখারী হা/১১৪৭ ও ৩৫৬৯, ১/১২৬ ও ১/৫০০-৪ পৃঃ।

৫২. মুসলিম হা/১৭২০ ও ১৭২৩, ১/২৫৯ পৃঃ।

আরো উল্লেখ্য যে, হাদীছটি বর্ণিত হয়েছে মা আয়েশা (রাঃ)-এর মাধ্যমে। আর রাসূল (ছাঃ)-এর রাজিকালীন অবস্থা সম্পর্কে অন্যান্যদের চেয়ে মা আয়েশা (রাঃ)-ই যে সবচেয়ে বেশী জানবেন, একথা বলার অপেক্ষা রাখে না। যেমনটি হাফেয ইবনু হাজার আসক্বালানী (৭৭৩-৮৫২ হিঃ) উক্ত হাদীছের আলোচনায় বলেছেন।<sup>৫৩</sup> সুতরাং রাসূল (ছাঃ)-এর প্রকৃত অনুসারীদের জন্য এই একটি হাদীছই যথেষ্ট।

(২) عن جابر بن عبد الله رضى الله عنه قال صلى بنا رسول الله صلى الله عليه وسلم في شهر رمضان ثمان ركعات وأوتر... رواه ابن خزيمة وابن حبان في صحيحهما-

(২) জাবের ইবনু আবদুল্লাহ (রাঃ) বলেন, রাসূল (ছাঃ) রামায়ান মাসে আমাদের সাথে ৮ রাক'আত ছালাত আদায় করেন এবং বিতর পড়েন...।<sup>৫৪</sup> হাদীছটি কয়েকটি সূত্রে হাসান সনদে বর্ণিত হয়েছে।<sup>৫৫</sup>

ইমাম যাহাবী (৬৭৩-৭৪৮ হিঃ) তার 'মীযানুল ই'তেদাল' গ্রন্থে উক্ত হাদীছটি উল্লেখ করার পর বলেন, إسناده وسط 'হাদীছটির সনদ মধ্যম স্তরের' অর্থাৎ হাসান।<sup>৫৬</sup>

ইবনু হাজার আসক্বালানী (রহঃ) ইমাম যাহাবী সম্পর্কে বলেন, الذهبي من أهل الاستقراء التام في نقد الرجال 'যাহাবী (রহঃ) রাবীদের জীবন পরীক্ষা-নিরীক্ষা করণের ক্ষেত্রে সম্পূর্ণক অনুসন্ধানীগণের অন্যতম'।<sup>৫৭</sup> এজন্য তিরমিযীর ভাষ্যকার আবদুর রহমান মুবারকপুরী (১২৮৩-১৩৫৩ হিঃ) বলেন, 'অতএব যাহাবী কোন হাদীছ সম্পর্কে মন্তব্য করলে সে সম্পর্কে অন্য কে কি বলেছে, সেদিকে তাকানোর প্রশ্নই উঠে না'।<sup>৫৮</sup>

৫৩. হাফেয ইবনু হাজার আসক্বালানী, ফাৎহুল বারী শরহে ছহীহুল বুখারী (বৈরুতঃ দারুল কুতুব আল-ইলমিয়াহ, ১৯৮৯ খৃঃ/১৪১০ হিঃ), ৪/৩১৯ পৃঃ, হা/২০১৩-এর আলোচনা দ্রঃ।

৫৪. ছহীহ ইবনে খুযায়মাহ ৩/৩৪১ পৃঃ; ছহীহ ইবনে হিব্বান ইহসান সহ হা/২৪০৭, ৬/১৬৯-৭০ পৃঃ; তাবরানী, আল-মু'জামুহ ছাগীর, পৃঃ ১০৮; কিয়ামুল লাইল হা/১১৪, পৃঃ ৯০; হায়ছুমী, মাজমাউয যাওয়ায়েদ ৩/১৭৫ পৃঃ; মুসনাদে আবু ইয়াল্লা প্রভৃতি।

৫৫. শায়খ আল্লামা শামসুল হক আযীমাবাদী, আওনুল মা'বুদ শরহে আব্দাউদ (বৈরুতঃ দারুল কুতুব আল-ইলমিয়াহ, তাবি), ৪/১৭৫ পৃঃ; হা/১৩৭২-এর আলোচনা দ্রঃ; কিয়ামুল লাইল হা/১১৪, পৃঃ ৯০।

৫৬. আল্লামা হাফেয যাহাবী, মীযানুল ই'তেদাল ফী নাক্বদির রিজাল (বৈরুতঃ দারুল মা'রেফাহ, তাবি), ৩/৩১১-১২ পৃঃ।

৫৭. ইবনু হাজার আসক্বালানী, শারহ মুখবাতুল ফিকার (সিলেটঃ মুহাম্মাদী কুতুব খানা, ১৯৯৮ খৃঃ), পৃঃ ১৬২।

৫৮. আবদুর রহমান মুবারকপুরী, তুহফাতুল আহওয়ায়ী বিশরহে জামে'উত তিরমিযী (বৈরুতঃ দারুল কুতুব আল-ইলমিয়াহ, ১৯৯০ খৃঃ/১৪১০ হিঃ), ৩/৪৪২ পৃঃ, হা/৮০৩-এর আলোচনা দ্রঃ।

শায়খ নাছিরুদ্দীন আলবানী (রহঃ) বলেন, سندہ حسن 'হাদীছটির সনদ হাসান'।<sup>৫৯</sup> ইবনু হাজার আসক্বালানী (রহঃ) উক্ত হাদীছটি স্বীয় ফাৎহুলবারীতে দলীল হিসাবে উদ্ধৃত করে ছহীহ বা হাসান সাব্যস্ত করেছেন।<sup>৬০</sup>

উল্লেখ্য, রাসূল (ছাঃ) থেকে আরো কয়েকটি ছহীহ ও হাসান হাদীছ রয়েছে।

বলিষ্ঠ দলীলের আলোকে ছাহাবীদের যুগে এবং ওমর (রাঃ)-এর নির্দেশিত তারাবীহর ছালাত ৮ রাক'আতঃ

মুসলিম সমাজে প্রচার করা হয় যে, ছাহাবীদের যুগে বিশেষ করে ওমর ও আলী (রাঃ) উভয়েই বিশ (২০) রাক'আত তারাবীহ চালু করেছিলেন। এটা ডাহা মিথ্যা কথা। এ সমস্ত মর্যাদাশীল জান্নাতী ছাহাবীগণের প্রতি অপবাদ আরোপ করা মাত্র। কারণ তাঁরা কখনো রাসূল (ছাঃ)-এর অনুসরণের ক্ষেত্রে কোন রকমের ত্রুটি বা কম-বেশী করেননি। নিম্নে এ বিষয়ে আলোকপাত করা হ'লঃ

(১) عَنِ السَّائِبِ بْنِ يَزِيدَ أَنَّهُ قَالَ قَالَ أَمْرُ عُمَرَ بْنِ الْخَطَّابِ أَبِي بِنِ كَعْبٍ وَ تَمِيمًا الدَّارِيَّ أَنَّ يَفُومًا لِلنَّاسِ بِأَحَدِي عَشْرَةَ رَكْعَةً...

(১) সায়েব ইবনু ইয়াযীদ (রাঃ) হ'তে বর্ণিত, তিনি বলেন, 'ওমর (রাঃ) উবাই ইবনু কা'ব ও তামীম আদ-দারী (রাঃ)-কে লোকদের নিয়ে ১১ রাক'আত ছালাত আদায় করার নির্দেশ প্রদান করেন'...।

উপরোক্ত হাদীছটি সাতের অধিক হাদীছ গ্রন্থে বিভিন্ন সূত্রে বর্ণিত হয়েছে। যার সবগুলিই ছহীহ।<sup>৬১</sup> আল্লামা নীমতী হানাফী (রহঃ) তাঁর 'আছারুস সুনান' গ্রন্থে হাদীছটির সনদ সম্পর্কে বলেন, إسناده صحيح 'এ হাদীছের সনদ ছহীহ'।<sup>৬২</sup> শায়খ আলবানী (রহঃ) বলেন, هذا إسناد صحيح جداً... فإن السائب بن يزيد صحابي حج مع النبي صلى الله عليه وسلم وهو صغير-

৫৯. মুহাম্মাদ নাছিরুদ্দীন আলবানী, ছালাত তারাবীহ (বৈরুতঃ আল-মাকতাবুল ইসলামী, দ্বিতীয় প্রকাশঃ ১৯৮৫ খৃঃ/১৪০৫ হিঃ), পৃঃ ১৮।

৬০. ফাৎহুল বারী ৩/১৬ পৃঃ, হা/১১২৯-এর আলোচনা দ্রঃ।

৬১. মুওয়াত্তা মালেক ১/১১৫ পৃঃ 'রামায়ান মাসে রাত্রির ছালাত' অনুচ্ছেদ; ছহীহ ইবনে খুযায়মাহ ৪/১৮৬ পৃঃ; বায়হাক্বী, সুনানুল কুবরা হা/৪৬১৬, ২/৬৯৮ পৃঃ; সাঈদ ইবনু মানছুর, আস-সুনা'ন; কিয়ামুল লাইল, পৃঃ ৯১; আবুবাকর আন-নীসাপুরী, আল-ফাওয়ায়েদ ১/১৩৫ পৃঃ; বায়হাক্বী আল-মা'রেফাহ; ফিরইয়াবী ১/৭৬ পৃঃ ও ২/৭৫ পৃঃ; আলবানী, তাহক্বীক্ব মিশকাত (বৈরুতঃ ১৯৮৫/১৪০৫), ১/৪০৭ পৃঃ, হা/১৩০২-এর টীকা সহ দ্রঃ; বঙ্গনুবাদ মেশকাত ৩য় খণ্ড, হা/১২২৮ 'রামায়ানের রাতের ছালাত' অনুচ্ছেদ।

৬২. তুহফাতুল আহওয়ায়ী ৩/৪৪২ পৃঃ।



'এ হাদীছের সনদ অতীব বিশুদ্ধ। ... কারণ সায়েব ইবনু ইয়াযীদ এমন ছাহাবী, তিনি অল্প বয়সে রাসূল (ছাঃ)-এর সাথে হজ্জ করেছেন'।<sup>৬৩</sup> অন্যত্র তিনি উক্ত হাদীছ সম্পর্কে আলোচনার পর এর সনদে উল্লিখিত রাবী মুহাম্মাদ ইবনু ইউসুফ সম্পর্কে বলেন,

قلت وهذا سند صحيح جداً فإن محمد بن يوسف  
أمامي شيخ مالك ثقة اتفاقاً واحتج به الشيخان  
বলছি, এ হাদীছের সূত্র অত্যন্ত ছহীহ। কেননা এর রাবী মুহাম্মাদ বিন ইউসুফ ইমাম মালেক (রহঃ)-এর উস্তাদ। সকলের ঐক্যমতে তিনি একজন অত্যন্ত বিশ্বস্ত রাবী। ইমাম বুখারী ও মুসলিম তাঁর থেকে দলীল (হাদীছ) গ্রহণ করেছেন'।<sup>৬৪</sup>

আল্লামা ওবায়দুল্লাহ মুবারকপুরী তাঁর মিশকাতুল মাছাবীহ-এর জগদ্বিখ্যাত ভাষ্য 'মির'আতুল মাফাতীহ' গ্রন্থে উক্ত হাদীছের ভাষ্যে পরিষ্কার বলে দিয়েছেন,

هذا نص في أن الذي جمع عليه الناس عمر في  
قيام رمضان وأمرهم بإقامته هو إحدى عشرة  
ركعة مع الوتر وإن الصحابة والتابعين على  
عهده كانوا يصلون التراويح إحدى عشرة ركعة  
موافقاً لما تقدم من حديث عائشة... وموافقاً لما  
تقدم من حديث جابر-

'ওমর (রাঃ) রামাযানের রাত্রিতে ছালাতের জন্য লোকদেরকে যে একত্রিত করেছিলেন এবং তিনি যে তাদেরকে বিতর সহ ১১ রাক'আত করে পড়ার নির্দেশ দিয়েছিলেন, নিশ্চয় এ হাদীছটিই তার প্রমাণ। এছাড়া সকল ছাহাবী এবং তাবেরীগণও যে তাঁর যুগে তারাবীহর ছালাত ১১ রাক'আতই পড়তেন তারও সুস্পষ্ট প্রমাণ। কারণ এ হাদীছটি পূর্বে বর্ণিত আয়েশা (রাঃ)-এর হাদীছের সাথে পুরোপুরি সামঞ্জস্যশীল এবং জাবের (রাঃ) বর্ণিত হাদীছের সাথেও সামঞ্জস্যশীল'।<sup>৬৫</sup>

(۲) عن محمد بن يوسف أن السائب أخبَرَهُ أَنَّ  
عُمَرَ جَمَعَ النَّاسَ عَلَى أَبِيٍّ وَتَمِيمٍ فَكَانَا يُصَلِّيَانِ  
إِحْدَى عَشْرَةَ رَكْعَةً-

(২) মুহাম্মাদ ইবনু ইউসুফ (রাঃ) বলেন, সায়েব ইবনু ইয়াযীদ (রাঃ) তাকে এ মর্মে জানিয়েছেন যে, 'ওমর (রাঃ) উবাই এবং তামীম আদ-দারীর মাধ্যমে লোকদের একত্রিত করেন। অতঃপর তারা উভয়ে ১১ রাক'আত ছালাত আদায় করান'।<sup>৬৬</sup>

হাদীছটি সম্পর্কে আল্লামা ওবায়দুল্লাহ মুবারকপুরী (রহঃ) বলেন, 'হাদীছটির সনদ ছহীহ'।<sup>৬৭</sup> উল্লেখ্য, এরূপ আরো কয়েকটি ছহীহ ও হাসান হাদীছ রয়েছে।

\* তাদের মতে ১২৮৪ হিজরীর পূর্বে কেউই আট রাক'আতের প্রতি মতপোষণ করেননি। তাদের এই বক্তব্য যে চরম ধৃষ্টতাপূর্ণ তা তাদেরই প্রখ্যাত ওলামায়ে কেরামের বক্তব্য দ্বারা প্রমাণ করা যাক।

আমরা পূর্বে আল্লামা যায়লাঈ, বদরুদ্দীন আয়নী, ইবনুল হুমাম, আল্লামা নীমতী প্রমুখ প্রখ্যাত হানাফী বিদ্বানগণের মন্তব্য পেশ করেছি। নিম্নে আরো কয়েকজন শীর্ষস্থানীয় পণ্ডিতের বক্তব্য উপস্থাপন করা হ'লঃ

(১) আল্লামা আনওয়ার শাহ কাশ্মীরী হানাফী (১২৯২-১৩৫২ হিঃ) তাঁর ছহীহ বুখারীর ভাষ্যগ্রন্থ 'ফায়যুল বারী'-তে বলেন, 'إن التراويح لم يثبت مرفوعاً  
أزيد من ثلاث عشرة ركعة إلا بطريق ضعيف  
'নিশ্চয়ই তারাবীহর ছালাত ১৩ রাক'আতের অভিরিক্ত মরফু' সূত্রে প্রমাণিত হয়নি; যঈফ সূত্রে ব্যতীত'। অর্থাৎ ১৩-এর অধিক রাক'আত সংক্রান্ত বর্ণনাগুলিকে তিনি যঈফ আখ্যায়িত করেছেন।<sup>৬৮</sup>

উল্লেখ্য যে, উক্ত ১৩ রাক'আতের ৮ রাক'আত তারাবীহ, ৩ রাক'আত বিতর এবং বাকী ২ রাক'আত ফজরের পূর্বের দুই রাক'আত সূনাত অথবা এ ছালাত শুরু করার পূর্বের সংক্ষিপ্ত দুই রাক'আত। বুখারী ও মুসলিমে এ দু'রকমই বর্ণনা এসেছে।<sup>৬৯</sup>

তিনি তাঁর তিরমিযী শরীফের ভাষ্যগ্রন্থ 'আল-আরফুশ শাযী'তে বলেন, 'وأما النبي صلى الله عليه وسلم فصح عنه ثمان ركعات وأما عشرون ركعة فهو عنه عليه السلام بسند ضعيف وعلى ضعفه اتفاق

৬৩. আলবানী, ইরওয়াউল গালীল (বৈরুতঃ আল-মাকতাবুল ইসলামী, ২য় প্রকাশঃ ১৯৮৫/১৪০৫ হিঃ), ২/১৯২-১৩৩ পৃঃ, হা/৪৪৫-এর আলোচনা দ্রঃ এবং ছালাতুল তারাবীহ, পৃঃ ৪৬।

৬৪. ছালাতুল তারাবীহ, পৃঃ ৪৫

৬৫. শায়খ আল্লামা ওবায়দুল্লাহ রহমানী মুবারকপুরী, মির'আতুল মাফাতীহ শরহে মিশকাতুল মাছাবীহ (বেনারসঃ ইদারাতুল রুহু আল-ইসলামিয়াহ, ১৯৭৩ খৃঃ/১৩৯৪ হিঃ), ৪/৩২৯ পৃঃ, হা/১৩১০-এর আলোচনা দ্রঃ।

৬৬. ইবনু আবী শায়বাহ, আল-মুহান্নাফ (বৈরুতঃ ১৯৮৯/১৪০৯ হিঃ), ২/২৮৪ পৃঃ, 'রামাযান মাসে ছালাত' অনুচ্ছেদ; আবদুর রায়যাক, আল-মুহান্নাফ (বৈরুতঃ ১৯৮৩/১৪০৩ হিঃ), ৪/২৬০ পৃঃ, হা/৭৭২৭ 'রামাযান মাসে রাতের ছালাত' অনুচ্ছেদ।

৬৭. মির'আতুল মাফাতীহ ৪/৩৩৩ পৃঃ।

৬৮. আনওয়ার শাহ কাশ্মীরী, ফায়যুল বারী আলা ছহীহিল বুখারী (দিল্লীঃ রাক্বানী বুক ডিপো, তাবি), ২/৪২০ পৃঃ।

৬৯. বুখারী হা/১১৪০ 'তাহাজ্জুদ' অধ্যায়, অনুচ্ছেদ-৯; মুসলিম হা/১৮০৩-৪ 'মুসাফিরের ছালাত' অধ্যায়, অনুচ্ছেদ-১৩৪।

‘নবী করীম (ছাঃ) থেকে ছহীহ সূত্রে ৮ রাক‘আতই প্রমাণিত হয়েছে। আর ২০ রাক‘আতের সনদ যঈফ প্রমাণিত হয়েছে, এবং তার ‘যঈফ হওয়ার ব্যাপারে মুহাদ্দিছগণের ঐক্যমত রয়েছে’।<sup>৭০</sup> তিনি আরো স্পষ্ট করে দ্ব্যর্থহীন কণ্ঠে বলেন, **ولا مناص من تسليم أن تراويحه عليه السلام كانت ثمانية ركعات.** ‘আত্মসমর্পণ করা ছাড়া কোন উপায় নেই যে, নিশ্চয়ই রাসূলুল্লাহ (ছাঃ)-এর তারাবীহর ছালাত ৮ রাক‘আতই ছিল’।<sup>৭১</sup>

(২) ‘হেদায়াহ’র ভাষ্যগ্রন্থ ‘ফাৎহুল ক্বাদীর’ প্রণেতা আল্লামা ইবনুল হুমাম হানাফী (মৃঃ ৬৮১ হিঃ) তারাবীহর রাক‘আত সংখ্যার ব্যাপারে বিশদ আলোচনা শেষে বলেন,

**فتحصل من هذا كله أن قيام رمضان سنة إحدى عشرة ركعة بالوتر في جماعة فعلة صلى الله عليه وسلم.**

‘উপরোক্ত সকল আলোচনার সার কথা এই যে, রামাযানের রাতের ছালাত জামা‘আতের সাথে বিতরসহ ১১ রাক‘আত পড়াই সূনাত, যা রাসূলুল্লাহ (ছাঃ) আদায় করেছেন’।<sup>৭২</sup>

(৩) বুখারী শরীফের টীকাকার আহমাদ আলী সাহারাণপুরী হানাফীও উপরোক্ত মত ব্যক্ত করেছেন।<sup>৭৩</sup>

(৩) উপমহাদেশের খ্যাতনামা হানাফী মনীষী আবদুল হাই লাক্ষৌতী জাবির (রাঃ) বর্ণিত ৮ রাক‘আতের হাদীছ উদ্ধৃত করার পর দ্বিধাহীনচিত্তে বলেন,

**والحاصل أنه إن سئل من صلوة النبي صلى الله عليه وسلم في تلك الليالي إنها كم كانت؟ فالجواب أنها ثمان ركعات لحديث جابر وإن سئل أنه هل صلى في رمضان ولو أحيانا عشرين ركعة؟ فالجواب نعم ثبت ذلك بحديث ضعيف-**

‘মোদ্দা কথা হ’ল, যদি প্রশ্ন করা হয় রাসূল (ছাঃ) যে রাতগুলিতে তারাবীহ পড়েছিলেন তা কত রাক‘আত ছিল? তাহ’লে জাবির (রাঃ) কর্তৃক বর্ণিত হাদীছের আলোকে উত্তর হবে ৮ রাক‘আত পড়েছিলেন। আর যদি প্রশ্ন করা হয়, তিনি কি কখনো ২০ রাক‘আত পড়েছেন? তাহ’লে উত্তর হবে, হ্যাঁ এ মর্মে যঈফ হাদীছ রয়েছে’।<sup>৭৪</sup>

৭০. আনওয়ার শাহ কাশ্মীরী, আল-আরফুশ শাযী শরহে বি জামে‘ তিরমিযী (দেওবন্দঃ মুখতার এন্ড কোম্পানী, ১৯৮৫), ১/১৬৬ পৃঃ, ‘রামাযান মাসে রাত্রির ছালাত’ অনুচ্ছেদ, ‘ছিয়াম’ অধ্যায়।

৭১. প্রাণ্ডক্ত, ১/১৬৬ পৃঃ।

৭২. ফাৎহুল ক্বাদীর ১/৪০৭ পৃঃ।

৭৩. ছহীহ বুখারী (মূল ভলিয়াম) ১/১৫৪ পৃঃ, টীকা নং-৩ দ্রঃ।

৭৪. আলবানী, নামাযে তারাবীহ (উর্দু) অনুবাদঃ মুহাম্মাদ ছাদেক্ব খলীল (ফায়ছালাবাদঃ যিয়াউস সূনাই, ১৪০৭ হিঃ), পৃঃ ৩৪-৩৫, টীকা-২, গৃহীতঃ তুহফাতুল আখবার, পৃঃ ২৮।

(৪) শায়খ আবদুল হক্ব মুহাদ্দিছ দেহলবী হানাফী (৯৫৮-১০৫২ হিঃ/১৫৫১-১৬৪২ খৃঃ) বলেন, রাসূলুল্লাহ (ছাঃ) হ’তে বিশ রাক‘আতের কোন ছহীহ হাদীছ নেই।

**وأما عشرون ركعة فهو عنه عليه السلام بسند ضعيف وعلى ضعفه اتفاق-**

‘আর তাঁর পক্ষ হ’তে বিশ রাক‘আতের যে বর্ণনা রয়েছে তার সনদ যঈফ এবং তার যঈফ হওয়ার ব্যাপারে সকল মুহাদ্দিছের ঐক্যমত রয়েছে’।<sup>৭৫</sup>

(৫) শাহ অলিউল্লাহ মুহাদ্দিছ দেহলভী (১১১৪-১১৭৬ হিঃ) ‘মুওয়াজ্জা মালেক’-এর ভাষ্য ‘আল-মুছাফফা’ গ্রন্থে দ্ব্যর্থহীনভাবে ঘোষণা করেন যে, ‘রাসূলুল্লাহ (ছাঃ)-এর আমল দ্বারা তারাবীহর ছালাত বিতরসহ ১১ রাক‘আতই প্রমাণিত’।<sup>৭৬</sup>

(৬) আল্লামা রশীদ আহমাদ গাংগুহী হানাফী (রহঃ) বলেন, ‘রাসূলুল্লাহ (ছাঃ) থেকে তারাবীহর ছালাত বিতরসহ মাত্র ১১ রাক‘আতই প্রমাণিত এবং তা সূনাতে মুওয়াক্কাদাহ’।<sup>৭৭</sup>

**চার ইমাম ও ছালাতুত তারাবীহর রাক‘আত সংখ্যাঃ**

(১) চার ইমামের মধ্য হ’তে ইমাম আবু হানীফা (৮০-১৫০ হিঃ)-এর পক্ষ থেকে তাঁর অনুসারীরা বলে থাকেন যে, তারাবীহ বিশ রাক‘আত। ইমাম আবু ইউসুফ এ সম্পর্কে তাঁকে জিজ্ঞেস করলে তিনি ওমর (রাঃ)-এর যুগের দিকে ইঙ্গিত করেন এবং ২০ রাক‘আতের কথা বলেন মর্মে তারা একটি বক্তব্য উল্লেখ করে থাকেন। যদি তাঁর কথা ঠিক হয় তবুও তা গ্রহণযোগ্য নয়। কারণ ওমর (রাঃ)-এর যুগে বিশ রাক‘আত সম্পর্কে যে কথা বলা হয়, তার যে কোন ছহীহ ভিত্তি নেই তা সুস্পষ্ট। সূতরাং দুর্বল ভিত্তির উপর প্রতিষ্ঠিত কোন বক্তব্য কখনই গ্রহণযোগ্য হ’তে পারে না।

(২) ইমাম মালেক (৯৩-১৭৯ হিঃ) সম্পর্কে ৩৬ রাক‘আতের বর্ণনার কথা বলা হয়ে থাকে, কিন্তু তা সঠিক নয়। কারণ তাঁর নিজস্ব বক্তব্য দ্বারা ১১ রাক‘আতের কথাই প্রমাণিত হয়। যেমন- মুহাদ্দিছ আবুল মানছুর আল-জুরী (মৃঃ ৪৬৯ হিঃ) ইমাম মালেক (রহঃ) থেকে বর্ণনা করেন

**عن مالك أنه قال الذي جمع عليه الناس عمر، بن الخطاب أحب إلى وهو إحدى عشرة ركعة وهي صلاة رسول الله صلى الله عليه وسلم قيل له إحدى عشرة ركعة بالوتر قال: نعم-**

৭৫. ফাৎহ সিরিরিল মান্নান লি তাঈদে মাযহাবে নু‘মান, পৃঃ ৩২৭।

৭৬. শাহ অলিউল্লাহ মুহাদ্দিছ দেহলভী, আল-মুছাফফা শরহে মালেক মুওয়াজ্জা (ফার্সী), পৃঃ ১৭৭।

৭৭. এ, রিসালাহ আল-হাক্কুশ শরীফ, পৃঃ ২২।

‘তিনি বলেন, ওমর ইবনুল খাত্তাব (রাঃ) লোকদেরকে যার উপরে একত্রিত করেছিলেন আমার নিকট তাই সর্বোত্তম। আর ওমর (রাঃ) যা চালু করেছিলেন তা ছিল ১১ রাক‘আত। আর এটাই ছিল রাসুল (ছাঃ)-এর ছালাত’। অতঃপর তাঁকে প্রশ্ন করা হ’ল, বিতরসহ ১১ রাক‘আত? তিনি উত্তরে বলেন, হ্যাঁ’।

এরপর মুহাদ্দিছ আল-জুরী বিস্ময়ের সাথে বলেন, من أين من ذلك بصيغة الجزم وإنما يقال في هذا كله روى عنه أو نقل أو حكى عنه....

‘আমি অবগত নই যে, কোথা থেকে (তাঁর-পক্ষে) এর অধিক রাক‘আত সংখ্যা আবিষ্কৃত হ’ল? ৭৮ অন্যান্যরাও এরূপ মন্তব্য করেছেন।

এছাড়া তাঁর হাদীছের কিতাব ‘মুওয়াত্তা’তেও তিনি ওমর (রাঃ)-এর নির্দেশিত ১১ রাক‘আতের বর্ণনা উদ্ধৃত করেছেন। যদিও তারপর ইয়াযীদ ইবনু রুমান থেকে ২০ রাক‘আতের একটি ‘মুনকার’ ও ভিত্তিহীন বর্ণনাও তিনি নিয়ে এসেছেন। উল্লেখ্য যে, বলা হয়ে থাকে মদীনাতে ৪১ রাক‘আত তারাবীহ চালু ছিল। এ কথাটিও সঠিক নয়। কারণ ইমাম মালেক (রহঃ)-এর জন্ম যেমন মদীনাতে, তেমনি তিনি সেখানেই শিক্ষা লাভ করেন এবং মসজিদে নববীতেই আজীবন হাদীছের দরস প্রদান করেন। ৭৯ তাই তাঁর মৃত্যু (১৭৯ হিঃ) পর্যন্ত মদীনাতে অতিরিক্ত রাক‘আত সংখ্যা চালু হয়নি বলে ধরে নেওয়া যায়।

(৩) ইমাম শাফেঈ (১৫০-২০৪ হিঃ) সম্পর্কে স্পষ্ট কোন বক্তব্য পাওয়া যায় না। ইমাম তিরমিযী (রহঃ) ওমর ও আলী (রাঃ) পক্ষ থেকে বর্ণিত ২০ রাক‘আতের প্রতি সুফিয়ান ছাওরী, ইবনুল মুবারক ও ইমাম শাফেঈর যে সমর্থন তুলে ধরেছেন তা ত্রুটিপূর্ণ। কারণ তিনি উক্ত বক্তব্য روى (কথিত) শব্দ দ্বারা উদ্ধৃত করেছেন। ৮০ এমনকি ইমাম শাফেঈ (রহঃ)-এর উক্তিটুকুও روى শব্দ দ্বারা উল্লেখিত হয়েছে। ৮১ আর মুহাদ্দিছগণের নীতি হ’ল, কোন অপ্রামাণ্য, দুর্বল ও ভিত্তিহীন বক্তব্য উদ্ধৃত করলে তাঁরা روى (কথিত) শব্দ দ্বারা উল্লেখ করেন। যেমন ইমাম নববী (৬৩১-৬৭৬ হিঃ) বলেন,

قال العلماء المحققون من أهل الحديث وغيرهم إذا كان الحديث ضعيفا لا يقال فيه: قال رسول الله صلى الله عليه وسلم أو فعل أو أمر أو نهى أو حكم

৭৮. ছালাতুত তারাবীহ, পৃঃ ৭৯।

৭৯. ডঃ মুহাম্মাদ কামেল হুসাইন, ইমাম মালেক ও মুওয়াত্তা কিতাব, দ্বঃ মুওয়াত্তা মালেক (বৈকৃতঃ দারুল কুতুব আল-ইসলামিয়াহ, তাবি), ভূমিকা।

৮০. জামে’ তিরমিযী ১/১৬৬ পৃঃ।

৮১. আল-মুযানী, আল-মুখতাছার ১/১০৭ পৃঃ-এর বরাতে ছালাতুত তারাবীহ, পৃঃ ৫৫।

وما أشبه ذلك صيغ الجزم وكذا لا يقال فيه روى أبو هريرة أو قال أو ذكر أو أخبر أو حدث أو نقل أو أفتى وما أشبهه، وكذا لا يقال ذلك في التابعين ومن بعدهم فيما كان ضعيفا فلا يقال في شئ من ذلك بصيغة الجزم وإنما يقال في هذا كله روى عنه أو نقل أو حكى عنه....

‘বিশেষজ্ঞ মুহাদ্দিছ ওলামায়ে কেরাম এবং অন্যান্যগণ বলেন, যখন কোন হাদীছ যঈফ প্রমাণিত হবে তখন বর্ণনার ক্ষেত্রে- রাসুলুল্লাহ (ছাঃ) বলেছেন, করেছেন, নির্দেশ করেছেন, নিষেধ করেছেন, সিদ্ধান্ত দিয়েছেন এবং এরূপই অন্যান্য দৃঢ়তা বাচক কোন শব্দ প্রয়োগ করা যাবে না। অনুরূপ ছাহাবীগণের ক্ষেত্রেও যেমন- আবু হুরায়রাহ (রাঃ) বর্ণনা করেছেন, বলেছেন, উল্লেখ করেছেন, সংবাদ দিয়েছেন অথবা এরূপ অন্যান্য শব্দও বলা যাবে না। এমনকি তাবেঈ ও তাদের পরবর্তীগণের ব্যাপারেও এরূপ বলা যাবে না যদি তা দুর্বল প্রমাণিত হয়। বরং উপরোক্ত ক্ষেত্রসমূহে বলতে হবে ‘তার থেকে কথিত বা বর্ণিত আছে’, উদ্ধৃত হয়েছে বা বিবৃত হয়েছে’... ৮২

বুঝা গেল ইমাম তিরমিযী (রহঃ)-এর নিকটেও উক্ত বক্তব্য প্রত্যাখ্যানযোগ্য, তাই তিনিও অনুরূপ শব্দ দ্বারা ইমামদের কথাগুলি উল্লেখ করেছেন।

(৪) ইমাম আহমাদ (১৬৪-২৪১ হিঃ)-এর ব্যাপারেও কোন নির্দিষ্ট রাক‘আত সংখ্যা পাওয়া যায় না, বরং বলা চলে যে, তিনি নির্দিষ্ট রাক‘আত সংখ্যার বিরোধী ছিলেন। উল্লেখ্য যে, ইমাম ইবনু তায়মিয়াহ (৬৬১-৭২৮ হিঃ) ২০ রাক‘আতের পক্ষে মত পোষণ করেছেন বলে চ্যালে দাতাগণ উল্লেখ করেছেন। অথচ ইবনু তায়মিয়াহ (রহঃ) তারাবীহর রাক‘আত সংখ্যার ব্যাপারে ওলামায়ে কেরামের মতভেদ পেশ করতে চেয়েছেন মাত্র। তিনি ২০, ৩৯ এবং ১৩ রাক‘আতের মোট তিনটি মত উল্লেখ করেছেন এবং সবশেষে বলেছেন, والصواب أن ذلك جميعه حسن

كما قد نص على ذلك الإمام أحمد رضى الله عنه كقصة كذا وأنه لا يتوقت في قيام رمضان عدد- এই যে, উক্ত প্রত্যেকটি মতই ভাল, যেমন ইমাম আহমাদ (রহঃ) উক্ত বিষয়ে বর্ণনা করেছেন। তিনি ক্বিয়ামে রামাযান সম্পর্কে কোন রাক‘আত সংখ্যা নির্দিষ্ট করেননি। ৮৩ বুঝা গেল ইমাম আহমাদ ও ইমাম ইবনু তায়মিয়াহ (রহঃ) উভয়েই নির্দিষ্ট রাক‘আত সংখ্যার বিরোধী। অতএব ইমামগণের দ্বারাও নির্দিষ্ট বিশ রাক‘আত সাব্যস্ত হ’ল না।

৮২. দেখুনঃ ইমাম নববী, আল-মাজমূ’ ১/৬৩ পৃঃ; ছালাতুত তারাবীহ, পৃঃ ৫৫-৫৬।

৮৩. দেখুনঃ ইবনু তায়মিয়াহ, মাজমূ’ উ ফাতাওয়া ২৩/১১২-১৩ পৃঃ।

## চ্যালেঞ্জ দাতাদের প্রতারণার স্বরূপঃ

দলীয় গোঁড়ামী মানুষকে অন্ধ ও বধির করে ফেলে। উপমহাদেশের মাযহাবী আলেমগণের অনেকে উক্ত গোঁড়ামীতে আক্রান্ত হয়ে নিজেরা পথভ্রষ্ট হয়েছেন, অন্যদেরকে পথভ্রষ্ট করেছেন। যেমন- হাদীছের প্রধান ছয়টি গ্রন্থের কোথাও ২০ রাক'আতের কোন ছহীহ, যঈফ ও জাল হাদীছও নেই। অথচ আবুদাউদের উদ্ধৃতি পেশ করা হয়েছে। কারণ হ'ল, দেওবন্দ মাদরাসার প্রধান উস্তাদ 'শায়খুল হিন্দ' নামে খ্যাত মাওলানা মাহমুদুল হাসান (১২৩৮-১৩৩৮ হিঃ)-এর টীকা কৃত আবুদাউদ শরীফের 'বিতর ছালাতে কুনূত' অনুচ্ছেদে রাবী 'হাসান' কর্তৃক বর্ণিত মূল হাদীছে রয়েছে *يُصَلِّي لَهُمْ عَشْرِينَ لَيْلَةً* 'তিনি (ওবাই বিন কা'ব) তাদেরকে বিশ রাক্ ছালাত পড়ান'। যদিও হাদীছটির সনদ যঈফ।<sup>৮৪</sup> উক্ত হাদীছের টীকায় তিনি মিথ্যা যোগ করে লিখেছেন, অন্য বর্ণনায় *عَشْرِينَ رَكْعَةً* 'বিশ রাক'আত' রয়েছে। এই বিকৃত শব্দেই দিল্লী 'মুজতবাব প্রেস' আবুদাউদ ছাপায়। অতঃপর মাওলানা খায়রুল হাসান আবুদাউদ শরীফের টীকা লিখতে গিয়ে *عَشْرِينَ رَكْعَةً* 'বিশ রাক'আত' মিথ্যা কথাটুকু মূল হাদীছের মতনে যোগ করে দেন এবং হাদীছের মূল শব্দ *عَشْرِينَ لَيْلَةً* 'বিশ রাক্'-কে টীকায় নামিয়ে দেন। যা দিল্লী মজীদী প্রেস থেকে ছাপানো হয়।<sup>৮৫</sup> এই সংস্করণটি ১৯৮৫ সালে দেওবন্দের 'আছাহুল্ল মাতাবে' প্রেস কর্তৃক ছাপা হয়, যা আজ পর্যন্ত সমগ্র ভারত উপমহাদেশে পড়ানো হচ্ছে।<sup>৮৬</sup> অথচ তার পূর্বে ১২৬৪ হিজরীতে দিল্লী মুহাম্মাদী প্রেস, ১২৭২ হিজরীতে দিল্লী কাদেরী প্রেস সহ<sup>৮৭</sup> মধ্যপ্রাচ্যে তথা মিসর, সিরিয়া, লেবানন, কুয়েত, সউদী আরব প্রভৃতি রাষ্ট্রে প্রাচীনকাল থেকে আজ পর্যন্ত আবুদাউদের কোন মূল বা ব্যাখ্যা গ্রন্থে ঐরূপ মিথ্যা শব্দ সংযোজিত হয়নি। মাযহাবী ব্যবসা যে উপমহাদেশেই সিংহভাগ চলে এটাই তার বাস্তব প্রমাণ।

সম্প্রতি তাঁদের বাংলাদেশী অনুসারীরা পত্র-পত্রিকায় ও লিফলেটে ছহীহ হাদীছের উদ্ধৃতি বাদ দিয়ে নিজেদের দলীয় ও মাযহাবী কিতাব সমূহের প্রয়োজনীয় অংশের রেফারেন্স সমূহ ভরে দিয়ে সাধারণ জনগণের মধ্যে ফ্রি

৮৪. আলবানী, যঈফ আবুদাউদ হা/১৪২৯; ঐ, মিশকাত হা/১২৯৩ 'কুনূত' অনুচ্ছেদ।

৮৫. ইবনে আহমাদ সালাফী, আহলেহাদীসের প্রকৃত পরিচয় (কলিকাতাঃ সালাফী প্রকাশনী, ১নং মারকুইস লেন, ২য় সংস্করণঃ ১৯৯৭), পৃঃ ৬৬-৬৭।

৮৬. ঐ, ১/২০২ পৃঃ, 'ছালাত' অধ্যায়, 'বিতর ছালাতে কুনূত' অনুচ্ছেদ। অতএব শিক্ষক ও ছাত্রমণ্ডলী এবং সংশ্লিষ্টগণ এ ব্যাপারে সূদৃষ্টি রাখুন।

৮৭. আহলেহাদীসের প্রকৃত পরিচয়, পৃঃ ৬৭-৬৮।

বিতরণ করছেন ও আহলেহাদীছগণের বিরুদ্ধে ও বিশেষ করে গবেষণা মাসিক আত-তাহরীকের বিরুদ্ধে বিষোদগার করছেন। এটা যে বুমেরাং হয়ে তাদের দিকেই ফিরে যাচ্ছে এবং 'হক্ক' প্রকাশ হওয়ার কারণে তাদের মসজিদগুলি এখন ৮ রাক'আতের পরে অর্ধেকের বেশী খালি হয়ে যাচ্ছে, এটা দেখেই সম্ভবতঃ তারা বেশী ক্ষেপে গেছেন। আর লাখ লাখ টাকার চ্যালেঞ্জ লিখে সর্বত্র বিতরণ করছেন। ছহীহ হাদীছের সম্মুখে এসব চ্যালেঞ্জের কোন মূল্য নেই, জনগণ তা ইতিমধ্যেই বুঝে গেছে।

## উপসংহারঃ

পরিশেষে আমরা সকলের প্রতি উদাত্ত আহ্বান জানাতে চাই যে, এক আল্লাহর সৃষ্টি ও একই নবীর অনুসারী হিসাবে আসুন অভ্রান্ত এবং সর্বশেষ অহি-র বিধান পবিত্র কুরআন ও ছহীহ হাদীছকে হাতে-দাঁতে আঁকড়ে ধরি। পক্ষান্তরে ধর্মের নামে মানব রচিত জাল, যঈফ, মুনকার, বর্ণনা; ছহীহ হাদীছ বিরোধী কোন বক্তব্য এবং ভালোর নামে কোন অলী, পীর, বয়ুর্গ, আলেম বা কোন ব্যক্তির রচিত বিদ'আতী আমল চিরতরে প্রত্যাখ্যান করি। আমরা আল্লাহর দেওয়া অতি স্বচ্ছ ও সুন্দর শরী'আতের ব্যাপারে কাউকে কোন চ্যালেঞ্জ দিতে চাই না, অধিকারও রাখি না। আমরা কেবল সেই শরী'আতের আলোকে সার্বিক জীবন পরিচালনা করতে চাই এবং জাল, যঈফ, মিথ্যা, ভিত্তিহীন কথা ও অন্য কারো তৈরী বিদ'আতী আমলের দিকে মানুষকে আহ্বান না জানিয়ে কেবলমাত্র সেই সর্বোৎকৃষ্ট শরী'আতের দিকে মানুষকে আহ্বান জানিয়ে আল্লাহ্ব সন্তুষ্টি অর্জনের মাধ্যমে পরকালে জান্নাতের এক কোণে ঠাঁই পেতে চাই। হে আল্লাহ! আমাদের এ বাসনা তুমি কবুল কর- আমীন!!

## সংশোধনী

নভেম্বর '০৪ সংখ্যা ৩০ পৃষ্ঠায় উল্লেখিত ২০ রাক'আতের উপর ইজমা হয়েছে এই কথার প্রথম আবিষ্কারক আল্লামা আয়নী (রহঃ) নন, বরং তাঁর পূর্বে ইবনু কুদামা (রহঃ) স্বীয় 'মুগনী' গ্রন্থে ইজমার কথা বলেছেন। তবে তিনি সরাসরি ইজমার দাবী করেননি, বরং পরোক্ষভাবে বলেছেন *كُلُّ إِجْمَاعٍ 'ইজমার ন্যায়' (ঐ, ১/৮০৫ পৃঃ)। উল্লেখ্য, ছাহাবায়ে* *কেরামের পর কোন বিষয়ে ইজমা দাবীর সত্যতা নেই। যেমন, ইমাম আহমাদ (রহঃ) বলেন, مَنْ* *يَعْتَمِدُ عَلَى إِجْمَاعِ الْإِسْلَامِ فَهُوَ كَأَنْ يَبْنِي عَلَى كَلْبٍ* 'যে ব্যক্তি (ছাহাবীগণের পরে) ইজমা-র দাবী করে, সে মিথ্যাবাদী... (ই'লামুল মুওয়াজ্জে'ঈন ২/১৭৫ পৃঃ, 'দলীল গ্রহণে পরবর্তীদের পদ্ধতি' অনুচ্ছেদ)। - (লেখক)।

## গল্পের মাধ্যমে জ্ঞান

### একজন দায়িত্বশীল অফিস প্রধান

আব্দুল হালীমের স্ত্রী রাবেয়া একজন বিদুষী, পতিপরায়ণা এবং অন্যান্য সদগুণে গুণাবিতা নারী। আব্দুল হালীমও একজন সচ্চরিত্রবান যুবক। সে যে অফিসে কাজ করে সে অফিসের অনন্য ব্যক্তি এবং অন্যান্য কর্মচারীরাও সদগুণ সম্পন্ন এবং মানবদরদীও। আব্দুল হালীম একজন কর্তব্যপরায়ণ কর্মচারী। কর্তব্যে তাকে কোন দিন অবহেলা করতে দেখা যায় না। এজন্য অফিস প্রধান তার প্রতি অতি প্রসন্ন।

আব্দুল হালীমের বিবাহিত জীবনের ছ'বছর পর তাদের ঘরে এক পুত্র সন্তান জন্মলাভ করে। ফলে তাদের নিরাশার জীবনে আশার সঞ্চার হয়। বহুতঃ নিরাশার স্থলে আশা এবং আশার স্থলে নিরাশা সৃষ্টি মহান আল্লাহ পাকেরই লীলাখেলা। মানুষ আল্লাহ প্রদত্ত সীমিত জ্ঞানে বহু কিছু সাধন করলেও একটি বিকলাঙ্গ বা প্রতিবন্ধী শিশুর জন্ম রোধ করার মত ক্ষমতা সে রাখে না। তাই মানুষের শ্রেষ্ঠত্ব যেন ম্লান হয়ে যায় অন্যান্য কাজে অক্ষমতার ফলে। এ কারণে আমি মনে করি মানুষ নিতান্তই অসহায়। অর্পিত দায়িত্ব যথাযথ প্রতিপালন করতে না পারলে পরবর্তীতে ভয়াবহ শাস্তি নিশ্চিত।

সদা প্রফুল্ল এবং কাজে একনিষ্ঠ আব্দুল হালীমকে সন্তান লাভের পর আর তেমনটি দেখা যায় না। তার হাসিমুখে বিষাদের ছায়া বিরাজমান। সে যেন বড় রকমের কোন এক দুর্বিষহ যন্ত্রণায় ভুগছে। সে সত্যি সত্যি একটি যন্ত্রণার শিকার। আর তা হচ্ছে, তার সন্তানটি হার্টে একটি ছিদ্র নিয়ে জন্মেছে। ফলে সে স্বাভাবিকভাবে শ্বাস নিতে ফেলতে পারে না। ডাক্তার দেখানো হ'লে সন্তানের সেই অসুবিধা ধরা পড়ে। অসুবিধা দূর করতে হ'লে হার্ট অপারেশন ছাড়া বিকল্প ব্যবস্থা নেই। আর এ কাজে অন্ততঃ ৩/৪ লাখ টাকা প্রয়োজন। এ অপারেশন দেশেও হবে না। এতো টাকা আব্দুল হালীমের নেই এবং এতো টাকার সম্পদও নেই। তাই তার মুখমণ্ডল দুশ্চিন্তায় মলিন।

স্ত্রী রাবেয়া এ বাস্তবতা উপলব্ধি করতে পেরেছে যে, এতো টাকা সংগ্রহ করা তাদের সামর্থ্যের বাইরে। তাই চিকিৎসার অভাবে তাদের বহুদিনের প্রত্যাশিত ধনকে ধুকেধুকে তার চোখের সামনে মৃত্যুবরণ করতে হবে ভেবে সে নীরবে অশ্রু বিসর্জন করে।

আব্দুল হালীমের বোন জেসমিন নাহার ভাইয়ের বাসায় থেকে লেখাপড়া করে। ভাই-ই তাকে তার আশ্রয়ে রেখে লেখাপড়া করায়। উদ্দেশ্য, বোন উচ্চশিক্ষিতা হ'লে তাকে একজন ভাল পাত্রের হাতে তুলে দিতে পারবে। জেসমিন শিশুটির অবস্থা অহরহ প্রত্যক্ষ করছে। তাই সে একদিন ভাবীকে ডেকে বলল, 'ভাবী, আমি আর পড়াশুনা করব না। বাড়ী চলে যাব'। হঠাৎ করে ভাবী তার এরূপ সিদ্ধান্ত

নেওয়ার কারণ জিজ্ঞেস করলে সে বলে, 'আমি তোমাদের আর খরচ বাড়াতে চাই না। তোমরা আমার জন্য যে খরচ কর, তা বাঁচিয়ে শিশুটির চিকিৎসা করে তাকে সুস্থ করে তোল'।

ভাবী তাকে তার এ সিদ্ধান্ত পরিত্যাগ করতে বলে এবং বলে, 'তুমি এ সিদ্ধান্ত তোমার ভাইকে কখনো বলো না। তাহ'লে তিনি মনে দারুণ আঘাত পাবেন। আমরা নিশ্চিত ধরে নিয়েছি, আমরা তাকে সুস্থ করে তুলতে পারব না। তার মৃত্যু অবধারিত। কারণ চিকিৎসার অত টাকা আমরা কোথায় পাব'?

রাবেয়ার শাশুড়ীর নামে কিছু সম্পত্তি আছে। নাতির চিকিৎসার জন্য তিনি তা বেঁচে দিতে চান। কিন্তু আব্দুল হালীম তাতে সম্মত নয়। কারণ সে সম্পত্তির উৎপন্ন ফসলে মাতা-পিতার কোনমতে দিন কাটে। তাছাড়া সে সম্পত্তি বেঁচেও চিকিৎসার টাকা হবে না।

একদিন অফিসের প্রধান কর্মকর্তা আব্দুল হালীমকে তাঁর কক্ষে ডেকে নিয়ে তার এ পরিবর্তনের কারণ জিজ্ঞেস করেন। আব্দুল হালীম অনিচ্ছা সত্ত্বেও তার সন্তানের বিষয়টি তাঁকে অবহিত করেন। তার বস তাকে বলেন, 'আমরা সকলে মিলে তোমার সন্তানের জন্য অর্থ সাহায্য করব এবং প্রয়োজনে ভিক্ষা চাইব। একটি নিষ্পাপ শিশুকে বাঁচিয়ে তুলতে পারি কিনা চেষ্টা করে দেখব। আব্দুল হালীম এতে আপত্তি করে। সে বলে, 'আমার জন্য আপনি অন্যের কাছে হাত পাতবেন, এটা হ'তে পারে না। আমি আমার স্বার্থে আপনাকে এভাবে মানুষের কাছে ছোট হ'তে দিতে পারি না'।

প্রধান কর্মকর্তা বলেন, 'আমি যদি তোমার এ বিপদে আমার সামর্থ্য অনুযায়ী তোমার পাশে না দাঁড়াই, তাহ'লে এ ব্যাপারে মহান আল্লাহর কাছে আমাকে জবাবদিহি করতে হবে। অতএব আমি তোমার কোন আপত্তি মানতে রাখি নই। একাজ আমার দায়িত্ব বলে মনে করি'।

একদিন বিকেলে অফিসের প্রধান কবীর ছাহেব আব্দুল হালীমের বাসায় এসে হাযির। আব্দুল হালীমের সন্তানকে দেখলেন। তিনি শিশুর ফটোর একটি নেগেটিভ কপি নিয়ে চলে গেলেন। তিনি বিভিন্ন পত্রিকায় শিশুটির ছবি ছাপিয়ে তার অসুখের বিবরণ দিয়ে তাকে বাঁচিয়ে তুলতে সাহায্যের হাত প্রসারিত করতে আবেদন জানালেন। এতে কাজ হ'ল।

আব্দুল হালীম শিশুর চিকিৎসার জন্য স্ত্রীসহ বিদেশ যাত্রা করতে বিমানবন্দরে উপস্থিত হ'লে, তাদের বিদায় জানাতে এসেছেন অফিসের প্রধান কবীর ছাহেব, সহকর্মী আবুল হাসান এবং অন্যান্য দাতা ব্যক্তির। সবাই আল্লাহর কাছে শিশুটির আরোগ্য কামনা করে তাদের বিদায় দিলেন।

\* মুহাম্মাদ আতাউর রহমান  
সাং- সন্ন্যাসবাড়ী, পোঃ বান্দাইখাড়া, নওগাঁ।

## চিকিৎসা জগৎ

### দুর্ঘটনায় দাঁত হারালে করণীয়

প্রবাদ আছে, বিপদ কখনও বলে-কয়ে আসে না। অর্থাৎ দুর্ঘটনার কোন নির্দিষ্ট সময় নেই। হঠাৎ করেই আসে, মোটর সাইকেল, মোটর গাড়ী, সাইকেল, স্কুটার, বক্সিং, ফুটবল, ঘুমি, টিউবওয়েল দ্বারা হঠাৎ করেই আঘাতের ফলে দাঁতই যদি মাটিতে লুটায়, আপনি জানেন কি, দুর্ঘটনায় পড়ে যাওয়া দাঁতটি অথবা দাঁতগুলিকে অবশ্যই পুনঃস্থাপন করা সম্ভব। তবে পড়ে যাওয়া দাঁতটিকে যেনতেনভাবে রাখলেই চলবে না, দাঁতটিকে বিশেষভাবে সংরক্ষণ করতে হবে। কিন্তু আমাদের দেশের অনেকেই জানেন না, দাঁতটি যে চোয়ালে পুনঃস্থাপন সম্ভব এবং কিভাবে দাঁতটিকে সংরক্ষণ করতে হয়। এই জন্য জনগণের মধ্যে সতর্কতা ও কিছু বিশেষ জ্ঞান এবং কিভাবে দাঁতটিকে সংরক্ষণ করতে হয় তা জানা অতীব প্রয়োজন। চোয়াল থেকে দাঁত সম্পূর্ণ বেরিয়ে আসলে প্রথম কাজ হ'ল দাঁতটি বা দাঁতগুলিকে অক্ষত অবস্থায় উদ্ধার করা এবং ধুলা থেকে ভুলে হালকাভাবে জীবাণুমুক্ত পানি দ্বারা ধোয়া। যাতে ধুলাবালি চলে যায়, তবে মনে রাখা উচিত দাঁতের টিস্যু যাতে চলে না যায়। এরপর মুখগহ্বরের নীচে অর্থাৎ লালার ভিতর রাখতে হবে দাঁতটি যেন শুকিয়ে না যায়। এছাড়া ঠাণ্ডা দুধের মধ্যে অথবা নরমাল স্যালাইনের মধ্যে অথবা ডাবের পানির মধ্যে রাখতে হবে। এগুলি না থাকলে সাধারণ পানিতে রাখলেও চলবে। এছাড়া দুর্ঘটনায় দাঁত পড়ার ২-৬ ঘন্টার মধ্যে ডাক্তারের কাছে যাওয়া উত্তম। এর ফলে দাঁতটি রুটক্যানেল করার প্রয়োজন হয় না; বরং সঠিক স্থানে দাঁতটি বসিয়ে দিলেই হবে, যদি কোনক্রমেই দু'তিন দিনের মধ্যে ডেন্টাল সার্জনের শরণাপন্ন হওয়া সম্ভব না হয়, তবে টেলিফোনে ডাক্তারের পরামর্শানুযায়ী নিজেই দাঁতটিকে ৬ ঘন্টার মধ্যে বসিয়ে দিতে হবে।

ছোটদের ক্ষেত্রে দুর্ঘটনায় দাঁত হারালে দুধ দাঁত হলে দাঁতটি পুনঃস্থাপন করার তেমন প্রয়োজন নেই। তবে যদি দাঁতটি পড়ার অনেকদিন, আগে পড়ে যায় এবং বিশেষ কারণে সংরক্ষণ করার দরকার হয়, তবে অভিভাবকগণ দাঁতটি সংরক্ষণ করতে চাইলে করতে পারেন। এক্ষেত্রে মনে রাখা উচিত বাচ্চার দাঁত স্থায়ী দাঁত হ'লে অবশ্যই সংরক্ষণ করতে হবে। বাচ্চারা যেহেতু অরুঝ তাই তারা নিজেরা মুখের ভিতর দাঁতটি লালার মধ্যে রাখার সময় গিলে ফেলতে পারে। তাই মা-বাবা অথবা বাচ্চার অভিভাবকগণ বাচ্চার দুর্ঘটনায় পতিত দাঁতটি মুখে রাখতে পারেন। এছাড়া কাঁচা ঠাণ্ডা দুধ অথবা ডাবের পানি অথবা নরমাল স্যালাইনে দাঁতটি ডুবিয়ে রাখতে হবে এবং অতি সত্বর দাঁত নিয়ে বাচ্চাকে দস্ত বিশেষজ্ঞকে দেখাতে হবে। এছাড়া ইচ্ছা করলে সাবধানে দাঁতটিকে ধরে ভেজা রুমালে জড়িয়ে রাখা যেতে পারে। বাচ্চাকে সঙ্গে সঙ্গে টিটেনাস ইনজেকশনও দিতে হবে। ৬ ঘন্টার মধ্যে ডাক্তারের কাছে

যাওয়া উত্তম। কিন্তু কোন বিশেষ কারণে দু'একদিনের মধ্যে ডাক্তারের শরণাপন্ন হওয়া সম্ভব না হ'লে অভিভাবক নিজেই ডাক্তারের পরামর্শানুযায়ী দাঁতটি মাড়ীর ভিতর বসিয়ে দিবেন এবং পার্শ্ববর্তী দাঁতের সাথে সিল্ক সুতা দিয়ে বেঁধে দেওয়া যেতে পারে এবং পরবর্তীতে যত তাড়াতাড়ি সম্ভব দস্তবিশেষজ্ঞের শরণাপন্ন হ'তে হবে। তবে ৬ ঘন্টার অনেক পরে আসলে অনেক ক্ষেত্রে সমস্ত দাঁতের শেষ অংশটুকু কেটে ফেলে দিতে হবে, দাঁতের মজ্জা পরিষ্কার করে ঐ অংশটুকু পুরক পদার্থ দ্বারা ভরাট করে দিতে হবে এবং ঐ অবস্থায় দাঁতটিকে চোয়ালের মধ্যে পুনঃস্থাপন করা সম্ভব। সাধারণতঃ তিন সপ্তাহের মধ্যে দাঁতটি জোড়া লেগে যায় এবং দাঁতটি পুনরায় কার্যক্ষম হয়। এছাড়া দাঁত দু'টোকে রুট ক্যানেল চিকিৎসা করে স্প্রিন্টিং করে দেওয়া হয়। ৬ সপ্তাহ পর তার স্প্রিন্টিং খুলে দেওয়া হয়।

সুতরাং যে কোন কারণেই দুর্ঘটনায় দাঁত পড়ে গেলে ঘাবড়াবার কিছু নেই, বিব্রত বা মনোঃকষ্ট না নিয়ে অতিসত্বর দস্ত বিশেষজ্ঞের পরামর্শ নিন, যদি দুর্ঘটনায় বসিয়ে দেওয়া দাঁতটি মৃত্যু পর্যন্ত স্থায়ী দাঁতের মতো থাকে তবে অবাক হবার কোন কারণ নেই। তবে তিন মাস পরপর এক্সরে করে দেখতে হবে দাঁতের গোড়ায় কোন ইনফেকশন হচ্ছে কি-না।

□ ডাঃ শাহিদা ইউসুফ সাখি  
ডেন্টাল অনুষদ

বঙ্গবন্ধু শেখ মুজিব মেডিকেল বিশ্ববিদ্যালয়, (পিজি হাসপাতাল), ঢাকা।

"আল্লাহ ব্যবসাকে হালাল সুদকে করেছেন হারাম"



## শিকদার এন্টারপ্রাইজ

- ত্রিপল ● তাঁবু ● ক্যানভাস ● পলিফেব্রিক্স
- রেইন কোর্ট ● গামবুট ● লাইফজ্যাকেট

ইত্যাদি প্রস্তুতকারক ও সরবরাহকারী।

ফোনঃ ৭১১০০৯, ৭১১২৯৯, ফ্যাক্সঃ ৯৫৫৯৩৬২, মোবাইলঃ ০১১৩৬২৪১

১ নং চন্ডিচরণ বোস স্ট্রীট  
(মাওয়া বাস স্ট্যান্ডের পাশে)  
ওয়ারী, ঢাকা-১২০০।

বি আর টি সি মার্কেট  
দোকান নং- ২  
ফুলবাড়ীয়া, ঢাকা- ১০০০।



## ক্ষেত-খামার

### খেজুরের পুষ্টিগুণ

প্রকৃতির এক অনন্য দান খেজুর। যা স্বাস্থ্যসম্মত ও পুষ্টিতে ভরপুর। খেজুর খেতে যেমন সুস্বাদু তেমনি পুষ্টিকর। উত্তর আফ্রিকার অনেক অঞ্চল, দক্ষিণ-পূর্ব এশিয়া, ইরান, সউদী আরব, পাকিস্তান ও ভারতে খেজুর গাছ স্থানীয় উদ্ভিদ। দক্ষিণ ইরাক, মদীনার কাছাকাছি মরুদ্যানের ও উর্বরজমি এবং দক্ষিণ আরবের উপকূলীয় অঞ্চলে খেজুর উৎপন্ন হয়। ইরাক, সউদী আরব, ইরান, উন্নতমানের খেজুরের জন্য বিখ্যাত। পৃথিবীর বৃহত্তম খেজুর উৎপাদনকারী এলাকা হ'ল দক্ষিণ ইরাক। যুক্তরাষ্ট্রে ও ভাল খেজুর উৎপন্ন হয় বলে জানা যায়। পৃথিবীর উষ্ণ ও শুষ্ক অঞ্চলে এ ফলটি উৎপন্ন হয়। খেজুর গাছ আমাদের দেশেও প্রায় সব জায়গায়ই দেখা যায়। ভারতবর্ষ দেশী খেজুরের আদি নিবাস। বাংলাদেশের যশোর ও উত্তরবঙ্গে খেজুর গাছ বেশী জন্মে। খেজুরে বিভিন্ন ধরনের ভিটামিন রয়েছে। এসব ভিটামিন নানা ভাবে শরীরের স্বাভাবিক গঠন ও স্বাস্থ্য ভাল রাখতে সহযোগিতা করে। খেজুরের ঔষধিগুণ হৃদরোগ ও ক্যান্সারের ঝুঁকি কমায়। খেজুর আমাদের দৈনন্দিন খাদ্য তালিকায় স্বাস্থ্যসম্মত আদর্শ খাবার হিসাবে পরিগণিত হ'তে পারে। খেজুর মধুর শীতল, মিষ্টি, রুচি, ক্ষয় ও রক্তপিত্ত রোগনিবারক, বল বাড়ায় ও শুষ্ক বৃদ্ধি করে।

খেজুরের মত খেজুরের রসও পুষ্টিকর পানীয়। শীত মৌসুমে গাছের উপরিভাগে কাণ্ডের একটু অংশ চেছে সংগ্রহ করা হয় সুস্বাদু রস। এটি অত্যন্ত সুপেয় রস। প্রচুর ভিটামিন ও শতকরা ১৪ ভাগ শর্করা এতে পাওয়া যায়। টাটকা কাঁচা রস যেমন খাওয়া যায়, আবার রস জ্বাল দিয়ে ঘন করে তৈরী করা যায় উপাদেয় খেজুরের গুড়। আয়ুর্বেদীয় মতে, খেজুরের রস হৃদয়শক্তি বৃদ্ধি করে, শুষ্ক ও মূত্র বাড়ায়, বাত ও শ্লেষ্মা কমায়। আরব ও পশ্চিম এশিয়ায় খেজুর প্রাচীনকাল থেকেই সমাদৃত। আরব দেশে ভাল খেজুর পাওয়া যায়। আরব বেদুইনরাও একসময় শুধুমাত্র খেজুর খেয়ে জীবন ধারণ করতো। সেখানকার খেজুর বেশ রসালো ও মিষ্টি। রাসূল (ছাঃ) ও তাঁর ছাত্রাণীরাও ঈদের দিনে মিষ্টি, হালুয়া ও টাটকা খেজুর খেতেন। ঈদের দিনে মিষ্টি খাওয়া এবং অপরকে খাওয়ানো রাসূলুল্লাহ (ছাঃ)-এর সূন্যত। ঈদের দিনে আমরা খোরমা খেয়ে থাকি। খোরমাও খেজুর। কিন্তু এটি শুকনো। অনেকে বাড়ীতে খোরমা সুরু করে কেটে দুধের মধ্যে জ্বাল দেন। এটাও খুব সুস্বাদু খাবার। পবিত্র কুরআনেও খেজুর ফল থেকে খাবার তৈরী করাকে উৎসাহিত করা হয়েছে। এ প্রসঙ্গে একটি আয়াত তুলে ধরছি 'খেজুর বৃক্ষ ও আঁড়ুর ফল থেকে তোমরা মধ্যম ও উত্তম খাদ্য তৈরী করে থাক, এতে অবশ্যই বোধশক্তিসম্পন্ন সম্প্রদায়ের জন্য নিদর্শন রয়েছে' (নাহল ৬৭)।

খেজুর বিভিন্ন প্রকার হয়ে থাকে। এগুলির রং আকার আকৃতি যেমন বিভিন্ন হয় তেমনি এর স্বাদও ভিন্ন রকম। উন্নত মানের কয়েকটি খেজুরের নাম যেমন- সুখখাল, শাকবী, বরণী, জারী জালী কাল কাহ, আজওয়া ইত্যাদি। এগুলির মধ্যে আজওয়া সবচেয়ে উন্নত।

॥ সংকলিত ॥

## গাজরের পুষ্টিগুণ

হাতের নাগালে পাওয়া যায় গুণসমৃদ্ধ সবজি এই গাজর। গাজরে রয়েছে প্রচুর ভিটামিন 'এ'। গাজর নিয়মিত খেলে দৃষ্টিশক্তি ভাল থাকে, অক্ষত ও রাতকানা রোগ প্রতিরোধ করে। এটি মস্তিষ্ক ও হৃৎপিণ্ডকে শক্তিশালী করে এবং দন্ত ও অস্থি গঠনে অবদান রাখে। এটি হার্টট্রোকে আক্রান্ত হবার সম্ভাবনা ৫০% হ্রাস করে। এক গবেষণায় দেখা গেছে যে, সম্ভায়ে পাঁচ দিন মধ্যম আকারের একটি করে গাজর খেলে মহিলাদের হার্ট ট্রোকে র সম্ভাবনা হ্রাস করে এবং পুরুষদের ১০% কোলেস্টেরল হ্রাস করে। গাজরের লুটিন জাতীয় এ্যান্টি অক্সিডেন্ট আছে। এটি ক্যান্সার প্রতিরোধ করে। নিয়মিত গাজর খেলে ফুসফুসে ক্যান্সারের সম্ভাবনা ৫০% হ্রাস করে এবং বয়স বৃদ্ধির সাথে সাথে চোখের রোগ প্রতিরোধ করে। মানবদেহের অত্যাবশ্যকীয় এসিড 'এ্যামাইন' রয়েছে গাজরে। গাজর প্রতিদিন খেলে ত্বকের রং উজ্জ্বল করে। এটা গ্যাস্ট্রিক আলসারের জন্য বেশ উপকারী।

গাজরে রয়েছে সুস্থ স্বাস্থ্য গঠনে নিম্নবর্ণিত পুষ্টি উপাদান। জুলীয় অংশ ৮৫.০ গ্রাম, আমিষ ১.২ গ্রাম, শর্করা ১২.৭ গ্রাম, ক্যালসিয়াম ২৭.০ মিলিগ্রাম, আয়রন ২.২ মিলিগ্রাম, ক্যারোটিন (ভিটামিন বি-১) ১০৫২০ মাইক্রোগ্রাম, ভিটামিন সি ১৫ মিলিগ্রাম, মোট খনিজ পদার্থ ০.৯ গ্রাম ও খাদ্যশক্তি ৫৭ কিলোক্যালরি।

## লেবুর পুষ্টিগুণ

লেবুর পুষ্টিমান সম্পর্কে অনেকেরই জানা আছে। তবে পুরোপুরি গুণের কথা হয়ত সবার জানা নেই। এ সময় বাজারে হরেক রকম লেবু পাওয়া যায়। পাতি লেবু, কমলা লেবু, মোসমি লেবু, গন্ধরাজ ও বাতাবি লেবু। ১০০ গ্রাম কাগজি বা পাতি লেবু থেকে যে সমস্ত পুষ্টি উপাদান পাওয়া যায়, তা হচ্ছেঃ ভিটামিন সি ৬৩ মিঃ গ্রাম, যা আপেলের ৩২ গুণ ও আঙ্গুরের দ্বিগুণ। ক্যালসিয়াম ৯০ মিঃ গ্রাম, ভিটামিন এ ১৫ মাইক্রোগ্রাম, ভিটামিন বি ০.১৫ মিঃ গ্রাম, ফসফরাস ২০ মিঃ গ্রাম, লৌহ ০.৩ মিঃ গ্রাম। টাটকা লেবুর খোসাতেও পুষ্টি রয়েছে। প্রচণ্ড গরমে ১ গ্রাম ঠাণ্ডা লেবুর শরবত দেহের জন্য অত্যন্ত উপকারী এবং স্বস্তি ফিরিয়ে আনে।

লেবু ভিটামিন সি সমৃদ্ধ ফল। এই ভিটামিন দেহে সঞ্চিত অবস্থায় থাকে না, সেজন্য শিশু-বৃদ্ধ সকলকে প্রতিদিন ভিটামিন সি জাতীয় খাবার খাওয়া দরকার। জ্বর, সর্দি, কাশি ও ঠাণ্ডাজনিত সমস্যায় লেবু অত্যন্ত কার্যকর। লেবুতে থাকা প্রচুর ভিটামিন সি রোগ প্রতিরোধে সাহায্য করে ও স্ফুর্তি রোগ থেকে রক্ষা করে। ভিটামিন সি দেহের ক্ষত নিরাময়ে সহায়তা করে এবং রক্তের জমাট বাঁধার ক্ষমতা বাড়ায়। লেবুতে পর্যাপ্ত ভিটামিন সি আছে, যা অ্যান্টি-অক্সিডেন্ট হিসাবে কাজ করে দেহকে ক্যান্সার সহ নানা ঘাত-প্রতিঘাতের হাত থেকে রক্ষা করে। শিশুদের দৈনিক ২০ মিঃ গ্রাম ভিটামিন সি আবশ্যিক। এ সময় ভিটামিন সি-এর অভাব হলে তা শিশুর উপর প্রভাব পড়ে। ফলে শিশুর দাঁত, মাড়ি ও পেশী ময়বৃত হয় না। মাথায় খুশকি নিবারণে লেবুর রয়েছে অসাধারণ ক্ষমতা। লেবুর রস চুলের গোড়ায় ঘষে ঘষে লাগিয়ে ১৫/২০ মিনিট পর পানিতে ধুয়ে নিতে হবে। এভাবে সম্ভায়ে ২ দিন করে লাগালে মাথার খুশকি হবে সাফ এবং চুলের আঠালো ভাব দূর হয়ে চুল হবে উজ্জ্বল মসৃণ।

## কবিতা

## প্রভু, দাও নাজাত

-মুহাম্মাদ সিরাজুদ্দীন  
আনহার হাট ইসঃ দাঃ মাদরাসা  
শৌলমারী, জলঢাকা, নীলফামারী।

যালেমের যুলুম থেকে প্রভু  
দাও মোদের নাজাত,  
কৃপা করে প্রভু ওগো  
কর হেদায়াত।  
নিঃস্ব বান্দায় তোমায়  
ডাকি চিরদিন,  
দাও হে প্রভু ডাকে সাড়া  
হৃদয় হয়েছে লীন।  
তোমার এ নিখীল ধরায়  
হতভাগা মোরা,  
তোমার সকাশে কাঁদি ফিরিগো  
দাও মোদের ডাকে সাড়া।  
যালেমের যুলুম প্রভু  
কত সহিব আর,  
চারিদিকে হত্যা-সন্ত্রাস  
আমরা নির্বিকার।  
তাই প্রভু দাও মোদের নাজাত  
যালেমের যুলুম হ'তে,  
চালাও প্রভু মোদের তুমি  
নাজাতের পথে॥

\*\*\*

## হাওয়ার পাখি

-মুহাম্মাদ শাহজাহান আলী  
মহেশ্বরপাশা বাজার  
বি, আই, টি দৌলতপুর, খুলনা।

তুলতুলে এক হাওয়ার পাখি  
বুকের খাঁচায় বাসা,  
সে বোঝে সব জীবন-মরণ  
সুখ স্বপ্ন আশা।  
কত দিন বইবে বাতাস  
সেই পাখিটা জানে,  
চাওয়া-পাওয়া ভোগ, বিলাস  
অট্টালিকার মানে।  
সে পাখিটা অতি ভবদীয়  
সব শেষে বড় পর,  
মেললে ডানা গুণ্য খাঁচা  
পরিত্যক্ত ঘর।  
সে পাখিটা বড়ই স্বাধীন  
রাখে না কারও কথা,  
সময় হ'লে যাবেই যাবে  
যে পাক যত ব্যথা।  
সেই পাখিটার খালেক যিনি  
বাধ্য অতি তাঁর,  
হুকুম হ'লেই সয়না দেরি  
মাটির দেহ পর!

## হেরার আলো

-আতাউর রহমান মণ্ডল  
মুংলী, চারঘাট, রাজশাহী।

আঁধারের বোরকাতে ছিল যে ঢাকা আরব জাহান  
এ বোরকা ছিড়ে আঁধার কোথাও যাবে নাকি হয়ে চালান?  
এখানে আঁধার ছিল আলোক এল  
আলোকে সব স্বত্তি পেল  
বস্তীবাসী স্বত্তি পেয়ে  
সুখে করে দিন গুয়রান।  
মরুচারী জাত বেদুঈন  
আলো পেয়ে বুঝলো একীন,  
মদ-নারীতে উড়িয়েছে  
বুথা কত বিত্ত-সামান।  
গারে হেরার তাজালিতে  
বুদুদু গোঁয়ার সাড়া দিতে  
ছাড়লো আবাস সইলো যুলুম  
'আহাদ' নামের গায় তবু গান।  
করতে আন্বাহকে খুশী-রাযী  
রাখল সবাই জীবন বাজী  
লোহুর সাযর দেয় পাড়ী দেয়  
বদর-ওহুদ-তাবুক প্রমাণ।  
ইসলামে আজ আসছে আঘাত  
নেই কেন নেই তার প্রতিঘাত?  
আন্বাহুর কালাম-নবীর হাদীছ  
আঁকড়িয়ে ধরে হও আওয়ান।  
\*\*\*

## ডেন্টাল ক্লিনিক (ঝাড় কোম্পানী)

সর্বাধুনিক বিদেশী যন্ত্রপাতি সুসজ্জিত মুখ ও দন্ত রোগ চিকিৎসা কেন্দ্র

## ডাঃ মোঃ আবুবকর ছিদ্দিক

বি.এম এণ্ড ডি.সি, আর.ডি.এস (ঢাকা)

## চেম্বার :

২১, বনানী মার্কেট, সাতক্ষীরা।

(রকসী সিনেমা হলের নীচে)

মোবাইল : ০১৭১ ৯৬০৮৮১

ফোন : (০৪৭১) ৬৩৭১৭



এখানে অভ্যধুনিক বিদেশী যন্ত্রপাতির সাহায্যে ব্যাখ্যাত দাঁত মজা পরিবর্তন করে স্থায়ীভাবে সংরক্ষণ করা, আঁকা-বাঁকা ও উঁচু-নিচু দাঁত সোজা করা, দাঁত ফিলিং, R.C.T. W/Cap, মাড়ি থেকে রক্ত পড়া বন্ধ করার জন্য আন্ডোসোনিক ফেলিং করা, বিনা ব্যস্তনায় দাঁত তোলা, পোকা খাওয়া দাঁত, সামনে বা মাড়ির দাঁত কালার দাঁত ম্যাটিং ফিলিং করা, কালার ম্যাচ করে সুন্দর রূপে কৃত্রিম দাঁত বাঁধানোসহ সর্বপ্রকার দন্তরোগের সাধারণ চিকিৎসা করা হয়।

রোগী দেখার সময় : সকাল ৯টা থেকে দুপুর ১টা এবং বিকাল ৪টা থেকে রাত ৮টা।

বিঃদ্রঃ দাঁত তোলার জন্য ওয়ান টাইম ডিসপোজেবল নিডিল ব্যবহার করা হয়।

## সোনামণিদের পাতা

### গত সংখ্যার সাধারণ জ্ঞান (শহর পরিচিতি)-এর সঠিক উত্তর

- ১। বেলগ্রেড। ২। রাজস্থান ৩। শিকাগো।  
৪। নিউইয়র্ক। ৫। জেনেভা।

### চলতি সংখ্যার সাধারণ জ্ঞান (বিশেষ)

- ১। বাংলাদেশের সবচেয়ে বড় পর্বত কোনটি?  
২। বাংলাদেশের সবচেয়ে উঁচুতে অবস্থিত গ্রামের নাম কি?  
৩। এদেশের সব উঁচুতে অবস্থিত জনবসতি কোনটি?  
৪। বাংলাদেশের সবচেয়ে উঁচুতে অবস্থিত লেক কোনটি?  
৫। বাংলাদেশের সীমান্ত যেলা কতটি? এই সীমান্ত যেলাগুলির মধ্যে ভারতের কতগুলি ছিটমহল আছে?

□ মুহাম্মাদ আযীযুর রহমান  
কেন্দ্রীয় পরিচালক, সোনামণি।

### চলতি সংখ্যার মেধা পরীক্ষা (শহর পরিচিতি)

- ১। কোন শহরকে 'নিষিদ্ধ নগরী' বলে?  
২। কোন নগরীকে 'ট্যান্সির নগরী' বলে?  
৩। কোন নগরীকে 'স্বর্ণ নগরী' বলে?  
৪। কোন নগরীকে 'চির বসন্তের নগরী' বলে?  
৫। কোন নগরীকে 'দ্বীপের নগরী' বলে?

□ ইমামুদ্দীন  
কেন্দ্রীয় সহ-পরিচালক, সোনামণি।

### সোনামণি সংবাদ

#### প্রশিক্ষণঃ

আন্ধারিয়াপাড়া, ফুলবাড়ীয়া, ময়মনসিংহ, ৮ নভেম্বর, সোমবারঃ অদ্য সকাল ১০-টায় আন্ধারিয়াপাড়া বাজার সরকারী প্রাথমিক বিদ্যালয়ে সোনামণি হাফেয মুহাম্মাদ আলীর কুরআন তেলাওয়াত ও শাহ আলমের জাগরণী পরিবেশনের মাধ্যমে সোনামণি প্রশিক্ষণ শুরু হয়। হাফেয আবুল কালামের সভাপতিত্বে অনুষ্ঠিত প্রশিক্ষণে উদ্বোধনী ভাষণ পেশ করেন অত্র যেলার সোনামণি পরিচালক মাওলানা মুহাম্মাদ মুজীবুর রহমান।

উক্ত প্রশিক্ষণে প্রধান প্রশিক্ষক হিসাবে উপস্থিত ছিলেন 'সোনামণি'র কেন্দ্রীয় সহ-পরিচালক আব্দুল হালীম বিন ইলইয়াস। অন্যান্যের মধ্যে প্রশিক্ষণ প্রদান করেন নওদাপাড়া মাদরাসা শাখার সোনামণি সহ-পরিচালক হুমায়ুন কবীর।

এছাড়া প্রশিক্ষণে উপস্থিত ছিলেন মাষ্টার সাইফুল ইসলাম, ওমর ফারুক, আব্দুস সালাম, আব্দুছ ছামাদ ও আব্দুস সাত্তার সরকার প্রমুখ। প্রশিক্ষণ শেষে সোনামণি শাখা গঠন করা হয়।

একই দিন বাদ আছর চকরাধাকানাই ফুরক্বানীয়া মাদরাসায় সোনামণি মুহাম্মাদ রাসেলের কুরআন তেলাওয়াত ও কবীর

হোসাইনের জাগরণী পরিবেশনের মাধ্যমে সোনামণি প্রশিক্ষণ শুরু হয়।

অত্র যেলার সোনামণি পরিচালক মুহাম্মাদ লুৎফর রহমানের সার্বিক সহযোগিতায় ও মাষ্টার শাহাবুদ্দীন-এর পরিচালনায় অনুষ্ঠিত উক্ত প্রশিক্ষণে প্রধান প্রশিক্ষক হিসাবে উপস্থিত ছিলেন সোনামণি কেন্দ্রীয় সহ-পরিচালক আব্দুল হালীম বিন ইলইয়াস। অন্যান্যের মধ্যে প্রশিক্ষণ প্রদান করেন নওদাপাড়া মাদরাসা শাখার সোনামণি সহ-পরিচালক হুমায়ুন কবীর।

উত্তর নওদাপাড়া, সপুরা, রাজশাহী, ১ ডিসেম্বর, বৃহস্পতিবারঃ অদ্য সকাল ৬-টায় উত্তর নওদাপাড়া আহলেহাদীছ জামে মসজিদে মামুনুর রশীদের কুরআন তেলাওয়াতের মাধ্যমে এক সোনামণি প্রশিক্ষণ শুরু হয়।

উক্ত প্রশিক্ষণে প্রধান প্রশিক্ষক হিসাবে উপস্থিত ছিলেন সোনামণি কেন্দ্রীয় সহ-পরিচালক ইমামুদ্দীন। অত্র মসজিদের ইমাম আবু নো'মান-এর পরিচালনায় অনুষ্ঠিত প্রশিক্ষণে স্বাগত ভাষণ পেশ করেন নওদাপাড়া মাদরাসার শিক্ষক জনাব মাওলানা আফযাল হোসাইন। সমাপনী ভাষণ প্রদান করেন রাজশাহী মসজিদ মিশন একাডেমীর শিক্ষক জনাব গোলাম রব্বানী। পরিশেষে প্রধান প্রশিক্ষক সকলের পরামর্শক্রমে সেখানে সোনামণি শাখা গঠন করেন।

#### শাখা গঠনঃ

□ আন্ধারিয়াপাড়া বাজার (বালক) শাখা, ময়মনসিংহঃ

পরিচালনা পরিষদঃ

প্রধান উপদেষ্টাঃ আব্দুস সালাম (এইচ,এস,সি)

উপদেষ্টাঃ হাফেয আবুল কালাম

পরিচালকঃ ওমর ফারুক (এইচ,এস,সি)

সহ-পরিচালকঃ মুহাম্মাদ সাইফুল ইসলাম (বি,এ)

সহ-পরিচালকঃ আলমগীর হোসাইন (বি,এ)।

কর্মপরিষদঃ

১. সাধারণ সম্পাদকঃ আবু রায়হান (৫ম শ্রেণী)

২. সাংগঠনিক সম্পাদকঃ শাহ আলম (৬ষ্ঠ শ্রেণী)

৩. প্রচার সম্পাদকঃ আহমাদ আলী

৪. সাহিত্য ও পাঠাগার সম্পাদকঃ আকরাম হোসাইন

৫. স্বাস্থ্য ও সমাজকল্যাণ সম্পাদকঃ রুমেল (হেফয বিভাগ)।

□ আন্ধারিয়াপাড়া বাজার (বালিকা) শাখা, ময়মনসিংহঃ

পরিচালনা পরিষদঃ

প্রধান উপদেষ্টাঃ আব্দুস সালাম (এইচ,এস,সি)

উপদেষ্টাঃ হাফেয আবুল কালাম

পরিচালকঃ ওমর ফারুক (এইচ,এস,সি)

সহ-পরিচালকঃ মুহাম্মাদ সাইফুল ইসলাম (বি,এ)

সহ-পরিচালকঃ আলমগীর হোসাইন (বি,এ)।

কর্মপরিষদঃ

১. সাধারণ সম্পাদিকাঃ লিয়া আখতার (৭ম শ্রেণী)

২. সাংগঠনিক সম্পাদিকাঃ রুনা আখতার (৮ম শ্রেণী)

৩. প্রচার সম্পাদিকাঃ আফরোজা আখতার (")

৪. সাহিত্য ও পাঠাগার সম্পাদিকাঃ মৌসুমী (৫ম শ্রেণী)

৫. স্বাস্থ্য ও সমাজকল্যাণ সম্পাদিকাঃ শান্তা আখতার (")।

## স্বদেশ-বিদেশ

### স্বদেশ

#### চলনবিলের হাওড় অঞ্চলে মুক্তাচাষের উজ্জ্বল সম্ভাবনা

বৃহত্তর চলনবিল অঞ্চলে মুক্তাচাষের উজ্জ্বল সম্ভাবনা রয়েছে। অথচ সরকারী ও বেসরকারী পর্যায়ে উদ্যোগ ও সুষ্ঠু বাজারজাতকরণের অভাবে প্রতিবছর কোটি কোটি টাকার মুক্তা আহরণ থেকে বঞ্চিত হচ্ছে দেশ। চলনবিলের হাওড় অঞ্চলে বিল, পুকুর, ডোবাসহ শত শত জলাশয়ে প্রাকৃতিক নিয়মে ঝিনুকের জন্ম হয়ে থাকে। চলনবিলের চাটমোহর, ভাসুড়া, ফরিদপুর, তাড়াশ, উল্লাপাড়া, বড়াইগ্রাম, সিংড়া ও গুরদাসপুর উপযেলার হাওড় অঞ্চলের ঝিনুক থেকে খেতী, চুমকি, প্যারাচুর, মতিপোল, মুক্তা ও চন্দ্রিকা আহরণ করা হয়। এছাড়া সাদা, গোধূলী, খুসরসহ বিভিন্ন রঙের মুক্তা এসব ঝিনুক থেকে পাওয়া যায়। এখানে প্রায় ৮/১০ হাজার ঝিনুক আহরিত হয়। এ কাজে অপ্রাণ্ড বয়স্ক ছেলে-মেয়ে সহ হাজার হাজার লোক জড়িত। শুধু অজ্ঞতার কারণে ৯০ ভাগ মুক্তা সংগ্রহ সম্ভব হচ্ছে না। আড়ানী থেকে বর্তমানে চলনবিলের বিভিন্ন হাওড় এলাকায় বছরে ন্যূনতম এক কোটি টাকার মুক্তা আহরিত হয়। গবেষণা ও মুক্তা আহরণের উন্নত প্রযুক্তি ব্যবহার করা হলে চলনবিল অঞ্চলে ৯০ ভাগ মুক্তা সংগ্রহ করা সম্ভব। দেশে মুক্তা বাজারজাতকরণের কোন সুব্যবস্থা না থাকায় সংগ্রহকারীদের প্রায় ১৫ শতাংশ মুক্তা একশ্রেণীর সাধারণ ব্যবসায়ী বিশেষ করে স্বর্ণকারদের দোকানে পানির দামে বিক্রি করতে হচ্ছে। জানা যায়, চলনবিল অঞ্চলের মুক্তার মান ও গুণ ভাল হওয়ায় বিদেশে এর চাহিদা রয়েছে। অলংকারের সৌন্দর্য বৃদ্ধির পাশাপাশি মুক্তা দিয়ে জীবন রক্ষাকারী ওষুধ তৈরী করা হয়। আন্তরিক উদ্যোগ, সুষ্ঠু মুক্তা সংরক্ষণ, আহরণ ও বাজারজাতকরণের অভাবে চলনবিলের হাওড় অঞ্চলে মুক্তা চাষের উজ্জ্বল সম্ভাবনা ব্যাহত হচ্ছে।

[আল্লাহ সর্বত্র তার বান্দার জন্য রুযী ছড়িয়ে রেখেছেন। বান্দার দায়িত্ব হ'ল সেগুলো বৈধভাবে সংগ্রহ ও ভোগ করা। সরকারের দায়িত্ব হ'ল তার সুষ্ঠু ব্যবস্থাপনার নীতি গ্রহণ ও বাস্তবায়ন করা, যাতে লুটপাট ও বিনষ্ট না হয়। সরকার কি এদিকে দৃষ্টি দেবেন? (স.স.)]

#### জাহাযমারা-নিঝুম দ্বীপ ক্রসবান্ধ নির্মিত হ'লে জেগে উঠবে কয়েক লাখ একর জমি

নোয়াখালী যেলার মূল ভূখণ্ড থেকে সম্পূর্ণরূপে বিচ্ছিন্ন এবং মেঘনাবোষ্টিত হাতিয়া উপযেলার জাহাযমারা হ'তে নিঝুম দ্বীপ পর্যন্ত ক্রসবান্ধ নির্মিত হ'লে এর বহুমুখী সুফল পাওয়া যাবে। ক্রসবান্ধ নির্মাণের পর চার বছরের মধ্যে এখানে আট থেকে দশ লাখ একর ভূমি জেগে উঠবে। যার ভৌগলিক আয়তন হবে কয়েকটি উপযেলার আয়তনের সমান। পরবর্তী পাঁচ বছরে কমপক্ষে আরো ১০/১২ লাখ একর ভূমি জেগে ওঠার উজ্জ্বল সম্ভাবনা রয়েছে বলে বিশেষজ্ঞদের অভিমত। অর্থাৎ ক্রসবান্ধ নির্মিত হবার মাত্র ৮/৯ বছরের মধ্যেই কয়েকটি যেলার

আয়তনের সমান ভূমি জেগে উঠবে।

ক্রসবান্ধ নির্মাণের সুফল হিসাবে প্রাকৃতিক সৌন্দর্যে ভরপুর নিঝুম দ্বীপ দেশের অন্যতম পর্যটন কেন্দ্র হিসাবে প্রতিষ্ঠা লাভ করবে। এখানকার লাখ লাখ অধিবাসীর জীবনযাত্রার মান উন্নত হবে। এছাড়া দক্ষিণের সমুদ্রে একটি স্থায়ী নৌ-বন্দর স্থাপন, মৎস্য চাষ, মৎস্য প্রজনন কেন্দ্র, মৎস্য প্রক্রিয়াজাতকরণ কারখানা স্থাপন, অর্থনীতির সাথে সম্পৃক্ত আরো অনেক শিল্প কারখানা স্থাপিত হবে। এখানকার উৎপাদিত খাদ্যশস্য দিয়ে চট্টগ্রাম বিভাগের খাদ্য চাহিদা মেটানো সম্ভব হবার পাশাপাশি উক্ত অঞ্চল দেশের অর্থনৈতিক জোনে প্রবেশ করবে। অন্যদিকে বন বিভাগের উদ্যোগে এখানে সবুজ বেষ্টিনী গড়ে উঠবে। যা থেকে অর্জিত বিশাল রাজস্ব দেশের জাতীয় বাজেটকে আরো শক্তিশালী করবে।

জানা গেছে, ভূমি পুনরুদ্ধার বিভাগসহ বিভিন্ন বিদেশী সংস্থা ক্রসবান্ধ নির্মাণের সম্ভাব্যতা যাচাইকল্পে বেশ কয়েকবার এখানে জরিপ কাজ সম্পন্ন করে। এর মধ্যে কয়েকটি সংস্থা ক্রসবান্ধ নির্মাণের পক্ষে তাদের মতামত ব্যক্ত করে। অথচ মাত্র ৩০/৩৫ কোটি টাকা ব্যয়ে কয়েক হাজার কোটি টাকার ভূমি জেগে ওঠার সম্ভাবনাটিতে এ যাবৎ কোন সরকারই গুরুত্ব দেয়নি।

[দলাদলির রাজনীতিতে মূল টার্গেট থাকে বিরোধী দলকে দমন ও নিজের দলের লালন। এর পরে অন্য কিছু। অতএব মূল রোগের ঔষধ না দিলে শ্রেফ সদিচ্ছায় কোন কাজ হবে না। তবুও সরকারকে বলব, একটু নয়র দিন (স.স.)]

#### টমেটো ভয়ঙ্কর!

সকাল হ'লেই খুম পড়ে টমেটো তোলার। টমেটো তুলে জমির পাশেই তুপ করে রেখে শুরু হয় রাসায়নিক ওষুধ মেশানো। ১ ঘন্টা পর চলে টমেটো শুকানোর কাজ। শুকানো হলে চাট করার জন্য ভরা হয় মুড়িতে। রাজশাহীর বসন্তপুর, গোপালপুর, কুসুন্দা, হাবাসপুর, ভাইসপুর, কানাইডাঙ্গাসহ আরো কয়েকটি এলাকায় গেলেই যেকোন ব্যক্তির চোখে পড়বে রাসায়নিক ওষুধ মেশানোর দৃশ্য। কৃত্রিম উপায়ে ফলন বাড়াতে এবং দ্রুত বড় ও লাল টুকটুকে করতে কয়েক বছর ধরে টমেটোতে ব্যবহৃত হচ্ছে মারাত্মক রাসায়নিক দ্রব্য।

পত্রিকায় প্রকাশ, টমেটোর দ্রুত পচন ঠেকাতে বহুদিন ধরে ডাইথেন-এম-৪৫, টিল্ট ও কাসিসাইট, ডার্বিসাইট, লোকাল-১০, কিষণ-২৫ সহ আরো কয়েক ধরনের ভারতীয় কীটনাশক ব্যবহার করা হচ্ছে। এতে টমেটো পাকার পরও দু'সপ্তাহ পর্যন্ত রাখা যায়। সাথে সাথে এর রংও ভাল থাকে, নষ্ট হয় না। তাছাড়া আরো ইথিনাল জাতীয় ইডেন, টমটম, রাইপেন ও প্রফিট নামের চারটি ওষুধ ব্যবহার করা হচ্ছে।

রাজশাহী বিশ্ববিদ্যালয়ের উদ্ভিদবিজ্ঞানী ও কৃষিতত্ত্ব বিশেষজ্ঞ ডঃ গোলাম কবীর বলেন, গবেষণায় প্রমাণিত হয়েছে যে, এ সমস্ত কেমিক্যাল মানবদেহের জন্য মারাত্মক ক্ষতিকর। তাছাড়া রাসায়নিক দ্রব্য দিয়ে প্রক্রিয়াজাতকরণে ফল বা সবজিতে কোন পুষ্টি থাকতে পারে না। এসব পদার্থের ক্ষতিকর উপাদান মানুষের পাকস্থলীতে যায়। ফলে এক পর্যায়ে গুরুতর অসুখে

আক্রান্ত হওয়ার আশংকা সৃষ্টি হয়। অনুরূপ মত ব্যক্ত করেছেন, 'রাবি'র প্রাণরসায়ন ও অনুজীব বিজ্ঞান বিভাগের অধ্যাপক আর.কে. সাহা, কৃষি সম্প্রসারণ বিভাগের উদ্ভিদ তত্ত্ববিদ ডঃ ইওফাকুল ইসলাম প্রমুখ।

*[সামান্যতম ঈমান ও আল্লাহভীতি থাকলেও মানুষ এভাবে ঠাণ্ডা মাথায় নিজ হাতে বিষ মাখিয়ে অন্যকে তা খাওয়াতে পারে না। অর্ধলোভ মানুষকে এমন করেই অন্ধ করে ফেলে। হে মানুষ! আল্লাহকে ভয় কর। তুমি তাকে লুকিয়ে কিছুই করতে পারবে না। যে হাত দিয়ে বিষ মাখাচ্ছে, ঐ হাত কিয়ামতের দিন তোমার বিরুদ্ধে স্বাক্ষর দেবে। অতএব তওবা কর (স.স.)]*

## হালকা প্রকৌশল শিল্পপণ্যঃ রফতানী খাতের নতুন সম্ভাবনা

উন্নত দেশ বা সমৃদ্ধ দেশ বলতে শিল্প ও প্রযুক্তিতে উন্নত দেশ বুঝায়। পৃথিবীর যেসব দেশ ইতিমধ্যে অর্থনৈতিকভাবে প্রাচুর্য লাভ করেছে, সেসব দেশ শিল্পায়নের উচ্চ প্রযুক্তির শিখরে অবস্থান করছে। পৃথিবীর যেসব দেশ উন্নত অথবা অত্যন্ত উন্নত তালিকার শীর্ষে রয়েছে, সেসব দেশের প্রতিটিই প্রথমে হালকা প্রকৌশল শিল্পে ব্যুৎপত্তি অর্জন করেছিল। আমাদের কাছাকাছি দেশগুলির মধ্যে থাইল্যান্ড, মালয়েশিয়া, চীন, হংকং, দক্ষিণ কোরিয়া ও জাপান প্রথমত হালকা প্রকৌশল শিল্পে সাফল্য অর্জন করে বর্তমানে শিল্প সমৃদ্ধ দেশ হিসাবে পরিগণিত হয়েছে।

বাংলাদেশ এখনো শিল্প প্রধান দেশের কাছাকাছি সূচকে পৌছতে পারেনি। তবে আশার কথা শিল্প সমৃদ্ধ দেশের গৌরব অর্জনের পূর্বলক্ষণ হালকা প্রকৌশল শিল্পে-বাংলাদেশ ধীরে ধীরে এগিয়ে যাচ্ছে। এর কারণ এদেশে হালকা প্রকৌশল শিল্পের সম্ভাবনা প্রচুর। এ শিল্পের প্রসার নীরবে এগিয়ে চলেছে।

দেশের প্রকৌশল শিল্পপণ্যের রফতানী বাজার এখনো উল্লেখযোগ্য স্থানে পৌছতে পারেনি। বেসরকারী উদ্যোগে কয়েকটি পণ্যের সীমিত রফতানী হচ্ছে। এসব পণ্যের মধ্যে রয়েছে সাইকেল, ব্যাটারী, ইউপিএস, বেসক্যাপ, কাগজকলের যন্ত্রাংশ, ভোল্টেজ স্টাবিলাইজার, ব্যাটারী চার্জার, ফেসি লাইট ফিটিংস, জিপার প্রভৃতি। গার্মেন্টস শিল্পে ব্যবহৃত বয়লার মেশিন, ওয়াশিং প্র্যান্ট, সেনিটারী ফিটিংস, মেরিগ ইঞ্জিন যন্ত্রাংশ, সী ট্রলার যন্ত্রাংশ ইত্যাদি এখন রফতানী হচ্ছে। পেপার ও সিমেন্ট মিলের কিছু যন্ত্রাংশ বর্তমানে কানাডা, কুয়েত, মালয়েশিয়া ও ফিলিপাইনে এজেন্ট সাব কন্ট্রাকটিংয়ের মাধ্যমে রফতানী হচ্ছে।

বাণিজ্য মন্ত্রণালয় হালকা প্রকৌশল শিল্পের প্রসার ও রফতানী বৃদ্ধির জন্য প্রকৌশল শিল্প সম্পর্কিত 'ব্যবসা উন্নয়ন পরিষদ' গঠন করেছে। এখাতের পণ্য রফতানীর ওপর এর ইতিবাচক প্রভাব পড়তে শুরু করেছে।

এছাড়া এখাতে সরকারের বিভিন্ন সহায়ক কর্মসূচী গ্রহণের ফলে দিন দিন রফতানীর পরিমাণ বৃদ্ধি পাচ্ছে। ২০০২-২০০৩ অর্থ বছরের তুলনায় ২০০৩-২০০৪ অর্থ বছরে এখানে রফতানী বৃদ্ধির হার ২২৪ দশমিক ৩২ শতাংশ। ২০০২-২০০৩ অর্থ বছরে প্রকৌশল দ্রব্যাদি রফতানী করে দেশ ১২ দশমিক ৯১ মিলিয়ন মার্কিন ডলার এবং ২০০১-২০০২ অর্থ বছরে ১ দশমিক

৩৭ মিলিয়ন ডলার আয় করে।

*[আমরা দেশের যেকোন বৈধ শিল্পের উন্নয়নকে স্বাগত জানাই এবং বেসরকারী হালকা প্রকৌশল শিল্পে বিনা সূদে ঋণ সহায়তা প্রদানের আবেদন জানাই (স.স.)]*

## বিশ্বব্যাংক যাদের বন্ধু তাদের আর শত্রুর প্রয়োজন হয় না

বাংলাদেশে বিশ্বব্যাংকের দায়মুক্তি প্রদানের লক্ষ্যে জাতীয় সংসদে আনা বিলের প্রতিবাদে গত ২৬ নভেম্বর ঢাকা বিশ্ববিদ্যালয়ের টিএসসি সড়কদ্বীপে আয়োজিত এক আলোচনা সভায় বিশিষ্ট শিক্ষাবিদ, সাংবাদিক, রাজনীতিবিদ ও আইনজীবীগণ বলেছেন, বিশ্বব্যাংক যাদের বন্ধু হয়, তাদের আর শত্রুর প্রয়োজন হয় না। বিশ্বব্যাংকই তাদের ধ্বংসের জন্য যথেষ্ট। বাংলাদেশের পাট খাত ধ্বংস করে বিশ্বব্যাংক এটা প্রমাণ করেছে।

বিশ্বব্যাংকের দায়মুক্তি প্রসঙ্গে বক্তাগণ বলেন, পৃথিবীর কোন দেশেই বিশ্বব্যাংককে দায়মুক্তি দেয়া হয়নি। বিশ্বব্যাংকের বাংলাদেশে কান্ট্রি ডিরেক্টর ক্রিষ্টিনা রোকা ৩৮ দেশে বিশ্বব্যাংককে দায়মুক্তি দেয়া হয়েছে বলে যে দাবি করেছেন তা সঠিক নয়। বিশ্বব্যাংকের দায়মুক্তি পাওয়ার কোন অধিকার নেই। কারণ আইন-কানুন ও নিয়ম অনুযায়ী প্রত্যেককেই তার কৃতকর্মের দায় বহন করতে হবে। তিনি বলেন, বিশ্বব্যাংককে দায়মুক্তি না দিলেও তারা বাংলাদেশের কিছু করতে পারবে না। এমনকি ঋণ সাহায্যও বন্ধ করতে পারবে না। কারণ সমগ্র বিশ্বই এ ব্যবস্থার বিরুদ্ধে। সাংবাদিক সোহরাব হাসান বলেন, গত ২৫ বছর ধরে বিশ্বব্যাংক তাদের স্বৈচ্ছাচারী নীতি চালিয়ে আসছে, যার জন্য এখন তারা দায়মুক্তি চাচ্ছে।

*[বিশ্বব্যাংক, আই,এম,এফ প্রভৃতি আন্তর্জাতিক অর্থলগ্নিকারী সূদী প্রতিষ্ঠানগুলি তাদের দেওয়া অমানবিক শর্তাবলী ও সূদের চক্রান্তে ঋণগ্রহীতা দুর্বল দেশগুলিকে জোঁকের মত শোষণ করে চলেছে। এদের পিছনে রয়েছে আন্তর্জাতিক সাম্রাজ্যবাদী শক্তিশালী হিংস্র থাবা। অতএব সরকারকে বলব, এদের খপপ থেকে বেরিয়ে আসুন ও দেশে স্বাধীন ইসলামী অর্থনীতি বাস্তবায়ন করুন (স.স.)]*

## ছয় তলা ও তদুর্ধ্ব ভবনে ছয় মাসের মধ্যে সাবস্টেশন না বসালে বিদ্যুৎ সংযোগ বিচ্ছিন্ন করা হবে

রাজধানী ঢাকার ছয় তলা ও তদুর্ধ্ব ভবনে আগামী ৬ মাসের মধ্যে বিদ্যুতের সাবস্টেশন বসাতে হবে। ভবন মালিকরা নিজ খরচে নির্ধারিত সময়ের মধ্যে সাবস্টেশন বসাতে ব্যর্থ হলে বিদ্যুৎ সংযোগ বিচ্ছিন্ন করে দেওয়া হবে। অনুমোদিত লোডের অধিক বিদ্যুৎ ব্যবহার এবং ওভারলোডেড হয়ে যখন-তখন ট্রান্সফরমার বিকল হওয়া রোধ করতে বিদ্যুৎ মন্ত্রণালয় এ সিদ্ধান্ত নিয়েছে। গত ২৪ নভেম্বর বিদ্যুৎ উপদেষ্টা কাউন্সিলের সভায় এ সিদ্ধান্ত নেওয়া হয়।

উপদেষ্টা কাউন্সিলের বৈঠকে আরো সিদ্ধান্ত নেয়া হয়েছে যে, এখন থেকে গ্রাহকরা বিদ্যুতের মিটার বাজার থেকে কিনতে পারবে না। বিদ্যুৎ বিতরণকারী সংস্থাগুলি মিটার বিক্রি করবে। আমদানীকারকরা সব মিটার জমা দেবেন বিদ্যুৎ বিতরণকারী সরকারী সংস্থায়। এসব মিটার পরীক্ষা করে নির্ধারিত মূল্যে





## বিদেশ

ভূপালে কীটনাশক কারখানাঃ ২০ বছরে মারা  
গেছে ১৫ হাজার, আক্রান্ত ৮ লাখ

মধ্য ভারতের ভূপালে অবস্থিত একটি পরিত্যক্ত কীটনাশক কারখানা এখনো পরিবেশের বিরুদ্ধে মারাত্মক হুমকি। কারখানাটি ভূগর্ভস্থ পানিকে বিষাক্ত করেছে। গত ২০ বছর আগে এই কারখানা থেকে গ্যাস নির্গত হয়ে কয়েক হাজার লোকের মৃত্যু ঘটে। স্থানীয় এক পরিবেশকর্মী জানান, কারখানার চারপাশে এখনো টন টন বিষাক্ত বর্জ্য পদার্থ ছড়িয়ে-ছিটিয়ে রয়েছে।

গ্রীনপিস কমিশনের একটি সমীক্ষায় দেখা যায়, কারখানাটি কার্যকর থাকাকালীন ব্যবহৃত রাসায়নিক পদার্থের হিসাবের ভিত্তিতে এই পরিসংখ্যানটি প্রত্যুত করা হয়। ভারত সরকারের হিসাব অনুযায়ী ১৯৮৪ সালের ৩ ডিসেম্বর সকালে কারখানাটি থেকে বিষাক্ত গ্যাস মিথাইল আইসোসায়ানেট-এর নির্গমন শুরু হবার পর সাড়ে তিন হাজারেরও বেশী লোক প্রাণ হারায়। তবে অ্যামনেস্টি ইন্টারন্যাশনাল এ সপ্তাহে প্রকাশিত এক প্রতিবেদনে জানায়, ১৯৮৫ সাল থেকে ২০০৩ সাল পর্যন্ত এই দুর্ঘটনার কারণে অন্তত ১৫ হাজার লোক মারা যায়। পরবর্তীতে এর প্রতিক্রিয়া হিসাবে আরো ৭ থেকে ১০ হাজার লোক মারা যায়। সরকারী কর্মকর্তারা জানান, পরবর্তী প্রতিক্রিয়ায় আক্রান্ত হয়েছে আরো প্রায় ৮ লাখ। দুর্ভাগ্য হ'ল, ঘটনাস্থলটি এখন গবাদি পশুর বিচরণ ক্ষেত্র ও শিশুদের খেলার মাঠ হিসাবে ব্যবহৃত হচ্ছে। আরো জানা যায়, বিষাক্ত ভূগর্ভস্থ পানি ইতিমধ্যেই খাবার পানি হিসাবে ব্যবহার করা শুরু হয়েছে।

*আল্লাহ পাক তার বান্দাকে হেদায়াতের জন্য পৃথিবীতে মাঝেমাঝে এ ধরনের গযব প্রেরণ করে থাকেন। সৌভাগ্যবান তারা, যারা এ থেকে শিক্ষা নিয়ে আল্লাহর পথে ফিরে আসে। আর হতভাগ্য তারা, যারা এগুলিকে প্রাকৃতিক বিষয় বা প্রকৃতির খেলা বলে উড়িয়ে দেয়। আল্লাহ তার গযব উঠিয়ে নিন- আমরা সেই প্রার্থনা করি (স.স)*

## ধূমপানে দৈনিক ১৩শ' আমেরিকানের মৃত্যু

সিগারেটজনিত রোগে দৈনিক ১৩শ' আমেরিকানের মৃত্যু হচ্ছে। বার্ষিক ৪,৭৫,৫০০ জনের মৃত্যু হচ্ছে সিগারেট জনিত বিভিন্ন রোগে। 'আমেরিকান এন্টিক্যান্সার সোসাইটি'র ভাইস প্রেসিডেন্ট হেক্টর বাটিন্তা এ তথ্য জানিয়েছেন। ১৯ নভেম্বর '০৪ নিউইয়র্কে ৬,০০০ প্যাকেট সিগারেট ধ্বংস করে হাজার হাজার লোকের সিগারেট পরিত্যাগের ঘোষণা উপলক্ষে হেক্টর বাটিন্তা উপরোক্ত উদ্বোধনকর তথ্যটি প্রকাশ করেন। তিনি বলেন, সিগারেট আমাদেরকে বিভিন্ন জটিল রোগে আক্রান্ত করেছে। সিগারেট মানসিক প্রশান্তির জন্যও কোন কাজে লাগে না। কেননা যে জিনিস আয়ু কমায় এবং জটিল রোগে আক্রান্ত করে, তা কি করে মানসিক প্রশান্তি আনবে?

*যালেম শক্তি যখন অপ্রতিরূপী হয়ে ওঠে, তখন এভাবেই তাদের উপরে আল্লাহর অদৃশ্য গযব নেমে আসে। এ মূলনীতিটি সকল ব্যক্তিও দেশের ক্ষেত্রে প্রযোজ্য। অতএব, হে অবাধ্য বাংলাদেশী ধূমপায়ীরা! তোমরাও আল্লাহর গযবের জন্য প্রত্যুত হয়ে যাও। অথবা তওবা করে বিরত হও (স.স)*

যুক্তরাষ্ট্রে ১ কোটি ২৬ লাখ লোক গত বছর  
পেট ভরে খেতে পায়নি

অবিশ্বাস্য হ'লেও সত্য যে, প্রাচুর্যে ভরপুর যুক্তরাষ্ট্রের ১ কোটি ২৬ লাখ লোক ২০০৩ সালেও পেট ভরে খেতে পায়নি। ২০০২ সালেও একই পরিমাণ আমেরিকান অভাবে দিনাতিপাত করেছে। সরকারী সূত্রে গত ২১ নভেম্বর এ খবর দেওয়া হয়েছে।

কৃষি মন্ত্রণালয়ের বার্ষিক রিপোর্টে বলা হয়েছে, উপরোক্ত ১২.৬ মিলিয়নের মধ্যে ৩.৯ মিলিয়ন (৩৯ লাখ) আমেরিকান অভাবের সাথে প্রতিদিনই খুঁক করে কালাতিপাত করছে। তারা দিনে এক বেলাও তৃষ্ণার সাথে খেতে পায়নি। অপর দিকে প্রায় ৬ মিলিয়ন আমেরিকান খাদ্য সংকট মোকাবেলায় খাবারের মেন্যু পরিবর্তন করেছে অর্থাৎ চাহিদার চেয়ে কম পুষ্টির খাদ্য খাচ্ছে। খাদ্য মন্ত্রণালয়ের রিপোর্টে আরো বলা হয়েছে যে, ২০০৩ সালে মোট জনসংখ্যার ১১.২% ঠিকমত খাদ্য পায়নি।

উল্লেখ্য, নিউইয়র্ক সিটিতে অভাবী মানুষের সংখ্যা ২০০৩ সালের তুলনায় ৭% বেড়ে মোট জনসংখ্যার ৩১%-তে দাঁড়িয়েছে।

*গণতন্ত্র ও যুক্তবাজার অর্থনীতির সুখের পায়রাগণ এ দুর্নীতি মানুষগুলির জন্য এখন কি সাফাই গাইবেন? অতএব রাজনৈতিক স্থিতিশীলতার জন্য ইমারত ও শূন্য ভিত্তিক ইসলামী রাজনৈতিক ব্যবস্থা প্রতিষ্ঠা করুন এবং ইসলামী অর্থনীতি চালু করার মাধ্যমে সমাজের সকলের জন্য অর্থনৈতিক ন্যায়বিচার কয়েম করুন (স.স)*

বিশ্বে বস্ত্র ও তৈরী পোশাক শিল্পের লক্ষ লক্ষ  
কর্মী আগামী বছর চাকুরী হারাতে

বিশ্বের বস্ত্র ও তৈরী পোশাক শিল্পের লক্ষ লক্ষ কর্মীদের হুঁশিয়ার করে দেওয়া হয়েছে যে, আগামী বছর ৪০ বছরের পুরনো বিশ্ববাণিজ্য নীতির সময়সীমা শেষ হয়ে যাবে এবং তাতে এসব কর্মীদের অনেকেই তাদের কাজ হারাবেন। 'মেইড চায়না' লেবেলযুক্ত তৈরী পোশাক ২০০৭ সাল নাগাদ সারাবিশ্বের তৈরী পোশাক চাহিদার অর্ধেক পূরণ করবে।

যুক্ত বাণিজ্য সংক্রান্ত একটি আন্তর্জাতিক শ্রমিক সংস্থা বলেছে, জানুয়ারী মাসে দেশভিত্তিক কোটা ব্যবহার অবলুপ্তির অর্থ হচ্ছে, চীন এই শিল্পকে নিয়ন্ত্রণ করবে। কারণ উৎপাদন খরচ চীনে সবচেয়ে কম। প্রতিযোগিতায় টিকে থাকতে হ'লে অন্য দেশগুলিকে বিশেষ করে বাংলাদেশ, মরিশাস ও ফিলিপাইনে কর্মীদের বেতন ও শ্রমের মান কমিয়ে দিতে হবে। এদিকে চীন যুক্তরাষ্ট্রকে হুঁশিয়ার করে দিয়েছে যে, চীনের বস্ত্রশিল্পজাত দ্রব্যের উপর কোন রকম আমদানী কোটা আরোপ করা হ'লে তা দু'দেশের পারস্পরিক বাণিজ্যের উপর মারাত্মক প্রতিক্রিয়া সৃষ্টি করবে।

*সর্বহারাদের সেবায় নিয়োজিত চীন অবশেষে বিশ্বের পুঁজিবাজার নিয়ন্ত্রকের ভূমিকায় চলে আসছে। তাদের এই ভূমিকা লক্ষ লক্ষ শ্রমিক-কর্মচারীকে সর্বহারা বানাতে। তখন তাদের কমুনিজমের দর্শন থাকবে কোথায়? অতএব বিশ্বায়ন নয়, প্রত্যেক দেশের আত্মনিয়ন্ত্রণাধিকারকে সম্মান করে সকলকে বাঁচার সূযোগ দিন (স.স)*

## থাই সরকারের প্রতারণার নতুন কৌশল (?)

থাই সরকার মুসলমান অধ্যুষিত দেশের দক্ষিণাঞ্চলীয় প্রদেশগুলিতে কাগজের তৈরী ১০ কোটি কবুতর ছেড়েছে। সামরিক বিমান থেকে গত ৫ ডিসেম্বর কবুতরগুলি নিক্ষেপ করা

হয়। দক্ষিণের ৩টি প্রদেশে শান্তি স্থাপনে থাই সরকারের সদিচ্ছার নির্দশনস্বরূপ কবুতরগুলি এলাকাবাসীকে উপহার দেয়া হয়। এর মধ্যে প্রধানমন্ত্রী থাকসিন সিনাওয়াত্রা স্বাক্ষরিত একটিতে এর প্রাপককে একটি ভাল চাকরি প্রদানের প্রতিশ্রুতির কথা লিখিত আছে। কিন্তু এতদসত্ত্বেও ঐ এলাকার ভীত-সন্ত্রস্ত মুসলমানদের আস্থা অর্জন করতে পারেনি ব্যাংকক সরকার। কারণ ২ মাস আগে সামরিক হেফাজতে ৮৫ জন মুসলমানের করুণ মৃত্যুর কথা তারা ভুলতে পারেনি। নির্বাচনের একমাস আগে রাজা ভূমিবলের জন্মদিনে কোটি কোটি কাণ্ডজে পায়রা দিয়ে তাদের মনের আশ্বস্তি নির্বাচিত করা সম্ভব হবে' না থাকসিন সরকারের পক্ষে। অত্যাচার নির্যাতন অব্যাহত রেখে কাণ্ডজে পাখি দিয়ে সন্ধি স্থাপনের পায়তারা প্রতারণারই নামান্তর। তাই দক্ষিণের অবহেলিত মালয়ীভাষী মুসলমানরা পায়রা পেয়ে খুশীতো হয়ইনি বরং তারা এই হটকারিতায় আরো ভীত-সন্ত্রস্ত হয়ে পড়েছে। আব্দুল্লাহ হাম আব্দুছ ছামাদ নামক একজন থাই মুসলমান বলেন, আমরা ভিন্ন সংস্কৃতির মানুষ, কাণ্ডজে পায়রা আমাদের ঐতিহ্য নয়।

কাণ্ডজে নয়, হৃদয়ের সম্পর্ক চাই। এজন্য থাই সরকারের উচিত হবে, ৮৫ জন মুসলমানকে হত্যাকারী থানা কর্মকর্তাদের প্রকাশ্যে ফায়ারিং স্কোয়াডে গুলী করে হত্যা করা। তাহ'লে হয়তবা নিহতদের গুণানুধারীদের মনের আশ্বস্তি কিছুটা হলেও কমবে (স.স)।

## যুক্তরাষ্ট্র জর্ডানে ৫০টি ক্ষেপণাস্ত্র বিক্রি করছে

বুশ প্রশাসন যুক্তরাষ্ট্রে তৈরী ৫০টি আকাশ থেকে আকাশে নিক্ষেপণযোগ্য অত্যাধুনিক ক্ষেপণাস্ত্র জর্ডানে বিক্রির বিষয়টি অনুমোদন করেছে। মার্কিন সামরিক সূত্র এ খবর দিয়েছে।

জর্ডানে এই ক্ষেপণাস্ত্র ও এর যন্ত্রাংশ বিক্রির ফলে দেশটি যেকোন শত্রুপক্ষের বিমান ধ্বংসের ব্যাপক ক্ষমতা অর্জন করবে।

এই ক্ষেপণাস্ত্র হচ্ছে এআইএম-১২০সি অত্যাধুনিক মাঝারি পাল্লার এয়ার টু এয়ার মিসাইল (অ্যামর্যাম)। এগুলি এফ-১৬ জঙ্গী বিমানের সাহায্যে দূর পাল্লায় আঘাত হানতে সক্ষম। এই সমরাস্ত্রের মূল্য প্রায় ৩ কোটি ৯০ লাখ ডলার। এদিকে ইসরাঈল জর্ডানে এই অস্ত্র বিক্রির প্রতিবাদ জানিয়েছে।

মধ্যপ্রাচ্যকে মার্কিনীরা অস্ত্র বিক্রির বাজার হিসাবে ব্যবহার করছে। পরবর্তীতে এই অস্ত্র তাদের একে অপরের বিরুদ্ধে প্রয়োগের পরিবেশ তৈরী সৃষ্টি করে নিবে। যেভাবে সিনিয়র বুশ ১৯৯০ সালে সাদ্দামকে দিয়ে কুয়েতে হামলা চালিয়েছিল। পরে নিজেরা ইরাকে হামলা চালিয়ে তাকে নিরস্ত করে। অতঃপর ১৩ বছর যাবৎ অর্থনৈতিক অবরোধ চাপিয়ে রেখে ১৫ লাখ বন্স আদমকে মৃত্যুর মুখে ঠেলে দেয়। সবশেষে গণবিধ্বংসী অস্ত্রের মিথ্যা অজুহাত তুলে ২০০৩ সালে ইরাক দখল করে নেয়। অতএব জর্ডানকে সাবধান হওয়া উচিত (স.স)।

## বিশ্বে ১৭ কোটি শিশু অপুষ্টিতে ভুগছে

বিশ্বব্যাপী ১৭ কোটিরও বেশী শিশু অপুষ্টিতে ভুগছে এবং অন্তত ১২ কোটি শিশু কখনও স্কুলে যাওয়ার সুযোগ পায় না। বিশ্বের সর্বত্র নতুন প্রজন্মের জীবন রক্ষায় ও মানোন্নয়নে স্বেচ্ছাসেবকদের গুরুত্বপূর্ণ ভূমিকার উপর আলোকপাত করতে গিয়ে ইউনেস্কোর নির্বাহী পরিচালক ক্যারোল বেলামি গত ৫ ডিসেম্বর পাকিস্তানের রাজধানী ইসলামাবাদে এক আন্তর্জাতিক সম্মেলনে উপরোক্ত তথ্য দেন। সম্মেলনে উপস্থিত স্বেচ্ছাসেবীদের উদ্দেশ্যে তিনি বলেন, প্রতিকারযোগ্য রোগসমূহ বিশেষ করে ডায়রিয়া, হাম ও ধনুষ্টিংকারের মত রোগে এখনও

প্রতিবছর ৫ বছর বয়সের নীচে প্রায় ১ কোটি শিশু মারা যায়।

শিশু খাদ্যে ভেজাল এর অন্যতম প্রধান কারণ। প্রত্যেক দেশের সরকার এদিকে কঠোর দৃষ্টি রাখলে সংশ্লিষ্ট রোগের ব্যাপকতা কমে আসতে পারে (স.স)।

## থাইল্যান্ডে ২০ কোটি ডলারের মাদকদ্রব্য ধ্বংস

থাইল্যান্ডে কর্তৃপক্ষ গত ২ ডিসেম্বর আটককৃত সাড়ে ৩ টন মাদকদ্রব্য ধ্বংস করেছে। এগুলির মূল্য ২০ কোটি ডলারেরও বেশী। মাদক চোরচালান ও এর অপব্যবহারের বিরুদ্ধে থাই কর্তৃপক্ষের চলমান অভিযানের অংশ হিসাবে এগুলি আটক করা হয়। থাই কর্তৃপক্ষ জানায়, তারা ব্যাংককের উত্তরাঞ্চলীয় এতুথাবা প্রদেশে পরিবেশ বান্ধব পদ্ধতিতে সাড়ে ৩ কোটি ট্যাবলেট অর্থাৎ ৩ দশমিক ২ টন মাদকতা সৃষ্টিকারী ট্যাবলেট, ১শ' ৯৫ দশমিক ৩ কেজি হেরোইন, সাড়ে ১৬ কেজি গাজা ও আরো অন্যান্য মাদকদ্রব্য নষ্ট করে দিয়েছে। উল্লেখ্য, গত জুন মাসে জাতিসংঘের আন্তর্জাতিক মাদক প্রতিরোধ দিবস উপলক্ষে, আড়াই টন মাদকদ্রব্য ধ্বংস করা হয়।

দেশের নাগরিকদের মধ্যে মাদকের বিরুদ্ধে ধর্মীয় অনুশাসন জাখত করার মাধ্যমে এবং মাদকের বিরুদ্ধে সর্বত্র সর্বদা কড়া সরকারী আইন কঠোরভাবে প্রয়োগের মাধ্যমে মাদকের সয়লাব বন্ধ করা সম্ভব (স.স)।

## ফ্লু রোগ বিশ্বের প্রাকৃতিক পরিবেশ ও বিনষ্ট করবে

হংকং-এর একজন চিকিৎসা বিজ্ঞানী হাঁশিয়ারী উচ্চারণ করে বলেছেন, আগামীতে যে প্রাণঘাতী ফ্লু রোগ দেখা দেবে, তা শুধু লাখ লাখ লোকের প্রাণহানি ঘটাবে না, তা বিশ্বের ইকোসিস্টেম বা প্রাকৃতিক পরিবেশকেও বিনষ্ট করে দেবে। ৪ ডিসেম্বর হংকং-এর একটি পত্রিকায় এ খবর প্রকাশিত হয়।

এশিয়ার বিভিন্ন দেশে ঘাতকব্যাপি বার্ড ফ্লু নিমূলের ব্যাপারে প্রায় এক বছর ধরে প্রচেষ্টা অব্যাহত থাকলেও আগামীতে এই রোগ বিশ্বব্যাপী মহামারী হিসাবে দেখা দিতে পারে এবং এই রোগে বিশ্বের ৭০ লাখ লোকের প্রাণহানি ঘটতে পারে। 'বিশ্ব স্বাস্থ্য সংস্থা'র আশংকা, রোগটি ব্যাপক সংহারী রূপ নিয়ে আবার আবির্ভূত হ'তে পারে। 'হ'র এই সতর্কবানী সত্য হ'লে আগামীতে ঘাতকব্যাপি বার্ড ফ্লু শুধু এশিয়ায় সীমাবদ্ধ থাকবে না; বরং বিশ্বব্যাপী ছড়িয়ে পড়বে।

বাস্তার পাপ বৃদ্ধি পেতে থাকলে তার পরিণামে এ ধরনের অজানিত রোগ সমূহের গণব একে একে মানবতাকে হ্রাস করবে। অতএব কঠোরভাবে ধর্মীয় অনুশাসন মেনে চলার মধ্যেই মানবতার মুক্তি সম্ভব (স.স)।

## বিশ্বে ক্ষুধা ও অপুষ্টিতে প্রতি ৫ সেকেন্ডে একটি করে শিশু মারা যাচ্ছে

জাতিসংঘ বলেছে, প্রতিবছর ক্ষুধা ও অপুষ্টির কারণে বিশ্বে ৫০ লাখের বেশী শিশু মারা যাচ্ছে। এছাড়া অপুষ্টির কারণে উৎপাদনশীলতায় যে প্রভাব পড়ছে, তাতে উন্নয়নশীল বিশ্বের কোটি কোটি ডলার ক্ষতি হচ্ছে এবং বিভিন্ন দেশের জাতীয় আয়-এর ফল হচ্ছে নেতিবাচক। এছাড়া বিশ্বের শিশু জনসংখ্যার অর্ধেক অর্থাৎ একশ' কোটি শিশু দারিদ্র্য, সংঘাত এবং এইডস-এর অভিশাপের শিকার। এছাড়া ১৪০ কোটি লোকের প্রত্যেকে দৈনিক মাত্র দুই ডলার করে আয় করে এবং এরা দরিদ্রতার চরম অভিশাপের মধ্যে দিন কাটাচ্ছে।

জাতিসংঘের খাদ্য ও কৃষিসংস্থা এফএও তাদের বার্ষিক প্রতিবেদনে বলেছে, বিশ্বের ক্ষুধার্ত মানুষের সংখ্যা ক্রমশ বাড়ছে। বর্তমানে এই সংখ্যা ৮৫ কোটির বেশী। তবে এফএও বলেছে, ২০১৫ সালের মধ্যে ক্ষুধার্ত ও দরিদ্র লোকের সংখ্যা অর্ধেক করার যে লক্ষ্যমাত্রা ধার্য করা হয়েছে তা পূরণ করা সম্ভব।

এফএও তাদের প্রতিবেদনে যে পরিসংখ্যান তুলে ধরেছে তাতে বলা হয়েছে যে, উন্নয়নশীল বিশ্বে এখন প্রায় ৮৫ কোটি মানুষ অপুষ্টির শিকার এবং এই সংখ্যা ক্রমাগতই বাড়ছে। এই পরিসংখ্যান তুলে ধরে এই সংস্থা বলেছে, এই তথ্য প্রমাণ করে যে, ক্ষুধা নির্বারণের কাজে যথেষ্ট অগ্রগতি হচ্ছে না। এর মানবিক প্রভাবের কথা তুলে ধরে সংস্থাটি বলেছে, প্রতিবছর ৫০ লাখের বেশী শিশু ক্ষুধা ও অপুষ্টির কারণে মারা যাচ্ছে। রোম থেকে সংবাদদাতারা জানান, এর অর্থ হচ্ছে ক্ষুধা ও অপুষ্টির কারণে প্রতি ৫ সেকেন্ডে একটি করে শিশুর মৃত্যু হচ্ছে। এছাড়া এর প্রভাব পড়ছে কর্মদক্ষতা ও উৎপাদনশীলতার উপর।

সংস্থাটি বলেছে, বিশ্বের ৩৫টি দেশে ক্ষুধা ও অপুষ্টির সমস্যা ভয়াবহ এবং এদের মধ্যে বেশীরভাগই আফ্রিকা মহাদেশে। এসব দেশে খাদ্যসংকট সবচেয়ে তীব্র। তবে একই সঙ্গে জনবহুল দু'টি দেশ চীন ও ভারতে পরিস্থিতির অবনতির কারণে অবস্থা যে আরো খারাপ হচ্ছে এফএও সেদিকে নয়র দিয়েছে। তবে এফএও বলেছে, অপুষ্টি শুধু উন্নয়নশীল বিশ্বে সীমাবদ্ধ নয়, শিল্পোন্নত বিশ্বের ৯০ লাখ মানুষ অপুষ্টির শিকার। এছাড়া অর্থনৈতিক মানদণ্ডে যেসব দেশ উন্নয়নশীল বিশ্ব ও উন্নত দুনিয়ার মধ্যবর্তী স্থানে রয়েছে এমন সব দেশে প্রায় তিন কোটি মানুষ অপুষ্টির শিকার হচ্ছে। ইউনিসেফ গত ৯ ডিসেম্বর তার বার্ষিক রিপোর্টে বলেছে, বিশ্বের শিশু সনসংখ্যার প্রায় অর্ধেক অর্থাৎ একশ' কোটির বেশী শিশু দারিদ্র্য, ভয়াবহ সংঘাত ও এইডস-এর অভিধাপে জর্জরিত। এতে বলা হয়, ১৯৮৯ সালের শিশুদের অধিকার সংক্রান্ত কনভেনশন গৃহীত হয়। কিন্তু বিভিন্ন দেশের সরকার মানবাধিকার ও আন্তর্জাতিক সংস্কার কর্মসূচী বাস্তবায়নে ব্যর্থ হচ্ছে বলে এই কনভেনশন বাস্তবরূপ পাচ্ছে না।

ইউনিসেফ দেখেছে যে, ৬০ কোটি শিশুর পর্যাপ্ত আশ্রয় নেই। ৪০ কোটি শিশু বিশুদ্ধ পানি পায় না। ২৭ কোটি শিশু স্বাস্থ্য বা চিকিৎসা সুবিধা পায় না এবং ১৪ কোটি শিশু, বিশেষ করে মেয়ে কুলে যাবার সুযোগ পায় না। এদিকে আন্তর্জাতিক শ্রমসংস্থা বলেছে, বিশ্বের ১৪০ কোটি শ্রমিক দৈনিক মাত্র ২ ডলার আয় করে। তাতে তারা চরম দারিদ্র্যসীমার নীচে বসবাসে বাধ্য হয়। আবার এদের মধ্যে প্রায় ৫৫ কোটির আয় দৈনিক ১ ডলারের কম। এছাড়া প্রায় ২০ কোটি লোকের কোন চাকরি নেই। তারা বেকার।

[পুঁজিবাদী অর্থনীতির ছোবলে ক্রমেই বিশ্বে দরিদ্র, অনাহারী ও বেকার মানুষের সংখ্যা বাড়ছে। এ থেকে বাঁচার জন্য অনতিবিলম্বে দেশে ইসলামী অর্থনীতি চালু করুন। তাহলে ধনী ও দরিদ্রের ব্যবধান হ্রাস পাবে। নতুন নতুন কর্মসংস্থান সৃষ্টি হবে। ইনশাআল্লাহ শিশু মৃত্যুর হার কমবে। ইসলামপন্থী ধনী ও শিল্পপতিগণ সীমিতভাবে হলেও স্ব স্ব প্রতিষ্ঠানে ইসলামী অর্থনীতির বাস্তবায়ন শুরু করতে পারেন (স.স)]

## মুসলিম জাহান

### ইরানের পারমাণবিক বোমা বরদাশত করা হবে না

-প্রেসিডেন্ট বুশ

মার্কিন প্রেসিডেন্ট জর্জ ডব্লিউ বুশ ইরান ও উত্তর কোরিয়াকে হুঁশিয়ার করে দিয়ে বলেছেন, পারমাণবিক অস্ত্র তৈরীর যেকোন চেষ্টার বিরুদ্ধে বিশ্ব ঐক্যবদ্ধ এবং তাদের এ ধরনের যেকোন প্রচেষ্টা নস্যাৎ করে দেয়া হবে। তিনি চিলির সান্তিয়াগোতে এশিয়া-প্যাসিফিক অর্থনৈতিক সহযোগিতা ফোরামের (এপেক) শীর্ষ সম্মেলনে ভাষণদানকালে তার ভাষায় 'শয়তানের অক্ষ শক্তি' বলে কথিত এ দু'টি দেশের পারমাণবিক কর্মসূচীর তীব্র সমালোচনা করে একথা বলেন। তিনি বলেন, ইরান কোন পরমাণু বোমা তৈরী করতে চাইলে তা বরদাশত করা হবে না।

[অবশ্যই বরদাশত করতে হবে। উত্তর কোরিয়া বা ইরান আমেরিকার কলোনী নয় এবং পৃথিবীর মালিকানা আমেরিকার নয়, যে কেবল তার হাতেই বোমা থাকবে, অন্যদের হাতে নয়। অতএব শক্তির ভারসাম্য সৃষ্টির জন্য অন্যদের হাতেও পারমাণবিক বোমা থাকা প্রয়োজন। অন্যথায় কার্ফ নিকটে না থাকাই উচিত (স.স)]

### পূর্ব তিমুরের ৬১ মুসলমান বহিষ্কার

ক্ষুদ্র দেশ পূর্ব তিমুর রাজধানী দিলিতে একমাত্র মসজিদের কাছে বসবাসরত প্রায় তিনশ' মুসলমানকে আটক করার পর ৬১ জনকে প্রতিবেশী ইন্দোনেশিয়ায় বিতাড়িত করেছে। এই ঘটনা ইন্দোনেশিয়ার জনগণের মনে দারুণ ক্ষোভের সৃষ্টি করেছে। স্থানীয় প্রচার মাধ্যমগুলি এই ঘটনাকে ক্যাথলিক প্রধান পূর্ব তিমুরের ইসলামের বিরুদ্ধে ব্যবস্থা হিসাবে অভিহিত করেছে। ১৯৯৯ সালে পূর্ব তিমুর ইন্দোনেশিয়া থেকে পৃথক হয়ে যাওয়ার পূর্ব থেকেই মুসলমানরা এখানে বসবাস করে আসছিল। জাকার্তায় পররাষ্ট্র মন্ত্রণালয়ের বিদেশে অবস্থানরত ইন্দোনেশীয়দের রক্ষা দফতরের পরিচালক ফেরি এ্যাডামহার বলেছেন, দিলি থেকে ৬১ জন মুসলমানকে বহিষ্কার করে ইন্দোনেশিয়ায় পাঠানো হয়েছে। তাদেরকে বলা হচ্ছে, তারা এখানে অবৈধভাবে বসবাস করছে।

[মানবাধিকারের সোল এজেন্ট আমেরিকা এখন কি বলবে? তারাই পূর্ব তিমুরকে ইন্দোনেশিয়া থেকে বিচ্ছিন্ন করেছিল খৃষ্টানদের মানবাধিকার রক্ষার খুঁটিনাড়া তুলে। অথচ মুসলিম সংখ্যা গরিষ্ঠ ইন্দোনেশিয়ায় যুগ যুগ ধরে খৃষ্টানরা শান্তির সঙ্গে বসবাস করে আসছিল (স.স)]

### রোমান যুগের মমি আবিষ্কৃত

মিসরের রাজধানী কায়রো থেকে ৩৭৫ মিলোমিটার পশ্চিমে বাহারিয়া মরুদ্যানের সোনালী মমির উপত্যকায় সম্প্রতি ভূগর্ভস্থ একটি সমাধিতে ৯টি মমি পাওয়া গেছে। এর মধ্যে ২টি মমি খৃষ্টপূর্ব দেড়শ' বছর আগের মিসরীয় রোমান যুগের। মিসরের পুরাতত্ত্ব বিভাগের বিশেষজ্ঞগণের ধারণা, ঐ মরু উপত্যকাটিতে ১০ হাজার মমি আছে। একটি পুরাতত্ত্ব দল ঐ স্থান থেকে ২০টি সোনালী আবরণে ঢাকা মমি দেখতে পায়। এ পর্যন্ত ঐ এলাকায় ২৩৪টি মমি আবিষ্কৃত হয়েছে।

## বিজ্ঞান ও বিস্ময়

### অন্ধদের জন্য 'ইলেকট্রনিক চোখ'

জাপানের বিজ্ঞানীরা এমন একটি ইলেকট্রনিক চোখ আবিষ্কার করেছেন যার সাহায্যে অন্ধ ব্যক্তির সম্পূর্ণ নিরাপদে ব্যস্ত সড়ক পার হতে সক্ষম হবেন। বিজ্ঞানীদের উদ্ভাবিত চশমার সাহায্যে অন্ধ ব্যক্তির পথচারীদের রাস্তা পারাপারের স্থান, রাস্তার প্রশস্ততা ও ট্রাফিক লাইটের রং চিনতে পারবেন। ১৯ নভেম্বরে বৃটেনের ইনস্টিটিউট অব ফিজিক্স থেকে প্রকাশিত 'মিজারমেন্ট সাইন্স অ্যাণ্ড টেকনোলজি' জার্নালে এ তথ্য প্রকাশিত হয়। নব উদ্ভাবিত এই ক্যামেরায় সিঙ্গেল ক্যামেরা ব্যবহার করা হয়েছে। এই ক্যামেরায় একটি ক্ষুদ্র কম্পিউটার ও ভয়েস স্পিচ সিস্টেম রয়েছে এবং এই সিস্টেম থেকেই রাস্তা পারাপার সংক্রান্ত বিভিন্ন তথ্য অন্ধ ব্যক্তিকে জানানো হবে।

### সবচেয়ে দ্রুত গতিসম্পন্ন কম্পিউটার

জাপানে ইয়োকোহামা ইনস্টিটিউট ফর আর্থ সায়েন্সের এনইসি আর্থ সিমুলেটর নামের কম্পিউটারটি বিশ্বের সবচেয়ে দ্রুত গতির কম্পিউটার। এটি প্রতি সেকেন্ডে ৩৫.৬ ট্রিলিয়ন বার গণনা করতে পারে। কম্পিউটারটি আবহাওয়া পরিবর্তন এবং বৈশ্বিক উষ্ণতা সম্পর্কেও ভবিষ্যদ্বাণী করতে পারে। এর ৫ হাজার ১০৪টি প্রসেসর এমন একটি বিশাল কেবিনেটে রাখা হয়েছে যা চারটি টেনিস কোর্টের সমান।

### অতিরিক্ত কম্পিউটার ব্যবহারে চোখে গ্লুকোমা হ'তে পারে

অতিরিক্ত কম্পিউটার ব্যবহারকারীদের বিশেষ করে যাদের দৃষ্টিশক্তি কম তাদের চক্ষুরোগ গ্লুকোমার ঝুঁকি রয়েছে। এই রোগ থেকে অন্ধত্ব দেখা দিতে পারে। গত ১৬ নভেম্বর একটি বিশেষ মেডিকেল জার্নালে এ সংক্রান্ত একটি গবেষণার ফলাফল প্রকাশিত হয়।

জাপানের চিকিৎসকরা ১০ হাজার ২০০ জাপানী শ্রমিকের দৃষ্টিশক্তি ও গ্লুকোমার লক্ষণ মূল্যায়নের মাধ্যমে এই গবেষণা চালান।

গবেষণায় দেখা যায়, যারা অতিরিক্ত কম্পিউটার ব্যবহার করেন তাদের গ্লুকোমাসহ অন্যান্য চক্ষু রোগের লক্ষণ দেখা যায়। যেসব শ্রমিক দৈনিক ৮ ঘন্টার বেশী সময় কম্পিউটার স্ক্রিনের সামনে বসে কাজ করে তাদের গ্লুকোমা হওয়ার ঝুঁকি যারা হালকা ও মাঝারি ধরনের কম্পিউটার ব্যবহার করেন তাদের চেয়ে দ্বিগুণ।

### শব্দের ১০ গুণ গতির মনুষ্যবিহীন মার্কিন জেট

মার্কিন মহাশূন্য সংস্থা 'নাসা' পরীক্ষামূলকভাবে একটি মনুষ্যবিহীন অতি দ্রুতগামী জেট উড়িয়েছে। প্রাথমিকভাবে এর গতি হচ্ছে শব্দের গতির ১০ গুণের চেয়ে সামান্য কম। এটি কোন জেটের জন্য রেকর্ড পরিমাণ গতি। এই এসব-৪৩ এ সুপারসনিক কন্সান্ডন রয়ামজেট (ক্রামজেট) প্রশান্ত মহাসাগরে

মার্কিন নৌ-বাহিনীর পরীক্ষা এলাকায় উড়ানো হয়। ৩ দশমিক ৭ মিটার দীর্ঘ এই জেটটি ইতিপূর্বকার জেটের গতি ভঙ্গ করেছে। পূর্বে এ ধরনের জেটের (ম্যাচ ৬.৮৩) গতি ছিল শব্দের চেয়ে ৬ দশমিক ৮৩ গুণ (প্রায় ৭ গুণ)। বর্তমান জেট-ম্যাচ-১০ তেত্রিশ কিলোমিটার (১ লাখ ১১ হাজার ফুট) উঁচুতে ঘন্টায় ১১ হাজার কিলোমিটার (৬ হাজার ৮শ' মাইল) বেগে চলতে পারে।

### ক্যান্সারের নতুন ওষুধ আবিষ্কার

ক্যান্সার আক্রান্ত রোগীদের জন্য একটি সুখবর নিয়ে এসেছেন সুইজারল্যান্ডের চিকিৎসাবিজ্ঞানীরা। তারা 'এভাস্টিন' নামে নতুন একটি ওষুধ আবিষ্কার করেছেন। যা ক্যান্সার আক্রান্ত ব্যক্তি ডাক্তারের নির্দেশমত পথ্যের সঙ্গে সেবন করলে তার আয়ু বৃদ্ধিতে সহায়ক হবে। ওষুধটির উদ্ভাবক 'রোচে এণ্ড গেনেটিক কোম্পানী'। গত ৩০ নভেম্বর সুইজারল্যান্ডের বাসেল-এ এভাস্টিন আবিষ্কারের কথা ঘোষণা করা হয়। তারা বলেছে, মেটাষ্টেটিক কলোরেটাল ক্যান্সারে আক্রান্ত রোগীরা 'কেমোথেরাপি'র সঙ্গে এই ওষুধ খেলে অতিরিক্ত দুই মাস বেঁচে থাকবেন। এই ধরনের ক্যান্সারে বিশেষ প্রতিবছর প্রায় ১০ লাখ লোক আক্রান্ত হচ্ছে এবং শতকরা ৫০ জনই মৃত্যুবরণ করছে। শুধু 'কেমোথেরাপি'র দ্বারা ক্যান্সারের চিকিৎসা করলে বেশিরভাগ রোগীই মারা যায়। কিন্তু এভাস্টিনের সঙ্গে কেমোথেরাপি দেওয়া হলে রোগীকে বাঁচানো সম্ভব বলে সুইস কোম্পানীটি জানায়। ন্যাশনাল ক্যান্সার ইনস্টিটিউট-এর অর্থায়নে ৮২৯ জন রোগীর উপর গবেষণা চালিয়ে রোচে এণ্ড গেনেটিক কোম্পানী এভাস্টিনের কার্যকারিতার প্রমাণ পেয়েছে।

### ব্রেইন ওয়েভের সাহায্যে কম্পিউটার নিয়ন্ত্রণ

আধুনিক বিজ্ঞানের বিস্ময় কম্পিউটার অনেক জটিল গাণিতিক সমস্যা এক নিমিষে সমাধান করে দিতে পারে এই কম্পিউটার। শুধু কি তাই? খেলাধুলা থেকে শুরু করে বিশ্বের কোথায় কি ঘটছে এই কম্পিউটার তা আমাদের হাতের মুঠোর মধ্যে এনে দিয়েছে ইন্টারনেটের মাধ্যমে। তবে এত কিছুর পরও এর পেছনে একজনকে থাকতে হচ্ছে। কি-বোর্ডের বোতাম টিপে টিপে এগুতে হচ্ছে, কিন্তু এমন যদি হ'ত চিন্তার সঙ্গে সঙ্গে কার কারসর নির্দিষ্ট জায়গায় গিয়ে কম্পিউটারকে কাক্ষিতভাবে সচল করে তুলত তাহ'লে খুবই মজা হ'ত। তখন বিকলাঙ্গ ও পঙ্গুরাও অনায়াসে কম্পিউটার ব্যবহার করতে পারতেন। অবিশ্বাস্য হ'লেও সত্য- নিউইয়র্কের একদল বিজ্ঞানী এই অসম্ভবকে সম্ভব করার চেষ্টা করছেন। তাদের প্রচেষ্টায় ৬৮টি ইলেকট্রোড লাগানো টুপি পরে ৪ জন বিকলাঙ্গ সফলভাবে চিন্তাশক্তির সাহায্যে কম্পিউটারের কারসরকে সচল করতে পেরেছেন। এই ৪ জনের মধ্যে দু'জন আংশিক বিকলাঙ্গ। তার হাইল চেয়ারেই চলা-ফেরা করেন। এর আগের একটি পরীক্ষায় দেখা গেছে, বানরদের মাথায় ইলেকট্রোড লাগিয়ে দিলে তারাও কম্পিউটারকে নিয়ন্ত্রণ করতে পারে। নিউইয়র্কের ন্যাশনাল একাডেমী অব সাইয়েন্সে ব্রেইন ওয়েভের সাহায্যে কম্পিউটার নিয়ন্ত্রণের এই তথ্য প্রকাশ করা হয়।

## সংগঠন সংবাদ

### আন্দোলন

পবিত্র মাহে রামায়ান উপলক্ষ্যে দেশব্যাপী  
দাওয়াতী সপ্তাহ ও প্রশিক্ষণ কর্মসূচী

(২য় কিস্তি)

চিতলমারী, বাগেরহাট, ৬ নভেম্বর, শনিবারঃ অদ্য বাদ যোহর 'আহলেহাদীছ আন্দোলন বাংলাদেশ' ও 'বাংলাদেশ আহলেহাদীছ যুবসংঘ'র যৌথ উদ্যোগে চিতলমারী বাজার আহলেহাদীছ জামে মসজিদে এক কর্মী প্রশিক্ষণ ও ইফতার মাহফিলের আয়োজন করা হয়। আন্দোলনের যেলা সভাপতি জনাব ডাঃ ইস্রাফীল হোসায়েন-এর সভাপতিত্বে ও 'যুবসংঘ'র যেলা সভাপতি জনাব মাওলানা মুহাম্মাদ যুবাইর-এর পরিচালনায় অনুষ্ঠিত প্রশিক্ষণ ও ইফতার মাহফিলে প্রধান অতিথি হিসাবে উপস্থিত ছিলেন 'আহলেহাদীছ আন্দোলন বাংলাদেশ'-এর কেন্দ্রীয় সাংগঠনিক সম্পাদক অধ্যাপক মুহাম্মাদ সিরাজুল ইসলাম। বিশেষ অতিথি ছিলেন 'বাংলাদেশ আহলেহাদীছ যুবসংঘ'র কেন্দ্রীয় প্রশিক্ষণ সম্পাদক মুহাম্মাদ আবদুল ওয়াদুদ, সাতক্ষীরা যেলা 'আন্দোলন'-এর সভাপতি মাওলানা আব্দুল মান্নান। উক্ত কর্মী প্রশিক্ষণ ও ইফতার মাহফিলে বক্তব্য রাখেন সাতক্ষীরা যেলা 'যুবসংঘ'র সভাপতি মাওলানা মুহাম্মাদ ফয়লুর রহমান, সাধারণ সম্পাদক মুহাম্মাদ আলতাফ হোসায়েন, বাগেরহাট যেলা 'আন্দোলন'র সাধারণ সম্পাদক মাওলানা মুহাম্মাদ আসাদুল্লাহ ও সাংগঠনিক সম্পাদক জনাব সরদার মুহাম্মাদ আশরাফ হোসায়েন প্রমুখ।

গোবরচাকা, খুলনা, ৭ নভেম্বর, রবিবারঃ অদ্য বাদ আছর 'আহলেহাদীছ আন্দোলন বাংলাদেশ' ও 'বাংলাদেশ আহলেহাদীছ যুবসংঘ' খুলনা সাংগঠনিক যেলা যৌথ উদ্যোগে যেলা সভাপতি মাওলানা মুহাম্মাদ জাহাঙ্গীর আলম-এর সভাপতিত্বে গোবরচাকা মুহাম্মাদিয়া জামে মসজিদে এক কর্মী প্রশিক্ষণ ও ইফতার মাহফিল অনুষ্ঠিত হয়। এতে প্রধান অতিথি ছিলেন 'আহলেহাদীছ আন্দোলন বাংলাদেশ'-এর কেন্দ্রীয় সাংগঠনিক সম্পাদক অধ্যাপক সিরাজুল ইসলাম। বিশেষ অতিথি ছিলেন 'আন্দোলন'-এর কেন্দ্রীয় মজলিসে আমেলা সদস্য জনাব গোলাম মুক্তাদির বাবু, 'যুবসংঘ'র কেন্দ্রীয় প্রশিক্ষণ সম্পাদক মুহাম্মাদ আব্দুল ওয়াদুদ, খুলনা আলিয়া মাদরাসার মুহাদ্দিছ শাইখ মুনাওয়ার হোসায়েন মাদানী, বাগেরহাট যেলা 'আন্দোলন'-এর সভাপতি ডাঃ মুহাম্মাদ ইস্রাফীল, সাতক্ষীরা যেলা 'আন্দোলন'-এর সভাপতি মাওলানা আব্দুল মান্নান,

সাতক্ষীরা যেলা 'যুবসংঘ'র সভাপতি মাওলানা মুহাম্মাদ ফয়লুর রহমান ও সাধারণ সম্পাদক আলতাফ হোসায়েন।

সাতক্ষীরা, ৮ নভেম্বর, সোমবারঃ অদ্য বাদ যোহর 'আহলেহাদীছ আন্দোলন বাংলাদেশ' ও 'বাংলাদেশ আহলেহাদীছ যুবসংঘ' সাতক্ষীরা সাংগঠনিক যেলা যৌথ উদ্যোগে বাঁকাল দারুল হাদীছ আহমাদিয়া সালফিইয়াহ কমপ্লেক্স জামে মসজিদে এক কর্মী প্রশিক্ষণ শিবির অনুষ্ঠিত হয়।

যেলা 'আন্দোলন'-এর সভাপতি মাওলানা আব্দুল মান্নান-এর সভাপতিত্বে অনুষ্ঠিত কর্মী প্রশিক্ষণে কেন্দ্রীয় প্রশিক্ষক হিসাবে উপস্থিত ছিলেন 'আন্দোলন'-এর কেন্দ্রীয় সাংগঠনিক সম্পাদক জনাব অধ্যাপক সিরাজুল ইসলাম ও 'যুবসংঘ'র কেন্দ্রীয় প্রশিক্ষণ সম্পাদক মুহাম্মাদ আব্দুল ওয়াদুদ।

### ইসলামী সম্মেলন ০৪

আহলেহাদীছ আন্দোলন কোন মানব রচিত মতবাদ-এর আন্দোলন নয়। ইহা আল্লাহ প্রেরিত সর্বশেষ অহীর বিধান প্রতিষ্ঠার আন্দোলন- আমীরে জামা'আত

ভবানীগঞ্জ, রাজশাহী, ২৫ নভেম্বর, বৃহস্পতিবারঃ অদ্য বাদ মাগরিব রাজশাহী যেলা বাগমারা খানার অন্তর্গত ভবানীগঞ্জ এলাকা 'আহলেহাদীছ আন্দোলন'-এর উদ্যোগে ভবানীগঞ্জ (চাঁদপাড়া) হেলিপ্যাড ময়দানে অনুষ্ঠিত ইসলামী সম্মেলনে প্রধান অতিথির ভাষণে 'আহলেহাদীছ আন্দোলন বাংলাদেশ'-এর মুহতারাম আমীর, রাজশাহী বিশ্ববিদ্যালয়ের আরবী বিভাগের প্রফেসর ডঃ মুহাম্মাদ আসাদুল্লাহ আল-গালিব উপরোক্ত কথা বলেন।

যেলা 'আন্দোলন'-এর সভাপতি মুহাম্মাদ আবুল কালাম আযাদ-এর সভাপতিত্বে অনুষ্ঠিত উক্ত এলাকা সম্মেলনে বিশেষ অতিথি হিসাবে বক্তব্য পেশ করেন 'আন্দোলন'-এর নায়েবে আমীর সউদী মা'বউছ শায়খ আব্দুছ ছামাদ সালাফী। অন্যান্যের মধ্যে বক্তব্য পেশ করেন খুলনা যেলা 'আন্দোলন'-এর সভাপতি মাওলানা মুহাম্মাদ জাহাঙ্গীর আলম, হাফেয মাওলানা আখতার, 'আন্দোলন'-এর কেন্দ্রীয় মুবাল্লেগ এস,এম, আব্দুল লতীফ, 'যুবসংঘ'র কেন্দ্রীয় সাংগঠনিক সম্পাদক এ.এস,এম, আযীযুল্লাহ, যেলা 'আন্দোলন'-এর সাধারণ সম্পাদক অধ্যাপক ফারুক আহমাদ, নরসিংপুর ফায়িল মাদরাসার অধ্যক্ষ মাওলানা মুহসিন, তাহেরপুর এলাকা 'আন্দোলন'-এর সভাপতি মাওলানা আবুল কালাম আযাদ, যেলা 'আন্দোলন'-এর কর্ম পরিষদ সদস্য জনাব আলহাজ আইয়ুব হোসেন, ডাঃ মনজুর আলী প্রমুখ।

## আখেরাতে মুক্তির লক্ষ্যে আহলেহাদীছ আন্দোলনে শরীক হোন

-আমীরে জামা'আত

গাবতলী, বগুড়া, ২৬ নভেম্বর, শুক্রবারঃ অদ্য বাদ আছর বগুড়া যেলার গাবতলী এলাকা 'আন্দোলন'-এর উদ্যোগে গাবতলী পাইলট উচ্চবিদ্যালয় ময়দানে অনুষ্ঠিত বিশাল ইসলামী সম্মেলনে প্রধান অতিথির ভাষণে 'আহলেহাদীছ আন্দোলন বাংলাদেশ'-এর মুহতারাম আমীর, রাজশাহী বিশ্ববিদ্যালয়ের আরবী বিভাগের প্রফেসর ডঃ মুহাম্মাদ আসাদুল্লাহ আল-গালিব উপরোক্ত কথা বলেন।

'আহলেহাদীছ আন্দোলন বাংলাদেশ'-এর নায়েবে আমীর, সউদী মা'বউছ শায়খ আব্দুছ ছামাদ সালাফীর সভাপতিত্বে ও যেলা 'আন্দোলন'-এর সভাপতি মাওলানা আব্দুর রউফের সহ-সভাপতিত্বে অনুষ্ঠিত ইসলামী সম্মেলনে অন্যান্যের মধ্যে বক্তব্য পেশ করেন 'আন্দোলন'-এর কেন্দ্রীয় সমাজকল্যাণ সম্পাদক, আন্তর্জাতিক ইসলামী বিশ্ববিদ্যালয় চট্টগ্রামের অধ্যাপক ডঃ মুহাম্মাদ মুছলেহুদ্দীন, 'আন্দোলন'-এর কেন্দ্রীয় অর্থ সম্পাদক মাওলানা হাফীযুর রহমান, 'দারুল ইফতার' সদস্য ও আল-মারকাযুল ইসলামী আস-সালাফী, নওদাপাড়া, রাজশাহীর শিক্ষক মাওলানা আব্দুর রায়খাক বিন ইউসুফ, সাতক্ষীরা যেলা 'আন্দোলন'-এর সভাপতি মাওলানা আব্দুল মান্নান, হাফেয মাওলানা আখতার, 'আন্দোলন'-এর কেন্দ্রীয় মুবাল্লেগ এস.এম, আব্দুল লতীফ, বগুড়া যেলা 'যুবসংঘের' সভাপতি মাওলানা নূরুল ইসলাম, যেলা 'আন্দোলন'-এর সাধারণ সম্পাদক জনাব আব্দুর রহীম প্রমুখ।

### ঈদ পুনর্মিলনী

১৫ নভেম্বর বুড়িচং, কুমিল্লাঃ অদ্য বিকাল ৪ ঘটিকায় স্থানীয় আল-হেরা মডার্ন একাডেমী ময়দানে এক ঈদ পুনর্মিলনী অনুষ্ঠিত হয়। 'আহলেহাদীছ আন্দোলন বাংলাদেশ' ও 'বাংলাদেশ আহলেহাদীছ যুবসংঘ' বুড়িচং এলাকার উদ্যোগে আয়োজিত ঈদ পুনর্মিলনীতে সভাপতিত্ব করেন 'আন্দোলন'-এর বুড়িচং শাখা সভাপতি জনাব ইদ্রীস মিয়া ভূঁইয়া। 'যুবসংঘের' এলাকা সভাপতি মুহাম্মাদ ইব্রাহীমের পরিচালনায় 'যুবসংঘের' সাবেক কেন্দ্রীয় সাধারণ সম্পাদক জনাব মুহাম্মাদ জালালুদ্দীন-এর উদ্বোধনী ভাষণের মাধ্যমে অনুষ্ঠান শুরু হয়। এতে প্রধান অতিথি ছিলেন 'আন্দোলন'-এর কুমিল্লা যেলা সভাপতি ও জগতপুর এ.ডি.এইচ. সিনিয়র মাদরাসার উপাধ্যক্ষ মাওলানা মুহাম্মাদ ছফিউল্লাহ। প্রধান বক্তা ছিলেন 'যুবসংঘের' কেন্দ্রীয় প্রশিক্ষণ সম্পাদক মুহাম্মাদ আব্দুল ওয়ায়দ। এ ছাড়া 'আন্দোলন' ও 'যুবসংঘের' সাবেক ও বর্তমান যেলা ও এলাকা নেতৃবৃন্দ উপস্থিত ছিলেন। বৈচিত্র্যময় আলোচনা পর্বের পর শতাধিক নেতা-কর্মীর সমন্বয়ে বর্ণাঢ্য র্যালী বুড়িচং উপযেলা সদরের প্রধান প্রধান সড়ক প্রদক্ষিণ করে।

র্যালীতে 'এসো হে যুবক ও তরুণ, তাওহীদী যুব কাফেলায়' জাগরণীটি সমন্বরে পরিবেশিত হয়। এতে এলাকার বিশিষ্ট ব্যক্তিবর্গ উপস্থিত ছিলেন।

### তাবলীগী সভা

জলাইডাঙ্গা, রংপুর, ২০ নভেম্বর, শনিবারঃ অদ্য বাদ ফজর 'আহলেহাদীছ আন্দোলন বাংলাদেশ' ও 'বাংলাদেশ আহলেহাদীছ যুবসংঘ' জলাইডাঙ্গা এলাকার যৌথ উদ্যোগে এক তাবলীগী সভা অনুষ্ঠিত হয়।

রংপুর যেলা কর্মপরিষদ সদস্য মুহাম্মাদ লাল মিয়ার সভাপতিত্বে অনুষ্ঠিত তাবলীগী সভায় কেন্দ্রীয় মেহমান হিসাবে বক্তব্য পেশ করেন 'আন্দোলন'-এর কেন্দ্রীয় মুবাল্লেগ জনাব এস.এম, আব্দুল লতীফ। অন্যান্যের মধ্যে বক্তব্য পেশ করেন অত্র এলাকার সভাপতি মুহাম্মাদ লোকমান হোসাইন, যেলা 'যুবসংঘের' সভাপতি মুহাম্মাদ ওয়াক্কাস আলী, সাধারণ সম্পাদক মুহাম্মাদ আব্দুল ওয়ারেছ প্রমুখ।

### মহিলা সমাবেশ

কানুদাসপাড়া, রংপুর, ২০ নভেম্বর, শনিবারঃ অদ্য বাদ যোহর 'আহলেহাদীছ আন্দোলন বাংলাদেশ' শঠিবাড়ী এলাকার উদ্যোগে কানুদাসপাড়া হরিরামপুর আহলেহাদীছ জামে মসজিদে এক মহিলা সমাবেশ অনুষ্ঠিত হয়।

'আন্দোলন'-এর শঠিবাড়ী এলাকা সভাপতি জনাব আব্দুল হাদী মাষ্টার-এর সভাপতিত্বে অনুষ্ঠিত মহিলা সমাবেশে কেন্দ্রীয় মেহমান হিসাবে বক্তব্য পেশ করেন 'আন্দোলন'-এর কেন্দ্রীয় মুবাল্লেগ জনাব এস.এম, আব্দুল লতীফ। অন্যান্যের মধ্যে বক্তব্য পেশ করেন রংপুর যেলা 'আন্দোলন'-এর কর্মপরিষদ সদস্য মুহাম্মাদ লাল মিয়া, অত্র মসজিদের পেশ ইমাম মাওলানা আব্দুর রশীদ প্রমুখ। উক্ত সমাবেশে দুই শতাধিক মহিলা যোগদান করেন।

মির্জাপুর, রংপুর, ২১ নভেম্বর, রবিবারঃ অদ্য সকাল ১০ ঘটিকায় 'আহলেহাদীছ আন্দোলন বাংলাদেশ' শঠিবাড়ী এলাকার উদ্যোগে মির্জাপুরে মাষ্টার আব্দুল হাদী ছাহেব-এর বাসভবনে এক মহিলা সমাবেশ অনুষ্ঠিত হয়।

শঠিবাড়ী এলাকা সভাপতি জনাব মাষ্টার আব্দুল হাদীর সভাপতিত্বে ও 'যুবসংঘের' সদস্য মুহাম্মাদ রাফীউল ইসলামের পরিচালনায় অনুষ্ঠিত মহিলা সমাবেশে কেন্দ্রীয় মেহমান হিসাবে বক্তব্য পেশ করেন 'আন্দোলন'-এর কেন্দ্রীয় মুবাল্লেগ জনাব এস.এম, আব্দুল লতীফ। অন্যান্যের মধ্যে বক্তব্য পেশ করেন 'আন্দোলন'-এর যেলা কর্মপরিষদ সদস্য মুহাম্মাদ লালমিয়া, যেলা 'যুবসংঘের' সাধারণ সম্পাদক মুহাম্মাদ আব্দুল ওয়ারেছ প্রমুখ। উক্ত মহিলা সমাবেশে প্রায় দুইশত মহিলা যোগদান করেন।



## জনমত কলাম

### 'তাকসীরুল কুরআন' প্রবন্ধ প্রসঙ্গে

'আত-তাহরীক' ৮ম বর্ষ ৩য় সংখ্যায় প্রকাশিত ডঃ মুহাম্মাদ আসাদুল্লাহ আল-গালিব লিখিত 'তাকসীরুল কুরআনঃ কিছু কথা' প্রবন্ধটি আমাদের দৃষ্টি আকর্ষণ করেছে। লেখক যে জ্ঞানগর্ভ আলোচনা আমাদেরকে উপহার দিয়েছেন, তা সত্যিই অতুলনীয়। লেখকের জ্ঞানের গভীরতা দেখে আমরা অভ্যস্ত অভিভূত। এজন্য আমরা আমাদের অন্তরের অন্তঃস্থল থেকে তাঁকে মোবারকবাদ জানাচ্ছি। তাঁর সুস্বাস্থ্য ও দীর্ঘায়ু কামনা করছি। দো'আ করি তিনি যেন আমাদেরকে গোটা কুরআন শরীফের ছহীহ হাদীছ ভিত্তিক তাকসীর উপহার দিতে পারেন। তবে তার আগে আগামী সংখ্যাতেই 'তাকসীর মা'রফুল কুরআন'-এর যে সমস্ত জায়গায় যঈফ হাদীছ ভিত্তিক আলোচনা রয়েছে, তা খণ্ডন করে একটি প্রবন্ধ প্রকাশ করার জন্য মাননীয় লেখকের প্রতি আকুল আবেদন জানাচ্ছি।

\* ডাঃ আনিস বিন নাছির  
বেবী হোমিও হল, কাটখইর বাজার, নওগাঁ।

### ভাসানী নভোথিয়েটারঃ একবার দেখলে দ্বিতীয়বার কেউ যাবে না

গত ৩০শে নভেম্বর '০৪ মঙ্গলবার বিকেল ২-টার শো-তে প্রবেশ করলাম স্বপ্নের নভোথিয়েটারে সরাসরি আকাশের জ্ঞান হাছিল করার জন্য। ১১২ কোটি টাকা ব্যয়ে নির্মিত বিশ্বের অন্যতম সেরা ঢাকার এই 'ভাসানী নভোথিয়েটার' গত ২৫শে সেপ্টেম্বর '০৪ চালু হবার পরে এদিন বড় আশা নিয়ে সেখানে গিয়েছিলাম। কিন্তু হতাশ হয়েছি দারুণভাবে। বিশাল এলাকা জুড়ে নির্মিত এই বিস্তৃত্যের নভোথিয়েটারের সামান্য জায়গাটুকু বাদ দিলে বাকী সবটুকুই বেকার মনে হবে। টয়লেট এলাকায় ঢুকলেই দুর্গন্ধ পাওয়া যাবে। অতঃপর থিয়েটার গৃহে ঢুকলেই আপনার মেযাজ বিগড়ে যাবে। কেননা ২৭৫টি আসনের সবগুলি খাড়াভাবে উপর-নীচ করে সাজানো। সকলে ছড়োছড়ি করে উপরে উঠে আগেই সীট দখল করে নেয়। কারণ উপর থেকে দেখলে পর্দা সরাসরি সম্মুখে থাকে। তখনই বুঝা যায় কেন আগে প্রবেশ করার জন্য বাইরে ও ভিতরের ফ্লোরে লাইন পড়ে। যদি সীট প্ল্যানটা সমতল হ'ত, তাহ'লে কেউ আগে-পিছে বসায় বিড়ম্বনা অনুভব করতো না।

দ্বিতীয়তঃ সীট যেহেতু খাড়াভাবে সাজানো, সেহেতু ফোন্ডিং চেয়ারে চিৎ হয়ে শুয়ে ছাড়া আকাশ দেখার উপায় নেই। ফলে এসি রুমে শুয়ে কিছুক্ষণের মধ্যেই অনেককে ঘুমিয়ে নাক ডাকাতে শোনা গেল।

তৃতীয়তঃ পরিচালক শুরুতে কোনরূপ ভূমিকা ছাড়াই চারদিকে চারবার তীর চিহ্ন মেরে 'চেক' 'চেক' বলে বিকট চীৎকার করেন, যার কোনই প্রয়োজন ছিল না। এ সময় উচিত ছিল কুরআনের আয়াত পাঠ ও অনুবাদের মাধ্যমে আল্লাহর সৃষ্টি কৌশল বর্ণনা করা এবং সৌরজগত সম্পর্কে সংক্ষেপে ধারণা দেওয়া। আধা ঘণ্টার অনুষ্ঠানে আমরা জানতে পারলাম না কোন

এহ পরিচিতি। তবে জানলাম কিছুটা রাশি পরিচিতি। যেমন কন্যারশি, বুধরাশি, বৃশ্চিক রাশি, সিংহরাশি ইত্যাদি। বেদ-পুরানের কল্পিত গল্পের ভিত্তিতে এসব রাশি সৃষ্টির ও নামকরণের ব্যাখ্যা দেওয়া হ'ল।

চতুর্থতঃ ভীষণ ধুম-ধড়াক্কা শব্দে এবং দ্রুত ঘূর্ণায়নের মাধ্যমে আকাশ দেখতে গিয়ে মাথা ঘুরে যায় এবং তখন চোখ বুঁজানো ছাড়া কোন উপায় থাকে না। অতঃপর ১০ মিনিট বিরতির মধ্যে উচ্চ শব্দে অর্থহীন গান-বাজনা দিয়ে অবশেষে দৌড়রত একদল মহিষের ছবি দিয়ে আফ্রিকা মহাদেশের ছবি দেখানো শুরু হয়, যা চলে প্রায় এক ঘণ্টা যাবত। যাতে নভোজগতের কিছু নেই। অথচ নাম হ'ল নভোথিয়েটার। সেটা এমন আনাড়ীভাবে দেখানো হয় যে, কখনো কখনো পুরা একটা মহিষই বিরাট পর্দা জুড়ে থাকে। যা দর্শকের মধ্যে বিরক্তির উদ্বেক করে। যার প্রমাণ দেখা গেল, প্রথম পর্ব শেষ হবার আগেই অনেকে চলে গেলেন ও দ্বিতীয় পর্বের মাঝামাঝি থেকে পুনরায় সব বের হ'তে থাকলেন।

আমরা বলতে চাই, এই ধরনের একটা বিশাল অংকের প্রজেক্ট শুধু আনাড়ী ও সস্তভতঃ অধার্মিক লোকের হাতে পড়ে দ্রুত অপাংক্কেয় হ'তে চলেছে। কোন রুচিশীল ও জ্ঞানপিপাসু ব্যক্তি এখানে দ্বিতীয়বার আসবেন না এবং কাউকে সেখানে যেতেও উদ্বুদ্ধ করবেন না, এটা সুনিশ্চিত। কারণ এখানে শেখার কিছুই নেই। এর চাইতে ঢের উন্নতমানের শিক্ষনীয় সিডি অল্প পয়সায় বাজারে কিনতে পাওয়া যায়, যা ঘরে বসে টিভি ও কম্পিউটারে দেখা যায়। আমরা উক্ত নভোথিয়েটারের মাধ্যমে কুরআনী বিজ্ঞানের আলোকে দর্শকদের মধ্যে বিশুদ্ধ জ্ঞান বিতরণের আস্থান জানাই।

সংশ্লিষ্ট কর্তৃপক্ষ বিষয়টি ভেবে দেখবেন বলে আশা করি।

\* মহিব্বুর রহমান হেলাল  
৩য় বর্ষ আরবী বিভাগ, রাজশাহী বিশ্ববিদ্যালয়।

## বালক জুয়েলার্স

প্রোঃ মুহাম্মাদ সাইদুর রহমান

আধুনিক রুচিসম্মত স্বর্ণ

রৌপ্য অলঙ্কার

প্রস্তুতকারক ও সরবরাহকারী।

সাহেব

ফোনঃ

১৭৩০০২

## প্রশ্নোত্তর

-দারুল ইফতা

হাদীছ ফাউন্ডেশন বাংলাদেশ

প্রশ্নঃ (১/১২১)ঃ ওআইসি-র অঙ্গসংস্থা 'ইসলামী ফিক্‌হ একাডেমী' ১৯৮৬ সালে আখানে অনুষ্ঠিত বৈঠকের ৬ নং প্রস্তাবে পৃথিবীর সর্বত্র একইদিনে ছিয়াম ও ঈদ পালনের সিদ্ধান্ত নিয়েছে। বর্তমানে কিছু লোককে দেখা যাচ্ছে, তারা মক্কা শরীফের সাথে মিলিয়ে একই দিনে ছিয়াম ও ঈদ পালনে উৎসুক। শারঈ দৃষ্টিকোণ থেকে এটা কি সঠিক হবে?

-মাহবুবুর রহমান  
গাছবাড়ী, কানাইঘাট, সিলেট।

উত্তরঃ শরী'আতের দৃষ্টিতে এটি সঠিক হবে না। কেননা আল্লাহ পাক বলেন, فَمَنْ شَهِدَ مِنْكُمُ الشَّهْرَ فَلْيَصُمْهُ، তোমাদের মধ্যে যে ব্যক্তি (রামাযানের) এ মাস পাবে, সে যেন ছিয়াম রাখে' (বাক্বার: ১৮৫)। 'এ মাস পাবে' অর্থ এ মাসের চাঁদ দেখতে পাবে। (২) রাসূলুল্লাহ (ছাঃ) বলেন, فَمَنْ لَرُؤْيَا لِرُؤْيَتِهِ، فَإِنْ صَوْمُوا لِرُؤْيَا لِرُؤْيَتِهِ، فَأَكْمَلُوا عِدَّةَ شَعْبَانَ ثَلَاثِينَ- 'তোমরা চাঁদ দেখে ছিয়াম রাখো ও চাঁদ দেখে ছিয়াম ভঙ্গ কর। যদি চাঁদ তোমাদের নিকটে আচ্ছন্ন থাকে, তাহ'লে শা'বান ত্রিশ দিন পূর্ণ করে নাও' (মুত্তাফাকু আলাইহ, মিশকাত হা/১৯৭০ 'ছাওম' অধ্যায়, 'চাঁদ দেখা' অনুচ্ছেদ)। উপরোক্ত দলীল সমূহ দ্বারা প্রতীয়মান হয় যে, ছিয়াম ও ঈদের জন্য চাঁদ দেখা শর্ত। এক্ষণে এই চাঁদ দেখার বিষয়টি অঞ্চল বিশেষের সঙ্গে সম্পৃক্ত, না বিশ্বের যেকোন প্রান্তে একজন মুমিন চাঁদ দেখলেই পৃথিবীর সকল দেশের সকল মুমিনের জন্য তা প্রযোজ্য হবে? যেমন আজকাল বিভিন্ন আধুনিক মিডিয়ার মাধ্যমে চাঁদ দেখা ও তা সর্বত্র সঙ্গে সঙ্গে প্রচারের সুযোগ সৃষ্টি হয়েছে।

এর জবাব রাসূল (ছাঃ)-এর ভাষায় নিম্নরূপঃ

إِنَّا أُمَّةٌ أُمِّيَّةٌ لَانَكْتَبُ وَلَا نَحْسِبُ، الشَّهْرُ هَكَذَا وَهَكَذَا وَهَكَذَا وَعَقْدَ الْإِبْهَامِ فِي الثَّلَاثَةِ، ثُمَّ قَالَ الشَّهْرُ هَكَذَا وَهَكَذَا وَهَكَذَا، يَعْنِي تَمَامَ الثَّلَاثِينَ-

'আমরা নিরক্ষর উম্মৎ। আমরা লিখতেও জানিনা, হিসাবও জানিনা। মাস হ'ল এরূপ, এরূপ ও এরূপ। তৃতীয়বারে তিনি বুড়ো আঙ্গুল মুষ্টিবদ্ধ করলেন। রাবী ইবনু ওমর (রাঃ) বলেন, এর দ্বারা তিনি প্রথমবারে ২৯ দিন ও পরের বারে ৩০ দিন বুঝালেন। অর্থাৎ চান্দ্র মাস হ'ল একবার ২৯ দিনে, একবার ৩০ দিনে' (মুত্তাফাকু আলাইহ, মিশকাত হা/১৯৭১)।

উপরোক্ত জবাবে এটা পরিষ্কার যে, চাঁদ দেখার জন্য দূরবীক্ষণ যন্ত্র বা অনুরূপ কোন আধুনিক যান্ত্রিক পদ্ধতি ও হিসাব-নিকাশের প্রয়োজন নেই। স্বাভাবিক চোখে এক অঞ্চলের কেউ চাঁদ দেখলেই সেই অঞ্চলের সকলের জন্য তা প্রযোজ্য হবে। সাথে সাথে এ মূলনীতি ঠিক রাখতে হবে যে, রামাযান কখনোই ৩০ দিনের বেশী হবে না এবং ২৯ দিনের কমে হবে না। তাছাড়া রাসূলুল্লাহ (ছাঃ) বলেন, 'شَهْرًا عَيْدًا لَا يَنْقُصَانِ: رَمَضَانَ وَذَوَالْحِجَةَ' একই বছরে দুই ঈদের মাস অর্থাৎ রামাযান ও যুলহিজ্জাহ (সাধারণতঃ) একসাথে কম হয় না' (মুত্তাফাকু আলাইহ, মিশকাত হা/১৯৭২)। অর্থাৎ একটি ২৯ দিনে হ'লে অপরটি ৩০ দিনে হয়ে থাকে। দু'টিই ২৯ দিনে হয় না।

এক্ষণে অঞ্চল বলতে কতটুকু দূরত্বের অঞ্চল বুঝায়? এ বিষয়ে আহমাদ, মুসলিম, তিরমিযী, আবুদাউদ, নাসাঈ প্রভৃতি হাদীছগ্রন্থে কুরাইব (রাঃ) বর্ণিত হাদীছে এসেছে যে, তিনি সিরিয়ায় রামাযানের ছিয়াম রেখে মাস শেষে মদীনায় ফিরে এখানকার ছিয়ামের সাথে এক দিন কমবেশ দেখতে পান। এ বিষয়ে ইবনু আব্বাস (রাঃ)-কে জিজ্ঞেস করা হ'লে তিনি বলেন যে, সিরিয়ায় আমীর মু'আবিয়া (রাঃ)-এর গৃহীত ছিয়ামের তারিখ মদীনায় প্রযোজ্য নয়। কেননা ওখানে তোমরা শুক্রবার সন্ধ্যায় চাঁদ দেখেছ। আর আমরা এখানে শনিবার সন্ধ্যায় চাঁদ দেখেছি। অতএব আমরা ছিয়াম চালিয়ে যাব, যতক্ষণ না ঈদের চাঁদ দেখতে পাব'। অন্য বর্ণনায় এসেছে, আমরা ৩০ দিন পূর্ণ করব। তাঁকে বলা হ'লঃ মু'আবিয়ার চাঁদ দেখা ও ছিয়াম রাখা কি আপনার জন্য যথেষ্ট নয়? তিনি বললেন, না। এভাবেই রাসূলুল্লাহ (ছাঃ) আমাদেরকে নির্দেশ দান করেছেন' (ছহীহ তিরমিযী হা/৫৫৯; ছহীহ আবুদাউদ হা/২০৪৪)। ইমাম নববী বলেন, এ হাদীছ স্পষ্ট প্রমাণ করে যে, এক শহরের চন্দ্র দর্শন অন্য শহরে প্রযোজ্য নয় অধিক দূরত্বের কারণে' (মির'আত ৬/৪২৮ হা/১৯৮৯-এর ব্যাখ্যা)।

উল্লেখ্য যে, সিরিয়া মদীনা থেকে উত্তর-পশ্চিমে এক মাসের পথ এবং ৭০০ মাইলের মত দূরত্বে অবস্থিত। সময়ের পার্থক্য ১৪ মিঃ ৪০ সেকেণ্ড। সম্ভবতঃ সেকারণেই সেখানে মদীনার একদিন পূর্বে চাঁদ দেখা গিয়েছিল। মিশকাতের ভাষ্যকার ওবায়দুল্লাহ মুবারকপুরী (১৩২২-১৪১৪ হিঃ/ ১৯০৪-১৯৯৪ খৃঃ) বলেন, পশ্চিম দিগন্তে ভূপৃষ্ঠ থেকে নবচন্দ্রের উদয়কালের উচ্চতার আধুনিক হিসাব মতে পশ্চিম অঞ্চলে চাঁদ দেখা গেলে পশ্চিমাঞ্চলসহ সেখান থেকে অন্যান্য ৫৬০ মাইল দূরত্বে পূর্ব অঞ্চলের অধিবাসীদের জন্য এ চাঁদ গণ্য হবে। আর যদি পূর্ব অঞ্চলে চাঁদ দেখা যায়, তাহ'লে পশ্চিম অঞ্চলের সকল দূরত্বের অধিবাসীদের জন্য উক্ত চাঁদ গণ্য হবে' (মির'আত ৬/৪২৯, হা/১৯৮৯-এর ব্যাখ্যা)। সর্বাধুনিক জ্যোতির্বিজ্ঞানের উক্ত হিসাব মতে মক্কা শরীফে চাঁদ দেখা গেলে পূর্ব অঞ্চলের দেশ সমূহে ৫৬০ মাইল পর্যন্ত উক্ত চাঁদ দেখা যাওয়া সম্ভব এবং উক্ত দূরত্বের অধিবাসীগণ উক্ত চাঁদের

হিসাবে ছিয়াম ও ঈদ পালন করতে পারেন। উল্লেখ্য যে, এই মাইলের হিসাব সরাসরি আকাশ পথের মাইল, সড়ক পথের মাইল নয়।

উক্ত হিসাব অনুযায়ী মক্কার নিকটবর্তী ও পূর্বদিকের ৫৬০ মাইল দূরত্বের বাইরের অধিবাসীদের জন্য মক্কার চাঁদ প্রযোজ্য নয়। তারা স্ব স্ব এলাকায় চাঁদ দেখে ছিয়াম ও ঈদ পালন করবেন। পুরা বাংলাদেশ, পশ্চিমবঙ্গ ও আসাম সহ পার্শ্ববর্তী অঞ্চল সমূহে উপরোক্ত দূরত্বের হিসাবে একই চাঁদে ছিয়াম ও ঈদ পালন করা যেতে পারে। তবে ভারত বিশাল আয়তনের দেশ হওয়ায় পূর্বের কলিকাতার চাঁদ পশ্চিমের নয়াদিল্লীতে প্রযোজ্য হবে না। অনুরূপভাবে পাকিস্তানের চাঁদ বাংলাদেশে প্রযোজ্য হবে না। কারণ কা'বা শরীফ হ'তে ইসলামাবাদের দ্রাঘিমার দূরত্ব ৩২°৫৬ (ব্রিটিশ ডিগ্রী ছাপানু মিনিট), নয়াদিল্লীর ৩৬°৪৬, কলিকাতা ৪৮°৯ এবং ঢাকার দূরত্ব ৫০° ১২। সময়ের পার্থক্য যথাক্রমে ইসলামাবাদে ২ ঘঃ ১১ মিঃ ৪৪ সেকেন্ড; নয়াদিল্লীতে ২ ঘঃ ২৭ মিঃ ৪ সেকেন্ড; কলিকাতায় ৩ ঘঃ ১২ মিঃ ৩৬ সেকেন্ড এবং ঢাকায় ৩ ঘঃ ২০ মিঃ ৪৮ সেকেন্ড।

একই অঞ্চলের এক বা দু'জন মুমিন ব্যক্তি চাঁদ দেখলে তা সবার জন্য প্রযোজ্য হবে। ফলে কেউ ঢাকায় চাঁদ দেখলে আর রাজশাহীতে না দেখলে চাঁদ গণ্য করবেন না, আবার কেউ মক্কার দেখা চাঁদ অনুযায়ী বাংলাদেশে এক বা দু'দিন আগে চাঁদ গণ্য করবেন, এগুলি ঠিক নয়। কেননা হযরত আবু হুরায়রা (রাঃ) থেকে বর্ণিত হাদীছে রাসূলুল্লাহ (ছাঃ) এরশাদ করেন, **الصَّوْمُ يَوْمٌ تَصُومُونَ وَالْفِطْرُ يَوْمٌ تَفْطَرُونَ** 'ছাওম হ'ল যেদিন

তোমরা ছিয়াম রাখো, ঈদুল ফিতর হ'ল যেদিন তোমরা সেটা পালন কর এবং ঈদুল আযহা হ'ল যেদিন তোমরা তা পালন কর' (আবুদাউদ, তিরমিধী, সনদ হহীহ, ইরওয়া হা/৯০৫, ৪/১১ পৃঃ)। অত্র হাদীছে ইঙ্গিত রয়েছে এক অঞ্চলের অধিবাসী সকলে একই দিনে ছিয়াম ও ঈদ পালনের প্রতি। অতএব কোন বিদেশী যদি বাংলাদেশে থাকেন এবং কোন বাংলাদেশী যদি বিদেশে থাকেন, তাহ'লে সেদেশের মুসলমানদের সাথেই তিনি ছিয়াম ও ঈদ পালন করবেন, নিজ দেশের হিসাবে নয়।

সূর্য পূর্ব থেকে পশ্চিমে যায় এবং চন্দ্র পশ্চিম থেকে পূর্বে যায়। এক্ষণে কা'বা শরীফ ঢাকা থেকে পশ্চিমে হওয়ায় সেখানে চাঁদ আগে দেখা যায়। মক্কার চাঁদ দেখার ৩ ঘঃ ২০ মিঃ ৪৮ সেকেন্ড পরে ঢাকায় চাঁদ দেখা সম্ভব। কিন্তু ঢাকায় তখন রাত থাকায় পরের দিন সন্ধ্যায় সেটা আমরা দেখি। যদিও সরকারী হিসাবে 'প্রমাণ সময়' (Standard time) ৩ ঘন্টা ধরা হয়। যেমন রাজশাহী ও মুর্শিদাবাদ পদ্মা নদীর এপার-ওপার। সূর্যাস্তের সময়ের পার্থক্য অতি সামান্য হ'লেও সরকারী 'প্রমাণ সময়' হ'ল ৩০ মিনিট। ফলে মক্কার যখন মাগরিবের আযান হয়, ঢাকার মুহল্লীগণ তখন এশার ছালাত আদায়ের পর রাতের খানাপিনা শেষ

করেন। অনুরূপভাবে ঢাকায় যখন মাগরিব হয়, কানাডা, আমেরিকা ও অস্ট্রেলিয়ায় তখন ফজরের সময় হয়। এদেশে যখন রাত, ঐসব দেশে তখন দিন। এদেশে যখন শবে ক্বদর, ঐসব দেশে তখন যোহরের ছালাতের সময়। অতএব সারা বিশ্বে একই সময়ে চাঁদ দেখা ও একই দিনে ছিয়াম, শবেক্বদর ও ঈদ পালন করা সম্ভব নয়। যারা এটা করতে চান, তারা সূর্যের হিসাবে করতে পারেন। কিন্তু ইসলাম উক্ত ইবাদতগুলিকে চন্দ্রের সাথে সম্পৃক্ত করেছে। অতএব মূলনীতি পরিবর্তন করা সম্ভব নয়।

এখানে একটি বিষয় লক্ষণীয় যে, রামায়ান, হজ্জ, ঈদায়েন প্রভৃতি ইবাদতের হিসাব আল্লাহপাক চান্দ্র মাসের সাথে সম্পৃক্ত করেছেন, সৌর হিসাবে করেননি। যাতে পৃথিবীর সকল প্রান্তের মুসলমানের জন্য সকল ঋতুতে এগুলি পালনের সুযোগ হয়। অন্যথায় কোন দেশে কেবল গ্রীষ্মকালেই রামায়ান আসত, আবার কোন দেশে হয়ত কেবল শীতকালেই আসত। এতে নির্দিষ্ট এলাকার মুমিনদের উপরে অবিচার করা হ'ত। কেননা চান্দ্রমাস সৌরমাসের চেয়ে ছোট এবং প্রতি বছর ১১ দিন করে এগিয়ে আসে। ইসলাম বিশ্বধর্ম। তাই বিশ্বের সকল এলাকার সকল ঋতুর প্রতি সুবিচার করার জন্য উপরোক্ত ইবাদতগুলির অপেক্ষাকালকে আল্লাহ চান্দ্র মাসের সাথে যুক্ত করেছেন। পক্ষান্তরে ছালাতের দৈনন্দিন সময়কালকে সূর্যের সাথে হিসাব করা হয়েছে। অতএব চাঁদের হিসাবে সারা বিশ্বে একইদিনে ছিয়াম ও ঈদ পালন করা প্রকারান্তরে আল্লাহর উক্ত কল্যাণ বিধান থেকে মাহরুম হওয়ার শামিল।

উল্লেখ করা আবশ্যিক যে, হজ্জ ও আরাফাহ মক্কা শরীফের হিসাবেই হবে এবং হাদীছে যেহেতু 'ইয়াউমু আরাফাতা' শব্দ এসেছে, সে কারণ মক্কার বাইরের মুসলমানগণ আরাফার দিনেই নফল ছিয়াম পালন করবেন।

সউদী আরবের সাবেক প্রধান মুফতী শায়খ আবদুল আযীয বিন আবদুল্লাহ বিন বায (১৩৩০-১৪২০ হিঃ/ ১৯১৩-১৯৯৯ খৃঃ) এবং দ্বিতীয় মুফতী শায়খ মুহাম্মাদ বিন হালেহ আল-উছায়মীন (১৩৪৭-১৪২১ হিঃ/১৯২৭-২০০১ খৃঃ) উপরোক্ত মর্মে ফৎওয়া দিয়ে গেছেন। সেদেশের 'সর্বোচ্চ ওলামা পরিষদ'ও একই মত পোষণ করেন (দ্রঃ মজমু' ফাতাওয়া ইবনে বায ৫/১৬০-১৭৯; আল-উছায়মীন, ফাতাওয়া আরকানুল ইসলাম প্রস্তুতকৃত নং ৩৯৩-৩৯৪, পৃঃ ৪৫১-৪৫৪)।

জানিনা ১৯৮৬ খৃষ্টাব্দে জর্ডানের রাজধানী আম্মানে অনুষ্ঠিত 'ইসলামী ফিকুহ একাডেমী'-র বৈঠকে প্রস্তাব গ্রহণের সময় সউদী আরবের উপরোক্ত শ্রেষ্ঠ মুফতীগণ উপস্থিত ছিলেন কি-না।

**প্রশ্নঃ (২/১২২)ঃ আমাদের কুলে প্রতিদিন সকালে পতাকাতে সালাম জানানোর মধ্য দিয়ে জাতীয় সংগীত গাওয়া হয়। শিক্ষক ও ছাত্ররা সারিবদ্ধ হয়ে নীরবে দাঁড়িয়ে থাকেন আর কিছু ছাত্র সংগীত গায়। এটা শরী'আত সম্মত কি-না তা জানিয়ে বাখিত করবেন।**

-মুহাম্মাদ মাস'উদ রেয়া  
শিক্ষক, করমদি মাধ্যমিক বিদ্যালয়  
গাংনী, মেহেরপুর।

উত্তরঃ দেশের পরিচিতি হিসাবে জাতীয় পতাকা উড্ডয়ন করা যাবে (হুজুরাত ১৩)। তাছাড়া রাসূলুল্লাহ (ছাঃ) যুদ্ধের সময় পতাকা উত্তোলন করতেন (তিরমিযী, আবুদাউদ, মিশকাত হা/৩৮৮৯; সনদ হাসান, হেদায়াতুর রুওয়াত হা/৩৮১২)। কিন্তু জাতীয় পতাকাকে সালাম জানানো, তার সম্মানে দাঁড়িয়ে থাকা এবং তার সামনে দাঁড়িয়ে নীরবতা পালন করা ইসলামী শরী'আতের পরিপন্থী। কেননা তা বিধর্মীদের সাথে সাদৃশ্যপূর্ণ কাজ, যা মুসলমানদের জন্য অবশ্য বর্জনীয়। রাসূলুল্লাহ (ছাঃ) বলেন, 'যে ব্যক্তি অন্য জাতির সাদৃশ্যপূর্ণ কাজ করবে, সে তাদেরই অন্তর্ভুক্ত হবে অর্থাৎ হাশর-নাশর তাদের সাথেই হবে' (আহমাদ, আবুদাউদ, তাহকীকে মিশকাত হা/৪৩৪৭ 'পোষাক' অধ্যায়)।

দ্বিতীয়তঃ বাংলাদেশের জাতীয় সংগীত শিরক মিশ্রিত। যা মুখে বলা ও হৃদয়ে বিশ্বাস করা অমার্জনীয় গোনাহের কাজ। নিষ্পাপ বাচ্চাদের হৃদয়ে যারা এই বিশ্বাস প্রোথিত করে দিচ্ছেন, তারা আরও বেশী গোনাহগার হচ্ছেন। উক্ত গানে 'বাংলা'-কে 'মা' সম্বোধন করা হয়েছে এবং গানের মধ্যে উক্ত কল্পিত মায়ের একটি চিত্র তুলে ধরা হয়েছে। যেখানে মায়ের মুখের 'মধুর হাসি', 'মুখের বাণী', মায়ের বদন, মায়ের আকাশ, মায়ের বাতাস, সবই 'বাংলা' মায়ের বলে স্বীকৃতি দেওয়া হয়েছে, যা ইসলামের তাওহীদ বিশ্বাসের সম্পূর্ণ বিরোধী।

তৃতীয়তঃ এ গানটি বাংলাদেশ-এর স্বাধীন অস্তিত্বের বিরোধী। কেননা এ গানটি রবীন্দ্রনাথ ঠাকুর (১৮৬১-১৯৪১খৃঃ) রচনা করেছিলেন ১৯০৫ সালে 'বঙ্গভঙ্গ' রদ করে পূর্ব ও পশ্চিম বাংলাকে একীভূত করার উদ্দেশ্যে। এসময় ঢাকাকে রাজধানী করে মুসলিম সংখ্যাগরিষ্ঠ পূর্ব বাংলা ও আসামকে একত্রিত করে একটি স্বতন্ত্র রাজ্যের মর্যাদা দেওয়ার জন্য বৃটিশ সরকার সিদ্ধান্ত গ্রহণ করেন। হিন্দু নেতারা একে Vivisection of mother বা 'মায়ের অঙ্গচ্ছেদ' বলে অভিহিত করেন এবং উক্ত সিদ্ধান্তের প্রতিবাদেই উক্ত গান রচিত হয়। ফলে হিন্দুদের ব্যাপক আন্দোলনের মুখে বৃটিশ সরকার ১৯১১ সালের ১২ই ডিসেম্বর 'বঙ্গভঙ্গ' রদ করতে বাধ্য হয় ও উভয় বাংলা পুনরায় এক হয়ে যায়। পরবর্তীতে ১৯৪৭ সালে পূর্ব বাংলা স্বাধীন পাকিস্তানের অংশ হিসাবে 'পূর্ব পাকিস্তান' রূপে পৃথক প্রাদেশিক মর্যাদা পায় এবং উক্ত মানচিত্রের উপরেই ১৯৭১ সালে স্বাধীন 'বাংলাদেশ' প্রতিষ্ঠা লাভ করে। এ গান তাই বাংলাদেশকে পশ্চিম বঙ্গের সাথে মিলে গিয়ে ভারতের অঙ্গরাজ্যে পরিণত হবার আহ্বান জানায়। যা কোন সত্যিকারের দেশপ্রেমিক মেনে নিতে পারে না। ইসলাম তার অনুসারীদেরকে তাদের রাষ্ট্রীয় স্বাধীনতা রক্ষার জন্য জানমাল কুরবানী দিতে উদ্বুদ্ধ করে (আনফাল ৬০)।

প্রশ্নঃ (৩/১২৩)ঃ ইমামের পিছনে জামা'আতে ছালাত আদায়ের সময় তিন রাক'আত হয়ে গেলে অথবা শেষ বৈঠকে মুক্তাদী জামা'আতে শরীক হ'লে বাকি রাক'আতগুলিতে শুধু সূরা ফাতিহা পড়বে, না এক বা দুই রাক'আতে সূরা ফাতিহা সহ অন্য সূরা মিলাবে। কুরআন ও হুহীহ হাদীছের আলোকে সঠিক উত্তরদানে বাধিত করবেন।

-মুহাম্মাদ ইদ্রীস আলী  
মুজত্তলি, মণিরামপুর, যশোর।

উত্তরঃ ইমামের সাথে ছালাতের কিছু অংশ পেলে তাকে 'মাসবুক' বলে। যদি কেউ ৪ রাক'আত বিশিষ্ট ছালাতের এক রাক'আত ইমামের সাথে পায় তবে সেটি তার প্রথম রাক'আত হিসাবে গণ্য হবে। সে পরের রাক'আতে সূরা ফাতিহা ও অন্য একটি সূরা পড়ে তাশাহহুদ পড়বে এবং শেষের দুই রাক'আতে শুধু সূরা ফাতিহা পড়ে সালাম ফিরাবে। আর যদি তিন রাক'আত বিশিষ্ট ছালাতে অর্থাৎ মাগরিব ১ রাক'আত ইমামের সাথে পায়, তবে পরের রাক'আতে সূরা ফাতিহা ও অন্য একটি সূরা পড়ে তাশাহহুদ পড়বে। তৃতীয় রাক'আতে শুধু সূরা ফাতিহা পড়বে। বায়হাক্কী হযরত আলী (রাঃ) ও ইবনে ওমর (রাঃ) হ'তে বর্ণনা করেন, 'তুমি ইমামের সাথে যতটুকু পাবে সেটিই তোমার প্রথম ছালাত বলে গণ্য হবে'। সনদ 'জাইয়িদ' বা 'উত্তম' (মির'আতুল মাফাতীহ ২/৩৯০ হা/৬৯১-এর ডাখ্য, বায়হাক্কী আস-সুনানুল কুবরা ২/৪২৪ পৃঃ, হা/৩৬৩১)।

প্রশ্নঃ (৪/১২৪)ঃ রামায়ান মাসে ই'তেকাফ অবস্থায় এবং অন্য সময় মসজিদের বারান্দায় রেডিওর খবর শুনা এবং খবরের কাগজ পড়া যাবে কি-না?

-মুহাম্মাদ খাজির উদ্দীন  
নোনামাম (দহপাড়া), বিরল, দিনাজপুর।

উত্তরঃ ই'তেকাফ অবস্থায় হৌক বা ই'তেকাফ বিহীন অবস্থায় হৌক যে সমস্ত পত্রিকা অশ্লীলতা থেকে মুক্ত, সে সমস্ত পত্রিকা মসজিদের বারান্দায় পড়া যায়। যেমন বিভিন্ন ইসলামী পত্রিকা সমূহ। আর যেহেতু রেডিওতে ভালো-মন্দ উভয়টিই শোনানো হয়, সেহেতু মসজিদে রেডিও শোনা থেকে বিরত থাকা কর্তব্য।

প্রশ্নঃ (৫/১২৫)ঃ মানুষের সূত্ব হওয়ার আগে এবং পরে তার শিয়রে বসে কুরআন পড়া যাবে কি? জৈনক আলেম আবুদাউদ শরীফের উক্ততি দিয়ে মা'ক্বিল ইবনু ইয়াসার বর্ণিত হাদীছ অনুযায়ী উক্ত অবস্থায় কুরআন পাঠ করার অনুমতি প্রদান করেন। সঠিক উত্তর জানতে চাই।

-মুহাম্মাদ আব্দুল লতীফ  
রাজপুর, কলারোয়া, সাতক্ষীরা।

উত্তরঃ প্রশ্নে উল্লেখিত হাদীছটি ضعيف বা দুর্বল হওয়ার কারণে তার প্রতি আমল করা ঠিক নয় (তাহকীকে মেশকাত

হা/১৬২২)। পক্ষান্তরে আবু সাঈদ এবং আবু হুরায়রা (রাঃ) হ'তে বর্ণিত আছে, রাসূলুল্লাহ (ছাঃ) বলেন, 'তোমাদের মুমূর্ষু ব্যক্তিকে কালেমা  $\text{لا اله الا الله}$  -এর তালক্বীন দান কর' (মুসলিম, মিশকাত হা/১৬১৬, মুমূর্ষু ব্যক্তির নিকট যা বলতে হয় তার অনুচ্ছেদ)।

**প্রশ্নঃ (৬/১২৬)ঃ** আমি একজন মুসলিম। সাধ্যানুযায়ী ইসলাম পালন করি। কিন্তু দুঃখের বিষয় হ'ল, আমি হিন্দু বসতির মাঝে বসবাস করি। কিন্তু তাদের সাথে আমার সম্পর্ক নেই। তবে আমার অপারগতার কারণে একটি হিন্দু মহিলাকে পারিশ্রমিক দিয়ে গাভীর দুধ দোহন করে নেই। এটা বৈধ হবে কি?

-আলহাজ্জ মুহাম্মাদ আকবর হোসায়েন মুহারাপুর, তালুক কানুপুর গোবিন্দগঞ্জ, গাইবান্ধা।

**উত্তরঃ** হিন্দু মহিলাকে পারিশ্রমিক দিয়ে বাড়ির কাজের জন্য রাখা যাবে এবং তার হাতের রান্নাও খাওয়া যাবে। ইমাম আহমাদ ইবনু হাম্বল (রহঃ) বলেন, 'মহিলা মজুর হ'লে (চাই সে মুসলিম হোক অথবা কাফির হোক) শর্ত হ'ল যে, ফিৎনা থেকে বেঁচে থাকতে হবে এবং নিষিদ্ধ বস্তুর দিকে দৃষ্টি দেওয়া থেকে বিরত থাকতে হবে' (আল-মাউসুআ 'তুল ফিক্কাইয়াহ ১/২৮৮)। রাসূলুল্লাহ (ছাঃ) একদা এক মুশরিক মহিলার মশক থেকে পানি পান করেছিলেন (বুখারী, মুসলিম, মিশকাত হা/৫৮৮৪; আত-তাহরীক নভেম্বর ২০০০ প্রশ্নোত্তর ৬/৪১)।

মাওলানা আব্দুল হাই লাক্কৌতী বলেন, 'অমুসলিম (كافرة) মহিলাকে চাকরানী রাখা জায়েয' (আব্দুল হাই, মাজমু'আহ ফাতাওয়া, পৃঃ ৩০৮, প্রশ্নোত্তর নং ৫০২)।

**প্রশ্নঃ (৭/১২৭)ঃ** খাস জমিতে মসজিদ নির্মাণ এবং দোকানপাট করে ব্যবসা করা বৈধ হবে কি?

-রুহুল আমীন প্রভাষক প্রেমতলী ডিগ্রী কলেজ, রাজশাহী।

**উত্তরঃ** মসজিদের জন্য মালিকের পক্ষ থেকে জমি ওয়াকফ হওয়া যরুরী। তবে খাস জমিতে সরকারী বাধা-নিষেধ না থাকলে সেখানে মসজিদ নির্মাণ করে ছালাত আদায় করা জায়েয হবে। তেমনি মানুষের চলাচলে অসুবিধা না হ'লে, রাস্তার পার্শ্বে মসজিদ নির্মাণ করা জায়েয হবে (ফাতাওয়া রাশীদিয়া, পৃঃ ৫০১)। আব্দুল হাই লাক্কৌতী বলেন, 'প্রশস্ত রাস্তার কিছু অংশে মসজিদ নির্মাণ করলে, তাতে কোন শারঈ বাধা নেই' (ফাতাওয়া আবদুল হাই, ২৭০ পৃঃ)। খাস জমিতে দোকানপাট তৈরী করে ব্যবসা করা অতক্ষণ বৈধ হবে, যতক্ষণ সরকার তাতে বাধা না দিবে। কেননা জমিকে অনাবাদী ফেলে রাখতে আল্লাহর রাসূল (ছাঃ) নিষেধ করেছেন (বুখারী- মর্মার্থ, মিশকাত হা/২৯৯১-৯২ 'ক্রয়-বিক্রয়' অধ্যায় 'অনাবাদী জমি আবাদ করা' অনুচ্ছেদ)।

**প্রশ্নঃ (৮/১২৮)ঃ** সেচ ও বৃষ্টির পানির মাধ্যমে উৎপাদিত ফসলের ওশর কিভাবে বের করতে হবে?

-মাওলানা গোলাম রহমান বিশ্বাস বাঁটরা, কলারোয়া, সাতক্ষীরা।

**উত্তরঃ** শুধু বৃষ্টি, বন্যা বা নালার পানিতে ফসল উৎপন্ন হ'লে ১০ ভাগের এক ভাগ ওশর দিতে হয়। যেহেতু কিছু সেচের পানির মাধ্যমে জমিতে ফসল উৎপাদিত হয়েছে, সেহেতু সেচের পানির হুকুম প্রযোজ্য হবে। অর্থাৎ ২০ ভাগের এক ভাগ ওশর দিতে হবে।

আব্দুল্লাহ ইবনু ওমর (রাঃ) বলেন, রাসূলুল্লাহ (ছাঃ) এরশাদ করেন, 'যে শস্য আকাশের পানি বা বন্যা কিংবা নালার পানির মাধ্যমে উৎপন্ন হবে তাতে ১০ ভাগের এক ভাগ এবং যে শস্য সেচের মাধ্যমে হয়, তাতে বিশ ভাগের এক ভাগ (নিছফে ওশর) দিতে হবে' (বুখারী, মিশকাত হা/১৭৯৭ 'যাকাত' অধ্যায়)। ওশর ও নিছফে ওশর উভয় হাদীছের মর্ম অনুযায়ী ইমাম শওকানী (রহঃ) বলেন, যে শস্য চাষে অধিক খরচ হয় না, সেখানে দশ ভাগের একভাগ এবং যে শস্য চাষের খরচ অধিক, সেখানে বিশ ভাগের এক ভাগ ওশর দিতে হবে'। ইমাম নববী বলেন, 'এ বিষয়ে বিদ্বানগণ সকলে একমত' (নায়লুল আওত্বার ৫/১৮১ পৃঃ 'ফসল ও ফলের যাকাত' অনুচ্ছেদ)।

**প্রশ্নঃ (৯/১২৯)ঃ** মহিষ কুরবানী দেওয়া যাবে কি? পরিবারের সদস্য সংখ্যা অনেক হ'লে এবং কুরবানীর গোশতে যদি সকলের একবার খাওয়ার মত হয়, তাহ'লে কি ফকীর-মিসকীনকে গোশত দিতে হবে?

-আবুল কালাম আযাদ উপযেলা কৃষি অফিস, কুমারখালী, কুষ্টিয়া।

**উত্তরঃ** সূরা হুজ্জের ৩৪ ও ৩৬ নং আয়াতে  $\text{الْبِذْنِ وَ الْاَنْعَامِ}$  শব্দ উল্লেখিত রয়েছে, যা উট, গরু বা গরু

জাতীয় পশুকে বুঝায়। আর মহিষ ও গরু যে একই জাতীয় পশু এ ব্যাপারে সকল বিদ্বান একমত। কাজেই মহিষের গোশত খাওয়াতে ও তা কুবানী দেওয়াতে কোন দোষ নেই। হাসান (রাঃ) বলেন, 'মহিষ গরুর স্থলাভিষিক্ত' (মুহন্নাক ইবনু আবী শায়বা; মির'আত ৫/৮১ 'কুরবানী' অনুচ্ছেদ, দ্রষ্টব্যঃ জানুয়ারী ২০০৩, প্রশ্নোত্তর ১২/১১৭)।

রাসূলুল্লাহ (ছাঃ) এরশাদ করেন, 'তোমরা (কুরবানীর গোশত) খাও, জমা রাখ এবং ছাদাক্বাহ কর' (মুসলিম, ইরওয়া হা/১১৫৬, ৪/৩৭০ পৃঃ)। উক্ত নির্দেশ অনুযায়ী কুরবানীর গোশত তিনভাগ করা উত্তম। যার এক ভাগ ঐসকল মিসকীনকে দেওয়া উচিত, যারা কুরবানী দিতে পারেননি (ফিক্কাহুস সুনাহ ২/৩১ 'কুরবানীর গোশত বন্টন' অনুচ্ছেদ; দ্রঃ মাসায়েলে কুরবানী পৃঃ ১০)।

**প্রশ্নঃ (১০/১৩০)ঃ** কুরবানীর দিন দুপুর পর্যন্ত নাকি ছিয়াম রাখতে হয়? এর সত্যতা জানতে চাই।

-ইবরাহীম

দিয়াড় মানিক চক, চাঁপাই নবাবগঞ্জ।

**উত্তরঃ** কুরবানীদাতার জন্য ঈদের দিন কুরবানীর গোশত খাওয়ার পূর্ব পর্যন্ত না খেয়ে থাকা সুন্নাত। এর নাম ছিয়াম নয়। বুয়ান্দা (রাঃ) বলেন, ‘রাসূলুল্লাহ (ছাঃ) ঈদুল ফিতর-এর দিন না খেয়ে ঈদগাহের উদ্দেশ্যে বের হ’তেন না। আর ঈদুল আযহার দিন ছালাত শেষ না করে খেতেন না’ (তিরমিযী, ইবনু মাজাহ ও দারেমী, সনদ হুহীহ, মিশকাত হা/১৪৪০, ‘দুই ঈদের ছালাত’ অনুচ্ছেদ)। কুরবানীর পশুর কলিজা দ্বারা ইফতার করা সুন্নাত (বায়হাকী, মির’আত ২/৩০৮ পৃ)।

**প্রশ্নঃ (১১/১৩১)ঃ** ওয়ুর অঙ্গের ক্ষত স্থানে পট্টি লাগান থাকলে, কিভাবে ওয়ু করতে হবে?

-রোয়াউল করীম  
রেলবাজার, গোদাগাড়ী, রাজশাহী।

**উত্তরঃ** আব্দুল্লাহ ইবনু ওমর (রাঃ) হ’তে বর্ণিত, তিনি বলেন, ‘যে ব্যক্তির ক্ষতস্থানে পট্টি আছে, সে ওয়ু করবে ও পট্টির উপরে মাসাহ করবে। আর পট্টির আশ-পাশে ধৌত করবে’ (বায়হাকী, হাদীছ হুহীহ, মির’আত হা/৫৩৩-এর ব্যাখ্যা, ‘পট্টির উপর মাসাহ করা’ অনুচ্ছেদ; দ্রঃ অক্টোবর ২০০২, প্রশ্নোত্তর ২০/২০)।

**প্রশ্নঃ (১২/১৩২)ঃ** কুরবানীর গোশত কত দিন পর্যন্ত রেখে খাওয়া যাবে? কুরবানীর গোশত ৮ ভাগ করে ৭ ভাগ নিজে রেখে একভাগ সমাজে বিতরণ করা বৈধ হবে কি?

-আব্দুল জব্বার  
গাবতলী, বগুড়া

ও  
আব্দুল্লাহ  
মথুরা, নওহাটা, রাজশাহী।

**উত্তরঃ** গরীব-মিসকীনকে কুরবানীর গোশত দেওয়ার পর যতদিন ইচ্ছা রেখে খাওয়া যাবে। রাসূলুল্লাহ (ছাঃ) এরশাদ করেন, **كُلُوا وَأَخْرُوا وَتَصَدَّقُوا** ‘তোমরা (কুরবানীর গোশত) খাও, জমা রাখ এবং ছাদাকাহ কর’ (মুসলিম, হুহীহ নাসাঈ হা/৪৪৪৩, ‘কুরবানীর গোশত জমা রাখা’ অনুচ্ছেদ; ইরওয়া হা/১১৫৬, ৪/৩৬৯-৭০ পৃঃ; হুহীহ আবুদাউদ হা/২৫০৩)। উল্লেখিত হাদীছ দ্বারা স্পষ্টভাবে প্রতীয়মান হয় যে, কুরবানীর গোশত জমা রাখার নির্দিষ্ট সময় নির্ধারণ করা হয়নি। সুতরাং যতদিন ইচ্ছা জমা রেখে কুরবানীর গোশত খেতে পারবে। কুরবানীর গোশত ৮ ভাগ করার কোন ইঙ্গিত হাদীছে পাওয়া যায় না। অতএব উক্ত নিয়ম বাতিলযোগ্য।

**প্রশ্নঃ (১৩/১৩৩)ঃ** কুরবানীর পশু নিজে যবেহ করবে, না অন্যের মাধ্যমে যবেহ করবে? কুরবানীর পশুর মাথাগুলি যবেহকারী ইমাম ছাহেব নিয়ে নেন। এটা কি ঠিক?

-মুহাম্মাদ ও’আইব আলী  
দুবইল, মান্দা, নওগাঁ।

**উত্তরঃ** কুরবানীর পশু নিজ হাতে যবেহ করা সুন্নাত (হুহীহ ইবনু মাজাহ হা/২৫৭১)। তবে অন্যের মাধ্যমেও যবেহ করা যায়। জাবির ইবনু আবদিল্লাহ (রাঃ) বলেন, রাসূলুল্লাহ (ছাঃ) কিছু উট নিজ হাতে যবেহ করলেন এবং কিছু উট অন্যের মাধ্যমে যবেহ করলেন (হুহীহ নাসাঈ হা/৪৪৩১; দ্রষ্টব্য অক্টোবর ২০০১ প্রশ্নোত্তর ৪/৪)। যবেহের পারিশ্রমিক হিসাবে ইমাম ছাহেবকে টাকা দিতে হবে। কুরবানীর গোশত বা মাথা দেওয়া যাবে না (ফিক্‌হুস সুন্নাহ ২/৩৯ পৃঃ, ‘কুরবানীর গোশত বন্টন’ অনুচ্ছেদ)। তবে ঐ ব্যক্তি দরিদ্র হলে হাদিয়া স্বরূপ তাকে কিছু দেওয়ায় দোষ নেই (মুগনী ১১/১১০)।

**প্রশ্নঃ (১৪/১৩৪)ঃ** সামর্থ্য না থাকলেও ধার করে কুরবানী করতে হবে কি? একই পরিবারের সদস্যগণ পৃথকভাবে আয় করলে, সবাই মিলে ১টি কুরবানী করবে, না সবাইকে আলাদাভাবে কুরবানী করতে হবে?

-মুহাম্মাদ আলতাফ আলী  
এ.বি, ব্যাংক, নওগাঁ  
ও  
হাবীবুর রহমান  
সাহেব বাজার, রাজশাহী।

**উত্তরঃ** রাসূলুল্লাহ (ছাঃ) এরশাদ করেন, ‘সামর্থ্য থাকা সত্ত্বেও যে ব্যক্তি কুরবানী করল না, সে যেন আমাদের ঈদগাহের নিকটবর্তী না হয়’ (ইবনু মাজাহ, নায়ল ৬/২২৭)। অতএব সামর্থ্য থাকলেই কুরবানী করতে হবে, না থাকলে নয়। তবে ধার করে কুরবানী করতে হবে এরূপ বাধ্য-বাধকতা শরী’আতে নেই (দ্রঃ ফেব্রুয়ারী ২০০২ প্রশ্নোত্তর ২৫/১৬৫)।

একই পরিবার এক সাথে থাকলে পরিবারের পক্ষ থেকে একটি পশু কুরবানী করলে যথেষ্ট হবে। একাধিক কুরবানী করলেও করতে পারেন (বিস্তারিত দেখুনঃ ডঃ মুহাম্মাদ আসাদুল্লাহ আল-গালিব প্রণীত মাসায়েলে কুরবানী)।

**প্রশ্নঃ (১৫/১৩৫)ঃ** ঈদুল আযহার চাঁদ উঠলে সকলের জন্য নখ ও চুল কাটা নিষেধ, না শুধু কুরবানীদাতার জন্য? আর যারা কুরবানী দিতে পারে না, তারা গোশত খাওয়ার জন্য সেদিন মুরগী যবেহ করতে পারবে কি?

-আতাউর রহমান  
বড়কুড়া, কামারখন্দ  
সিরাজগঞ্জ

ও  
আব্দুল বারী  
জুমারবাড়ী, গাইবান্ধা।

**উত্তরঃ** উম্মু সালামাহ (রাঃ) থেকে বর্ণিত রাসূলুল্লাহ (ছাঃ) এরশাদ করেন, ... ‘যে ব্যক্তি যুলহিজ্জার চাঁদ দেখবে এবং কুরবানী করার ইচ্ছা করবে, সে যেন চুল ও নখ না কাটে’ (মুসলিম, মিশকাত হা/১৪৫৯ ‘কুরবানী’ অনুচ্ছেদ)। উল্লেখিত হাদীছ দ্বারা প্রতীয়মান হয় যে, কুরবানীদাতার জন্য চুল ও নখ কাটা নিষেধ। তবে অন্যের জন্য নিষেধ না হলেও না



কাটাই উত্তম হবে। কেননা রাসূলুল্লাহ (ছাঃ) জনৈক কুরবানী দিতে অক্ষম ব্যক্তির জবাবে বলেন, তুমি এদিন তোমার চুল, নখ, লোম কর্তন কর। সেটাই তোমার জন্য আল্লাহর নিকটে পূর্ণাঙ্গ কুরবানী হিসাবে গৃহীত হবে' অর্থাৎ পূর্ণ কুরবানীর নেকী পাবে। (আবুদাউদ, নাসাই, হাকেম একে ছহীহ বলেছেন। যাহাবী তাকে সমর্থন করেছেন ৪/২২৩: মির'আত ৫/১১৭)। আর কুরবানীর দিন শুধু নয়, যেকোন দিন হালাল পশু যবেহ করে খাওয়া যাবে। তবে কুরবানীর নিয়তে মুরগী যবেহ করা যাবে না। কেননা মুরগী কুরবানীর পশুর অন্তর্ভুক্ত নয়।

**প্রশ্নঃ (১৬/১৩৬)ঃ জনৈক আলেম কবরস্থানে গিয়ে সম্মিলিতভাবে হাত উঠিয়ে দো'আ করেছেন। এটা কি ঠিক?**

-মুহাম্মাদ আতাউর রহমান  
সারাংপুর, গোদাগাড়ী, রাজশাহী।

**উত্তরঃ** সম্মিলিতভাবে হাত উঠিয়ে দো'আ করার প্রচলিত নিয়মটি ছহীহ হাদীছ দ্বারা প্রমাণিত নয়, বিধায় এটি পরিত্যাজ্য। তবে বিশেষ কোন দিন বা রাত নির্ধারণ না করে একাকী কবরস্থানে গিয়ে কবরবাসীর জন্য হাত তুলে দো'আ করা যায়।

রাসূলুল্লাহ (ছাঃ) 'বাক্বীউল গারক্বাদ' কবরস্থানে গিয়ে কবরবাসীর উদ্দেশ্যে একাকী হাত তুলে দো'আ করেছিলেন (মুসলিম ১/৩১৩ পৃঃ 'জানাযা' অধ্যায়, 'কবরবাসীদের সালাম ও তাদের জন্য দো'আ' অনুচ্ছেদ)।

**প্রশ্নঃ (১৭/১৩৭)ঃ ঈদগাহকে বিভিন্ন রঙিন কাগজ দ্বারা সজ্জিত করা যাবে কি? কুরবানীর পশু কেনার পর অসুখ হ'লে সেটি বিক্রি করে ভাল পশু ক্রয় করা যাবে কি?**

-সুলতান মাহমুদ  
মুলগ্রাম, কালাই, জয়পুরহাট  
ও  
আশরাফ আলী  
হরিপুর, চাঁপাই নবাবগঞ্জ।

**উত্তরঃ** বর্তমানে কোন কোন ঈদগাহ যেভাবে সুদৃশ্য গেইট নির্মাণ করে ও রঙিন কাগজ ইত্যাদি দ্বারা সুসজ্জিত করা হয়ে থাকে, তা শরী'আত সম্মত নয়। কারণ ঈদগাহ হ'ল ইবাদতের স্থান। ইবাদতের স্থানে সাজ-সজ্জা করা যাবে না। ইবনু আব্বাস (রাঃ) বলেন, রাসূলুল্লাহ (ছাঃ) বলেছেন, 'মসজিদ সমূহকে চাকচিক্যময় করে নির্মাণ করার জন্য আমি আদিষ্ট হইনি'। অতঃপর ইবনু আব্বাস (রাঃ) বলেন, (কিন্তু বড় দুঃখের বিষয় যে,) তোমরা উহাকে (বিভিন্নভাবে) চাকচিক্যময় করবে, যেভাবে ঈহুদী-খৃষ্টানরা করেছে' (আবুদাউদ, সনদ ছহীহ, মিশকাত হা/৭১৮ 'মসজিদ সমূহ ও ছালাতের স্থান সমূহ' অনুচ্ছেদ)। তবে মসজিদকে পরিকার-পরিচ্ছন্ন রাখার ব্যাপারে রাসূল (ছাঃ)-এর নির্দেশ রয়েছে (আবুদাউদ, তিরমিযী, সনদ ছহীহ, মিশকাত হা/৭১৭, এ)। অতএব ঈদগাহ ছালাতের স্থান হিসাবে তাকে

পরিকার-পরিচ্ছন্ন রাখতে হবে। তবে বিশেষ কোন সাজ-সজ্জা নয়।

কুরবানীর পশুর অসুখ হ'লে সেটি বিক্রি করে ভাল পশু কিনে কুরবানী করতে শরী'আতে কোন বাধা নেই।

**প্রশ্নঃ (১৮/১৩৮)ঃ মৃতব্যক্তির পক্ষ থেকে কুরবানী দেওয়া যাবে কি? যবহের পূর্বে কুরবানীর পশুর চামড়া বিক্রি করা যাবে কি?**

-আযীযুল হক  
সিতাইকুণ্ড, কোটালীপাড়া, গোপালগঞ্জ  
ও  
হাদেকুল ইসলাম  
নোয়াগাঁও, আড়াই হাযার, নারায়ণগঞ্জ।

**উত্তরঃ** মৃতব্যক্তির জন্য পৃথকভাবে কুরবানী দেওয়ার কোন ছহীহ দলীল নেই। আলী (রাঃ) রাসূলুল্লাহ (ছাঃ)-এর অছিয়ত হিসাবে তাঁর জন্য পৃথক একটি দুশ্বা কুরবানী করেছিলেন বলে তিরমিযীতে যে হাদীছটি এসেছে (মিশকাত হা/১৪৬২ 'কুরবানী' অনুচ্ছেদ টীকা নং ২), তা নিতান্তই যঈফ। অন্য কোন ছাহাবী রাসূলুল্লাহ (ছাঃ)-এর জন্য বা কোন মৃতব্যক্তির জন্য এভাবে কুরবানী করেছেন বলে জানা যায় না। আব্দুল্লাহ ইবনুল মুবারক (১১৮-১৮১হিঃ) বলেন, 'যদি কেউ (মৃত ব্যক্তির পক্ষ থেকে) কুরবানী করেই বসে তবে সবটুকু ছাদাক্বাহ করে দিতে হবে' (তিরমিযী, তুহফাতুল আহওয়ালী সহ হা/১৫২৮, ৫/৭৮-৮০ পৃঃ; দ্রঃ মাসায়েলে কুরবানী পৃঃ ১০; ডিসেম্বর ২০০১ প্রশ্নোত্তর ১৬/৮৬)। উল্লেখ্য যে, যবহের পূর্বে কুরবানীর পশুর চামড়া বিক্রি করাতে কোন বাধা নেই।

**প্রশ্নঃ (১৯/১৩৯)ঃ ইমাম হাফেয কর্তৃক ঈদের তাকবীর ডুলবশতঃ কমবেশী হয়ে গেলে সহো সিজদা লাগবে কি?**

-হাসীনুর রহমান  
গোমস্তাপুর, নাচোল, চাঁপাই নবাবগঞ্জ।

**উত্তরঃ** ডুলবশতঃ ঈদের তাকবীর কমবেশী হ'লে ছালাত শুদ্ধ হয়ে যাবে এবং এর জন্য সহো সিজদা লাগবে না (ফিক্বহুস সুন্নাহ ১/২৭০ পৃঃ; 'দুই ঈদের ছালাতের তাকবীর' অনুচ্ছেদ)।

**প্রশ্নঃ (২০/১৪০)ঃ জন্ম দিবস পালন করা ও তার দাওয়াত খাওয়া যাবে কি?**

-মুহাম্মাদ মুহতুফা  
কাঁঠালপাড়া, নবাবগঞ্জ, দিনাজপুর।

**উত্তরঃ** রাসূলুল্লাহ (ছাঃ) ও ছাহাবায়ে কেরামের যুগে জন্ম ও মৃত্যুদিবস কিংবা অন্য কোনরূপ দিবস পালনের ও দাওয়াত কবুলের কোন নযীর নেই। এসব অমুসলিমদের অনুকরণে পালিত রেওয়াজ। মুসলমানদেরকে এসব থেকে দূরে থাকতে হবে। রাসূলুল্লাহ (ছাঃ) এরশাদ করেন, 'যে ব্যক্তি কোন সম্প্রদায়ের সাদৃশ্য অবলম্বন করবে, সে তাদের অন্তর্ভুক্ত হবে' (আবুদাউদ, সনদ হাসান, মিশকাত হা/৪৩৪৭ 'পোষাক' অধ্যায়)।

**প্রশ্নঃ (২১/১৪১)ঃ** স্বামী-স্ত্রী পরস্পরকে সন্তোষন করার পদ্ধতি কি হবে? স্ত্রী কি স্বামীকে ভাই কিংবা বাবা বলে ডাকতে পারবে?

-মুহাম্মাদ মাহবুব ইসলাম  
উত্তর শালিখা, মেহেরপুর।

**উত্তরঃ** স্বামী-স্ত্রী ছেলেমেয়ের নামের সাথে যোগ করে ডাকতে পারে। যেমন হে অমুকের আব্বা বা অমুকের আম্মা! (আবুদাউদ, নাসাই, সনদ জাইয়েদ, মিশকাত হা/৪৭৬৬ 'শিষ্টাচার' অধ্যায়, 'নাম রাখা' অনুচ্ছেদ)। স্বামী-স্ত্রী পরস্পরের নাম ধরেও ডাকতে পারে। রাসূলুল্লাহ (ছাঃ) আয়েশা (রাঃ)-কে নাম ধরে ডাকতেন (তিরমিযী, মিশকাত হা/৬১৬৭)।

ইবরাহীম (আঃ)-কে তাঁর স্ত্রী নাম ধরে ডেকেছিলেন (বুখারী ১/৪৭৪)। মুমিনগণ পরস্পর ভাই ভাই (إِنَّمَا الْمُؤْمِنُونَ إِخْوَةٌ)। সে হিসাবে স্ত্রী যদি স্বামীকে ভাই বলে ডাকে তবে তাতে কোন অসুবিধা নেই। কিন্তু বর্তমানে কেউ কেউ স্বামীকে 'বাবা' বলে সন্তোষন করে থাকে এটি কবীরা গোনাহ। কারণ বাবা অর্থ পিতা, যা স্ত্রী কোন অবস্থাতেই তার স্বামীকে বলতে পারে না।

**প্রশ্নঃ (২২/১৪২)ঃ** কোন কোন বক্ষ্যা মহিলা পর পুরুষের বীর্য গ্রহণ করে সন্তানের মা হচ্ছে। এটা কি জায়েয।

-মুহাম্মাদ রফীকুল হক  
ঘোনা, সাতক্ষীরা

ও  
মিসেস সালমা  
নওদাপাড়া, রাজশাহী।

**উত্তরঃ** কোন নারী অপর কোন পুরুষের বীর্য গর্ভে ধারণ করতে পারে না। কারণ এটা স্পষ্ট যেনা। দ্বিতীয়তঃ এর ফলে সন্তানের কোন বংশ পরিচয় থাকে না। অথচ আল্লাহ তা'আলা বলেন, 'আমি মানব সমাজের মধ্যে বংশ ও গোত্র করে সৃষ্টি করেছি, যেন তোমরা পরস্পরে পরিচিত হতে পার' (হুজুরাত ১৩)। তৃতীয়তঃ বক্ষ্যা হওয়া না হওয়া এটি সম্পূর্ণ আল্লাহর এখতিয়ারে। তিনি যা ইচ্ছা সৃষ্টি করেন, যাকে ইচ্ছা কন্যা এবং যাকে ইচ্ছা পুত্র সন্তান দান করেন। অথবা তাদের পুত্র ও কন্যা উভয় দান করেন এবং যাকে ইচ্ছা বক্ষ্যা করে রাখেন' (শূরা ৪৯-৫০; হুঃ মার্চ ২০০৩ প্রশ্নোত্তর ৪০/২২৫)।

**প্রশ্নঃ (২৩/১৪৩)ঃ** 'তাকবীরে তাহরীমা'র পর ছানা পড়ার সময় اللهم باعد بيني وبينك

এ দো'আ পড়া উত্তম হবে?

-আব্দুর রহমান  
জয়ন্তীবাড়ী, বগুড়া।

**উত্তরঃ** 'বায়েদ বায়নী' হাদীছটি বুখারী ও মুসলিমে বর্ণিত এবং এর মধ্যে বান্দার প্রার্থনা বর্ণিত হয়েছে (মিশকাত হা/৮১২)। সে হিসাবে সনদ ও প্রার্থনার বিবেচনায় 'বায়েদ

বায়নী' পড়া উত্তম হবে। 'সুবহানাকা আল্লাহুমা' তিরমিযী ও আবুদাউদে বর্ণিত (মিশকাত হা/৮১৫) এবং এর সনদ সম্পর্কে ইমাম তিরমিযী ও ইমাম বুখারী দুর্বল হওয়ার দিকে ইঙ্গিত করেছেন। তবে অন্যান্য সূত্রের বিবেচনায় শায়খ আলবানী হাদীছটিকে 'ছহীহ' বলেছেন (মিশকাত হা/৮১৫-এর টীকা; মির'আত হা/৮২১, ৩/৯৪)। 'বায়েদ বায়নী'র হাদীছটি সনদের দিক দিয়ে صحيح বা বিশুদ্ধতম। তাছাড়া আল্লাহর রাসূল (ছাঃ) সর্বদা এটির উপরে আমল করতেন বলে হাদীছের বর্ণনায় ইঙ্গিত পাওয়া যায়।

**প্রশ্নঃ (২৪/১৪৪)ঃ** আমি মুসলমানের ঘরে জন্ম নিলেও আমার দ্বারা যেসব কথা ও কর্ম ঘটেছে তাতে ঈমান নষ্ট হয়ে যায় এবং মানুষ কান্ধের হয়ে যায়। এখন আমার কল্পণীয় কি? শুধু তওবা করলে হবে, না পুনরায় ইসলাম গ্রহণ করতে হবে?

-আব্দুর রশীদ  
দিনাজপুর।

**উত্তরঃ** আপনি যদি আপনার কথা ও কর্ম দ্বারা নিজেকে 'কাফির' বলে মনে করেন, তাহলে আপনি একজন মুত্তাকী ও সুল্লাতপন্থী আলেমের নিকটে গিয়ে তওবা করে ইসলাম গ্রহণ করুন (মুসলিম, মিশকাত হা/২৮)। আর যদি 'গোনাহে কবীরা' করেছেন বলে মনে করেন, তাহলে নিজে নিজে অনুতপ্ত হয়ে আল্লাহর নিকটে তওবা করুন ও ক্ষমা প্রার্থনা করুন (যুমার ৫৩)।

**প্রশ্নঃ (২৫/১৪৫)ঃ** মানুষ মারা যাওয়ার পর সাধারণতঃ মাথা উত্তর দিকে ও পা দক্ষিণ দিকে রেখে কাপড় দ্বারা ঢেকে রাখা হয়। কিন্তু জনৈক আলেম মুৎফকে কিবলামুখী রাখতে গিয়ে পা পশ্চিম দিকে রেখে কয়েকটি বালিশে হেলান দিয়ে কিবলামুখী রাখার কথা বলেন। এ বিষয়ে সঠিক সমাধান জানিয়ে বাধিত করবনে।

-আলহাজ্জ আব্দুর রহমান  
রাজপুর, কলারোয়া, সাতক্ষীরা।

**উত্তরঃ** মৃত ব্যক্তিকে দাফনের পূর্বে কিবলামুখী করে রাখা বা না রাখা উভয়ই জায়েয। জাবির বলেন, আমি শাবীকে জিজ্ঞেস করলাম মৃত ব্যক্তিকে কিবলামুখী করে রাখা সম্পর্কে। তিনি বললেন, ইচ্ছা করলে তাকে কিবলামুখী করে রাখতে পার বা নাও পার (ইবনু হা'যম আন্দালুসী, মুহালা, ৩/৪০৫ পৃঃ মাসআলা নং ৬১৬; দৃষ্টব্যঃ হালাতুরা রাসূল পৃঃ ১১৯)।

**প্রশ্নঃ (২৬/১৪৬)ঃ** কবর খনন করলে কি নেকী হয়? আমাদের দেশে একটি কথা প্রচলিত আছে, যে ১০০টি কবর খনন করবে সে বিনা হিসাবে জান্নাতে যাবে। কথাটির সত্যতা জানতে চাই।

-মুহাম্মাদ নাহিরুদ্দীন  
বাউসা, বাঘা, রাজশাহী।

**উত্তরঃ** উল্লেখিত কথাটি ভিত্তিহীন। তবে কবর খনন করা

নিঃসন্দেহে নেকীর কাজ। এজন্য ঐ ব্যক্তি অশেষ ছুওয়াবের অধিকারী হবেন। কেননা আল্লাহ বলেন, নেকীর কাজে তোমরা পরস্পরে সহযোগিতা কর... (মায়েরাহ ২)।

**প্রশ্নঃ (২৭/১৪৭)ঃ** বন্যা কবলিত এলাকায় বিদেশী এনজিওগুলি আমাদেরকে আর্থিক সহযোগিতা দিতে চায়। আমরা এগুলো গ্রহণ করতে পারব কি?

-মুহাম্মদ রহমান  
শান্তি ফার্মেসী  
আখড়াখোলা বাজার, সাতক্ষীরা।

**উত্তরঃ** অমুসলিমদের সাহায্য-সহযোগিতা গ্রহণ করা জায়েয। আবু হুমায়দ (রাঃ) বর্ণনা করেন, 'আয়লার শাসক নবী করীম (ছাঃ)-কে একটি সাদা খচ্চর উপহার দিয়েছিলেন। নবী (ছাঃ) তাকে একখানা চাদর হাদিয়া দিয়েছিলেন এবং সেখানকার শাসক হিসাবে তাকে সনদ লিখে দিয়েছিলেন' (বুখারী ১/৩৫৬ মুশরিকদের হাদিয়া গ্রহণ করা অনুচ্ছেদ)।

**প্রশ্নঃ (২৮/১৪৮)ঃ** জনৈক মুফাসসিরে কুরআন এক তাকসীর মাহফিলে বলেন, ইস্রাফীল (আঃ) সিংসায় ফুক দিলে দুনিয়া ধ্বংস হয়ে যাবে এমন কি কুরআনও ধ্বংস হবে। কিন্তু ইস্রাফীল (আঃ)-এর কপালে আল্লাহ যে ত্রিশ পারা কুরআন লিখে দিয়েছেন তা ধ্বংস হবে না। প্রশ্ন হচ্ছে ইস্রাফীল (আঃ)-এর কপালে লিখিত কুরআনের কোন দলীল আছে কি?

-মুহাম্মাদ ফয়লুর রহমান  
উত্তর কাটিয়া, সাতক্ষীরা।

**উত্তরঃ** উক্ত বক্তব্য ভিত্তিহীন ও বানোয়াট। যার প্রমাণে কোন দলীল পাওয়া যায় না। এদিন লাওহে মাহফূয-এর কুরআন ব্যতীত দুনিয়ার সমস্ত লিখিত কুরআন ধ্বংস হয়ে যাবে। আল্লাহ বলেন, 'যমীনের উপরে যা কিছু আছে, সবকিছু ধ্বংস হবে। কেবলমাত্র তোমার প্রভুর চেহারা ব্যতীত' (রহমান ২৭)।

**প্রশ্নঃ (২৯/১৪৯)ঃ** আমার জ্বীর সাথে আমার মাঝে মাঝে ঝগড়া-বিবাদ হোগেই থাকে। আমি একদিন রাগের মাধ্যম আমার জ্বীকে বলে ফেলি যে, তুই যদি আমার গায়ে হাত দিস তাহলে আমি তোর বাবা। এমতাবস্থায় কি 'যিহার' সাব্যস্ত হবে?

-মুহাম্মাদ ফরহাদ মাহমুদ  
গুবিরপাড়া, তানোর, রাজশাহী।

**উত্তরঃ** 'যিহার' কেবলমাত্র মায়ের সাথে খাছ। অর্থাৎ জ্বীকে মায়ের পিঠের সাথে তুলনা করা। অতএব প্রমোদিত উক্তি দ্বারা যিহার সাব্যস্ত হবে না। তবে এ ধরনের অন্যায ও অশালীন কথাবার্তা থেকে তওবা করা ও বিরত থাকা অপরিহার্য (দ্রঃ নায়মুল আওত্বার ৮/৬০ 'যিহার' অধ্যায়)।

**প্রশ্নঃ (৩০/১৫০)ঃ** মুসলমানদের দোকানঘর অমুসলিমরা ভাড়া নিয়ে সেখানে তাদের ধর্মীয় অনুষ্ঠানাদি পালন করলে যে পাপ হবে তা কি জায়গাওয়ালার উপর

বর্তাবে?

-মুহাম্মাদ আবু মুসা  
পাঠানপাড়া বাজার  
ক্ষেতলাল, জয়পুরহাট।

**উত্তরঃ** গান-বাজনা সহ যেকোন অন্যায় অশ্লীল কাজের জন্য এবং অমুসলিমদের ধর্মীয় অনুষ্ঠান পালনের জন্য দোকান ভাড়া দিয়ে তাদের সেই শরী'আত বিরোধী কার্যকলাপে সহযোগিতা করা যাবে না। মহান আল্লাহ বলেন, 'তোমরা সৎকর্ম ও আল্লাহভীতিতে পরস্পরে সহযোগিতা কর এবং পাপ ও সীমালঙ্ঘনের কাজে সহায়তা করো না' (মায়েরাহ ২)। অতএব এসব অন্যায কাজে দোকান ভাড়া দেওয়া থেকে বিরত থাকা কর্তব্য।

**প্রশ্নঃ (৩১/১৫১)ঃ** হিন্দুদের লাশ পোড়ানোর শাশানে মুসলমানদের কবরস্থান বানানো যাবে কি?

-শরীফুল ইসলাম  
দেইলপাড়া  
রূপগঞ্জ, নারায়ণগঞ্জ।

**উত্তরঃ** উক্ত স্থানটি যদি হিন্দুদের মালিকানা মুক্ত হয়, তবে সেটিতে কবরস্থান বানাতে শারঈ দৃষ্টিকোন থেকে কোন নিষেধাজ্ঞা নেই। কারণ অমুসলিমদের নিকট থেকে খরিদকৃত জমির কবরস্থানের কবর উঠিয়ে ফেলার পর সেখানে মসজিদ বানানো শরী'আতে জায়েয রয়েছে (বুখারী ১/৬১৭ঃ 'হালাত' অধ্যায়)।

**প্রশ্নঃ (৩২/১৫২)ঃ** বাগদাদে কি কবরের আযাব মাফ? আমাদের নবী করীম (ছাঃ) এবং ওয়ায়েস কুরনী কি একই যুগের মানুষ?

-ফরহাদ হোসায়েন  
আমীরপুর, খুলনা।

**উত্তরঃ** বাগদাদে কবর আযাব মাফ নয়। এরূপ আক্বীদা পোষণ করা কুফরী। ওয়ায়েস কুরনী রাসূল (ছাঃ)-এর যুগের লোক। তবে রাসূলুল্লাহ (ছাঃ)-এর সাথে তার সাক্ষাত হয়নি। যার কারণে তিনি ছাহাবী নন, তাবেঈ হিসাবে গণ্য। ওমর ইবনুল খাত্তাব (রাঃ) বলেন, রাসূলুল্লাহ (ছাঃ)-কে আমি বলতে শুনেছি নিশ্চয়ই তাবেঈদের মধ্যে সবচেয়ে উত্তম ব্যক্তি হচ্ছে ওয়ায়েস কুরনী (মুসলিম, মিশকাত হা/৬২৫৭)। অন্য এক বর্ণনায় রাসূলুল্লাহ (ছাঃ) বলেন, 'ইয়ামান হ'তে তোমাদের নিকট এমন ব্যক্তি আসবে যাকে ওয়ায়েস বলা হয়' (মুসলিম, মিশকাত হা/৬২৫৭)।

**প্রশ্নঃ (৩৩/১৫৩)ঃ** তাশাহহুদ অবস্থায় জামা'আতে শরীক হ'লে ইমামের সাথে তাশাহহুদ পড়তে হবে কি?

-এনামুল হক্ক  
শঠিবাড়ী, মিঠাপুকুর, রংপুর।

**উত্তরঃ** তাশাহহুদ অবস্থায় জামা'আতে শরীক হ'লে ইমামের সাথে তাশাহহুদ ও বাকী দো'আ পড়তে হবে। রাসূলুল্লাহ (ছাঃ) বলেন, ইমাম নির্ধারণ করা হয় তার

অনুসরণ করার জন্য। কাজেই তোমরা তার বিপরীত কর না (বুখারী, মুসলিম, ইরওয়া হা/৫৩৬)।

**প্রশ্নঃ (৩৪/১৫৪)ঃ একই ছালাত মসজিদে জামা'আতবদ্ধ ভাবে একাধিকবার অনুষ্ঠিত হ'তে পারে কি? আলবানী (রাঃ) বলেছেন পারে না।**

-আতাউর রহমান  
সন্ন্যাসবাড়ী, বান্দাইখাড়া, নওগাঁ।

**উত্তরঃ** একই ছালাত জামা'আতবদ্ধভাবে একাধিকবার অনুষ্ঠিত হ'তে পারে। আবু সাঈদ খুদরী (রাঃ) বলেন, একজন লোক মসজিদে আসল, এমতাবস্থায় রাসূলুল্লাহ (ছাঃ) ছালাত আদায় করে নিয়েছেন। তখন রাসূল (ছাঃ) বললেন কোন ব্যক্তি এই লোককে ছাদাঙ্কাহ করবে কি? অর্থাৎ সে তার সাথে ছালাত আদায় করবে কি? একজন লোক দাঁড়ালো এবং তার সাথে ছালাত আদায় করল (তিরমিযী, মিশকাত হা/১১৪৬; শাওকানী, নায়নুল আওত্বার ৪/৪৩ পৃঃ; ইমামের ছালাত আদায়ের পর মসজিদে জামা'আত করে ছালাত আদায় করা' অনুচ্ছেদ)। শায়খ আলবানী মিশকাতের হাশিয়ায় (হা/১১৪৬) ও শায়খ আহমাদ মুহাম্মাদ শাকির (তিরমিযীর হাশিয়ায় হা/২২০) ১ম জামা'আতের পরে ২য় জামা'আত শুদ্ধ হবে না বলে যে বক্তব্য রেখেছেন, তা ইজতিহাদ ভিত্তিক।

**প্রশ্নঃ (৩৫/১৫৫)ঃ আমি নিজে জমি চাষ করি না, বর্গা বা ভাগে দিয়ে থাকি। এমতাবস্থায় আমি কিভাবে ওশর বের করব?**

-আব্বাস আলী গান্ধী  
সোনাতন কাটি, শার্শা, যশোর।

**উত্তরঃ** নিজ ভাগের ফসল থেকে ওশর বের করতে হবে, যদি তা নেছাব পরিমাণ হয়। আল্লাহ তা'আলা বলেন, 'আমি তোমাদের জন্য জমি হ'তে যা উৎপাদন করি, তার যাকাত বের কর' (বাক্বারাহ ২৬৭)। আল্লাহ অন্যান্য বলেন, 'শস্য কাটার দিন তার হক্ক আদায় কর' (আন'আম ১৪১)। রাসূলুল্লাহ (ছাঃ) বলেন, 'উৎপাদিত শস্য পাঁচ ওয়াসাক্কে (প্রায় ২০ মনের) কম হ'লে যাকাত লাগবে না' (বুখারী, মুসলিম, মিশকাত হা/১৭৯৪)।

**প্রশ্নঃ (৩৬/১৫৬)ঃ আমি হেফয খানার একজন শিক্ষক। ক্বায়দা পড়া শেষ হ'লে কুরআন শুরু করার সময় ছাত্রদের কাছ থেকে মিষ্টি খাই এবং অন্যান্যদের খাওয়াতে বলি। এটা কি ঠিক?**

-আনাকুল ইসলাম  
চাঁদপুর, শিবগঞ্জ, চাপাই নবাবগঞ্জ।

**উত্তরঃ** কুরআন শুরু করার সময় খাওয়া বা খেতে দেওয়ার জন্য বলার কোন শারঈ বিধান নেই। তবে এটাকে খুশীর ব্যাপার মনে করে কিছু হাদিস্যার ব্যবস্থা করতে পারে কিংবা কিছু দান করতে পারে। কা'ব ইবনে মালেক (রাঃ) তার তওবা কবুলের সুসংবাদদাতাকে খুশী হয়ে দু'টি কাপড় দিয়েছিলেন এবং অনেক অর্থ সম্পদ আল্লাহর রাস্তায় দান করেছিলেন (বুখারী ২/৬৩৬ পৃঃ)।

**প্রশ্নঃ (৩৭/১৫৭)ঃ ঘুমের কারণে ফজরের ছালাতের সময় পার হয়ে যাচ্ছে, কিন্তু বিতর বাকী আছে। এমতাবস্থায় ফজরের ছালাত আদায় করব, না বিতর ছালাত আদায় করব?**

-ইদ্রীস আলী  
বাঁশদহা বাজার, সাতক্ষীরা।

**উত্তরঃ** এ অবস্থায় আগে ফজরের ছালাত আদায় করতে হবে, তারপর বিতর ছালাত আদায় করবে। ফজরের ছালাতের পর পরই আদায় করা যায়, সূর্যোদয়ের পরেও আদায় করা যায়। আবু হুরায়রা (রাঃ) বলেন, যখন ফজর হয়ে যাবে, তখন ফজরের দুই রাক'আত ছালাত ছাড়া আর কোন ছালাত আদায় করা যাবে না (আহমাদ, ইরওয়া হা/৪৭৮)। তিনি বলেন, রাসূলুল্লাহ (ছাঃ) বলেছেন, যখন তোমাদের কারো সকাল হয়ে যাবে এমতাবস্থায় যে সে বিতর পড়েনি, সে যেন বিতর পড়ে নেয় (বায়হাক্বী, ফিক্কুহস সুন্নাহ ১/১৪৮ পৃঃ 'বিতরের ক্বাযা' অনুচ্ছেদ)। আবু সাঈদ খুদরী (রাঃ) বলেন, নবী করীম (ছাঃ) বলেন, যে ব্যক্তি বিতর না পড়ে ঘুমাতে অথবা পড়তে ভুলে যাবে, সে যেন স্মরণ হওয়া মাত্র আদায় করে' (আবুদাউদ, ফিক্কুহস সুন্নাহ ১/১৪৮)। অত্র হাদীছ দ্বয় দ্বারা প্রমাণিত হয় যে, বিতরের ক্বাযা আদায় করতে হবে।

**প্রশ্নঃ (৩৮/১৫৮)ঃ ইয়াওমুল আরাফার ছিয়ামের ফযীলত কি? চন্দ্র মাসের কত তারিখে উক্ত ছিয়াম রাখতে হয়? এটা আমাদের দেশের চাঁদের হিসাবে রাখতে হবে? না আরব দেশের চাঁদের হিসাবে রাখতে হবে?**

-মুহাম্মাদ নাজমুল হাসান  
বাঁশদহা বাজার, সাতক্ষীরা।

**উত্তরঃ** আরাফার দিন ছিয়াম পালন করলে একবছর পূর্বের এবং এক বছর পরের (ছগীরা) গুনাহ মাফ করা হবে (মুসলিম, মিশকাত হা/২০৪৪)। উক্ত ছিয়াম পালনের জন্য যেমন কোন তারিখ উল্লেখ করা হয়নি, তেমন দেশ অনুপাতে চাঁদ দেখারও হিসাব করা হয়নি। বরং বলা হয়েছে 'আরাফার দিন' ছিয়াম রাখতে। কাজেই আমাদেরকে মক্কা শরীফের হিসাবে আরাফার দিন ছিয়াম পালন করতে হবে।

**প্রশ্নঃ (৩৯/১৫৯)ঃ জনৈক ছাত্র দেউবন্দ মাদরাসা হ'তে এক রুগার আংটি নিয়ে আসে এবং নিম্নলিখিত গুণের উপর বিজ্ঞাপন ছড়ায় (১) জিন হ'তে হেফযত থাকবে (২) কোন জাদুটোনা কাজে আসবে না (৩) কোন খারাপ তাবীয কাজে আসবে না (৪) মাথা ব্যথা হবে না। এ কথাগুলি কি সত্য?**

-হারুণুর রশীদ  
বায়তুল ইয়যত, সাতকানিয়া, চট্টগ্রাম।

**উত্তরঃ** যে আংটি দ্বারা রোগ আরোগ্যের আশা করা শিরক। কাজেই ঐ ছাত্রের এই বিজ্ঞাপন ছড়ানো গুনাহে কাবীরা হয়েছে। এতে সে নিজে পাপী হচ্ছে এবং অন্যকে পাপী করছে। রাসূলুল্লাহ (ছাঃ) বলেছেন, 'নিশ্চয়ই তাবীয

মাসিক আত-তাহরীক ১২ নং ৪র্থ সংখ্যা, মাসিক আত-তাহরীক ১২ নং ৪র্থ সংখ্যা, মাসিক আত-তাহরীক ১২ নং ৪র্থ সংখ্যা, মাসিক আত-তাহরীক ১২ নং ৪র্থ সংখ্যা, মাসিক আত-তাহরীক ১২ নং ৪র্থ সংখ্যা, মাসিক আত-তাহরীক ১২ নং ৪র্থ সংখ্যা, মাসিক আত-তাহরীক ১২ নং ৪র্থ সংখ্যা, মাসিক আত-তাহরীক ১২ নং ৪র্থ সংখ্যা

লটকানো শিরক' (আবুদাউদ, মিশকাত হা/৪৫৫২; আহমাদ, হাকেম, হুইফল জামে' হা/৬৩৯৪)। আল্লাহ তা'আলা বলেন, 'হে নবী আপনি ওদেরকে বলুন! তোমরা ভেবে দেখেছ কি? যদি আল্লাহ আমাকে কষ্ট দেওয়ার ইচ্ছা করেন, তবে তোমরা আল্লাহকে ছেড়ে দিয়ে যাদেরকে ডাক তারা কি সে কষ্ট দূর করতে পারবে? অথবা তিনি আমার প্রতি রহমত করার ইচ্ছা করলে তারা কি সে রহমত প্রতিরোধ করতে পারবে? আপনি বলুন, আমার জন্য আল্লাহ যথেষ্ট। তাঁর উপরেই ভরসাকারীগণ ভরসা করে থাকে' (যুমার ৩৮)। অত্র আয়াত দ্বারা বুঝা যায় যে, রোগ মুক্তির কাজ আল্লাহর, আংটির নয়।

ইমরান ইবনু হুসাইন থেকে বর্ণিত একদা নবী করীম (ছাঃ) 'এক ব্যক্তির হাতে আমার বালা দেখে বললেন, এটা কি? সে বলল, দুর্বলতার কারণে (ব্যবহার করছি)। রাসূলুল্লাহ (ছাঃ) বললেন, এটা খুলে ফেল কারণ এটা তোমার দুর্বলতা বৃদ্ধি করা ছাড়া আর কিছুই করতে পারে না। তুমি যদি মারা যাও আর এই বালা যদি তোমার হাতে থেকে যায়, তাহলে তুমি পরিত্রাণ পাবে না' (আহমাদ, হাদীছ হুইফ, কিতাবত তাওহীদ ৩৮ পৃঃ)। অত্র হাদীছ দ্বারা প্রমাণিত হয় যে, বালা বা আংটি রোগমুক্তির আশায় ব্যবহার করা হারাম, যার পরিণাম জাহান্নাম।

প্রশ্নঃ (৪০/১৬০)ঃ মাসিক 'আত-তাহরীক' জুলাই '০৪-এর মহিলাদের পাতা থেকে জানতে পারলাম যে,

গোলাম মুহতুফা অর্থ মুহতুফার বান্দা। এ নাম রাখা জায়েয নয়, এটি শিরকের পর্যায়ে পড়ে। কিন্তু জনৈক টাইটেল পাশ মৌলভীর নিকট জানতে পারলাম যে, গোলাম মুহতুফা অর্থ সম্মানিত বান্দা। তাহলে এ অর্থে গোলাম মুহতুফা নাম রাখা জায়েয হবে কি?

-মুহাম্মাদ মুহতুফা  
বরইতলা, কাজীপুর, সিরাজগঞ্জ।

উত্তরঃ মাসিক 'আত-তাহরীক'-এ 'গোলাম মুহতুফা'-কে مضاف و مضاف إليه তথা সহনাসূচক পদ-এর ভিত্তিতে ব্যবহার করে অর্থ নেয়া হয়েছে মুহতুফার গোলাম। এ দৃষ্টিতে 'আত-তাহরীক'-এ ব্যবহৃত অর্থ ঠিক আছে।

তবে গোলাম মুহতুফা কে موصوف وصفত তথা গুণবাচক পদ-এর ভিত্তিতে ব্যবহার করলে অর্থাৎ মুহতুফা শব্দটিকে যদি গোলাম এর বিশেষণ (صفت) ধরা হয়, তাহলে গোলাম মুহতুফা অর্থ দাঁড়াবে 'বাছাইকৃত বান্দা'। আর এ দৃষ্টিতে গোলাম মুহতুফা নাম রাখা যায়। কিন্তু উপমহাদেশে 'মুহতুফা' শব্দটি রাসূলের গুণবাচক নাম হিসাবে ব্যবহৃত হয়। আর সেদিকে সতর্ক করেই 'গোলাম মুহতুফা' নাম রাখা হয়। অর্থাৎ 'মুহতুফা মুহাম্মাদের গোলাম'। সেকারণে উক্ত নাম রাখা শিরকের পর্যায়ে পড়ে।

## তাবলীগী ইজতেমা ২০০৫

তারিখঃ ২৪ ও ২৫শে ফেব্রুয়ারী

১২ ও ১৩ ফাল্গুন ১৪১১

রোজঃ বৃহস্পতি ও শুক্রবার।

স্থানঃ নওদাপাড়া ট্রাক টার্মিনাল, রাজশাহী।

উদ্বোধনঃ ১ম দিন বাদ আছর।

ভাষণ দিবেনঃ

'আহলেহাদীছ আন্দোলন বাংলাদেশ'-এর কেন্দ্রীয় নেতৃবৃন্দ ও দেশ-বিদেশের খ্যাতনামা ওলামায়ে কেবরাম।

দলে দলে যোগ দিন, অহি ভিত্তিক সমাজ গঠনের শপথ নিন!

## আহলেহাদীছ আন্দোলন বাংলাদেশ

কেন্দ্রীয় কার্যালয়ঃ দারুল ইমারত আহলেহাদীছ, নওদাপাড়া (বিমান বন্দর রোড), ৫

ফোন ও ফ্যাক্সঃ (০৭২১) ৭৬০৫২৫, ফোনঃ ৭৬১৩৭৮, ৭৬১৭৪১, মোবাইল -০১৭১ ৫৭৮